

明英宗實錄

卷一一六至一六一

正統九年五月至十二年十二月

陝西寧夏衛靈州土官指揮韓鵬俱來朝貢馬賜宴及綵幣表
裏等物有差○降工部右侍郎夏為廣西柳州府知府夏坐
侵盜官物事覺下獄當為民既而遇赦又以丁母喪去至是服
闋吏部以為言上曰是職居大臣不取穿窬玷污朝列其降
黜外職○陝西金山迨東等處連賊入寇指揮金事尸禡等八
十人俱陣亡命有司致祭仍恤其家給賜銀兩絹布等物有
差○降河南按察司僉事孔諤為雲南廣南府通判諤因公杖
殺人例輸贖還職吏部以為言上曰諤用刑過暴不可復任
風紀其降黜之○丙辰南京鷹揚衛帶俸署都指揮金事盛琦
老疾以其子剛化為指揮同知○丁巳革廣東韶州府英德縣
河泊所○戊午琉球國使臣梁回進貢還奏乞一海船以便歲
時朝貢從之○禮部尚書胡濙年七十乞致仕上念先朝舊

犯在赦前命都察院移文責而宥之○請遣伯王驥等執麓川
叛賊思機發男莖蓋等至京命宥莖蓋等四人死沒入御馬監
養馬餘十二人謫戍口外邊衛○壬子擢進士陳純為戶部河
南司主事○命雲南鶴慶軍民府儒學訓導楊應復任應九載
秩滿赴吏部生徒數十人言應訓誨有方乞留復任同知趙璣
以聞故有是命○命故孝陵衛指揮使鄒興子福羽林前衛指
揮使張禮弟永郭能子瑛指揮同知郭罕帖木兒子刺吉金吾
左衛指揮同知孫勝弟旺金吾後衛指揮僉事劉玉子聚俱襲
職燕山右衛指揮同知胡寬子敬金吾後衛指揮同知劉全子
海金吾左衛指揮僉事崔信子通俱代職○巡撫河南山西大
理寺左少卿于謙奏河南山西今歲旱災凡一應買辦及夏稅
屯糧俱乞停免減徭以寬民力既而山東東昌等衛北直隸真

定等府亦各訴旱災下戶部議宜令各司府州縣該運在京大小二麥及各漣折布者仍舊運餉餘本色并折色俱量數停減從之○癸丑免直隸淮安府所屬州縣旱傷夏麥五萬五千餘石○勅雲南總兵官石都督沐昂等曰得靖遠伯王驥及爾等奏議留招賽及其母妻安置雲南并遣頭目刀木立刀怕李歸撫虎尼今悉如所言招賽等量加優恤毋令失所刀木立等量與賞賜視以大義令回原管地方撫安妻子人民仍令與恭項等體念朝廷恩待之意同心圖報緝探殘寇思機發父子聲息遇彼出沒乘機擒捕以絕一方之患有功必重陞賞○甲寅端陽節賜文武百官扇及宴○安南國王黎濟遣陪臣程昱來朝貢金銀器皿及方物○扣寧王部下頭目吞罕卜等八十九人來歸賜銀鈔鍊帶表裏等物有差○直隸保定府新安縣言縣

城南古有長溝河西通徐曹二河東連雄縣直沽近為決土淤塞者數里請發丁夫疏濬從之○致仕兵部左侍郎鄭辰卒辰字文樞浙江西安縣人永樂中進士授監察御史江西安福民有告謀逆者辰性廉之得其証狀控以罪谷庶人有異謀遣辰陰察其虛實比還 太宗召至使殿親詢之辰語莫不執之狀甚悉尋擢山西按察使賜楮幣馳傳之任潞州盜起朝廷徵遣兵往討辰謂此貧民懼徭役竄入山谷閉者不宜加兵乃躬往撫諭遂皆安業召陞工部左侍郎奉勅考察雲南四川方面官還濬漕河有言宜自大名開渠通衛河以便行舟辰以勞民奏罷之正統中遷兵部左侍郎兩歷九載以疾致仕至是卒命有司營葬遣官賜祭○乙卯哈密忠順王倒瓦答失里遣指揮把魯等赤斤蒙古衛指揮同知鎖合者烏思藏刺麻加八僧宜等

陝西寧夏衛靈州土官指揮韓鵬俱來朝貢為賜宴及絲帶表
裏等物有差○降工部右侍郎夏為廣西柳州府知府夏坐
侵盜官物事覺下獄當為民既而遇赦又以丁母喪去至是服
闋吏部以為言 上曰是職居大臣不取穿窬玷污朝列其降
黜外職○陝西金山迤東等處連賊入寇指揮金事戶禰等八
十人俱陣亡命有司致祭仍恤其家給賜銀兩絹布等物有
差○降河南按察司僉事孔諤為雲南廣南府通判諤因公杖
殺人例輸贖還職吏部以為言 上曰諤用刑過暴不可復任
風紀其降黜之○丙辰南京鷹揚衛帶俸署都指揮僉事歐琦
老疾以其子剛代為指揮同知○丁巳革廣東韶州府英德縣
河泊所○戊午琉球國使臣梁回進貢還奏乞一海船以便歲
時朝貢從之○禮部尚書胡濙年七十乞致仕 上念先朝舊

臣況精力未衰特留任叅○戶部言本部先委官驗視永平并山海衛倉麓雜鹽糧今已驗實其納米客高五百五十二人宜行各原籍追問罰米官攜斗級人等二百九十九人俱官治罪上曰若一際提問折罰不免累及良善客高其宥之官攜人等聽巡按御史鞠治奏聞虛分仍戒所司今後收糧有不如法者俱重罪不宥○已未廣東按察使郭智奏沿海備倭官軍宜以每月朔望於小海內駕船操習水戰從之○刑部郎中郭恂員外郎陸瑜奏蒙推選臣等審南北直隸獄囚乞令法司錄付重獄原詞以憑詳審其已辯者暫釋桎梏聽候裁決若理刑官有受財枉法者文職五品以上亦乞許臣執問上俱從之但令已辯重獄仍鞫禁之○刑科給事中陳傅以天下數獄既皆命官會鞫請兩京亦如之上命左副都御史張琦往南京命刑

糾給事中王鐸同三法司堂上官錄在京者三法司復援例請
內官會錄不允既而琦在道疾甚以刑部侍郎馬昂代焉○庚
申巡按陝西監察御史蔣誠奏肅王璉焰披髮持杖登城請治
承奉長史等官防護不嚴之罪上雅知王惠風宥之不問○
大同總兵官武進伯朱冕等奏大同地方廣遠密迤敵境近茅
胡虜孺矜往來之間多縱虎橫難云通好其實懷毒所宜預加
兵備今本處軍馬止有二萬四十六百餘人內分天城等六處
守備外左叅將石亨等願四千人守備東西二路餘存大同若
居常無事則可倘賊勢奔突分寇恐策慮不給况馬隊充火師
旅之興步軍持重守營而馳驟速勦克敵制勝惟馬是賴請以
大同原調步軍二千四百人往山西行都司屯田者仍舊遣回
選其半為馬隊更於山西河南操備步軍內選一千五百人為

馬隊赴京願馬分中東西三路操練庶軍威大振戰守無虞從之○辛酉 仁宗昭皇帝忌辰遣官祭 款陵○命刑部右侍郎丁鉉復職以毋喪服闋也○鎮守陝西都督鄭瑄等奏陝西屯軍選操在城者先已准給糧賞今戶部以屯軍戶有人丁代種田者欲止不給緣陝西連年亢旱餘丁子粒尚且負欠正軍供給復何所需乞仍舊給賞為便 上曰陝西天旱軍士艱難應得糧賞仍與之○壬戌給代府靈立王遜炷糧米歲二十石朱欽兼支○給賜興安侯徐亨平鄉伯陳懷招遠伯馬亮忠勇伯蔣信誥券追封三代○大理寺左評事王亮奏凡坐偷盜充軍邊衛者率多逃亡無益邊備乞改內地刑部議此類如充軍內地是倚以姑息餘無警懼亮言難從 上是之○初浙江湖州府烏程等五縣俱被水患有司遲於申報其該徵糧草不得

除豁戶部復移文促完巡撫侍郎周忱言如此則民愈困矣乞折徵銀從之○癸亥陝西西安衛致仕百戶王聚奏子璽見任百戶被叅政李富酷刑蛋死富奏指揮胡昇等嗾聚陷已至是巡按御史等官言聚自誣富富妄奏昇自鎮守總兵至府縣官又皆上疏為富伸理且盛陳富足邊公勤有方上命宥富罪但俸俸三月○大理寺左寺丞廖莊言直隸軍民詣京陳訴似非薰越而法司有如例論充軍者有如例論以贖徒者坐罪同而援例殊上詰問法司都察院言汝朝廷機密重事者非越訴小事擅動竇封募人轉遞主使教唆誣捏者為越訴今論贖徒者告大惡也論充軍者告小事也莊所言者乃直隸德州衛軍姜肆現吉本管千戶楊衍科歛小事今赴京是為越訴上曰贖徒者所告雖大惡然豈機密事充軍者亦豈例意例明云

小事擅動實封券人轉逆主使教唆誣捏者為越訴充軍爾等不之詳察以論不告親管上司者及朕詰問又多飾詞論法不可恕今姑識之後此更爾致刑罰失當必罪不宥○巡按直隸監察御史吳鑑按漕運官酷虐軍士之罪 上命都察院治之且曰漕運官恣肆總兵官何不禁約其檄責武興筆戒其母仍縱官虐人○巡按四川監察御史陳員韜等奏番寇著火等糾衆劫殺軍民臣等令指揮使徐貴同副師高巴等往各寨諭之已從撫化然蠻性不常宜嚴守備松潘南先結溝南等處皆賊人山沒要路請設平夷靖夷善安三堡各撥官軍二百五十人守之半歲一更其鎮守官都指揮僉事王果高廣請令一員巡視各關堡往來提督一月一更庶兵備整飭又按察司僉事朱良巡察邊務兼理糧事然地里遼遠不能周歷請設布政司官一

員督糧 上曰蕃人雖已從化方面官仍以時巡視盡心整飭
遇有不靖即與王采等相機撫捕毋貽邊患管糧設恭議一員
吏部推選以聞○夜月食○甲子先是命文武大臣擊京衛反
各都司衛所武臣五府同兵部試以弓馬及策問得其優者指
揮使許賁正千戶朱敬副千戶韓鑑百戶施能吳誠中四矢以
上者署都指揮金事李貴指揮陶瑾等十七人千戶張諒等四
人至是太保成國公朱勇等第其名以聞 上命許賁等五人
陞署職二級餘陞署職一級仍從朱勇等提督操練以俟擢用
○乙丑命工科給事中白珠掌本科事○命湖廣德安府經歷
張孟昇復任陞正七品俸孟昇九載秩滿去任屬民數百人累
章保其律已奉公祛革姦弊乞留復任事下巡按御史并布按
二司覆驗其實故有是命○丙寅命故前軍都督府布都督韓

僖子鉞襲為指揮使○陞哈密衛都指揮使脫脫不花為都督
倉事從忠順王倒瓦答失里奏請也○丁卯命刑部右侍郎丁
鉉光祿寺寺丞呂泰往四川備運茶課時戶部奏陝西西寧河
州洮州等衛所屬各番族番民例應三年一次納差發馬一萬
四千五十餘匹合用茶償其價宜預遣官往四川保寧等府備
運茶赴陝西西寧等茶馬司交收以俟故有是命○江西饒州
府造青龍白地花瓶殿臺不堪太監王振言於上遣鄴衣衛
指揮往杖其提督官仍物內官齎樣赴饒州更造之○巡按山
西監察監御史吉慶奏山西布政司豐贍庫內官數六十餘萬
朽爛成灰臣見本處每歲買辦并折俸賞給支數不敷不知比
先緣何不依次支給以致無用寧非經該官攬作獎乞差官查
理定寃又山西存留太原府大盈倉糧一十餘萬正欲供給軍

士近體得提調及官擯人等通同作弊多將練批中半蠶米一
際混收軍士不得養贖乞勅該部委官看驗若有虧折責監收
官陪償庶有所警奏下戶部議請差官一員往同布按二司官
查理看驗追陪 上以差官恐致勞擾就令巡撫火卿于謹整
理倉糧果多不堪支用奏來區畫○戊辰陞戶部廣東司主事
高鵬為工部都水司郎中專理河渠○賞左叅將都督楊洪等
官軍八千一十四人絳幣銀兩絹布有差以逆北殺賊功也○
命給罕東衛已故都指揮同知緯兒加男賞卜兒加茶百斤米
二十石麻布二十五疋時賞卜兒加以其父故齋番文告乞齋
糧食茶行都司以聞 上以緯兒加嘗効力邊鄙宜有恤典遂
允所請○乙巳琉球國王尚忠遣通事蔡讓等占城國王摩訶
賁該遣使臣芙蓉留該等俱來朝貢馬及方物賜宴并絳幣等物

有差○給大同馬隊官軍馬二千七百匹○復設廣東肇慶府
四會縣稅課局以本縣奏復設之使也○華湖廣郴州驛以山
深路僻使客不經故也○庚午韓王罷祀薨王韓恭王第三子
母八人鄧氏正統二年封開城王八年襲封韓王至是薨享年
二十有五訃聞 上臨視鑿日遣中官致祭謚曰懷命有司營
葬事○靖江王府輔國將軍贊俊卒祿米例應位支家口八十
餘人無所仰食廣西布政司以為言 上命給之如故○雲南
總兵官右都督沐昂等奏緬甸黨蔽賊首思機發謫詐萬狀欲
再興師征勦謀海隅地僻情險固未易攻克况軍民連年征
道財力困弊兼以旱澇相仍糧餉亦乏未可輕舉其麓川未降
頭目恭項等嘗為我軍綁道深入賊巢擒其妻孥已與地方分
守宜令緝捕思機發仍遣土官數人往木邦令宣慰罕蓋法遣

人同至緬甸諭以禍福俾傳獻職首仍令管束夷民若罔拒朝
命候擇胸有積軍民火魁再議進取之策 上從之○辛未勅
諭刑部右侍郎馮昂及南京三法司堂上官曰朕惟刑乃國家
輔治之具重刑允民命所關肆即位以來祗體 天地好生之
心 祖宗仁厚之政教過宥罪惡從寬典致戒中外法司務存
欵恤毋事深刻期在刑當其罪善知所勸惡知所懲近聞囹圄
中重獄頗多蓋爭訟者惟構詞以圖誣陷鞠獄者或智識有所
不周毫釐之差死生之決 天鑒孔昭朕心惓切在外囚繫已
命迭按御史及按察司官清理况犖轂之下豈容寬濫今特命
爾昂前去南京會同三法司堂上官審實諸司重囚其間果有
情輕而議重者有情可矜法可疑所司徇於成案不與分辯者
並與審覆其實奏聞以憑處置爾等宜同志協慮必公必明必

存敬畏用副朕心若情得其實議擬當罪使人無寃惟爾之能
或徇私自用推避利害致有寃抑即爾之辜明有國憲坐有鬼
神爾等其敬慎之合行之事并列于後一會審之際原問該道
該司官吏不許干預或有故入失入等罪悉宥不問爾等亦不
必糾舉其該吊查崇卷俱令用印封識付首領官送爾等處查
考一重囚執稱寃枉不肯承認及有恚異必須照勘者爾等即
令原問衙門錄其原發及番異情詞行移彼處巡按御史及按
察司審刑官令拘集里老親隣旗甲人等審勘務得實情徑自
具奏一爾等各於本衙門選揀通曉文筆勤謹監生二三名跟
隨書寫不許帶辦事官吏一好生惡死人之同情其有真情實
犯之人證佐已明議擬已當情無可矜罪無可疑者不許聽強
辯飾非展轉及攀指誣陷平人一獄囚有見照勘未至及已審

過應行勘者今夏暑方盛令原問衙門暫釋重繫監收俟照勘
至日發落一審實畢日爾昂與三法司公同具本爾昂齎來復
命○浙江提督海道署都指揮僉事金玉有疾命杭州前衛指
揮同知脫綱署都指揮僉事事往代之仍聽總督都指揮使李
信節制○壬申朝鮮國王李禔遣陪臣黃裕等來朝貢馬及方
物賜宴及練幣表裏等物有差○召提督遼東軍務左副都御
史王黼還京○先是戶科給事中李素等覈奏巡撫侍郎周忱
不遵成規妄意更變穿擅徵科掊多益寡乞正其欺罔之罪以
為將來之戒 上命姑記其罪俾圖自新至是忱奏臣本以微
職荷蒙任使緣直隸蘇松常州各府稅糧繁重自永樂初年至
宣德七年以前並無一半納完者臣受命以來風戾恐懼是以
不避嫌疑違越常例令各府縣於水次置立倉場將一應稅糧

連其食用船錢加耗米俱收於內見數撥還積有餘剩付有司賑濟貧民及買辦軍需公用近八九年間方得總足通關繳報臣妾作聰明擅為更變罪犯深重死有餘辜不勝恐懼之至上謂戶部臣曰忱舊加耗米既為公用悉寘不問今後仍令忱提督有司勘實貧富等第貧者止收正米富者酌量加耗具數來聞庶不負累貧民若有當用以甦民力明白支銷洵區畫得宜稅糧無欠官有稽考民不受害敢有不才有司及里糧人等通同侵欺聽忱及巡按御史究問○廣東崖州守禦正千戶陳政聞黎賊出沒同副千戶洪瑜領軍追捕乃圍熟黎村黎首出見政等輒殺之又令軍旗孫得等十五人焚其廬舍殺其妻孥數人擄其財物致各黎激變政及官軍百人皆為所殺巡按監察御史趙忠鞠瑜等罪應斬上命忠同三司再讞之瑜果無

寬依律處決孫得等俱宥死杖一百發充廣西邊衛軍○癸酉詔停徵浙江杭州嘉興紹興溫州台州五府屬縣被災秋糧十四萬五千五十餘石馬草六百六十餘包台州屯田糧一千六百六十石有奇又以台州府并所屬未盈倉被水滄沒腐爛不堪米麥十四萬六千九百餘石給民糶田每石折收秋三貫俱從戶部奏請也○後軍都督僉事陳友率兵出境至阿良哈山橋來等口招撫蓮子荅罕卜等四百八人來歸賜絲幣襲衣等物○改福建都營江批驗鹽引所為柳營江巡檢司隸龍溪縣從巡按監察御史鄭顯言也○左軍都督僉事曹儉卒 上輟視朝一日遣官賜祭命有司營葺○夜昏刻火星犯左執法○乙亥復除山東道監察御史齊韶於河南道廣西道監察御史馮傑於貴州道俱以親喪服闋故也○命湖廣襄陽府均州知

州王從復任陞從四品俸從九載秩滿當陞巡按御史馬恭等
言民數百人訴稱從勸廉撫字有方乞留復任 上從其請故
有是命○四川布政司奏叙州府高縣筠連茶課司茶不堪易
馬運羊收積無用事下戶部覆議以為宜裁革茶課司其原收
茶每一斤折致一貫准作官員俸糧從之○丙子陞直隸揚州
府泰州判官王思是為本州同知思是專理馬政會州同知缺
員軍民一千九百餘人訴保思是公勤才幹堪任其職巡按御
史王瑛以聞事下吏部言以未及九載例不應陞其缺已除官
補之矣 上曰司民牧而得民心正宜超擢以示勸何以例為
其從之新任者召回調用○河南都指揮僉事崔智老疾以其
子宣代為指揮僉事○命都指揮同知張泰協同寧夏總兵官守
備署都指揮僉事施雲字備禦營事俱從總兵官都督黃真言

也○陝西都指揮僉事宋成生占所部田宅贖杖還職○丁丑
勅諭緬甸軍民宣慰使司宣慰使莽得剌男卜剌浪馬哈者以
速剌及大小頭目人等曰近者爾奏麓川叛寇思任發為爾所
獲已監於阿尼城中即欲解來恐中途為賊黨所劫乞官軍於
貢章接取朝廷從爾所請豈意爾等反覆不常謫詐百出令人
得報聲息窺覷虛實總兵等官灼見爾情拘留來人為質待爾
執思任發至即皆遣還爾乃率其黨類襲擊官軍似此不忠不
義天地所不容鬼神所共怒今大小將士咸請興師往正國典
朕念大軍所臨未免傷及無辜姑遣勅諭爾宜體念朝廷寬待
之意思保全爾一方生靈之命即將賊首思任發押送雲南則
宥爾罪仍加陞賞思待如舊若復冥頑不悛必命總兵等官統
率精兵順江而下分截海道水陸並進誅爾及爾父母妻子戮

爾人民屠爾城寨夷爾境土此時雖悔已無及矣且爾緬甸自
我祖宗以來開設衙門除授官職掌管地方人民爾之祖父
世效忠誠恭脩職貢今爾甘心與賊為黨罪莫大焉麓川賊首
謀為不靖父子寃身妻妾不保亡家喪土殃及種類爾等不以
為鑑而乃欲效之是欲自取禍也嗚呼敬 天事大保全生靈
者天必祐之黨惡構兵殃及無辜者天必誅之爾一方生靈禍
福在爾等一轉移之間時不可暫失思不可再得爾等其深省
之○勅諭本邦軍民宣慰使司土官宣慰使罕蓋發及大小頭
目人等曰爾本邦自我祖宗開設宣慰司以來爾祖爾父世
初忠誠近因麓賊不道爾克遵朝命躬率所部夷兵協同官軍
殺賊其忠誠尤為可嘉今賊首為緬甸所獲緬甸黨比匿藏肆
其狡惡朕未忍加誅姑遣勅諭爾等宜體朕安邊之心及爾父

祖忠敬朝命之義開諭緬甸賊未獻庭使遣永寧官軍不勞
彼虜生靈得免重禍爾之功勞足以光前振後朝廷論功必加
非常之賞爾等忠義之名亦將傳于永世矣其孰承朕命毋怠
○勅諭管守麓川地方大頭目恭項等曰麓川賊首思任發竄
身緬甸賊子思撥發潛伏草野苟圖延緩爾恭項等灼見大義
首來歸降又為官軍嚮道協力搜捕賊徒特令管食地方爾宜
體朝廷眷待委用之意仍哨探思撥發聲息果彼誠心悔過欲
親來朝即差人伴送總兵官處起送來京量與寬貸如實頑不
改爾等能督率夷兵設法擒捕解京朝廷論功重加陞賞切不可
輕聽姦謀盡誘陰相黨蔽爾前功自重禍爾等其孰承朕
命毋怠○雲南總兵官右都督沐昂等奏雲南軍民連歲征進
轉輸財力困乏又值荒歉米價騰湧饑者不衆宜有以休養之

其馬匹倒死應陪償者軍器折損應備置者官松通司應追還者俱宜暫停止之○免直隸保定府大名府和州所屬去年災傷糧二萬三百九十餘石草二十七萬五千九百餘束

大明英宗法天立道仁明誠敬昭文憲武至德廣孝睿皇帝實錄卷之一百十六

明英宗睿皇帝實錄卷之一百十七

正統九年六月己卯朔燕山左等衛帶俸都指揮使安原耳只等一百三十九員隨太監劉永誠往甘肅備禦乞借支今年未支俸給本色五公折色五公從之○禮科給事中徐忭行人劉遜奉使琉球還以船順帶琉球使臣梁回等三十名來京并受黃金沉香倭扇之惠校尉廉其等以聞下錦衣衛獄鞫實上命杖而宥之○戶部奏遼東都司定遠左等二十五衛并安樂自在州等處官軍俸糧本色數火不足供給乞如萬全都司例四品以上月支本色三石內米二石折布絹一石五品以下月支本色二石內米一石五斗折布絹五斗雜職月支本色一石旗軍月支本色米八斗仍每年全折布絹四月俾自易米復有不敷於各處折色內斟酌撥運供給從之○設廣東歸善縣碧

甲巡檢司陽江縣海陵巡檢司各置巡檢一員從海豐縣平安
馬驛於茶亭鋪新會縣沙村巡檢司於崖山吳川縣硃州巡檢
司於茂名縣更名博茂巡檢司俱從按察使郭智言也○唐辰
雷兩大風拔樹○辛巳命故右軍都督俞夢毛翔子鵬襲為指
揮同知○工部奏先是降兵器式樣於廣東甲用鐵葉塗以錫
釘以皮錢裹以綿布鎗用攢竹桿弓用膠筋今廣東有言彼地
炎蒸甲多皮布易腐弓膠遇春塵濕脫落鎗桿用竹則蛀塌請
依舊制甲用黑漆鐵葉貫以索鎗桿取棗桐木備削火烘堅實
為之弓用生漆宜如其請 上從之○壬午廣西思明府土官
知府黃瑄遣人貢解毒藥味廣東興寧縣獨首藍子聰等來朝
貢方物俱賜鉢幣等物有差○初寧夏總兵官都督同知王直
等曰去冬兀良哈侵延安命沿邊諸將及在京官軍出境勤殺

擒其巢穴獲其人畜以歸尚慮餘黨必懷報復故高馬肥之時尤當謹備聞靈州十戶所土人黠黠官軍其中多驍勇精健檢知羌情嘗自備鞍馬隨征今年防秋之時其選堪用者令署都指揮僉事許宗指揮僉事韓鵬統騎操練仍委都指揮張泰提督加意撫恤固其心志養其銳氣遇警令鵬率領出境必能同心協力用圖滅賊如彼欲取便前進不必拘制有失機會亦不許摘撥以分其力至明春河開之後仍令依舊生理農業不許拘集妨廢如其用之有効以後防秋依此而行滿等其盡心審度務存遠圖若或別有窒礙爾等馳奏以聞○湖廣貴州二布政司奏苗民被蟲鼠災傷田禾告欲伐山木并以土產方物變易米糧恐逃避者邊柳無以為生上曰苗民亦吾赤子可坐視其饑窘邪宜聽其交易禁戢軍士毋得激變但嚴加提備仍

勘實附近有糧之處量給賑濟務使各安其所庶副朕一視同仁之意○癸未擢河南布政使俞士悅為大理寺卿○陞雲南南甸州及干崖長官司俱為宣撫司以南甸知州刀落硬為南甸宣撫通判劉思勉為同知干崖長官刀怕使為干崖宣撫副長官劉英為同知先是雲南總督軍務靖遠伯王驥奏南甸干崖宜設宣撫司撫安夷民刀落硬等屢從征勦宜陞任之故有是命○賞寧夏官軍指揮李全李輝等白金絹布有差以其從遊擊忻軍陳友等出榜來口收捕逆賊荅罕卜有功也○廣東按察使郭智言海門大鵬等守禦千戶所城皆依小城上路亦狹隘不便旋折如有不虞豈能當敵請鑿附近丁夫增築高廣寬以礮石從之○雲南總督軍務兵部尚書靖遠伯王驥言雲南東南接壤交趾西南控制諸夷其在內地亦多蠻種性習不

倖變詐不一曩者麓川之叛多因近邊牟利之徒私載軍器諸物潛入木邦緬甸車里八百諸處結交土官人等以有易無至有敢之治兵器禽女色留家不歸者滿我邊情莫此為甚以故邊患數生致數年干戈不息軍民困弊請嚴出入之防復有犯者必治以死家屬發煙瘴地而充軍按察司以巡官時時巡察如此則邊防固密境土無虞從之○免雲南木邦宣慰使司正統七年歲輸銀一千四百兩以屢調夷兵隨征勞困故也○乙酉江西南康府民黃頤四川叙州府民李政金珠鞠勝成都府民喻彥明山東濟南府民李本應天府民朱偶孫反忠直隸淮安府民成仲傑鳳陽府民魏勝徽州府民胡彥本池州府民方守仁各出插麥千石有奇佐官賑濟賜鹽書旌勞復其家○給宣府萬全石等衛官軍馬一百三十匹○丙戌加總兵官定西

侯蔣賞祿米五百石總督軍務兵部尚書靖遠伯王驥祿米三百石各賜白金百兩綵段十表裏欵萬貫陞左少監蕭保為太監總兵官右都督沐昂為左都督都督同知丹保為右都督都督僉事毛福壽為都督同知各賜白金八十兩綵段八表裏欵五千貫以征麓川功也○占城國使臣回命齎勅及綵幣賜其國王及妃○湖廣布政司右布政使蹇賢以老疾乞致仕從之○丁亥命故左軍右都督程忠孫瑄雲南都指揮僉事王鑄子偉俱襲為指揮使○勅總兵官左都督沐昂右侍郎侯璉監雲南三司令撫恤軍民嚴謹邊備以四月間洱海楚椎地震故也○戊子大同總兵官武進伯朱冕奏大同地中軍民繁夥亭舍稠密新調標軍皆無寓止臣請於城外除地數頃築牆列屋以居軍士庶無流離失所之嘆從之○己丑韓府平判王範壑奏

患氣瘡乞賜藥餌 上命太醫院給之○泰寧衛都督拙赤都
指揮隔于帖木兒等福餘衛都指揮安出指揮阿兀多等朵顏
衛都指揮原羅干等各遣人貢馬賜宴及衣服綵幣等物有差
○免囑天府霸州保定縣去年被災糧米六十七石穀草五千
三百餘束戶部奏帶俸違官千百戶完者禿等從征迤北有功
俱受陞擢俸尚未支 上命本色折色中半兼支○設四川眉
州青神縣犁頭灣巡檢司置巡檢一員以石布政使嚴益衡等
奏其地方曠野盜賊竊發故也○庚寅 上御奉天門諭都察
院臣曰諸土達之在寧夏豐州諸處者邊適有警朝廷亦藉其
力彼所以為生惟馬牛羊諸畜耳比聞各衛所官軍有亡籍者
往往假名巡捕詐取之不噉輒肆禁辱又有橫者既盜之復從
而奪其器械不容追求爾都察院其揭榜為沿邊多人言往者

悉置不究後此故有復爾者寧夏叅贊軍務官收治之軍官降
調軍旗調守邊墩民舍發充軍叅贊官如拘勢不理罪亦不宥
○命工部右侍郎李薈復職以親長服闋也○陞遼東總兵官
都督僉事曹義為都督同知守備義州都指揮使施聚為都督
僉事都指揮同知康福為都指揮使定遠左衛指揮使夏霖為
都指揮僉事其餘指揮千戶百戶旗軍俱陞授有差并賞舍人
昝英等二百餘人白金絹布有差以其斬獲連賊獻誠有功也
○右副都御史丁璿奏貴州所轄烏撒等十二衛所屯堡俱屬
四川廣西地方與諸蠻雜處蠻人不時出沒劫虜緣非統屬不
服迨檄請以四川廣西土官衙門與貴州衙門所相叅者悉聽守
備貴州叅將都指揮同知郭瑛兼治會總督軍務請遠伯王瓚
亦以為言欲令四川廣西布按二司每歲委官一員巡視所屬

土官地方遇賊出沒即同郭瑛相機撫捕兵部尚書徐晞等覆奏瑛與驥所言皆是上從之○辛卯命浙江左叅政張珂致仕以老疾不勝任也○江西按察司提調學校僉事陳璉以老疾乞致仕從之○直隸鳳陽府定遠縣奏踏勘得民人占耕田地二十四頃自洪武年間至今未納稅糧請依民田則例起科從之○癸巳四川威州保子關土官巡檢董敏貴州宣慰司宣慰使宋昂廣東東莞縣大帽山徭頭歐壽山各遣人貢馬賜絲幣等物有差○給萬全都司雲川等驛馬八十三匹○戶部奏直隸河間府靜海青二縣有官軍草場地近被各處逃民托權豪勢要之家蓋屋占住耕種既不附籍當差時復潛行劫奪致令軍士草束無處堆積上命河間府委能幹官同該縣官查究有不係入籍應從者即發遣回原籍不服發遣仍前侵占草場

及勢豪之人恠不即發者俱捕治以罪○廣西總兵官安遠侯柳溥等奏荔浦等縣蠻賊莫公喬等作耗臣等奉命遣人撫諭再四不服不早除之深為遺患議俟秋成調官軍土兵分路進勦之上曰溥等既會議允當其整搦軍馬俟秋再遣人諭之採具巢穴出沒之所果冥頑不服總兵參將內一人蓬都指揮一人統兵勦捕布按二司各委堂上官一人協助之務在殄滅毋貽邊患仍嚴禁官軍人等毋得因此一擊殺虜平人遠者廩死領兵官俱重罪用兵殺賊是不得已還令三司計議以後撫安蠻夷長衆以間敵有苟延歲月規避利害者俱罪不宥○甲午設直隸寧國府宣城縣黃池鎮巡檢司置巡檢一員從知府袁旭奏本鎮路當要衝故也○兵部言湖廣叅將都指揮僉事張善奏貴州三千鶴架花等處苗賊屢劫殺邊民貴州叅將郭

瑛并三司等官已嘗委官會勘賊情不行奏報上曰瑛等姑宥其罪其與善同選人姓苗寨體賊情量宜撫捕務在寧安夷女或蠻人自相讎殺聽依彼例倍償仍諭今後務各改過守法再犯俱勦捕不恕○乙未陞禮部右侍郎侯璉為本部左侍郎都察院右僉都御史程富為本院左僉都御史戶部員外郎鄒來學為本部郎中兵部主事趙敏為吏部員外郎錦衣衛指揮使陳儀為都指揮僉事錄其麓川勦賊隨邊勞也○賞遼東征進都指揮施聚焦禮裴俊并軍旗人等白金絹布有差以其從都督曹義至老河殺獲連賊有功也○四川布政司右叅政劉孟鐸以老疾乞致仕從之○日生暈色赤黃承氣色青赤俱鮮明○丙申唐王瓊烜奏子侄俱授冊封欲親卒赴京謝恩上復書止之○命四川布政司給賞塩井衛土官千戶刺黑馬非

等白金綵段有差以靖遠伯王懋陳具自願從征也○提督遼東軍務左副都御史王翱奏先奉勅諭遼東各衛所官或有病故其應襲子弟果精壯堪用爾即審勘替襲今勘得故都指揮同知夏禮子忠襲調海州衛指揮使其餘義州等衛指揮千百戶弟男姓替襲者五十六人 上從之○浙江台州松門海門等處因去歲八月風雨連日山水海潮泛溢壞城池岸圩官亭民舍樂器祭器軍器甚多至是命有司隨宜脩理之○錦衣衛指揮俞事劉勉監察御史鄭觀奏奉勅巡視荊州等處閩隘其密雲地方山勢平坦煙墩離遠宜增設墩臺六十三座益軍守哨從之○武康伯徐禎卒遣官賜祭命有司營葬事○丁酉監察御史魏貞以寃罪入枷鎖下錦衣衛獄○戊戌命陝西延安府安定縣縣丞柴林復任世從七品俸林九載秩滿縣民訴于

鎮守右都御史陳璘言林慮正愛民乞留還任巡按御史等官
覆實以聞故有是命○命故通州衛帶俸都指揮僉事王銘子
瑛襲為本衛指揮使孝陵衛指揮使梅永善子旺錦衣衛指揮
同知夏永子忠府軍前衛指揮同知董順子疇府軍右衛指揮
同知王讓子信燕山右衛指揮同知魯宣子瑛金吾後衛指揮
同知韓亮子貴永清右衛指揮同知袁榮子貴濟州衛指揮同
知王睦台孫能金吾左衛指揮僉事劉貴子興金吾前衛指揮
僉事董瑛子璣獻陵衛指揮僉事張原子英南京旗手衛指揮
使郭鈞子琦金吾左衛指揮同知徐興子隆錦衣衛指揮僉事
宗真孫湧俱襲職通州衛指揮同知蔣銘子瑛羽林前衛指揮
僉事寇顯任俊燕山左衛指揮僉事白成子瑞俱代職○宥雲
南總兵官都督沐昂按察使韜榮罪請指揮陶昇戍廣西初榮

素昇納贓縱賊昇遂奏昂嘗縱家奴與麓賊道都督方政戰死昂擁兵不收又受降賊賂妄請陞賞因捕盜馬龍州諸處大肆殺掠翼明知昂罪不敢劾至是巡按者驗之昂罪虛實相半昇罪不誣上曰昂總兵乃容夷賊與家人通違風憲何得阿附不奏論法皆難宥今姑記其罪昇受贓縱賊罪覺反誣告人其宥死充軍○京民有受財教唆捏寫詞狀誣告平人者刑部奏雖稱教唆不係越訴上命充軍後有犯者悉准此例○賜祭遼東陣亡都指揮僉事葉興指揮同知李宣指揮僉事張能百戶韓寧黃智楊善并旗軍等四十餘人以其奮勇敵愾殞于鋒鏑也○己亥翰林院學士錢習禮復上疏乞致仕上念文學舊臣不允其請○庚子陝西右叅政李富奏陝西都司支待使臣公用子粒俱被都指揮等官侵欺入已支用百無一二乞命

巡按御史查寃奏下戶部言御史巡歷事繁宜令陝西按察司
正官一員公獎量果有侵欺即便追究從之○辛丑陞刑部
署員外郎事主事諱濟蕭維禎主事趙象俱為本部郎中主事
羅崇本祝暹蔣厥曾輩吳高李崇馬嗣宗為本部員外郎○賜
鎮守遼東太監亦失哈歲支米四十石以其能獎率官軍遠涉
境外斬殺賊徒取獲人口以歸也○華江西贛州府上館驛從
知事方華言也○壬寅陞山東濟南府歷城縣縣丞熊觀為本
縣知縣觀九載秩滿去任春民六十八人言觀持身廉謹政尚寬
平吏民悅服今知縣缺員乞以觀代之事下吏部言例不當從
上曰有司賢否觀民心向背歷職民於今之去不加意而於丞
奉琴保留如此賢否可以驗矣其從之○癸卯遣中官祭中霽
之神○擢進士楊愈為戶部主事○麓川未降頭目陶孟恭項

等遣人貢象馬金銀器皿給賜有差○中辰四川播州宣慰司
宣慰使楊綱雲兩緬甸宣慰司宣慰男卜剌浪馬哈首以速刺
貴州宣慰司宣慰使安廉富各遣人貢馬及方物賜練帶等物
有差○陞泰寧衛指揮使把禿不花為都指揮兼掌從都指揮
隔于帖木兒奏請也○乙巳擢進士鄧貴為刑部湖廣司主事
江淵貴州司主事滿儀雲南司主事啟陽正周輝浙江司主事
洪經顧益喬河南司主事吳節山西司主事○丙午泰寧福餘
原屬三衛頭目晃合兒等辭歸命齋練帶等物賜都督同知安
出都督金事拙赤都指揮同知原羅子且勅諭之曰爾三衛部
屬屢犯邊東延安邊境劫掠人畜甚衆邊將屢請發兵勦捕朕
恐大軍一出傷及無辜但爾頭目擒賊首及所掠人畜解來
爾等累師虐詞不見擒送一人今年春總兵官巡歷邊境捕獲

近邊賊徒并原掠去人口至京俱審傳爾三衛部屬仍勅爾等
挨拿未獲賊徒爾等不即同心協力設法擒解復飾詞延緩則
爾等平日黨惡縱賊之情昭然可見朕憐爾等愚昧姑置不問
勅至即會所部頭目將節次犯邊賊徒及掠去人畜悉解來京
贖爾前愆仍加陞賞如是似前黨蔽朝是必發大兵戍爾境土
搗爾巢穴鋒鏑之下善惡難分此時難悔亦無及矣爾等其深
悔前過殄滅光徒保全良善同享太平之福於悠久○遣勅諭
本邦軍民宣慰使司宣慰使罕蓋法曰麓川叛寇思任發侵害
隣境發兵征之爾能協力勦捕及思任發逃命緝旬其宣慰使
屢請官軍接收爾復率大陶孟刀板放等詣總兵官履聽調供
給糧餉為官軍嚮道雖賊首未就擒戮爾忠誠之名彰彰不可
掩朕甚嘉之今特遣人齎勅褒美賜爾綵幣表裏用酬爾勞爾

宜體朕眷待之意益勵忠勤獎諭頭目人等善撫部屬保障邊境如殘賊有可乘之機爾宜設法擒之以除禍首俾功昭于時名出於後康副朕之榮命亦有光于爾前人爾其欽承之并勅諭大陶孟刀板放刀根送思外法等各賜以絲帶表裏○丁未皇后千秋節免命婦朝賀

1
明英宗實錄卷之一百十七終

大明英宗睿皇帝實錄卷之一百十八

正統九年秋七月戊申朔享大廟○遣中官孫司門之神○
湖廣施州衛木柵長官司遣舍人譚朝美等貴州貴州宣慰使
司遣祀事何澄等貢馬踏鈔錄既有差○順天府昌平順義二
縣各奏徭役繁重欲以柴夫與霸州等十三州縣均分庶勞逸
不偏從之○設陝西永昌衛儒學置官降印從指揮同知高瑛
奏請也○己酉命都督僉事陳榮於中軍都督府劉得新於左
軍都督府取養於右軍都督府方瑛於後軍都督府視事○陞
羽林前衛帶体都指揮同知杜忠為都指揮使○駙馬都尉石
璟下錦衣衛獄以嘗奏本府閩者呂寶為盜且毀罵之為太監
王振所惡也○給事中劉益奉香帛往禱雨于西海河濱還奏
二廟隘陋請起蒲州民夫免其秋糧或并免本州採柴炭夫令

修葺之 上曰天既不雨民方艱食豈可復有興作姑罷之○
浙江處州賊數百人盜張礦於福建福安之劉洋坑叅議竺淵
都指揮僉事劉海等率衆往捕淵被殺海被傷巡按御史牛宣
等奏海反按察司僉事董應軫等巡督不嚴宜治其罪從之遂
命都布按三司各妻能幹堂上官調軍捕賊不獲不宥○庚戌
陞禮部稽厝司員外郎王士華為郎中先是郎中員缺司之者
吏合辭舉士華為代尚書胡濙以聞命吏部勒實故有是命○
四川越鶯衛指揮同知慕瑄有劾於同衛指揮陶茂聚衆圍其
家殺之事露瑄伏誅○辛亥 仁孝文皇后忌辰遣官祭 長
陵○敕刑部右侍郎楊寧曰今命爾往雲南代侍郎侯璉叅贊
軍務并提督雲南都司各衛所操練軍馬及預備糧儲屯田等
事凡軍機事務爾須與總兵鎮守官商確處置事干三司者亦

須會謀務在同心合謀從長而行勿偏執已見有妨事機爾須
廉勤公正以身率人毋戚於小人之言毋愾於權要之勢毋女
於息肆而廢弛兵備毋狃於近利而貽患生靈必使一方軍民
得所夷人畏服以副委任爾其歆哉○賜雲南千崖宣撫司并
經歷司各印一顆○改貴州鎮遠府施秉蠻夷長官司為施秉
縣設知縣典史各一員以土官久缺從巡按監察御史及布政
司按察司會議奏請也○壬子伊王顯快奏母妃劉氏有疾乞
命醫賜藥從之○免山西隰州被災糧七千四百九十餘石草
一萬四千九百八十餘束○癸丑四川播州宣慰使楊綱遣堪
銘等貢馬贖鈔線段絹布有差○免河南開封衛輝南陽河南
懷慶彰德等府所屬去年被災糧三十萬三千二百五十餘石
草三十九萬四千五百餘束○申明種桑蠶法勸富民出錢貸

氏種子從漕運右叅將湯節奏請也○乙卯賜代府鎮國將軍仕瓏誥命冠服等物○楚府通山王孟燿薨王楚昭王庶第六子母李氏永樂二年冊封至是薨享年五十有七計閏上親視朝一日遣官賜祭謚曰靖恭命有司治喪塋○刑科右給事中侯臣封王陝西還既陳沿途見閭一寧夏硝池迤南十里一鋪鋪十一軍積十鋪隸以百戶一人甚便自硝池迤北有三十里四十里甚至五十里始一鋪者其道陔險澗無人煙迤運及商旅輦卒遇雨雪無所於寓宜增創鋪舍如迤南例其軍充以陝西并山西諸處宥死之囚一迤運囚夫多貧不能自具牛車且無田宅往往逃竄宜亦以宥死囚充迤運軍但主以百戶不必設大使官仍許各軍得耕荒田以食車牛則給以在官之贏餘者一寧夏故城圍十八里今僅九里城中人稠宜仍其故

址築之。上命所司議行。○丙辰命故山西行都司者都指揮僉事呂昇子英襲為指揮僉事。○雲南道監察御史計澄等奏開科取士務得實才。今南北直隸凡遇開科多有詐冒鄉貫報作生員或素無學問倩人代筆其弊非止一端乞教該部會議今後開科令御史親詣各處嚴加考選必得學問優長素無過犯者令其入試其在京如遇緝係軍生并各衙門吏典承差人等不由學校不經考驗其間姦盜貪墨無所不有此等之徒一體不許入試庶革奔競之風下禮部議如澄言。上曰求賢之路不宜沮塞生員儒士軍生選著提督學校御史考察入試其吏典承差人等禮部嚴切考察果通經無過犯供容入試仍移文原籍勸實如有虛詐論罪不宥。○丁巳命工部侍郎李贛董修京倉。○廣西總兵官安遠侯柳溥奏廣西地方溪洞險惡強

種雜者府縣城池或有或無官軍數少哨守不敷近年欲撥折銀輸京邊民糶米易銀不無艱窘官軍月糧不得全支倘有緩急轉輸尤難況今有司不能撫恤災民以致從賊為非乞勅該部重有司之選任寬邊民之徭使免徵折糧銀兩量增附近衛所官軍庶獲振揚威武保障邊陲 上曰淳言良是今使廣西收民官吏部銓選務得其人若有政蹟者不次擢用邊民徭使宜從寬卹折糧銀兩戶部議奏聞官軍且不增俟征進時調用其撫安蠻夷經文方畧還令淳同三司集議以聞毋推姦避事貽患邊以達後愆○戊午陞浙江台州府通判李黃農孫事周旭繼為本府知府先是巡按監察御史等官孫毓等奏民千六百餘人言旭繼嚴明勤慎能勸強植弱民安盜息雖鄰邑亦咸愛慕乞陞知府吏部言於例難從 上曰知府會舉政欲得人

今允繼雖鄰邑亦愛慕之其陞為知府毋以例拘○賜都督吳克勤芻牧地一十四頃三十畝○湖廣九鬆衛奏本衛糧少指揮月給米九斗經歷知事七斗衛鎮撫以下并優給官八斗難於供給奏下戶部請令如他衛例增給本色米於長沙衛州永州有糧之處闕支從之○都察院右都御史王文言湖廣按察司副使曾昂奏嘗審辨按察使孔文英所鞠囚多所平反因與文英有隙乞調別任蒙下巡按御史逮二人鞠實今御史羅鶴言鼎隱其私嫌止以公辨罪因高言例嘗贖罪後職然以風憲扶私構誣難照常例文英有失入罪雖嘗經革亦不宜宥上命昂納米完日降一階調別任文英姑宥之俾各奉公圖報毋蹈前非○己未浙江按察司奏臨山衛備倭指揮僉事盛清千戶董誠等擅離原守地方私自回衛致壞官船漂軍器濟死官

軍數多。上曰：論清等罪本當處死，今姑宥之，杖一百，發廣西邊衛充軍，仍令清隨住壯丁三名，試等壯丁各一名，俱發原衛充軍守備，但逃俱處死，不宥。哨船軍器免追。○忝介蒙古衛指揮同知鎖火者乞思進秩，并奏掌肅州衛事都指揮胡麒阻其到邊市易。上曰：鎖火者在邊效力年久，遠來朝貢，陞為都指揮僉事，回衛管束人民，其餘事未知虛實，令寧遠伯任禮體勘奏。來胡麒宜謹飭兵備，遵守法度，撫卹邊夷，不許生事擾害，有大違人之心。○關原備禦都指揮使裴俊奏，叅將都指揮同知胡源仗占軍餘二百餘，侵盜官芻，取都屬女子納軍士，獲豆之路，下巡按山東監察御史芮劉覆之而實。上命劉貢源罪狀特宥之，且命究其仗占軍餘以代巡哨軍士之貧苦者所侵芻所納路悉徵焉。○夜月掩南斗魁。○彗申遣陸平侯張淳等為

正使給事中陳宜等為副使各持節冊封趙王禧高嬪長子祁
繼為趙世子第二子祁鑿為臨潭王第三子祁鏞為湯陰王第
四子祁銜為襄邑王封北城兵馬指揮王遜女為晉王鍾鉉妃
西城兵馬副指揮袁誠女為代王第十子隰川王遜燦妃南城
兵馬副指揮王鑑女為遼簡王第十九子衡山王貴城妃北城
兵馬副指揮秦曇女為第二十子蘄水王貴燦妃○周府孟津
縣主薨遣中官致祭命有司營葬○刑部奏有口外民犯受財
枉法例當充儀從緣口外民多坐罪遷居者苦其地寒常潛居
京師如以例處之適中其姦宜發充鴉兒嶺諸處巡司馬驛兵
夫雜犯死五年流四年徒如所徙之期俱滿日寧家者為例從
之○辛酉恭王出府有民所畜驢逸道前導卒擊之高驢者父
子數人曳卒下馬痛殺之法司論當杖上以其侮慢親王命

藉其家充遼東軍○陝西文縣千戶所轄下七工番人遺漢人財物被獲上毛工寨有祈哀請釋之上以番人無知犯法特從其請○遼東總兵官都督同知曹叅奏朝鮮國報倭賊聲息上命緣海備倭官整飭兵備謹慎提防過賊近邊相撲勒殺但怠慢誤事俱治以重罪○壬戌中元節遣官祭長陵獻陵景陵○命翰林院侍讀學士高穀侍講陳詢為應天府考試官○陝西秦州衛中千戶所軍人李用進玉免賜鈔六十錠○命山東存留草折鈔每草一束折鈔五貫從山東布政司奏請也○太常寺丞許俊等供祀景陵有失下錦衣衛獄○設雲南晉寧州陰陽學給官俸印以雲南布政司奏請也○乙丑太宗文皇帝忌辰遣官祭長陵○丙寅命福建汀州府經歷王得仁復任陞正七品俸得仁九載任滿屬邑民言其廉

能勤恕乞留之巡按御史張淑等以聞事下吏部覆實無異故
有是命○赤斤蒙古衛刺麻喃哥堅督遣指揮鎖合者等前馬
駝賜宴并賜練段絹衣服靴鞵有差仍命鎖合者齎勅及練段
蹄賜喃哥堅督等山東武定州民王真奏先以罪給學士楊榮
家為奴今榮卒請從戎自效上命仍給榮家○京師仰山寺
僧金和高自稱王大監門僧詐罪人金銀數百兩例贖罪還俗
刑部尚書金謙言其污佛氏之清規玷忠良之名節鬼神共怒
陰譴昭彰難以例論上是之命充鐵嶺衛軍○福建龍溪縣
奏請修柳營江橋長汀縣奏請修城東太平橋從之○丁卯書
復慶王秩隆曰承喻第六弟秩足受封欲親率來謝足見厚意
然封建宗室祖宗恒典况當炎暑道途跋涉不易可不必來
○勅提督遼東軍務左副都御史王翔往者總兵等官恃邊境

久安廢弛兵備以致兀良哈達寇屢未祀遣當命爾往提督整
飭近者官軍頗知畏懼邊方亦皆有備比因達賊搶急不候分
命將官率兵出境搜殺醜類并獲人畜以歸慮其餘衆不知改
悔必邀合部落竊圖報復爾等整朔見操官軍務委人馬精健
器械鋒利修理沿邊城垣墩臺嚴督官軍勤謹哨探逆賊近邊
即相機勒殺飛報附近邊軍互相策應故有怠慢誤事者悉以
軍法從事朝廷以爾廉公有為諳練兵務特簡拔委任一應軍
務悉聽爾便宜處置事干總兵鎮守官者仍公同商確而行務
要正己率屬凡事必求公當以圖萬全庶幾賊寇震懾邊境肅
清以副委任所有合行事宜問具于後一選任將士務在得人
爾同總官兵於各衛所都指揮指揮千百戶內選拔勇敢慣戰
者各領精兵聽調有能斬獲賊徒者即論功陞賞如有臨陣退

縮失機誤事不遵號令透漏軍機者斬首既令一撫養將士必
求實用但有畏懼征操投託勢要德身不出者爾卽拿問明白
官削其職發遠東極邊立功軍發極邊哨瞭但有逃避皆處死
一犯罪立功官謀其中果有謀略勇敢者令其當先殺賊有功
者令復職役一軍官戶下子弟家人有能自願隨征卽使收用
一官軍報餉悉令監察御史李純提詢爾宜總督區畫務要七
種有法糧食充足一各衛所官老疾亡故其子弟果精壯堪用
爾卽密勸准令襲替隨征一凡進兵殺賊其詞訟干礙軍職暫
記其罪准令立功贖罪其軍餘詞訟非人命強盜重事俱候事
完之日有功者免罪若功多者仍論功陞賞一各衛所官內有
才幹善撫軍士者令管衛所及屯田事果無其人聽爾於別衛
所調用其軟弱老疾不堪任事者令其帶俸守城貪暴玩法廢

北軍休者輒則降官重則枷釘解京處治一各衛所軍士有姦詐強橫脅制官商教唆詞訟陷害良善者即便拿問打一百全家發邊東極邊守墩哨瞭但逃處死一各衛所軍士及土邊官軍同加意優恤不許縱容頭目及跟官之人剝削虐害敢有違者爾即便拿問一條件內該載不盡者爾與總兵鎮守官從長議處置以圖成功如或偏執已見以誤事机者罪有所歸○少保禮部尚書兼武英殿大學士楊濤自陳臣歷事 列聖叨君顯秩今年踰七十筋力衰耗 欲乞圖報稱而力不從心伏乞 乞休休致俾得全始終之節 上曰卿輔相老成朕所倚毗而優禮者其視事如故毋更求去○都察院右僉都御史盧睿奏 贊寧夏軍務以病代回疏請還家治病 上令在京調治仍遣 太醫往視之○戊辰永女懿簡王妃趙氏薨妃後軍都督府都

督僉事趙清女洪武三十三年冊為永安王妃至是薨訃聞遣中官諭祭命有司營葬如制○鎮守陝西都督同知鄧銘等奏陝西類歲旱災人民艱窘乞將該僉切軍六百餘名暫行停止待年豐僉補上命布政司酌量有收州縣於放實丁多之家陸續僉點無收處待明年秋成後補解○己巳詔除樂平王冲焚妃墳地應徵糧草○給直隸隆慶等衛官軍馬一百二十八疋○戶部奏京師土城沿河空地七十一頃有餘俱內官并平鄉伯家占據軍民僧人一禁做效欺隱請速治之并追其糧上曰姑宥其罪軍民所種者如例輸納芻糧內外官占種者令撥御馬監首當養馬今後主守官擅撥與人與者受者俱罪之○庚午勅緣邊諸將曰近得遼東總兵等官奏兀良哈額目俺出濟報奏率吳賴額目拙赤等部屢言被官軍擒殺人畜欲收

拾人馬犯邊又言也先見差頭目在三衛索取以先漫散人口其情俱未可測此賊誦詐每歲秋冬常為邊患况今春被官軍擒殺其黨類必有報復之心爾等宜整朔軍馬器械預備報抄如法操練緣邊關隘墩臺急為修整完固精選守禦官軍勤謹哨望遺夜不收徑來巡探遇賊入寇即相機擒勦務在謀畫固慎用圍萬全庶幾軍威振舉遊境肅清敢有怠慢邊事遇賊不能殄滅及聞鄙境有賊推托畏避不即策應者俱重罪不宥○昏琉球國遣使臣伍是陸美等貢馬及方物賜絲幣布有差○昏利太微東垣彗星光芒長一丈漸長至閏七月初二日入角宿沒○辛未陞陝西右叅政年富為河南右布政使郎中孔註為陝西左叅政叅議戴弁郎中陳讓都給事中胡清監察御史孫毓俱為右叅政弁湖廣謨四川清浙江甌陝西員外郎王瑛監

察御史趙忠徐璟俱為右叅議瑛山西忠陝西璟四川監察御史陳詔僉事顧侃俱為按察副使詔四川侃江西監察御史王通朱良暹主事劉清何自學許事王亮俱為按察僉事通良暹江西清亮河南自學山西俱從吏部會大臣薦舉也○應天府府丞檀凱以老疾乞致仕從之○罪江西道監察御史潘楷為民先是僧導迎木佛覓人施財楷收其僧付兵馬司尚膳監太監班祐奏佛乃己造第遣僧送之寺楷不當收上釋僧下楷錦衣衛獄當贖徒還官會有言楷先任浙江仁和縣學訓導嘗舉然迨主員純譽為明經儒士得授教職楷遂坐行止不端送吏部罷之○壬申給慶府安塞王秩吳歲祿一千石○癸酉鎮守陝西都督同知鄭銘奏今年收納番馬該四川運茶八十萬三千六十斤至陝西界陝西起倚軍夫運至各茶馬司用

軍夫二萬一千七十餘名即今歲旱人飢乞暫停運以待豐年
兵部言西寧茶馬司見有茶二十五萬四千餘斤請停該運茶
減半或從銘所奏暫停 上曰茶馬國家要用既陝西軍民艱
難令倚卽丁鉉等與鄭銘等議除用各茶馬司見在茶外將今
該運茶減半令有力軍民陸續運去雜用如秋後不熟再議以
聞○丙子給遼東各衛官軍馬三千匹○丁字庫奏歲收桐油
黃麻等料數多庫不能容請暫折收銅錢從之○鎮守山西後
軍左都督致仕李謙卒訃聞遣官致祭命有司營葬○丁丑朝
鮮國王李禔遣陪臣楊厚等奏表貢馬及方物賜宴并誅段謂
布有差○楚王妃楊氏薨妃武昌府儒學教授楊燕女本年回
月冊為楚王妃至是薨訃聞遣中官諭祭命有司營葬○南京
吏部尚書致仕黃宗載卒宗載江西豐城縣人以進士任行人

歷左右司副選司正永樂癸未薦為湖廣按察僉事武陵多戎
籍民家慮與為婚恐累己男女率年三三四十歲尚不婚配宗
載諭之以理一時成婚者三百餘家旁縣聞風而成者不可枚
舉他如憐豪強起疲剝多有聲績丙戌召修永樂大典書成受
賞以選未幾會都指揮吳王徵兵湖廣貪暴失期宗載與同僚
生不舉察諭役揚青驛已而復起為山東道監察御史侃侃不
阿出巡交趾時稱得體比遷擢詹事府丞洪熙元年陞吏部侍
郎時少師蹇義猶領部事宗載一輔以正尋陞今官涖事久之
引年致仕至是卒遣官諭祭安葬宗載持廉守正不矯不隨學
問文章俱有時望云

大明英宗法天立道仁明誠敬昭文憲武至德廣孝睿皇帝實
錄卷之一百十八

大明英宗睿皇帝實錄卷之一百十九

正統九年閏七月戊寅朔命戶部右侍郎王質往福建浙江重開銀場初洪武間福建各場歲課銀二千六百七十餘兩浙江歲課二十八百七十餘兩永樂間福建增至三萬二千八百餘兩浙江增至八萬二千七十餘兩宣德間福建又增至四萬二百七十餘兩浙江又增至九萬四千四十餘兩自是地方竭而民不堪矣上初卽位下詔封玩冶民大蘇息至是有盜礦跡相聞殺者御史孫毓福建奏改宋彰浙江奉政俞士悅各言復開銀場則利歸於上而盜無所容事下二處三司議福建三司所言者浙江按察使軒輓等奏曰復開銀場雖一時之利然凡百器具皆出民間恐有司橫加科歛人心搖動其患尤深為今之計莫若擇官典守嚴加禁捕則盜息矣朝廷是輓言已而刑

科給事中陳傳復請開場中費與言利之臣相與附和乃命賈
柱經理令福建歲課銀二萬一千一百二十餘兩浙江歲課四
萬一千七十餘兩蓋雖比宣德時減半而比洪武時已十倍矣
至於內外官屬供億之費殆過公稅厥後民困而盜益衆至正
統十四年王師戡定民始安戢云○順天應天并直隸真定保
定大名廣平順德河間山東濟南河南開封衛輝懷慶湖廣岳
州浙江嘉興湖州台州諸府亦各奏江河泛溢堤防衝決濟涇
永蠲租稅無徵。上命戶部遣官覆視以聞○己卯給唐府壽
陽王芝北歲祿米二十石米五百石餘折鈔○守備獨石等處
左叅將左都督楊洪奏近者山水泛溢壞獨石龍門雲州朔河
等處城垣墩臺棟塹甚多人少不能修理乞備開平龍門二衛
屯種軍餘協助從之○庚辰陞兵科都給事中薛謙為應天府

府丞刑科給事中王鐸為順天府府丞俱以吏部舉陞也○書
論平利王範整曰王前奏韓王堯逝緣由與襄陵王等傳奏王
祖母妃之言不同朝廷以王國家至親死亡大事特遣魏國公
徐顯宗往詢其實審知韓王實患陰厥而堯王又自陳等初無
知急遽妄奏王與韓王同氣至親同處一城之內疾病憂患豈
不相知况有祖母妃及韓王妃并諸兄弟咸在王可妄言乎跡
其用心之謬也大抵骨肉至親一人言造離間遂致子母兄弟
驚惶失措况王於國家為宗室於朝廷為君臣尚可妄言乎今
以親親念王無知姑從寬貸然天道福善禍淫祖宗之法具
在朝廷王公至明王自今宜改節往行悖宗孝友輯睦宗族舉
諸事上庶保全令養王其深省之仍書諭西鄉王範抑等俾念
舊愆以篤親親之誼○書諭靖江王佐教曰得奏奉國將軍佐

敏佐達及前儀賓陳廣不安分守法等事具悉已遣勅諭佐敏
佐達及勅輔國將軍贊倫男佐信令稅諭廣等各守禮法改過
向善同圖保全今後軍民人等果有不遵禁約擅入各將軍府
賭博者令長史司體實拿問情重者奏來處治然王嗣承國祀
為國之長尤宜體念骨肉推誠相與庶全親親之義彼或無知
悻恣朝是至公至明必不為奸詐所惑古云禮義不愆何恤人
言王其亮之○辛巳工部右侍郎王佑言臣奉勅與太監阮安
往視水決河岸自蒲溝兒至濟縣二十餘處其要兒渡尤甚乞
發丁夫物料修築為便從之○壬午唐王瓊坦奏舊有風疾已
蒙賜醫治療瘥可今後舉發增劑上命太醫院擇遣醫士一
人給藥餌往療之○四川馬湖府沐川長官司女土官王氏廣
東肇慶府陽江縣隘頭黃勝富新興縣隘首黃宗宥等俱乘朝

貢馬及方物賜鈔幣絹布等物○設雲南姚安軍民府姚州大姚縣醫學置訓科一員○甲申南京守備等官奏七月十七日大風雨雹壇壝陵廟樹木宮殿門廊馬戰缸城內外大小衙門多被損壞溺死軍民上遣駙馬都尉趙釋祭告太祖高皇帝慈孝高皇后曰初鎮以耿躬嗣承大統顧惟涼德治理有乖比者上天示警風雨為災良切祗懼謹用祭告伏惟聖靈俯垂庇佑并遣南京守備董城侯李賢祭告鍾山之神秦贊机務兵部右侍郎徐琦祭告大江之神遂勒賢琦等將所仆樹木費工錄取不宜動土嚴禁工人各加謹慎不許喧譁褻慢凡剝落齋齋吻獸等件皆令收拾投泅掃潔淨仍令該衙門除辦合用物料俟明年春擇日修理所壞馬戰缸并城內外各衙門令工部及所在官司量宜以次修整溺死之家依例優卹被災

之人有在官者所司量綱其役其緊要間陞擢益卽令補充無致疎虞然南京國家根本之地朕自卽位以來凡事減省未嘗輕易勞民惟恐有司奉行不至令災沴若此必有所致之由爾等受朕重寄各宜警省秉率諸司恪勤乃職盡心撫恤軍民不許分外一毫侵漁致其嗟恐操練軍馬不許私役妨廢武備審察人情閔防奸偽亦不許因兵立事擾人凡彼中事務緩急軍民利帶及不急之務或可減者停止者即行議奏不許玩愒自取罪隱爾等欽承朕命毋忽○勅諭程和工部曰朕惟國之大事莫先於事神律古昔帝王皆用茲道我國家自祖宗以來已有定制朕嗣承大統慨然於茲比聞天下嶽鎮海濱及府州縣社稷山川文廟城隍及祀典神祇壇廟歷年既久多為風雨損壞有司不能時加修葺風憲官巡歷所至漫不加意甚且

縱容作踐棄瀆政傷和氣爾等其分兩直隸各府及各布政司
即設法備料修葺工程大者酌量事宜以閏葺完之日擇人看
守務在敬慎不許廢壞仍令風憲官按臨巡視其有廢壞不修
及因循理害民者俱罪不宥○勅諭都察院曰近聞各處軍民
往往發人墳塚爾等職總風紀其履行各處巡按御史及按察
司督令各司府州縣官凡境內但有暴骨在田野道路者悉令
所在里老人等即時掩瘞仍嚴諭軍民不許再犯違者罪之若
該管官故縱不禁者聽風憲官論罪不宥○命故江西都指揮
僉事屠毅孫吳襲為指揮僉事○陞直隸定邊衛指揮使陳信
為署都指揮僉事先是信奉勅往通州犯總提督至是御史言
其與各衛官同列難以服衆故陞之○戶部右侍郎焦宏等奏
臣同司禮監左監丞宋文毅等奉命踏勘壩上大馬房請處革

場多被內官內使人等侵占私役軍士耕種甚者起蓋寺廟擅
立窯冶及借輿有力之家耕種以致草場窄狹馬多瘦損請正
其罪 上曰朝廷設五馬場令內官監之而乃作樂如坊論法
當今姑寬貸令遷改過其內官各賜地一頃內使淨軍各賜五
十畝已蓋寺廟者勿除餘悉還官都察院仍給榜禁約每歲遣
給事中御史各一員巡視敬踏前非者必殺不宥○工部奏宣
高販山西材木誣真定德州直沽等處欲立抽分衙門又恐虛
設而所得不多請即真定濟南關稅課局別置攢典一人以主
抽分從之○福建興化府同知劉忠言歲造牙箭段匹甚多缺
官專理以致積積莫能解先請設樵造衙門置大使一員從之
○給南京金吾等衛并河南穎川等衛官軍馬九百十一匹○
丙戌賜周世子子皇及妃祝氏通許王子隍及妃王氏鄆陵王

子墜及妣李氏河陰王子墜及妣鞏氏并原武王子墀項城王
子墜儀仗○命故金吾左衛指揮使劉剛子青通州衛指揮使
張昇子濟彭城衛指揮使吳興子泰羽林前衛指揮使王勝
子興永清右衛指揮使蕭順子敬燕山前衛指揮使白墜
子王俱襲職通州衛指揮使同知蔣銘子瑛南京金吾右衛指揮
使事錢實子隆俱代職○瀋府黎城王信熯堯王瀋蘭王第四
子宣德三年冊封至是堯享年三十有五計間上擬視朝一
日遣官致祭謚曰昭僖命有司營葬○宣府右將叅都督金事
朱謙奏緣邊野狐崩等處久雨壞葛峪等堡青邊等口城墻壕
壘壞甚多乞借蔚州等衛所軍餘相兼修理永寧等處亦奏
久雨壞城垣墩臺且其地近在天壽山後當治修俱從之○
直隸松江府上海縣以存留糧折納穀青八千斤解庫募人以

顏色淺淡不收解夫訴其上產更無他易 上命姑收之自後
仍復輸報○丁亥命彭城伯張瑾惠安伯張琮均分家在瑾琮
俱彭城侯夫人童氏曾孫童氏 誠孝昭皇后母也初瑾祖景
襲彭城伯琮祖昇為都督 昭皇后以昇祿薄家產令與之多
後昇封惠安伯兄弟俱卒瑾琮之琮仍求多分 上謂琮曰
昔者爾祖祿薄故多與之產今爾兄弟祿相等產當均分琮
肯服於是均分之○巡按直隸監察御史吳繼勅奏漕運總兵
官都督僉事武興泰將都指揮僉事楊節私帶家小虐害軍人
累支官料造缸蓋屋請治其罪 上曰興節家小見在淮安者
聽其隨任但不許子弟生事害人及占役官軍經營買賣侵奪
民利違者重治不恕座船每人止留一隻提督運糧時棄用多
餘者俱入官給軍運糧房屋每人留一所居住多餘者令巡按

御史撥與無房軍人住○戊子雲南廣西府諭勅州土官知州必者奏百夫長番豆等逋負每歲稅粮任催徵被彼聚徒抗拒殺臣僕人劫奪良馬乞加誅討上命下三司覆視如果不妥則誅其首惡寬貸其餘租稅令先後送納歲凶不能納者蠲之○定稅課司局官吏俸舊制稅課司局官攢不給俸日令巡攔供給至是山西太原府稅課司巡攔言其所收鈔以供給太重上命各處官攢悉照資品給俸革其供給○己丑給延安嚴德等處官軍馬一千匹○庚寅革湖廣襄陽府稅課司官攢先是以本司課鈔賜襄王而官攢未革至是從王請革之○僕書唐王瓊燧曰承喻袞冕皮弁冠服年久請為別製選採新材量度足用從府中自製庶幾適宜其玉珩琥珠玉珮等件宜就无用者不必改造王其亮之○免直隸池州府被災墮三萬三

千二百九十石草四萬九千二十餘包○雲南楚雄臨安曲靖大理諸府衛饑總兵官左都督沐昂奏發廩賑濟俟秋成償官從之○順天府大興縣民阮藍奏請自備通州八里河木橋山西天城衛副千戶熊諒奏請自備越河橋從之○初有軍職侍軍人仗責輸錢者法司擬贖絞還職上特命充軍定為例至是有計贓少者法司請輕之上不從仍命充軍○壬辰賜尚膳監太監尹奉庄田三頃一十畝○西鄉王範抑奏臣兄韓王範北薨逝歲祿例應俸支然臣祖母母并兄犯三宮俱在乞仍支給供應為便從之○從靖遠伯王驥外甥韓友家從驥奏請七○癸巳陞三萬衛指揮使王崇為署都指揮僉事於開原把總管軍操備○調貴州都司精銳官軍二千人於今年八月終赴廣西總兵官安遠侯柳溥處聽調剿捕桂林等府荔浦等縣

豐賊○提督遼東軍務左副都御史王翺等奏都指揮同知胡源都指揮使裴俊每爭私忿相訐告宜令二人分管地方源管自青陽堡至松山堡倭管自古城堡至殲嶺曾逐堡其原管軍馬門禁鎖鑰悉付都指揮宋真上命源俊點分定地方整飭兵備謹慎防賊有功者具奏陞賞若懷扶私忿不相策應致誤事者俱治以重罪仍令真同太監榜宣協力管事但有疎虞俱罪不恕翺又奏定遼左等衛官軍三百人欲領馬匹若不給與操練聽調恐與軍容易占使必被各官私役宜候今冬海西等處野人來貢年例馬匹給與騎操上是其言仍戒管軍頭目不許作弊役占有妨違備○鎮守遼東太監王彦平上命太監喜寧檢閱其家財彦妻吳氏訴喜寧私取其奴僕馳馬金銀器皿田園鹽引等物詔宥寧罪追取田園鹽引給主餘物悉入

官○漕運總兵官都督僉事武興以巡按御史吳鑑奏舉其罪
言鑑仇已請勿令收其家衆鞠問右都御史王文等謂興心懷
詭詐意欲析恩又不伏罪似茲惡之輩難逃怕終之刑乞先
下興法司俟鑑覆奏庶蕪潔知勸姦貪警懼 上竟宥之○設
四川馬湖府梅泥溪巡檢司從泥溪長官司長官王嵩奏其地
多強賊也○丙申命都指揮僉事李信鎮守洮州先是信協同
都督李達管事至是達年老致事故獨委信○選取山東并直
隸各府孳牧馬一萬匹以聽給俵○先是雲南激江府新興州
知州郭駐等言本州鐵爐閣路當衝會而山峻險蠻寇出沒劫
掠行旅請立巡檢司設土流官無理防捕庶使往來至是布政
司覆實從之○巡按直隸監察御史段信奏江都縣揚子江沙
洲上民戶不下數百餘七月間中夜風雨大作江潮泛漲沙洲

水高丈五六尺溺男女千二十人斃產田禾泮汝無算越三日
風息水始縮 上命御史府縣官出官殘葬溺死者而檢存者
以食泮汝田畝悉蠲其稅○有軍餘五人各以侵占官田私獻
皇親指揮孫紹宗亨覺 上省紹宗罪追田入官○丁酉陞沙
州衛使臣副千戶亦剌馬丹為指揮僉事○陝西都指揮僉事
羅景坐詐索土產財物降寧夏衛指揮同知○戊戌工部言直
隸保定府容城縣雨水泛溢決杜村口隄七處與阜道口相連
勢成河道湍急尤不易築請委保定府佐貳官發附近丁夫備
築從之○夜月犯天衛上星○己亥賜代府隰川王遜燦并妃
袁氏僕仗撥典內使二人○命順天等府并浙江等布政司今
後鄉試單將試院內物件發在城府分枝貯者守待下科取用
不許各官侵欺入己及重科取於民從山東按察司按察使張

鵬言也。○庚子陞通政司左通政李錡為通政使以九年任滿故也。○上還朝召各營總兵官及戶部臣諭之曰在京操練官軍辛勤宜加賞勞其馬隊官軍人賜銀二兩步兵隊人賜銀一兩舍人幼軍餘丁人賜銀五錢凡賞二十二萬餘人共銀三十餘萬兩。○四川董卜韓胡宣慰使司招出止烏地生番土官刺麻番僧也夫桑兒只叭歲卜等貢方物賜綠帶襲衣有差。○四川威州保縣民夜互鎮夷關圍其仇家殺之巡按監察御史陳自韜素守備都指揮僉事鄒寧不嚴防禦請治其罪。上宥之第責其罪狀蜀俸一月。○工部言河南山水泛溢灌衛河浸衛輝開封懷慶彰德民舍壞宣武衛懷慶守禦所城。上命所在隨宜脩理民失所者撫恤之。○辛丑命各處土官衙門應獲兒男俱照軍生例遣送官學讀書鄉試其相離地遠者有司計議

或二衛三衛設學一所從貴州思南府經歷李驥言也。○巡按直隸監察御史江玉琳奏池州知府葉恩販鬻子女而妄以在赦前出之又匿其納受財物之罪都察院請收治玉琳從之。○壬寅雷震奉先殿鴟吻。○順天府固安縣知縣葉鐸索所部財宜黃縣丞袁玘因公科歛下錦衣衛鞠問送法司論罪俱當贖使為民。上命請宥違衛以警其餘。○癸卯陞太常寺少卿蔣守約為本寺卿且勅其敬慎廉潔表率僚屬供事神明毋怠毋忽。○上以風雨過多勅戶部臣曰今歲南北直隸軍民被水災者甚多朕甚憫之爾戶部其令所司加意存恤無重煩擾有缺食者賑之仍蠲其租及蠲辦物料。○命都指揮僉事陳剛於永寧把總管操都指揮僉事韓志回萬全都司管事從總兵官永寧伯譚廣等奏請也。○命都察院揭榜禁約各處官司豪

橫之徒毋得巧為糾劾剋害軍民○兵科給事中劉益奏大寧都指揮僉事李果不早放城門逮至刑部論贖杖還職 上以采倫情廢事贖罪仍任俸三月○甲辰陞直隸河間府同知廖瑛為本府知府謨初以僉事調佐河間潔已奉公益息訟簡至是知府缺所屬州縣官耆民奏保護堪陞任 上謂吏部臣曰郡民既不擇謨非急政何以得此其即陞為知府以慰民望○河南都指揮僉事林祥奏原領河南官軍在京操備半年一換今調宣府操備若照京例半年一班寒暑不均往後不便乞照舊例一年一換從之○先是在京內官軍民人等侵種良牧草場及土城外沿河內外舊西琉璃窯廠等處官地凡數百頃并鳳陽府衛軍民新闢地萬餘頃俱未起科至是遣官經量悉令納稅○四川建昌衛土官指揮使安均遣人貢馬騶豚幣幣

衣華物○乙巳 上親告于 六廟太皇太后 皇祖考仁宗
皇帝 皇考宣宗章皇帝曰茲者今月二十五日早雷震 承
先殿鹵吻是蓋祁稟秉德不類政事有乖以致 上天示警
祖光弗去祁孽不勝惶懼之至謹用恭告慰安 聖靈勉圖備
省以回天意并遣官祭告 昊天上帝 后土皇地祇○勅雲
南總兵官左都督沐昂等曰得奏言跟坑年遠坍塌即令軍民
缺食用人採辦有妨屯守然朝廷重在恤人利非所計頃因言
者以雲南罷赦慮軍資民食不給欲因山川之利以資官民之
用今爾等具言地利人情如此所得不備所費朕聞之惻然勅
至即如舊停止與民休息爾等宜提督軍衛有司用心存恤軍
士撫綏夷民遇有缺食即設法賑濟不許纖毫剝削剋害違者
即加懲治重者具實奏聞爾等其欽承之○丙午勅州衛都督

會事喃哥都指揮使克羅俄領占曰爾汝州衛附近西陲自我祖宗時設立衛分爾父因即來首膺簡拔授以官職撫治人民迨今四十年發忠誠一心近以壽終遣官賻祭今爾兄弟來朝頭目人等保爾承襲朕以爾喃哥係嫡長子命襲父職為都督會事掌衛印信爾克羅俄領占係第三子特除都指揮使協同管事爾等宜體朕眷待之意堅守臣節兄弟一心撫安部屬庶副委任之重○刑部尚書魏源卒源卒文淵江西建昌縣人以進士授監察御史釋克起滯所至有聲扶滿陞浙江按察司副使未幾召署刑部右侍郎會河南饑調河南左布政使以賑卹之民得其所流亡來歸歲仍有秋後進為刑部左侍郎會從二品祿奉命整飭四川邊務一時明法施令羣廢單舉還拜尚書後奉命往西北督察諸將以便宜從事謹關防嚴守禦調發

駭勁勅奏急忽備戒堡劊器械搜捕逃亡措畫方畧皆當其可
權豪側目源弗之顧還任久之病足不能趨朝遂乞致仕至是
卒命有司葺菴源儀觀宏偉寬厚有量京師嘗大水其屬官所
居被滄源聞之盡以宅傍空地分與之有獄獄不當者怒斥之
隨以事來議與笑談初不留怒得大臣之體云

大明英宗法天立道仁明誠敬昭文憲武至德廣孝睿皇帝實
錄卷之一百十九

大明英宗睿皇帝實錄卷之一百二十

正統九年八月丁未朔釋奠先師孔子遣翰林院學士陳循行禮○遣順天府官祭宋丞相文天祥○勅太保成國公木勇等并五軍三千神機等營曰朕念軍士艱窘命有司給銀兩以優卹之而管軍頭目却以置備軍裝為名因而措克之爾等畧不禁戢甚者又假公事以科歛侵擾軍以種田撥厥所由罪必有在已命御史察糾亟改前非毋貽後悔○山西平陽府湖廣荊州府并汧陽州各奏六月七月不雨禾稼枯槁租稅無徵上命戶部覆視以聞○浙江台州府黃巖縣奏自春徂夏民間大疫男婦死者九十八百六十九人○戊申祀太社太稷○申明習尚胡虜衣服語言之禁從監察御史苑恪言也○朝陽門外倉成名大軍倉銓大使一員副使三員隸後軍都督府以

貯操備馬料豆。錦衣衛鎮撫司奏見監麓川叛賊家屬芥利
劄等男婦七十二名口擬候斬配。今天寒無衣恐凍死。上曰
如數給與裨襖袴鞋。巡按山西監察御史范恪奏近制民間
歲輸邊餉皆酌量地里遠近惟大同府所屬蔚澤州廣昌靈丘
廣靈縣去宣府不遠而租稅有於大同上納者應朔等州縣去
大同不遠而租稅有於宣府上納者民甚不便請以蔚澤等州
縣租稅悉輸宣府應朔等州縣租稅悉輸大同則道路均而民
便又言瓦剌等處朝貢使臣過大同者歲以數千供億之費上
下苦之請以操軍遺下屯田給與有力之家耕種歲徵其稅三
分別貯委官典守以資供給為便從之。刑科給事中鮑禪奏
比因豪民與販私鹽因而劫掠朝廷遣官禁革非徒欲鹽法既
通實欲斯民又安也近者浙江所屬府縣籍記軍民之家計口

月令納米三升買鹽一斤其富商大賈持鹽赴官官為歛散連
徵之急過於租賦且浙江近歲荒歉貧下之民體粥不給豈能
計口出米以貨鹽哉今奪貧民之食以益富商之資甚非卹民
之意也况鹽法不通實由豪民載以舟車彼近場小民背負纖
毫易米充饑豈為大害請勅巡鹽監察御史除舟車所載嚴加
禁革其負十斤以下者勿論民間食鹽聽其自買毋復計口月
給則鹽法通而民不困矣從之○直隸太平府當塗蕪湖繁昌
各縣河泊所魚戶耗之過半而徵課如舊所司以聞 上命止
徵其見在者餘悉免之○已酉書優襄陵王冲林伊王顯煥曰
承喻衮冕皮弁等冠帶服寫年文請為別製今特選紗羅紵絲
鮮明者量度足用付府中自製庶幾適宜玉珩玩珠玉珮等件
宜用舊者專此奉復叔祖亮之○庚戌封交城王美垸長女為

萬全縣主配張瑛命瑛為宗人府儀賓賜誥命冠服等件○命
武定侯郭玠佩璽明符軍印充總兵官鎮守宣府勅之曰宣府
審邇京師逼臨胡虜最為要地今特以付爾宜體朕心持廉秉
公正身率下選拔智勇兼用率策撫軍士廣屯田務俾軍威振
舉邊鄙肅清無不負委任之重○召宣府總兵官永寧伯譚廣
還京勅之曰卿久在邊陲克効勞動比聞年老不忍重煩以事
卿宜亟求用副朕優待老臣之意○刑科給事中鮑禪言各府
州縣官九年考滿多因在任買田置宅娶妻立籍恐遷別處要
民保留甚為妨政章下吏部言保留舊例不可以一妨十惟宜
申明所隸上司嚴加覆覈 上曰朝廷於牧民官許民保留陞
以祿秩者固為民計也革行之既久不能無弊今後有保留者
其令巡按御史布按二司及該府官從公會覈果有蕪能公勤

撫子有方者須其實蹟奏來若所保官有如給事中所言者及御史等官循私保劾供治以罪吏部同都察院宜即移文通諭之○鎮守陝西右都御史陳鑑奏陝西州縣數月不雨麥禾俱傷民之弱者鬻男女强者肆劫掠臣懇稟賑濟官為贖還男女四千人獲劫掠者千九百人其未獲贖者尚多乞今歲租稅量蠲四分其六分米布兼收從之凡蠲米四十八萬六千石有奇○辛亥命加木隆宣慰使司番僧耶捨朵兒只巴藏卜為淨脩崇善國師賜之誥勅○壬子命直隸保定府推官徐堅復任陞正六品俸先是堅九年考稱當遷所屬州縣官民以堅律已公勤理刑允當奏保復職至是巡按御史等官覆實吏部以聞故有是命○辛睦清瑣官初平江伯陳璉奏設臨清開墾遂廢至是乃革其官○甲寅命翰林院侍讀周叔侍謀王一宰為順天

府考試官賜宴於本府。○擢進士畢鷺胡貫任寧章文烏監察御史從右都御史王文薦舉也。○四川建昌衛土官指揮使安均遣弟安金保等昌州長官司遣祀事阿直等董卜韓胡宣慰使司刺麻頭目也夫系兒只叭藏卜等俱來朝貢馬賜宴并賜銀綵幣表裏貯絲髮衣有差。○大理寺卿俞士悅等言例文職受財枉法滿貫當絞者充軍其不滿貫者俱贖罪為民武職出百死一生得官今生沅徒杖者藥充軍則前功盡棄而罪反重於文職乞令武職受贖私縱操卒滿貫當死者充軍其餘不滿貫當沅徒杖者如舊贖罪還職則不惟優待武臣抑且寬卹刑典從之。○乙卯命駙馬都尉沐昕署宗人府事。○命南京兵部右侍郎徐琦使職先是琦以九年考滿使職仍叅贊南京機務至是又歷三年奏欲詣京考滿上以叅贊事重就令使職。

甘肅總兵官寧遠伯任禮等奏赤斤蒙古衛都督阿達遣人言瓦剌也先嘗欲與都督且旺失加為婚未諾茲又遣使國求阿達妹先要親人往受聘禮亦未之諾臣思歸順朝廷已四十餘年今被遣子累行侵擾不能安業欲遷居善地上賜勅諭阿達及頭目人等曰爾赤斤蒙古自我祖宗時設衛授官多劬勞力遇有事務寧不加意保卹去歲且旺失加嘗奏也先結親之事已諭令各從所願今彼誠欲求親則當遣人齎送禮物豈可呼其親遠取財物乎且爾為一方之長受朝廷重爵有土地人民之寄又可屈己而遠取微物乎萬一為彼所制悔將無及爾等宜以善言辭之斯為萬全且爾赤斤地方去邊境不遠係爾祖父世守之地足可耕牧養贍今無故欲遷是自示怯弱棄爾善地或為人所乘欲復不可得矣已勅總兵等官踏看境外

附近有無山川險固可以保衆禦寇之處奏未處治爾等宜仍
舊安處毋自驚疑果有警急馳報總兵等官悉爲爾裁處不致
疎失爾阿達與且狂夫加亦當奮忠賈勇獎率頭目同心戮力
撫治人民務使地方寧靖外寇不敢侵侮則爾等功名愈著朝
廷爵賞愈加爾等共勉之○增設福建寧府雜造局大使副
使各一員○宣府右叅將都督僉事朱謙爲所部發其使占軍
人科索財物諸罪覆之有驗 上以時適防秋宥之○巡撫大
同宣府僉都御史羅亨信奏大同宣府自正統六年以磚甃城
至今未能畢工請以河南操備軍夫協助從之○丙辰命永康
侯徐安成安侯郭晟印記南北二太僕寺馬○大同總兵官武
進伯朱冕奏山西都指揮同知田增役軍人盜官物治私第納
強賊金帛縱不之擒又私市瓦刺使臣生口下巡按御史論當

贖新還職法司以例請調沿邊都司聽總兵官調遣從之○伊
府長史徐鐸服滿不起後法司坐贖杖還職改用 上曰鐸姦
計正不欲在王府其特點為民以示戒○丁巳命應城伯孫傑
充總兵官鎮守薊州永平山海等處○召鎮守永平等處總兵
官都督同知王彥還京以其年老故也○設甘肅譯書達子通
事一人從太監劉永誠言也○戊午停徵雲南廣西府通貢稅
糧課程以累歲薄收故也○己未遣官祭山川城隍等神○遣
旗手衛官祭旗纛之神○迤北韃靼脫脫伯孛孛不花等來歸
命為所襲撫於南京錦衣衛文俸賜綵段未稟金織製衣者屋
器皿等物○廣西布政使揭稽等奏近從江西僉事夏時言端
定均徭圖籍凡民間徭役悉按圖更代然廣西地臨邊徼人以
役繁難拘定式請如舊制相時差遣為便從之○革廣東神電

衛稅認局。○辛酉，陞監祭御史曹忝為四川按察使，張謙為山西按察副使，黃文政為僉事，陳仲華為山東按察僉事。○陞沙州衛都指揮僉事撒力為都指揮，同知指揮薛令為都指揮，僉事○踴江西按察司僉事朱良暹勅命并封贈其父母，妻迎制內外官俱九載考稱始給誥勅。良暹先任御史，將九載陞今職。至是陳情乞賜御史勅命為父母榮，吏部覆奏從之。○勅緣邊諸將曰：使臣歸自瓦剌，言虜閱兵利器，交構兀良哈，諸部意在寇邊。爾等宜豫為備禦之計。○浙江按察司僉事彭貫奏舊例屯田授之軍者，每畝輸粟五斗，田有餘授之軍，餘及民者輸亦然。衆多不便，田以荒間，臣以餘丁非正軍，比民有雜差，又非餘丁比，請遞減之。餘丁畝輸二斗，民畝一斗，其荒田待耕三年後，如例徵之。庶軍民兩利，田不荒間，從之。○日生左瑁黃赤鮮明。

○壬戌巡按陝西監察御史程憲言去歲虜犯延綏境守備指揮尹禎等率衆追及之於單窰兒梁與之接戰射中虜一人墜馬虜衆奮勇直前衝擊殺死官軍五十餘人餘軍爭棄器械卸甲宵踈伏乞命虜遂不殺止褫其衣服縱之探形運營竊聞此虜每與官軍戰輒用此計示以可生之路弛其必死之心故我軍遇虜不肯力戰往往致敗推原所自皆將領不得其人操練無素號令不嚴所致也乞勅兵部堂上官一員監督邊兵戒勅將吏倡其勇敢作其急情毋墮虜計 上是其言○癸亥趙王瞻塙奏以諸子受封欲詣闕謝恩 上以遠道跋履艱難優書止之○陞禮部主客司主事劉聖為郎中從尚書胡濙奏請也○金吾右衛帶俸都指揮使陳泉年老乞致事命其子政代為指揮使○甲子書從楚王李淑曰承喻憲王嘗請立柁園莊園

碑已命儒臣代撰文并碑額附去可量宜礮石鐫刻叙其亮之
○聽選主事楊珏以比者所獲強竊盜俱引奏裸形繫手其狀
醜惡上漬 尊嚴請革之刑部尚書金濂等以爲此正統八年
特制也蓋引奏所以使亮頑知警良善獲安珏言難從 上以
爲然○監察御史趙忠奏浙江蘇松雨水經月不消蘇松地下
西有太湖東有吳松江劉家港北有揚城湖白茅塘皆引流注
海今不利泄水者緣近水居民畏水預築堤堰自禦遂令水勢
淤遏不泄乞勅所司去民間私築堤堰命巡撫侍郎周忱按實
處之○乙丑免山東所屬并直隸揚州府所屬被災糧二萬八
千餘石革四萬五千餘束○丙寅書優慶王秩燧曰承眷欲住
韋州展祭先塋足見孝敬之意特從所請但州近邊在邊宜加
謹慎事畢即回護從官校人等宜節量帶去仍嚴切戒飭不許

分外生事擾害官民無不有累令德叔祖亮之○夜有星大如
杯也亦有光燭地出乞宿東南行呈羽林軍後三小星隨之○
戊辰巡撫大同宣府會都御史羅亨信言大同新立威遠衛城
壁下堅操備軍士僅三百人又多遠方編發者未經戰陣萬一
虜寇越淨水坪直犯威遠何以支持臣愚以爲宜於淨水坪侵
土馬營仍舊摘撥馬軍千人於此守備則虜人不敢突入
而大同亦得以保障矣事下兵部請命總兵官計議以聞從之
○革廣西桂林府并全州陽朔縣灌陽縣四河泊所○己巳英
勇後衛帶俸著都指揮僉事華貴爲人發其受所部官路休其
校閱且冒爲領賞賜聚法司論當贖新選職 上特命枷示教
場拘擄諭衆○庚午浙江台州府知府李性坐杖死吏侵盜
贖銀諸罪法司論離死杖首免科 上以性貪暴特命謫戍

邊衛。設涼州衛醫置官降印。辛未 命濟川衛指揮同知李瑄子弘為指揮使以瑄備禦遼東死於虜故也。直隸涿州奏請修胡良等四橋縣固安縣奏請築小屯廠等堤從之。甲戌。初命南京造荆府樂器祭器修真靜順妃橫永嘉大長公主生墳以風雨遇時未完會有勅減省豐城侯李賢因上所修造費 上曰材料已集者速未集者已之。賞都指揮僉事王清指揮武毅千百戶吏驛旗軍葉茂等六十二鈔幣絲段表裏有差以廣西尋樞等府殺賊功也 勅緣邊諸將曰比使臣自瓦剌回備言也先為人充狡桀驚信譎多疑專行詭道而兀良哈頭目掘赤等又在被請兵圍為報復沙州亦斤皆皆與結親哈密忠順王兄弟亦為所刼制其心蓋昭然可見矣今雖朝貢安知非詐卿等宜同心協力經畫方略為先事之備。致仕

山西布政司馬麟卒麟松江華亭人永樂間以人材起拜布政
司居官二十餘年民安正統九年以老病乞致仕至是卒

大明英宗睿皇帝實錄卷之一百二十

大明英宗厲皇帝實錄卷之一百二十一

正統九年九月丙子朔 遣比頭日孛羅失里及弟乃顏台完
卜林等七人來歸命為正千戶等官居之南京隸錦衣衛賜冠
帝房屋器物 免陝西輪班及捕獲人匠以鎮守都督同知鄭
明言地方旱曠人多難食也 設四川叙州府富順縣趙化鎮
巡檢司從知縣李真奏請也 命各按察司在京法司問囚納
紙事例減半追紙送布政司收貯支用餘者冬終數解順天府
從江西按察司副使焦宏言也 丁丑 免南京錦衣等衛被
災屯田子粒五萬六千七百九十餘石 戊寅 甘肅總兵官
竈遠伯任禮等奏陝西行都司所屬俱臨極邊近選精健旗軍
二百九十九名充夜不收常川出境探報信息勞苦倍于常軍
而糧賜與衆無異乞于月糧內增給本色米五斗庶得養其銳

氣從之 己卯寧夏總兵官都督同知黃貞等奏乞簡選寧夏
衛分旗軍馬匹等為二等上等著克奇兵專委勇畧都指揮一
員統領之無事則操練有警則調發次等著按李吏番哨守營
堡仍乞命參贊軍務監察御史糾察敢有調遣不公及私自役
使者具實奏聞區處從之 庚辰 命南京國子監祭酒陳敬
宗復任敬宗九年秋滿至京以哀通請任吏部覆奏 上曰敬
宗學行孝成敬宜模範復學未可以去其令復職 陞應天府
溧陽縣縣丞鄒瑀為本縣知縣先是瑀九年考滿當遷邑民皆
保復任陞正七品俸至是知縣缺員巡撫侍郎周忱又為民奉
保陞補故有是命 巡按廣西監察御史黃瑛言工部新降大
樣軍器令各衛所式成造然廣西地方多高山深澗恐不便于
用又况成造物料皆出諸民既無實用徒費民財乞令各衛所

將未完者仍如舊式造完其新樣物料變停以慰民困從之。○
辛巳擢進士甯英為禮部主客司主事楊英為禮部精膳司主
事命陝西布政司支大絹五千四百疋於鞏昌等衛買馬給軍
騎操從總兵官寧遠伯任禮奏也罷修南京吏部戶部禮部詹
事府先是以南京大風雨勅守備豐城侯李賢等事有不急可
減省停止者以聞賢等以是為言故罷之。○甲申重陽節賜文
武百官宴 革廣西南寧府武緣縣那馬博合二巡檢司。○
丙酉 上諭戶部臣曰近聞山西等處民遞年多有逃於河南地
方居住不才有司不能招撫安輯以致遷徙不常或於田多去
處結聚耕種豪強之徒自相管束布按二司官苟且遷延不思
處置慮有饑荒相率為盜今巡撫少卿于謙詢問彼二處方
面官從長計議撫安方畧奏聞區處務在使民安業不致為非

○給獨石等城堡馬七百匹有奇○丁亥命靖遠伯王驥右都御史陳鎰往西北沿邊整點軍馬驥先往延綏寧夏後至甘肅鎰先往甘肅後至延綏寧夏凡邊防事宜悉聽便宜處置○命都指揮僉事劉廣代都指揮胡麒鎮守肅州麒回總兵官寧遠伯任禮處聽調○先是 上以各邊銅銃數少恐誤邊備命工部具數以聞至是於原數外量宜增加遠東五百三十五延安綏德等處八百三十永寧二十宣府三百二十寧夏一百甘肅五百仍令成造達完遣人往給之○陞鎮守延安綏德都指揮僉事王禎為都督僉事仍舊鎮守○勅沿邊提督軍務副都御史等官王翱等比得降虜言北虜計議待我使臣曰日即攜其家屬於堆塔出見忽兒槐地面潛住分兵兩路入寇脫脫卜花王車兀良哈來侵也先率哈密知院西入御等宜戒飭將吏練

軍馬繕營壘多遺間謀以覘之堅壁清野以待之使其進不能
戰退無所掠卿等共慎之○己丑命興安伯徐亨鎮守陝西監
察御史馬恭協贊寧夏軍務俱賜勅諭之○命太僕寺少卿沈
升復任以九年任滿也○戶部右侍郎王質卒質字夢瑾直隸
太和縣人由鄉貢為南陽縣學訓導秩滿擢監察御史宣德十
年陞四川叅政尋遷山東右布政使正統六年陞戶部右侍郎
八年刑部缺尚書上命廷臣擇老成有學公廉謹厚者衆以
質對遂陞刑部尚書居五月以失獄囚左遷戶部侍郎會閩浙
銀場盜起命質往治其事至彼得疾或謂行可少緩質不聽至
杭之武陵驛卒有司為備棺斂送至故里訃聞遣官賜葬祭質
在四川嘗言十事皆中時弊每行郡邑不食肉惟啖青菜蜀人
呼為青菜王為人平易廉而不苛恃學善記不能融會為文其

僚友嘗曰質之學如蜂採衆花不能成蜜云○庚寅擢訓導等
官孫謨周文李琮周文盛陳雍曹敬為監察御史謨等初以吏
部選送都察院理刑至是考中故擢之○廣昌王美堅奏臣祖
魯恭王父廣昌悼平王遺留繪容未有祠堂欲如伯父寧化王
啓建而物料工匠皆無從出乞以命有司 上曰山西民力罷
敎豈宜重困其令王自造之○辛卯召鎮守陝西都督同知鄭
銘還京以其年老也○定西侯蔣青擅管左哨馬步官軍操備
因共奏乞據史書辦 上始知之曰軍馬重事非奉命不得預
蔣貴何所受命而管左哨成國公朱勇何故容之論法皆在所
不宥念其大臣始從寬貸○建州左等衛都督兀察董山遺女
五千戶大藏吉等奏事賜之綵幣○免直隸鎮江府旱災糧七
萬九千八百二十餘石草六萬八千二百六十餘包○夜有星

大如杯色青白有光出危宿西行至游氣○壬辰命工部右侍郎王永和提督軍器等局○癸巳命故右軍都督府僉事曹僉都督子淳襲為指揮使○浙江都指揮同知王英奏臣祖母孟氏母杜氏俱在湖廣荊州府居住乞將臣該支俸米移彼養贍從之○乙未巡按陝西監察御史蔣誠奏都指揮僉事岳廣受狀不理請治其罪 上曰廣鎮邊衛無重情其貸之○曉刻月犯井宿○戊戌給趙府臨漳王祁望湯陰王祁鎬襄邑王祁鏗歲祿各二千石米鈔中半兼支○少師楊士奇男稷死錦衣衛獄中稷挾父勢掘他人墓塋已祖多養無賴子為奴強奪婚姻家田地子女擅抽分商貨屢殺同鄉無罪人為怨家所訴也○己亥立雲南隴川宣撫司以麓川頭目恭頊為宣撫使時麓川既平恭頊請除授官吏總兵官左都督沐昂僉都御史程富等議奏

恭頌首先歸順屢劾勞力乞量授官職於麓川故地開設衙門
上從所言立宣撫司設宣撫使同知副使僉事各一員以恭
頌為使副使以下僚屬俱命恭頌推舉以聞○都察院錄京衛
指揮千百戶二百二十二人受賂放軍 上曰此屬論罪俱當
死姑宥之再犯不宥○庚子慶成王美靖祖母蘇氏卒遣官致
祭營葬○辛丑陝西布政司奏往歲所屬官倉積糧數多奏將
甘寧等處官軍月糧增給今所屬各府連遭亢旱百姓徵納艱
難况官倉收積漸減於舊乞加撙節前所增給者已之為便從
之○壬寅初四川草坡賊加悟以私忿殺寒水巡檢乘勢劫掠
居人比追捕之遁匿雜谷至是雜谷土官朵兒思加為請於朝
乞併其死 上以其既知悔罪宜聽自新勅朵兒思加開諭之
如果服罪輸情躬詣所在官司陳首歸所侵掠當贖其死若頑

拒不悛必發兵勦捕盡殺乃己其有陰相比附蔽護黨匿者罪
并及之○初肥河衛都指揮別里格奏兀良哈拘殺其使人朝
廷許其報復別里格遂同囉罕河衛都督你哈答等率衆至格
魯坤迭連地與兀良哈頭目拙赤安出等戰大敗之遣指揮咬
失以狀聞 上賜綵幣獎諭之時兀者衛指揮莽剌隨別里格
往諸部互市格魯坤迭連之戰連寇悉掠其所齎莽剌忿其強
暴復請於朝欲率衆追殺從之○癸卯命南京禮部右侍郎趙
新為吏部右侍郎○直隸廣德州奏本年七月大雨居民所種
田禾俱淹沒事下戶部覆之○甲辰命錦衣衛帶俸都指揮僉
事哈答子脫連帖木兒襲為指揮使○廣西總兵官安遠侯柳
濤言廣西在城二衛罷軟官七十八員俱以幼年承襲失於讀
書不明義理所以不堪委任乞於操練之暇令其讀誦經書講

解故賁庶知禮義庶耻及尊君親上之意仍委通文墨指揮一員督教及行提督學校食事一體考校從之○南京工部奏請修理操江戰船四十餘艘為風雨所損壞者從之○夜有流星大如杯色亦有光出吳仲西北行至天紀後二小星隨之

大明英宗法天立道仁明誠敬昭文憲武至德廣孝睿皇帝實錄卷之一百二十一

大明英宗睿皇帝實錄卷之一百二十二

正統九年冬十月丙午朔日食。享太廟。遣中官祭司井之神。以下元節遣官祭長陵。獻陵。景陵。命大同總兵官武進伯朱冕寧夏總兵官都督同知黃真鎮守延安綏德都督僉事王禎守備偏頭關都指揮馬貴巡視塞外。先是真奏乞於天暖草青之時會大同延綏偏頭關邊將各率輕騎出境巡歷起自東勝黃河西抵百眼井。按視賊來徑路。豫知地利所在。遇倣乘便易於追勦。兵部下其事於冕等。議冕言大同距寧夏頗遠。難以合兵。大同與偏頭關近。臣與馬貴各整軍馬出境會于東勝。寧夏與延綏近。宜令黃真與王禎各整軍馬出境。于百眼井從之。修德州耿家灣等處隄。夜五鼓。北方生黑氣一道。長約餘十丈。闊餘五尺。離地餘三尺。徐徐北行漸散。丁未

命道錄司右演法卽以正點校道藏經於禁中○建永樂十年進士題名碑於南京園子監初 太宗皇帝既策進士畢巡幸北京故碑未建及是祭酒陳敬宗以為言 上從之命翰林院侍講學士王英撰文勒石○永寧伯譚廣自永樂中出鎮北邊至是召還陛見年已八十餘 上憫其老艱於步趨特免常朝○金吾後衛帶俸達官指揮千百戶蔣勝等奏臣等父祖俱於洪武間降附蒙撥通州令公屯等處居住許令開墾萊田自種自食後因征討有功各陞官階近者戶部額定種地事例臣等所種一槩俱全起科恐不安生乞賜區處 上諭戶部臣曰朝廷待過臣下豈計小利勝等所奏田地既係洪武間撥賜俱全照舊耕種其該納子粒勿徵○戊申命故錦衣衛達官指揮使逸兒必失子北斗奴襲陞都指揮僉事湖廣清浪衛指揮使陳

忠子節製陞湖廣都指揮僉事俱以其父從征麓川陣亡故也
○烏思藏大甯法王遣刺麻鎖而傑等獻馬及佛像舍利等物
賜之綵幣○己酉賜永寧伯譚廣無額某田三頃四十畝從其
奏請也○甯陝西都指揮使馬讓左布政使郭堅按察使鄧榮
等罪讓等弗嚴提督致強賊二十餘人反獄事聞命陳狀讓等
文飾都察院初奏之請命巡按御史鞠治 上宥其罪命錄劾
章示讓等俾亟捕逃賊不獲不宥○辛亥命國子監生楊傑等
八十八人歸陝西時陝西旱饑傑等自陳家有父母恐供養有
失乞歸省視 上許之命俟稍稔即復監肄業○壬子命刺麻
耶捨朵兒只已藏卜為淨修崇善國師給銀印誥命并賜衣帽
先是加木隆宣慰使克羅俄監繫言哲兀窩寺在加木隆西北
境外富庶甲於諸簇前此未通朝貢有耶捨朵兒只已藏卜者

為衆所服今願以土地人民內屬乞與一名分委任之必能効力且遣人導之入朝故有是命○戶部奏山東青州府某旱該徵秋糧起運倉者已令啟甯之家送納外其存留本處糧民願折納綿布於沿海軍倉抵數上憫其饑甚從之○癸丑襄垣王遜煒奏自幼失母保護有關遂得齒疾脫落之餘所存無幾而守國塞下方藥所須百無一二乞賜頒給以資調適凡求藥百餘品并書六十部大抵多異方雜說及諸金石之劑上命止以仁孝皇后勸善書為善陰陽二書與藥性和平者給之且諭以書言清心省事自然能底壽康過爾紛紛恐有損無益○迤北无剝脫脫不花王及太師也先使臣卯失剌等一千八百六十七人來朝貢馬三千九十二匹并齋也仙母敏答失力阿哈所進狐白皮以獻皇太后宴賜有差○河南右布政使

年富初任陝西右叅政威嚴廉直任滿將赴京吏部會官舉陞
今職有言富酷虐者○上命吏部查富舉主以聞欲罪富而
連坐之尚書王直等言少保禮部尚書楊漣所舉上意乃解
命移文諭富令共用心理事如再酷虐軍民必罪不貸○乙卯
山西都指揮僉事張瑄子誤傷人命瑄墜弗舉事覺法司請鞫
治上曰姑宥之仍錄狀以示○丙辰陞浙江處州衛指揮使
王政署都指揮僉事提督温州等衛海道從巡海御史等官康
榮等奏保也○設廣西思恩府在城蘇韋古陵三驛○丁巳命
河南都布按三司營伊王庶子府第從王奏請也○陝西平涼
衛土官所鎮撫朵羅禿岷州番僧著即尖督泰寧衛指揮討均
等來朝貢羊馬及佛像舍利賜綵幣有差○巡按四川監察御
史俞本奏威州古岷羌地王董二姓世為婚姻叢者董敏以軍

功陞巡檢王永不平遂殺死敏人口朝廷特宥永而敏訟寃不
已臣訪得永與雜夷人共類敏與董卜韓胡共宗若制馭不早
貽患匪輕乞勅大臣一員總督軍務以控制之庶消未然之患
上曰不必命官兵部移文四川三司暨巡按御史計議處置
如敏承果各安分守也法則已萬一聚衆為非即會官熟計相機
撫捕期於事妥夷安或他有方略具實奏聞○戊午蘄州造荆
王府成上以書報荆王瞻炯令自擇時日往居之○吏部聽
選官夏澄言臣原籍浙江上虞縣凌湖洪武間嘗遣官疏通積
水可溉田八百餘頃近年久湖口深闊雖有土壩隨修輒壞
以致不能積水乞於湖口作石閘量水勢高下而為啓閉庶旱
則高田足以灌注兩則窪田不致滄損旬容縣稅課局大使葉
俊亦言本縣有河溉田邇來壅塞水不能積稍有亢旱田禾即

某僅致薄收乞疏通之事俱下工部覈實覆奏之。○己未賜駙馬都尉薛桓生母王氏誥命追贈陽武侯夫人從桓奏請也。○命故金吾左衛指揮同知王貴子瑛府軍前衛指揮同知常榮子能羽林右衛指揮同知朱貴子輔俱襲職。○謫監察御史李儼戍遼東鐵嶺衛儼在光祿寺監收祭物太監王振過之怒儼應對不跪遂下錦衣衛獄已而請之。○辛酉陞南京都察院右副都御史周銓為左副都御史仍提督倉糧如故銓九載秩滿吏部以聞故有是命。○設江西袁州府萬載縣鐵山界巡檢司萍鄉縣草市巡檢司。○夜望月當食不食。○壬戌命遼東金州海州二衛春秋擇日祀天妃廟令守備官行事從山東按察司副使王憲奏請也。○雲南總兵官左都督沐昂等奏麓川頭目曩渙來歸願捕賊自効。上命其還守本土撫民捕賊俟有功

陞當自今凡來歸者視此例○靖遠伯王驥等奏延安綏德地
方廣遠通賊路多我兵聚之則防禦不周分之則勢力寡弱即
今備冬除各營寨墩隘哨守官軍外惟都督王禎王斌所領各
千人東西相距遠遠有警恐難策應臣等議於陝西見操及甘
肅下班官軍內更選一千人令都指揮楊得青統領時於延綏
往來哨守俟春暖仍還各處庶邊境有備易為調遣從之○癸
亥 誠孝昭皇后大祥遣官祭 獻陵 上不視朝率親王祭
奠几筵○夜有流星大如杯色青白尾跡有光出室宿西北行
至游氣○甲子 誠孝昭皇后祔 廟免文武羣臣朝○書貽
晉王鍾鉉曰日者臨泉王奏儀賓高選請不法事朕念其親貴
特免追問止令御史拘捕干門人犯而避乃不體朝廷推恩寬
宥之意曲庇微賤之人擅昇靈石郡主置察院門欲為抵禦之

計虧辱宗親幸違禮體論法難容今姑宥其罪但罷其祿給革
去冠帶令洗心改過用蓋前愆如復不悛必以 祖宗大法治
之第其明示朕意嚴加戒飭毋俾其終陷罪戾○禮部尚書胡
濙言迤北朝貢使臣例錫宴於本部今來使數多一日之中難
於合宴請以乙丑宴危剌卯失剌等丙寅宴回回銷魯檀等從
之○永寧伯譚廣卒廣丹徒人洪武初為府軍衛伍長從征金
山亦速河陞錦衣衛隊長帶刀宿衛尋授燕山中護衛百戶從
征乃兒不花轉左護衛從 太宗皇帝靖難累功歷陞指揮同
知留守保定尋陞指揮使都督韓觀兵十二萬攻保定廣以孤
軍拒四十餘日伺敵懈出兵擊走之永樂元年陞大寧都指揮
僉事董工營建北京既而領神機營從征迤北克駝騎將軍又
從征九龍口為前鋒賊數萬騎憑崖列陣廣以神箭萬人射之

死者無算乘勝揮左右夾擊賊大敗陞中軍都督食事賜白金文綺鞍馬二十二年陞左都督克總兵官佩鎮朔將軍印鎮守宣府正統六年以勦胡寇功封永寧伯賜誥券授奉天衕衛宣力武臣特進榮祿大夫柱國食祿一千二百石 上念其久鎮且老命武定侯郭玘代還未幾卒年八十二訃聞輟視朝一日遣官葬祭謚哀毅廣長身有膂力奮迹戎伍至總兵大小百餘戰未嘗敗所統神機馬隊精壯人稱為譚家馬其鎮宣府凡二十年善撫士卒及去人咸慕之○乙丑頒釋道大藏經典於天下寺觀○丁卯陞順天府府尹姜濤為戶部左侍郎光祿寺少卿王賢為順天府府尹○命署都指揮同知許責任山西行都司督操大同各衛軍馬從總兵官武進伯朱冕舉也○襄城王範悞以府第朽敝請令有司修理 上以陝西民艱止命韓府

軍校工匠營之。○命拓陝西寧夏城以右給事中侯臣言其狹隘也。○戊辰南京光祿寺言歲積糴麩至三十餘萬石請令有司售之市從之。○庚午南京太僕寺卿王榮九年任滿。上命援職。○勅靖遠伯王驥等曰得寧遠伯任禮等奏今年七月九日也先遣人授沙州等衛都督僉事喃哥等偽官及欲分遣人馬由大同寧夏等處入寇爾為朝廷大臣與國同休宜深思遠慮與各總兵鎮守官計議一切備邊禦賊之策仍選拔駑雄訓練精銳過警相機調度要在軍聲大振庶幾知畏邊境用寧又聞各邊守瞭軍士多有貧窘逃亡者爾等亦當從宜撫恤務使勞逸均平人不失所。○勅雲南總兵官左都督沐昂等曰得奏緬甸欲遣人來歸思任發及爾等欲發莽刺劄回雲南俟思任發至日諭令還彼以慰遠人歸化之意悉從所言但緬人請詐

不可輕信爾等一應軍務頭博采衆議從宜審處以圖成功卿等其敬慎之○沙州衛指揮奄克等以奏事至賜之綵幣○泰寧等三衛都督拙赤等遣頭目朵羅罕等獻所獲犯邊賊首阿台馬畜及貢馬謝罪且言阿台逃匿不知所向如少寬假務追獲送京并言三衛人口前為官軍所獲者乞賜矜原 上賜勅諭之曰覽所奏見爾等尊奉朝命追悔前過之意今春邊將所獲生口就令爾三衛來朝使臣面相識認並云初不相識已行處治中有男女三人自言為爾拙赤親屬朕念爾効力多年特命法司覈管優恤之今既知悔過并遣之歸使爾骨肉完聚此非分之恩也朕於爾三衛諄諄告諭欽相保全冀其恪秉臣節忠事朝廷以永無疆之福若譎詐反覆苟求僥倖而從心異孤恩悖德天殃人禍其能免于尚深惜痛省勉圖為善用副朕心

○南京都察院右副都御史周銓言洪武間命官於各布政司
府州縣相其地勢可積水處即令開挑陂塘溉田壅塞則疏通
之兩滂則放泄之民蒙其利益有年矣近來廢弛臣巡視所至
之地見其禾稼不收錢糧逋負人民饑饉乞勅該部申明疏修
以為久遠之利從之○謫順天府大興縣知縣蘇敬戍邊初大
興民以爭田訟於縣教令老人蕭永往視之永聽屬不直教杖
永致死事覺刑部罰教役滿僅職吏部請黜為民 上曰蘇敬
為牧民官不施教化而專尚威刑杖人至死牧民之心安在其
謫戍威遠衛以為嗜刑殘民者之戒○壬申南京都察院右副
都御史周銓言二事一朝廷紀錄軍丁本存恤之也而南京各
衛所往往將年十二三者一體工役子母更互負擔每月食米
三斗多為官軍所掎剋殊有存恤之意恐天下衛所類此尚_考多

乞通行禁止一鋪兵逸送公文晝夜行三百里近年所司怠緩雖申舊令恬不知改乞令巡按監察御史按察司官時加查究併罪其提調官仍申達吏部俟九年滿考憑以降黜庶幾弊革而人知懼 上皆從之○癸酉直隸真定府通判陳祥奏所屬旱傷該徵存留糧草辦納艱難乞每糧一石折鈔一百貫草一束折五貫俱解京庫交收庶蘇民困從之○甲戌命兵部右侍郎虞祥通政使司右通政呂爰正翰林院侍講劉鉉檢討王玉清理軍職貼黃○命陝西都指揮僉事石能鎮守民州○勅諭沙州罕東赤斤蒙古三衛曰初朝廷以爾等忠順歲久危剝亦常來朝貢欲結姻親各隨所願近聞彼此往來頻數必生釁禍蓋自昔懷人誘惑良善或啖以微利假以官爵或許以土地脅以勢力一或聽從則驅使如奴隸稍不如意則斬艾如草芥積

威所制雖使之赴水火不敢有違及事機敗露彼則深藏遠避而被誘者乃受其禍如曉霜春雪太陽一升無不消化此必然之理也爾三衛頭目皆朝廷選拔委用大小人民皆朕赤子故特惓惓開諭欲相保全宜堅守臣節毋聽人誘惑陷身罪惡部屬有不遵約束者以法治之果有執拗不馴心懷反覆者奏來處治如遇外寇侵擾協同諸部并力相援果別有警急即速報遣將為爾勦捕爾等其體朕至懷省念毋忽時兀良哈已陰附危刺而沙州罕東赤斤蒙古三衛亦將附之上遣都指揮李鐸哈刺苦出往諭三衛未報而沙州衛頭目薛令來言也先遣人至三衛授喃哥等以平章等官又言危刺欲從大同寧夏謀力山亦集乃諸路入寇於是復以是勅付鐸諭之且命鐸密察人情向背及其往來交與之故

大明英宗法天立道仁明誠敬昭文憲武至德廣孝睿皇帝實
錄卷之一百二十二

大明英宗睿皇帝實錄卷之一百二十三

正統九年十一月丙子朔欽天監進正統十年大統曆 上御奉天殿受之給賜諸王及文武羣臣頒行天下○丁丑六科給事中十三道御史交章劾奏神機營總督操備鎮遠侯顏興祖廣寧伯劉安隱占軍士輸納月錢宜寘諸法 上曰所言固是始屈法寬貸如再弗悛必罪不宥○戊寅冬至節遣官祭長陵 獻陵 景陵○ 上詣 奉先殿 皇太后宮行禮畢出御奉天殿受朝賀大宴文武羣臣及四夷朝使 皇太后 皇后免令婦朝賀○己卯文武百官朝親王於奉天門東廊○授迤北耒歸鞬鞞俺克為百戶阿木敦猛可瓜禿弩木答兒俱為所鎮撫隸南京錦衣衛支俸賜冠帶房舍器物○調湖廣都指揮使何貴都指揮僉事王瓚四川都指揮同知李昇俱任廣東

都司分督備倭屯田。鎮守陝西興安侯徐亨等體覆秦王所奏右都御史陳鑑巧取民財，創建神廟等事，多無驗。上貸鑑命法司錄狀，以示令其謹守禮法。庚辰，襲封衍聖公孔彥爵。采朝上表進馬，賀萬壽聖節，賜宴及鈔幣等物。巡按山西監察御史夏誠奏平陽府所屬絳州等州縣今年春夏亢旱，子粒虛耗，人民缺食，除逸糧徵納外，其存留腹裏糧芻及借貸預備倉糧，俱乞停徵，以甦民困。上命戶部覆實，停之。辛巳，陝西平涼衛土官所鎮撫朵羅禿西寧衛千戶哈成來朝，貢馬、駝、鷹犬等物，賜宴及綵幣、表裏等物，有差。壬午，陞錦衣衛指揮僉事馬順為世襲指揮，同知仍掌鎮撫司事。給慶府安塞王秩炆歲祿一千石，米鈔中半，羔支。癸未，恭寧衛都指揮討勤遣指揮紐林等，朵顏衛頭目伯台遣指揮扯扯于來朝，貢馬，賜

宴及綵幣表裏等物有差。先是守備偏頭關都指揮馬貴奏本關備禦官軍常幾萬人而關城狹隘且以倉庫衙門所占不能容居故多分住城外遇有警歛之入城則人衆無可處之地請展拓之。上命巡撫都御史及方面官同貴於明年春和之日開築至是貴復以人力不足乞益以附近衛所軍餘工部稱人多恐費邊糧宜仍初議從之。○甲申瓦剌太師也先遣使臣失連帖木兒及回回平章鎖魯等來朝貢駝馬等物賜宴及綵幣表裏等物有差。○都察院右都御史王文奏臣以草茅幸逢盛世累至今官方及一考豈敢覬覦非分之恩但念臣母彭氏年過八十日請西山恐不能久乞賜誥使母得沾恩命上特從之。○乙酉朝鮮國王李洵遣陪臣安崇善等齎表并方物賀萬壽聖節賜宴及綵幣表裏等物有差。○太保成國公朱

勇等奏大營及三千五軍等營官軍騎操馬即今於各馬房飼
養宜遣招遠伯馬亮十二人更番提督臣亦不時巡視庶使人
皆盡心馬無耗損從之○丙戌 萬壽聖節遣官祭 長陵
獻陵 景陵○ 上詣 奉先殿 皇太后宮行禮畢出御奉
天殿受朝賀大宴文武羣臣及四夷朝使○丁亥陞獨石備邊
府軍衛指揮僉事楊俊署都指揮僉事督操馬營軍馬俊左叅
將都督洪之子洪舉其久歷邊務屢著戰功故有是命○河南
按察司僉事徐朝宗奏大寧都司官軍都指揮僉事田禮等八
千二百九十五員名侵占屯地四千一百二十七頃有奇逸軍
不輸子粒會赦不即改正管屯官匿不以聞俱合違治所收過
地利合追還官 上俱宥其罪止令今後如例徵輸子粒○戊
子先是安定王柔爾加夫夾禪師賞竹領真於永樂間來降令

於西寧居住後其姪攝判藏卜襲禪師職亦留西寧累遣同官
軍入番撫諭至是鎮守西寧都指揮僉事汪清奏其窺探中國
透泄邊情恐生不測上命攝判藏卜回本地協同安定王化
導番民○裁革湖廣穀城縣河泊所從布政使蹇賢奏請也○
己丑滿剌加國遣使臣家邦的刺耶等福餘等衛指揮馬撒罕
等亦里察河衛哥吉河衛兀者托溫千戶所野人亦里答等俱
來朝貢馬及方物賜宴及綵幣表裏鈔絹等物有差○庚寅命
安定衛故指揮僉事脫麻夫子瓦思塔兒夫里子阿奴俱襲職
罕東衛都指揮同知綽兒加子當卜兒襲為指揮使陞舍人觀
祿為指揮僉事○減陝西行都司所屬衛所官下舍人地畝子
粒糧先是每頃徵糧十石至是總兵官寧遠伯任禮又以為言
每頃止徵八石○辛卯命故金吾右衛帶俸署都指揮僉事徐

林子海襲為指揮同知○湖廣靖州貴州鎮遠府俱奏歲歉缺食已發倉賑民并貸以種子謹具數聞○癸巳書復永興王志懌得奏績邊鎮國將軍公鈔婦失於奏請深自克責具悉所還李哥女准令成婚叔自今宜祇循祖宗成憲以全令德○山西柴夫王渙狂走入長安右門哭且笑者三言我處百姓饑者者餓死逃者逃盡請縛見上有所陳說校尉擒奏以為妖言詔下錦衣衛禁錮之○夜有流星大如難彈色赤尾跡有光起自室宿西南行至游氣○甲午免直隸廣平府屬縣去年被災糧一千九百餘石等三萬五千三百九十餘束綿花五百八十八斤○夜月生五色雲暈○丙申陞通政司右通政呂爰正為左通政仍舊清軍職貽黃以九年考滿故也○擢進士王宣為吏科給事中○甘肅總兵官寧遠伯任禮奏陝西署都指揮僉事

張通宋忠楊斌劉英備違年久多效勞勩乞甯授其職 上曰
軍職論功受賞通等奶舊俟有功時議之○赤斤蒙古衛違舍
人顏卜郎建州衛都督李滿住遣人各貢馬賜宴并綵幣表裏
有差○戊戌穀城郡主薨遣中官致祭命有司營葬○己亥命
故永清左衛達官指揮同知朶羅禿子廣全南京金吾左衛指
揮同知劉政子經俱襲職金吾右衛指揮使羅敏子祺羽林前
衛指揮同知王通姪玉濟陽衛指揮同知蕭貴子旺俱代職○
勅諭安定王亦班丹及安定衛都指揮那南奔等大小頭目人
等曰前因爾那南奔及所部頭目劫掠曲先衛都指揮都立帳
房人畜朝廷遣官往彼追理爾那南奔等肆惡不悛復劫掠官
軍駝馬行李又特勅爾安定王等追究爾等正當挨捕前賊追
逐所掠之物庶彼知所畏懼乃姑息曲蔽將來小人何所懲乎

此等小人論法當調大軍勦滅但念其蠢然無知且爾安定王已遵朝命追理又陳詞乞憐今特遣國師攝刺藏卜齋勅前去爾等即同彼曉諭各頭目部屬自今務各敬順天道尊事朝廷堅秉臣節謹守法度各安生業用圖長久不許分外生事侵擾隣境及聽人蠱惑自作不靖敢有違者聽爾大頭目依治懲治或有冥頑不悛構禍啓釁必命遣將調大軍勦殺不恕仍命攝刺藏卜就爾本地方居住協同爾安定王推廣慈教以化部屬采有功者俱論功陞賞又安定王奏保危思答兒阿奴襲職俱從所請并諭爾等知之○勅諭朵顏衛故都指揮使完者帖木兒男塔不都指揮同知朶羅干倒介等曰得爾等奏爾衛指揮倉事都兒禿係同管事緊要頭目先曾差人進貢至闕不曾放入乞准令進貢已准所奏勅遣將今後遇都兒禿差人進貢

至闡果有爾衛印信文書即放入闡爾等宜省諭都兒充須選誠實之人給以本衛印信文書齋執前來庶見其恭敬朝廷之意○庚子陞戶部廣東司主事李瑀蘇肆為郎中從尚書王佐奏請也○崇信伯費釗等督官軍牧馬於草場死亡幾三千匹至是兵部劾釗等怠弛廢事宜治其罪上曰姑勿罪令其具實自陳○壬寅陞遼東提督也種監察御史李純為都察院右僉都御史仍理舊事以九載考最故也○哈密衛鎮撫沙免力來朝貢馬賜宴及綵幣表裏○巡按直隸監察御史李奎奏蘇松常鎮四府今年七月大風拔木洪水衝塌公私廬舍居民溺死者千數禾稼盡被滄沒糧草無從辦納上命戶部履視以聞○癸卯命河南山西通負稅糧折鈔河南解京山西貯之本處備用從巡撫少卿于謙奏請也○復設四川叙州府宜賓縣

橫江鎮巡檢司。甲辰給宣府前等衛官軍馬一千餘匹。直隸神武右衛奏七月大水禾稼俱傷秋糧子粒無從辦納。上命戶部勘視以聞。四川按察使致仕龔鏗卒。鏗字子諫江西南昌縣人。由舉人授兵科給事中。擢雲南按察僉事。秩滿詣京以疎議謫。後尋起為廣西僉事。復調廣東。薦陞按察使。所至以廉潔自將。盡心所事。多所建明。咸切時弊。年七十一乞致仕。詔允之。至是卒。歷官餘四十年。家計蕭然。無黍稷積。平生剛介。直諫不以富貴累其心。官雖涖憲。臬未嘗尚嚴威。尤人之所難云。

大明英宗法天立道仁明誠敬昭文憲武至德廣孝睿皇帝實錄卷之一百二十三

大明英宗睿皇帝實錄卷之一百二十四

正統九年十二月乙巳朔 上省郊祀牲。○陞提督易州山場
柴炭通政司左通政陳恭為工部右侍郎仍理前事恭九載秩
滿保定等府州縣采柴夫數千餘人奏乞留恭提督吏部以聞
故有是命。○兀者衛都督剌塔剌童衛指揮塔哈納等受河等
衛指揮孫兒只等各遣人貢馬及方物賜宴及綵幣等物有差
○命南京戶部以內帑絹布一萬八千赴雲南給賞征進有功
官軍。○丁未廣東左叅政王來言廣州等府州縣民每歲輸糧
於碣石肇慶惠州雷州等衛所道路險遠况彼倉糧俱足十年
之用地既炎蒸米多泥爛徒勞民供請將下年實徵并上年通
負之數每米四石折銀一兩解送甘肅寧夏遼東等處備用共
存留之數斟酌歲用多寡米銀布足兼收以為官軍俸糧支用

其各衛官軍不係備倭時月令於附近有糧倉分闌給戶部履
奏來所言便從之○廣西思恩府土官知府岑瑛湖廣散毛宣
撫司宣撫覃瑄各遣人貢馬賜綵幣等物有差○巡撫大同宣
府右僉都御史羅亨信言壯中國威外夷固在士卒精強而亦
在邊城鞏固臣見萬全左衛及保安右衛二城但以土築易致
頽敝已嘗奏准覓以磚石築委非其人久未成工訪得守萬全
右衛都督僉事朱謙守紫溝堡都指揮僉事李徵皆有才能可
以服人乞令於邊烽不警之日不妨本職督工修完從之○戊
申陝西右叅政楊立以老疾乞致仕從之○疏鎮江常州運河
○夜有流星大如雞彈色青白有光出北斗魁東北行至近濁
○己酉陞提督大木廠大理寺右少卿韓翼為左少卿翼九載
任滿工部尚書王苞等言翼提督公勤乞仍理前事故有是命

○命修南京通濟等十九門城垣○廣成塔麻達等五衛舍人把令加等童寬山等二衛舍人察來哈等兀者等三衛并哈三千戶舍人木哈良等來朝貢馬及方物并陝西涼州衛莊嚴寺刺麻哈薩室哩等來朝貢馬及佛像舍利俱賜宴并綵幣等物有差○戶部言民間易草歲用不給請令法司囚犯以四分為率二分仍舊運磚運糧二分輸草二死罪納草一千八百束三流并徒三年一千四百束徒二年半以下每等自一千二百束減二百束笞杖罪每一十四十束從之○陞危刺使臣都指揮僉事卯失刺為都指揮同知指揮同知字端禿禿兒俱為指揮使授頭目悅合為都指揮僉事○壬子臘節賜文武百官晏○湖廣保靖州宣慰司宣慰使彭捨怕保廣東化州徭酋彭彥清各遣人貢馬及方物○陞南京太常寺少卿焦翰林院侍講學

士金問為南京禮部右侍郎南京鴻臚寺主簿張俊為本寺右
寺丞○命沙州衛故指揮同知保童子綽思加襲職○癸丑免
直隸常州府屬縣去年被災糧一十萬五千七十餘石草一十
三萬九千五百八十餘包○夜有流星大如杯色赤有光出星
宿西南行至游氣○甲寅朝鮮國王李禔遣陪臣進表及方物
頌明年正旦野人女直葛林等十八衛指揮打里哈等達州左
右二衛都督同知董山凡察兀里奚山等十二衛指揮塔必失
兀的罕等各來朝貢馬及方物賜宴并賜綵幣等物有差○鎮
守陝西右都御史陳鑑奏比得各處報危剝也先既遣人偽授
沙州罕東赤斤蒙古三衛都督喃哥等為平章等官又擅置甘
肅行省名號意在邀結夷心為患邊境宜嚴為防禦之計章下
兵部集太師英國公張輔等議蘭縣係甘肅喉襟宜選官軍三

十人益之甘肅寧夏延綏大同偏頭關各有下班官軍宜催調前去操守俟邊境寧息仍舊輪操甘肅左叅將王敦久病宜選驍勇有謀老成者指揮一員代之大同左右叅將分守東西二路所領兵少亦宜催調下班官軍益之其餘機宜猝難遠度宜令靖遠伯王驥等及總兵鎮守官籌度上命選智勇慣戰都指揮一員往蘭縣守備軍馬姑勿增益仍推智勇超出堪為叅將者疏名以聞各處下班官軍俱不必催調仍舊輪操還移文各總兵鎮守官嚴督瞭備○勅右都御史陳鑑曰前慮邊儲不足民人備運艱難命所司運銀於邊境糴糧備用今聞甘肅官司定與糧教糴買多損軍民爾與總兵鎮守官即提督管糧官務要照依波中時直兩平糴買毋致多收損人又甘肅前選精壯餘丁備用果有不敷亦須酌量丁力添選處置得宜人必悅

從今閒爾等不論貧富多寡見丁選用入將何堪爾即同總兵等官酌量果有餘丁二三丁者選一丁四五丁者選二丁七丁者選三丁八九丁者選四丁十丁以上者選五丁若已選在官者照例存留強壯者備用例外多餘者皆放寧家生理幫助軍資不許該管官旗託此生事拘留後占蓋守邊在於保民若邊境軍民充足糧儲朝廷自有處置况備敵之道當以安靜為本不可自為紛擾致人心驚疑爾等其慎之勅至爾等仍具實奏來○命建州左衛故指揮僉事即那子剌塔孫襲職陞七備衛指揮僉事莽哈為指揮同知○命會川伯趙安子瑛為正千戶陞陝西都指揮使魯失加為右軍都督僉事都指揮同知汪壽為都指揮使都指揮僉事哈剌苦出毛哈剌哈剌不花可帖木兒俱為都指揮同知以安等守邊年久有勞故也○乙卯於

靖遠伯王驥等曰近又得右都御史陳鑑等奏危刺遣人往沙州三衛要結又分遣人馬於沙州近界圍獵已勅哈密并沙州三衛不得聽誘為非卿其即同各總兵鎮守官嚴飭守備頭目中有勇者超出者采訪拔用以勵其餘○丙辰置官房於彰義門收商稅誅鈔從正陽門宣課司奏請也○景陵神宮監右少監阮菊擅伐陵樹百餘株私用事覺法司論罪應斬從之○丁巳陞山西右布政使石璞為左布政使右參政楊昂為右布政使知府葉宜為浙江左參政給事中陳浩為福建右參議巡視銀礦馬諒為山東左參議員外郎朱弼為廣西按察司副使監察御史邢端為湖廣副使韓陽為僉事提調學校蕭鸞為廣西僉事提調學校評事馬嵩為福建僉事提督屯種復除僉事楊輔於廣東從吏部會廷臣薦舉及親喪服闋也○命後軍都

督僉事王喜克左叅將往甘肅領兵山東都指揮僉事李進往
蘭縣守備陞錦衣衛帶俸指揮使張乾為都指揮僉事在京督
操○命建州左衛故指揮僉事申卜子木哈三襲職陞正千戶
忙忽為指揮僉事授舍人納剌孫頭目亦失哈供為所鎮撫○
陝西按察司僉事陳斌先奏守備延安綏德署都督僉事王斌
貪虐王斌亦具條陳斌賦污事下鎮守官右都御史陳鎰都督
同知鄭銘覆覈各有虛實 上命王斌改過守邊執陳斌下錦
衣衛獄坐杖贖罪還職調湖廣按察司○己未勅諭在京各營
管軍人等曰國家兵備軍馬為重義因軍士養馬多不盡心致
有損失特命於馬房飼養即今天氣降寒新正在過朕憫念軍
士卒勤悉令各還原處俟來春操練時月仍入馬房點視務在
馬正肥脂軍裝齊備違者該管官皆治罪不宥○陞沙州衛都

指揮僉事桑加失里為都指揮同知指揮同知乃兒不花為指揮使指揮僉事只孫徹米徹滕吉思俱為指揮同知。○增給陝西延安綏德二衛守邊軍士月糧先是二衛軍月給米豆五斗餘折布靖遠伯王驥言諸處儲糧有餘守邊軍食不足。上特命月給米五斗豆二斗餘折鈔如舊。○庚申命罕東衛故淨慈普應大國師格剌思巴監藏姪端岳監藏襲其叔大國師之職。○辛酉命塔麻達衛老疾指揮僉事哈剌張子八令哈代職童寬山衛故指揮僉事麻里出子察木哈襲為正千戶以嘗寇邊故特降之也。○靖江王佐敬奏護衛百戶戴震與其男儀賓瑄共為非法欺罔誹謗瑄又殿辱柳君請治其罪。上命王府固禁瑄以俟區處震令巡按御史鞫問仍慮瑄不法事情以聞。○壬戌命鎮南劉為崇修善教國師賜以誥命。○命故金吾左衛

指揮同知胡林子通金吾右衛指揮僉事鐵兒孫下海供職
騰驤右衛指揮同知陶真有疾以其子俊代之○以甘肅大風
晝晦遣總兵官寧遠伯任禮致祭境內山川之神○勅靖遠伯
王驥等曰比聞甘肅風變屢作實上天昭示儆戒之意卿等
受朕重託其與各總兵鎮守官夙夜盡心經畫嚴謹瞭備蓋外
虜窺伺之心無時或忘卿等多遣間諜探其衆寡以為戰守之
計務在采擇衆善毋拘故常○會川伯趙安卒陝西狄道縣
人洪武間為甘州衛軍永樂初朝京貢馬授臨洮衛百戶累功
陞陝西都指揮同知宣德三年命充左叅將同總兵官都督陳
懷往征松潘番寇平之陞左軍都督僉事仍掌臨洮衛事未幾
奉詔使畢力木江地方使還復充左叅將同副總兵官都督史
昭征曲先等衛虜賊斬獲甚多又同侍郎徐晞征迤西阿台朵

兒只伯等敗之陞都督同知尋命克右副總兵訓練官軍于甘
州正統三年命征西虜生擒達賊乃顏剌忽及奄克台等封奉
天翊衛宣力武臣特進榮祿大夫柱國會川伯食祿一千石賜
誥命宴勞之四年充總兵官鎮守涼州至是卒訃聞遣官諭祭
給購安葬安勇毅有將畧故能屢立戰功獨異於衆云○癸亥
書復荆王瞻炯曰承喻 聖祖母喪制服闋欲同宮眷來朝足
見孝敬之意然釋服禮有定制况天氣威寒跋涉非易可不必
來專此奉復叔其亮之○勅諭哈密忠順王倒瓦答失里曰近
得爾差鎮撫沙免力齋奏到京備言前被小人於也先處譖言
將爾子母取去今俱差人送回其悉然爾去歲嘗奏也先取爾
子母赴危剌已嘗勅諭也先以義處之全爾親親之意毋聽護
言交構有傷大理今彼以禮遣爾子母還本土是亦順 天道

尊朝命之所為也朕甚悅之又聞彼累差人往來爾處然也先
與爾俱世事朝廷往來和好如同一家皆以保境安民為心朕
固不禁絕之但慮往來之人或有交構蠱惑壞久長之好甚非
爾一方之福也朕切慮之且爾祖脫脫早亡父繼亡伯榮榮無
依乃流來中國我皇高祖特加恩養育人暨我皇曾祖
即位爾祖脫脫之叔安克帖木兒來朝特封以王爵頒給金印
伴管治哈審人民保禦邊境其後亡沒皇曾祖俯念爾宗祀
無人承繼特命爾祖脫脫襲封王爵遣還撫治人民恩禮錫賚
視之如子迨爾父卜荅失里及爾承襲王爵世受朝廷大恩下
及頭目俱受重職恩常愈久愈厚爾當念國家厚恩勉竭忠誠
一心無二庶不負爾先世之志若或昧於大理罔知順逆豈臣
子忠孝之道已往之事悉置不問自今爾益宜敬順天道忠

事朝廷堅秉臣節恪修職貢用圖保全於長久嚴禁部屬頭目人等各懷忠誠毋為小人所誘自作不靖以取滅亡敢有姦詐之徒生事啓釁者爾即嚴加懲治毋累良善其有強橫兇惡構怨生靈不聽爾懲治者即具實奏來調大軍勦殺蓋天道以福善禍淫為心國家以賞善誅惡為治一於至公遠邇無間爾共欽承之○勅諭沙州衛掌衛事都督僉事喃哥都指揮克羅俄領占桑加失里撒力兀魯思不花薛令指揮乃兒不花田吉思只孫及衆頭目人等曰近聞今年七月間脫脫不花王并也先差人來爾處着喃哥做平章鎖喃奔做王撒力做三平章別立哥做右叅政鎖可帖木兒做大使等情但未見爾等奏到朕深疑之自古帝王受天命主宰萬方凡海內海外大小人民皆在統馭之中而萬方之人必知天命所在尊敬朝廷一心無

二然後可以保全長久爾沙州等衛近處邊陲自我祖宗開國以來設立衛分爾之父祖首膺官爵賞管印信管屬人民累效勞力荐陞官職朝貢往來恩膏愈厚脫脫不花王等遠處迤北近年差人朝貢來京朝廷亦遣使臣往彼賜賚視同一家無有間言今彼妄與爾等職事未知果出脫脫不花王等之意或其差來人虛張聲勢假託妄為已遣勅諭脫脫不花王等爾等或被其威脅不得已而受之即宜改悔毋為所累仍具奏來若係爾下人所為不聽爾等約束不行改過為善即具奏來勅殺不宥如爾等縱容部屬與彼交構即爾等不忠之罪亦不輕恕朕以爾等世世忠事朝廷特以至誠諭之實保全爾等長久之意切不許聽彼姦人甘言哄誘受制於人自取滅亡果有外寇脅爾即遵前勅起集人馬協力勦殺及飛報甘肅總兵鎮守官

出兵勦捕務使爾等大小人民不至失所爾等其體朕至意○
吏部聽選官張旭言臣原籍直隸無錫縣有里谷河蘇塘河華
港河上^村李河走馬塘河東南接蘓州苑上湖塘北通揚子江
西接新興河洪武間疏引灌田民甚得利近年淤塞但遇天旱
田無所仰民因饑窘乞勅令有司疏通從之○福建尤溪縣河
泊所官蔡伯達言本縣原有山場鐵鑪十九所常年輸課人戶
因致貧窘流死者多其所耗鐵課累及見在之人而無藉之徒
又往往私集逋逃軍囚采礦煎煇皆不辦課甚至劫掠人民及
官軍巡捕因而拒鬪不禁約之恐生他變乞勅該部移文布按
司官蠲其消耗者其私煇之戶即令補辦課程所集之人審其
從來米隱藏軍囚懲治械發仍逐年委官點視如此則鐵課無
虧民無靠損從之○甲子勅三法司工部曰今天氣隆寒新正

在邇朕念困園中無知犯法者衆飢寒可憫除真犯死罪及官
吏犯賊外其餘雜犯死罪以下遞減二等發落不許淹滯笞杖
罪悉宥免諸匠役除緊關工程外其餘不急之役并在京做雜
工囚犯俱全放假休息明年二月初一日仍舊上工囚犯計日
准工所司務奉公守法伴人受賈惠毋徇私作弊以取罪愆○
陞工部營繕司主事龔理為都水司郎中從尚書王邕奏請也
○陞危剌使臣指揮僉事昂克字羅為指揮同知授鎖魯檀為
都指揮僉事哈只阿力等二人為指揮同知兀馬兒等十四人
為指揮僉事卯哈剌等五人為正千戶脫章等十人為副千
戶給冠帶以皆願受朝廷官職故也○乙丑 上釋 誠孝昭
皇后禱服遣官祭 獻陵○湖廣永順宣慰司宣慰使彭世雄
施州衛施南等三宣撫司宣撫覃彥升廣西鎮安等二府土官

知府岑元氣等東蘭等四州知州章善等并雲南景東府知府
陶璿等向軍民府知府沙仲四川酉陽宣撫司僉事冉佐各遺
人貢金銀器皿及方物○駙馬沐昕因聞者及家奴有罪杖死
之奉御阮伯山以聞詔昕陳狀昕輸罪上曰人命至重下人
果犯法當奏送法司究問那得擅於私家杖殺之昕罪本難宥
但念是國親姑為屈法今後仍如此擅作威福必罪不宥○丙
寅命給陝西西安等府州縣衛所運茶軍夫口糧先是侍郎丁
鉉言陝西歲軍缺食諸處運茶請俟來年上以茶馬急用命
凡軍夫月給口糧三斗○命停徵山東膠州逃亡事故戶口食
鹽鈔一十五萬一千八百三十餘貫○命建州衛故指揮同知
阿克木子童山襲職○丁卯免南京各衛差操屯軍餘糧先是
屯軍差操餘丁代種者徵餘糧六石至是豐城侯李賢以為言

命免其徵苦地畝撥與別軍者仍徵之。○戊辰哈密忠順王倒危答失里毛憐等三衛都指揮北赤等各遣人并陝西涼州衛廣善等寺刺麻綽失吉堅叅等來朝貢馬駝及方物賜宴并綵幣等物有差。○四川馬湖府知府安顛并龍州等四宣撫司宣撫薛公輔等沐川等六長官司長官悅福得等湖廣忠峒等六安撫司安撫同知秦忠等木冊等三長官司副長官譚溫等廣西安平等三州知州李森等及貴州都勻長官司副長官王果各遣人貢馬及方物。○勅緣邊諸總兵官曰近得哈密使臣報危刺也先分遣人馬於沈荅罕等處駐劄欲俟我大同官軍送彼使臣出境謀為劫掠如其得利即分道入寇此雖傳聞之言然觀此賊近年殘害同類要結諸夷實有為惡之意如彼果來犯邊則是天稔其惡自投陷罕古云天與不取反受其殃卿

等其各整擗軍馬修飭器械多方設法選拔智勇以為將領務
在一舉殄滅以清沙漠○授哈密使臣捏伯沙為百戶賜冠帶
襲衣以能忠順朝廷故也○禮部奏廣西利州等衙門進萬
壽聖節并冬至表踰期方至上曰遠人始有之○己巳尚寶
司司丞夏瑄奏臣母鄭氏年垂八十臣以官守不得朝夕侍養
乞容臣終養以盡人子之心上念瑄舊臣之子特從之○庚
午復除監察御史萬節於河南道以親喪服闋也○壬申福餘
衛都指揮安出泰寧衛都指揮納哈哈出朵顏衛都指揮同知倒
斤哥老哈河等三十餘衛指揮安出哈哥陝西文縣羅葛等族
寨首番道石華等湯湯等族刺麻寨首塔兒麻堅藏等湖廣大
旺哥二安撫司署司事舍人田大望等廣西田州府土官知府
岑紹向武哥二州判官董源哥并上林長官司長官岑志威各

遣人貢金銀器皿及方物賜宴并綵幣等物有差○唐王瓊燠奏長女上蔡郡主婚期在邇欲遣人往他處收買服用裝奩從之○戶部奏甘肅軍馬數多種用浩大請召商中淮浙鹽每引納米豆一石於甘肅涼州上倉給用從之○湖廣澧州知州蔣肇奏本州歲辦弓箭解京致沿途損敝及工部驗退不堪解者以公文贖當銀貨買補逮至陪償本利始得公文夫輸造已科於民償貸復科於民民何堪處乞勅該部今後交納不堪者發回換造仍令解者毋假貸以重擾民 上曰今後弓箭令所司用心提督成造輸送到者即從公辨驗收受毋徇私展轉擾民違者皆罪不宥○巡按直隸監察御史段信奏總兵官都督僉事武興叅將都指揮僉事湯節盜官物以造私舟後官軍以斂民利宜治其罪 上以時正備運始識其過令改之再犯俱重

罪不宥。○癸酉授建州衛都督僉事李滿住子都喜為副千戶從滿住奏請也。○勅甘肅總兵官寧遠伯任禮參贊軍務右僉都御史曹翼等曰爾等差人伴送赤斤蒙古衛都督僉事阿達等差來千戶撒因帖木兒等到京并齎番字奏文備言本處今年歲無收人民缺食乞給糧接濟亦斤蒙古係朝廷近邊衛分今既艱食宜加賑恤勅至爾等與太監劉永誠計議即查甘肅近邊有糧倉分酌量支與接濟仍諭阿達等差人赴倉關領自行運去庶見朝廷恩恤之意此事邊委的當老成頭目提督務使人受實惠不致騷擾邊糧多寡道路遠近險夷搬運難易皆須從長處置務在得宜不可失遠人之心。○中成歲暮享 太廟。○以明日正旦遣官祭 長陵 獻陵 景陵。○遣太常寺官祭五祀之神。○遣旗手衛官祭旗幟之神。○鎮守陝西右都御

史陳鑑奏西安等府華州等州高陵等縣今年亢旱人民缺食
流徙死亡道路相繼甚至將男女鬻賣以給日用請移文陝西
鎮守巡按等官設法撫綏驗口賑濟如預備糧不敷就於有糧
官倉支給仍於富室勸借救濟凡鬻賣男女官為贖還從之。
是歲天下戶口戶九百五十四萬九千五百八十八口五千三百六
十五萬五千六十六田地四百二十四萬九千五百一十六頃
六十五畝田賦米麥二千七百一十三萬四千二百一十三石
四斗絹一十九萬二千四百七十九疋絲五萬七千七百一十
六斤綿一十八萬五千二百九十七斤布一十四萬三千九百
七十八疋綿花一十八萬九千二百四十三斤折色鈔七萬七
千五百三十三錠有奇雜課鈔九百六十九萬三千七百六十
二錠有奇米麥八萬四千三百七十七石鐵七萬四千五百八十三

斤有奇布一十八十七疋鹽課鹽二百八十八萬六百二十八引折色鈔二千二百七十四萬六千五百四十七錠有奇米四十八萬九千九百二十四石布七百八十六疋茶課茶五十五萬八百八十一斤折色鈔一十八萬九千四百七十四貫屯田子粒二百七十八萬九千八百四十五萬有奇采納銀六萬七千一百八十兩水銀九百四十四斤硃砂一百六十二斤石綠二百五十五斤雄黃三十斤有奇漕運北京儲運過糧四百四十六萬五千石各處運納糧一百一十八萬三百七十四石減免天下官田等項稅糧計米麥七十三萬七千八百二十一石有奇

大明英宗法天立道仁明誠敬昭文憲武至德廣孝睿皇帝實錄卷之一百二十四

(明)英宗睿皇帝實錄卷之一百二十五

正統十年春正月乙亥朔 上詣 奉先殿 皇太后宮行禮
畢出御奉天殿受朝賀大宴文武羣臣及四夷朝使○ 皇太后
后 皇后免令婦朝賀○丙子文武羣臣朝親王于奉天門東
廊○丁丑 宣宗章皇帝忌辰遣官祭 景陵○己卯吏部言
刑科給事中鮑輝奏將朝親官擇其治行超異者 皇上親加
獎勵日以各方面及府正官皆奉勅超授者為大臣之義固當
獨誠盡忠豈待獎勵其五品以下官亦理庶務才器不一必資
獎勵宜令各方面及府正官公衆奏請裁處 上曰勸賞之典
宜通行爾吏部都察院會同禮部詢察來朝各司府官仍令其
詢察所屬未有廉能者務治行超卓者具姓名以聞不得徇私
妨廢公道○五稼常州府武進縣民言太平永興二河港淫塞

民失灌溉之利請及時疏濬從之○庚辰蓋春亭 太廟○遣
中官祭司戶之神○南京工部請修三山鐘阜二門水閘從之
○辛巳工部奏奇州新化府新化蠻夷長官司止長官歐家等
五人朝覲失期後至又有在遠託故稱病官吏祀事二十五人
丁受官吏一十一人及失期未至衙門八十一處俱當究治
上曰歐家等已至姑宥其罪稱病丁受者今所在官司勘實未
至者令各按察司廉察明白奏來果有託故者速門不宥○命
改府州左衛帶都指揮同知張斌子崇繫馬指揮使○南京
工部奏修 天地山川壇城隍等十廟 孝陵諸處噴垣觀星
臺光祿寺涼樓膳房京倉廩保江等船工皆未完而各府人夫
每歲農暇止赴工一月所運材木多露積恐久則損壞事下工
部言役一月者洪武舊制不可改第可令於各衛借軍餘五城

兵馬司及應天府僉城守大夫史督助工役之。○萬全右衛千戶銘縱酒無賴巡撫僉都御史羅亨信奏其不任事令罰俸守城銘逃赴京師妄訴官撰八十餘人反覈報皆誣人逃歸搜羅衛所官史事情亨信械銘赴京師都察院坐銘徒當贖還職上曰銘姦詐不可容其杖之誦成邊衛。○壬午賜戶部尚書王佐誥命并封贈其祖父母及妻。○考郎元衛野人女直不當加等亦斤蒙古衛都督何達達千戶撤因帖木兒等奏事回賜宴并緣改銷鈔襲衣等物有差。○靖遠伯王驥等奏陝西行都司所屬衛所建歲簿收軍士報食誤支月糧乞暫全給俟秋成如近制得節從之。○吏部言福建左布政使方正携取福州中衛已故指揮單剛妻馬氏為妻按察使謝莊誘取福州左衛指揮張飲女為妻人保在福州右衛百戶陳亮家飲飲

酒荒徵無度馬鎮撫鄭戩軍支俸初所奏下巡按監察御史陳
永廉問已符其情莊等乃以朝覲在途梅病不至請置之法

上命法司逮治之○癸未以大祀 天地 上御奉天殿誓載

文武百官致齋三日○宣府總兵官武定侯郭瑄奏大白陽等
處墩臺俱在低處西陽河而北山墩臺相隔甚遠其間多無

樓舖以安軍士祈開等口三堡窄狹不足以屯聚軍馬柴溝葛

峪二堡俱無報砲馬匹欲於春暖之時量撥守備官軍移置墩

臺展開各堡起蓋墩樓仍乞命兵部給馬走遠從之○月生章

邑蒼白圓潤濃厚○甲申忠義後衛倉火燬米數多執管糧內

外官戶部左侍郎李道等下獄令內官阮忠戶部左侍郎姜濤

等代理其事○丙戌大祀 天地于南郊 上還謁 皇太后

畢出御奉天殿文武百官行慶成禮○丁亥以大祀禮成 上

御奉天殿大宴文武羣臣及四夷朝使。○毛憐等衛都指揮哈兒禿蓋實等衛野人女直以生哥泰寧衛都指揮納哈出等遣指揮土木兒等來朝貢海青鷹馬賜宴并綵段襲衣等物有差仍命土木兒齋初及綵段納歸賜納哈出等。○夜有流星大如杯色亦有尾光出天鉤行至天津後五小星隨之。○戊子給肅府洵陽王祿碑歲祿二千石米五百石餘折鈔。○陞建州石衛指揮同知李禿滿馬指揮使副千戶塞勒馬指揮僉事毛憐衛止千戶賽位哥馬指揮僉事命改兀者衛都指揮僉事桑吉塔子失列襲職建州石衛指揮使塞因不化子都兒忒建州左衛指揮同知童兀思哈子亦失哈幹蘭河衛指揮僉事河里帖木子亦出哥俱代職。○兵部尚書徐晞等奏用兵得智勇之士庶能剋敵取勝天下之廣豈無其人苟不預舉誠恐倉卒之際委

任夫當必致誤事宜初在京五府并各營把總等官在外郡布
按三司并巡按御史見今朝觀布按二司及知府各推舉或一
員或二員通取來京試驗果有智謀驍勇者馬習閑者量加陞
擢上從其請命從公推舉如徇私情必罪不宥○代王桂宮
人利氏溺愛空閑郡主時以祿未給儀賓秦安臨川王遜塚款
阻之已而代府封識一分內置無首麵人羊肝等物賜臨川王
王疑劉氏魔魅秦安或知之以白代世孫繫安于獄事聞下巡
撫參都御史羅亨信等襲之言魔魅事實出劉氏安不與聞
上命釋安以書諭代世孫令戒飭宮人謹守禮度毋毋擅用玉
財違者必違 祖訓懲治不宥○巡按陝西監察御史張文昌
奏都督揮揚信介淫廢事寇至境虜掠逸逃不敢出請治其罪
從之○陝西西固城軍民千戶所千戶蘇紀季瑛懷私互相誣

許至八九年不釋其辭所連百餘人巡按監察御史蔣誠上其
獄俱當贖徒遂職 上曰此等長惡不悛累及無辜其特調甘
肅遠衛帶操○乙丑上元節宴文武百官賜假十日○廣寅志
義前衛倉火戶部請罪典守者 上特宥之○溘木也言衛指
揮僉事哈魯馬指揮同知建州衛正千戶著兒達馬指揮僉事
介故兀者衛郡指揮僉事兀六位子昂克指揮僉事迭塞子亦
介哈古貴河衛指揮同知李達哥子你里哈忽石門衛指揮僉
事沙龍哈子阿哈益桑額衛指揮僉事郡忽禿子伯台建州左
衛指揮僉事忽失子鐵羅達俱襲職○辛卯朝鮮國王李祹遣
使目閔仲琉球國王尚忠遣使目梁回等及福餘等衛指
揮古南不河赤斤蒙古衛頭目捏伯沙色憐等衛女直都督機
滿介失里等來朝貢馬及方物賜宴并錄帶金織裝衣等物有

差○六科給事中十三道監察御史初奏公侯駙馬伯都督魏
因公徐顯宗等二十八人懶慢不朝請治以罪 上曰大目者
小目之表率大目既背倫安不朝小目何所稅法令跪于午門
前以愧之○壬辰初諭朝覲官員朕祇承 祖宗大統奉 天
子氏顧惟艱大勉圖康濟任徭從省刑罰從輕凡可裕吾民者
固不究心用期斯世同濟熙皞重惟教宣政化尤在得人肆慎
簡時長分理庶務其克修職業有成績者次第陞擢以旌其善
聞有依勢倚法肆為括剋成治以法或庸劣怠惰曠官廢事者
悉令閒遣朕倦倦為民求賢而官未盡得其人民未盡得其所
夙夜憂勤不遑寧處有官君子其尚體念之哉維今素有守德
者益加進修其乖于處事者深自改悔惟廉勤乃能立政惟仁
恕乃能受人詩曰靖共爾位好是正直書曰恭儉惟德無載爾

偽天有顯道報無差忒國有憲章不事姑息朕以爾賢良與之
理天民治天事爾宜體朕心勵篡我國家用成阜成之治欽哉
○吏部奏昨奉命考察天下朝覲及在任官雲南布政司等衙
門左叅議等官王善等三百八十五員俱老疾當致仕兩淮都
轉運鹽使司等衙門副使等官楊有文等四十八員俱閑革浙
江秀水縣主簿等官陳剛等二員俱民心不服浙江處州府等
衙門同知等官曹統等一十八員俱貪汙江西廬陵縣縣丞陳
勝酷刑俱害器為民上憲從之○癸巳吏部奏昨奉命考察
各布政司按察司及府州縣等衙門朝覲官治行魏卓即行褒
賞甚盛與已緣各司官所治地方或流民失所或寇盜竊發或
縱恣豪軍民誣害良善相師成風凡此事情幸經赦宥其各司
官雖有治行難為規卓亦有陞除未久者固能修職奉公共趨

車之蹟亦未著聞難擬推舉今會同禮部尚書胡濙都察院石
都御史王文等官詢察得浙江都博運鹽使司運使丁儀陝西
華昌府知府韓福江西尚昌府知府吳本憲直隸寧國府知府
袁旭松江府知府趙豫鳳陽府知府楊璠山東海豐縣知縣王
懋順天府霸州知州張需直隸吳縣知縣葉錫慶雲縣典史趙
亮治行視衆為優 上曰褒賞之典所以勸目工也該部其舉
行之于是禮部開具事宜以聞 上令人賜織金衣一襲鈔五
百貫宴于禮部尚書胡濙待宴仍命吏部錄其姓名量才陞
用○甲午立春順天府官迎春 上御奉天殿受之文武百官
行慶賀禮賜宴○陞可令河衛指揮同知者得兀馬都指揮僉
事忽石門衛指揮同知你籠哈馬指揮使嘔罕河衛指揮僉事
沙兒忽馬指揮同知今改毛憐衛指揮使鬼里子納剌禿指揮

同知弗答于蒼魯哈指彈僉事伯顏不花于莽剌阿卜子申保
叔俱襲職○浙江右布政使方廷玉自侏年若有疾乞致仕
上以其精力未衰仍令復任○吏部奏廣西思明府忠州等衛
門官族頭目舍人黃賢等一十五人供以朝覲失期後至當置
之法 上曰黃賢等來自遠方姑宥其罪今後土官土人後至
者俱宥之○時太倉屢大遺戶部尚書王佐祭火龍之神左侍
郎姜壽祭太歲之神○晨刻有流星大如椀色青白光耀橫天
西北行至游氣尾跡炸散後有小星隨之○乙未巡撫河南山
西左少卿于謙奏近者巡按監察御史吉慶奏山西布政司豐
濟庫所貯鈔貫朽爛不堪用者五十九萬三千錠有奇請置經
收官吏人等手法日以爲所貯鈔錠自洪武年間積聚到今以
致毀壞經收官吏亦多亡故惟近時布政使馬瑋等失于點視

高論以法。上曰鈔不堪用者如例燒燬。經收官吏年遠勿問。璫等亦姑宥之。仍令其實以聞。丙申。命都指揮同知黃讓往陝西慶陽衛提督孫備以太保成國公朱勇等舉其練達老成。請曉軍務。改之。錦衣衛卒王永為匿若書款太監王振業惡。獨之通衢。反振姓王山家緝事者。得之。利部論以造妖言斬罪。詔即磔之于市。不必覆奏。○丁酉。山西布政司左叅議黃宇祖以老疾乞致仕。從之。○山東登州府知府楊鐸奏沿海諸衛所官軍俸祿折鈔者年久未支。今本府量益庫所貯折鹽等項。綿布除長三文二尺者。運赴遼東備用。外其餘乞給與官軍。每布一匹折鈔百貫。庶使民無典守之勞。官有養廉之具。事下戶部覆奏。從之。○己亥。改舊太倉名京都太倉。春秋運戶部堂。上官致祭。太倉之神。○迤北瓦剌使日陸辭。上復說脫脫不花

王曰朕與可汗仗命任承誠心相照雖在萬里外常如面見可汗今復遠知院卯失刺等齎書遠致良馬方物備言謹守和好用國聲名不聽小人離間是見可汗欲順天道深達事機誠享福長久之道也朕深嘉之切惟自古有國家者委休聲于千萬年與天地同久在乎順天保民二事蓋上天以好生為心若能撫恤百姓使有衣食養生樂業不聽小人讒言以構禍機殘害生靈此即順天保民之實也可汗自今宜益堅至誠始終無間則天道鑒佑必使可汗安享福祿于長久此朕之所望於可汗者茲因卯失刺等回特遣正使持驛回知馬雲副使持驛念事副使等齎書并絲帶表裏織金裝衣仕答厚意可汗所遣使臣特陞官職賜以冠帶并表裏衣服宴賞可汗其亮之又勅諭太師也先曰太師崇歲差人朝貢今復遠知院忱念等齎奉來貢

良馬方物具見太師體念朝廷大恩克遵父祖之志朕甚嘉之
然自古為君者必體天恤民而後萬邦蒙福為君者必忠敬朝
廷而後永保富貴太師自今宜益秉忠誠堅守目前約束部屬
各要禮分以順天道勿擅聽攬言有傷大體則天道佑善必使
太師身家富貴聲名昭著迨反叛屬均享太平之福茲因悅合
等回特遣正使指揮同知馬青副使指揮僉事詹昇齋勅并賜
綠帶表裏織金襲衣用酬爾忠款之意太師所遣使目特陞官
職賜以冠帶衣服表裏宴賞特諭太師知之其可汗所屬王子
也先登相把只平章伯顏帖木兒小失的王別里哥禿王知
院孛的打里麻忽都不花兀答帖木兒忽禿不花石丞脫忽脫
院判把禿兒太尉斡兒答察政那哈出也先所屬馬頭知院阿
剌大夫撒都剌平章那哈台太尉帖木思哈知院沙的海答孫

等先是供附馬與仗目未進至是亦各附錄改等物酬之有差
○權知縣劉訓王紹宗訓導胡淵王震張瀾錢濟葛調張吳馬
監察御史訓等先以吏部簡送送都察院問刑至是考中故權
之○今故北河衛指揮僉事阿龍哈子阿古沙裔罕河衛指揮
僉事馬吉你子你龍哈俱襲職失里不衛指揮僉事送失哥子
次都程玄城衛指揮僉事乃當哈姓武忠俱代職○寧夏總兵
官都督同知黃真委石象時都指揮同知王榮文通慶王私役
軍士濫受賂道擅放遣輪班官軍縱軍以官馬圍獵馬死不追
償事下巡按監察御史等官奏之言真所奏多誣惟擅遣輪班
軍及不追償官馬有驗上曰象不為無罪但方領軍防邊姑
記之令毋陷前非真不止身以表率將士整飭邊備及扶私誣
人必有小人之者令自陳狀真即具疏輸罪詔宥之○庚子

江西左布政使吳潤以母憂守制所屬府縣官奏其公廉惠民乞奪情視事吏部言舊制不可從上曰一方民望可不愆乎從之○陞四川嘉定州蒲江縣典史安郡為本縣知縣郡能平賦役民指闕奏保堪任陞正故陞之○免順天府及山西被災州縣糧草○辛丑亥成衛指揮僉事何魯哈告領遼東安樂州居住報劾賜練段布匹衣服房屋柴米器皿等物○河南懷慶府濟源縣道士宋本澄進紅綠練帶二花銀靴一云濟濟廟池內所浮出者實朝廷清明所致世不常有上賜本澄鈔六十錠以勞之○命定西侯爵費管五軍左哨軍馬○雲南布政使司奏所屬各井監課司俱自辦煮鹽柴薪惟黑鹽井拆各難難戶部准令歲除監三千三百四十餘引貨薪煮鹽以致官課不足請移文各司每窰戶添撥餘丁一二人復其他役專令採薪

其歲辨盜謀不得擅除從之。○壬寅陞兩淮都轉運鹽使司同知耿九疇為本司運使九疇以丁憂去監商訴本司缺運使乞起復九疇補之。中官王振言于上曰此人廉介衆所通知故爾是命。○詔釋戶部左侍郎李道等命道理部事。○熙福建左布政使方止為民坐倉淫等罪被劾也。○陞毛憐衛指揮僉事三保奴為指揮同知命故指揮僉事真帖木兒子額克并慶河衛指揮僉事不答納子朵羅俱襲職納刺吉河衛指揮僉事沙龍哈老疾命其子赤奴代之。○癸卯廣西泗城州頭目岑俊陟丙上春乞工漆夕等族黎首工哈藏峴州衛弘教寺判麻撒丹監生凌倫河等衛野人女直奴答等塔山等衛女直指揮亦里塔等判壽等衛女直指揮罕正加等兀者等衛女直指揮綽字等阿端地面使日欽阿克失保丁等俱貢馬及方物賜宴并鈔

錄段綽布衣服等物有差。○直隸揚州府高郵州興化縣陝西
西安等府衛山東青州等府各奏歲歉軍民缺乏已發賑賑濟
俟秋成備官從之。○修南京海子北門外紅橋以其為天囷也
○尚賓司少卿朱祚卒祚字永年浙江海寧縣人性聰敏九歲
能詩永樂八年以秀才徵試事營事府尋為鎮遠侯家塾教官
十三年進元宵觀燈賦 上喜而眷之由是知名洪熙初用尚
賓少卿素忠激薦擢行在中書舍人 宣宗見其詞賦處之近
密特授翰林院修撰秩滿陞尚賓司少卿命教中書人書祚能
詩文後革主就勇氣好直言不恤毀譽晚稍息憇因號然齋且
善談命言人禍福多中云

大明英宗法天立道仁明誠敬昭文憲武至德廣孝睿皇帝實
錄卷之一百二十五

大明英宗皇帝實錄卷之一百二十六

正統十年二月乙巳朔命改桑林山衛指揮同知簡郎哥于乞
丁哥指揮僉事忽失木子替麻哈俱襲職○夜有流星大如杯
色青白光明燭地出天津東行至敗爪後二小星隨之○陞都
察院右僉都御史曹翼為右副都御史翼在日肅察賢軍務凡
年考滿吏部以聞上念其勞故陞之○擢進士王詔為禮科
給事中○加封國師沙加為灌頂淨覺佑善大國師禪師班卓
兒藏卜為清心戒行國師鎖南藏卜為私慈廣善國師俱賜誥
命○丁未皇太后聖節上率親王上壽免令婦朝賀○釋
真光師孔子命翰林院侍講學士馬愉行禮○廣西太平府鎮
遠等州土官知州趙得興陝西岷州衛報恩等寺剝麻修忠四
川馬湖府土官舍人安琦來朝貢馬及方物賜鈔幣等物○戊

中丞 太社 太稷。遣順天府官祭先農之神。○給伊府洛陽王勉望郵府新平王祁銳涇陽王祁統朝邑王祁鎔歲祿各二千石米鈔中半支給。○卜思克河衛指揮僉事巴真等奏密被達賊虜掠人馬去年七月間同都督別里哥等率衆往彼地面殺敗賊徒將所獲馬道人進貢賜勅獎之并賜綵帶表裏。○禮部奏廣西差盈等州頭目李玄等各齋 聖節冬至元旦表大過期始至請治其罪 上以遠人急宥之。○靖遠伯王驥等奏甘州衛歲遣軍士於水湖採草備冬相去本城二百餘里挽運艱難有抑逼致死者請以陝西法司論斷因犯例應贖罪者定與則例令運軍赴衛馬使從之。○朔州衛卒有盜見判仗目馬者 上命折之島亦達境。○己酉者多等錄長官司土官王兒者等各有馬賜綵帶等物。○平福建定平府尤溪縣河洎所

以其歲課併歸本縣○先是山西都指揮僉事王友泰欲將大同輪班操備官軍一年一換上命武進伯朱冕等計議至是冕等言一年一換則在邊者時久力疲回衛者別差妨占不若半年一換仍于換班之際存留一月給與行粮修築城壁挑掘溝塹從之○庚戌以南京太廟孝陵社稷壇供困去歲風雨樹木折拔泥飾剝落門眷損壞命工部等衙門擇日興工裁補修理遣官祭告○今招遠伯馬亮管領三千等營官軍操練○吏部言舊差都察院右僉都御史曹翼程富歲一更番往甘肅參贊軍務今程富往雲南公幹未回總兵官寧遠伯任禮等奏保陝西按察司僉事張楷改授京職與曹翼更代緣楷專習此種供給邊儲不為不重辛難遠易上曰參贊軍務乃重任朝廷自有裁處曹翼方禮副都御史姑令理前事後程富回

仍與之更代○琉球國中山王尚忠遣使者亞羅佳其等齎捧表文來朝貢馬及方物賜宴并綵幣襲衣等物○贈修武伯沈榮生母丁氏馬太夫人并封其妻周氏馬夫人給授誥命從榮奏請也○巡按直隸監察御史李奎等奏蘇州府崇明縣民蔡務信同母兄弟五人仲乞務忠不養母且私鬻母庄母常恨怒之一日長兄何興具酒飲諸弟務忠自外人怒其兄不召已輒捶碎器皿母怒遣之遂奮言誓母何興乃碎縛務忠毆之至死時務信病尚未嘗助殿務忠子泰吉誣訴伯叔利其父產故殺之所司竟枉務信生以凌遲處死○上曰不孝不弟之人殺之可也其子反誣罪伯叔其即釋之○添山等十七衛都指揮弗剽出等奏累被兀良哈三衛違賊掠害欲率領今馬前去復讎從之○辛亥命翰林院學士錢習禮侍講學士馬愉為會試考

官賜宴于禮部。○命故永寧伯譚廣子亨襲馬指揮仗。○巡按直隸監察御史李奎奏沿海諸衛所官旗多剋成軍糧入己以牧軍士艱難或相聚為盜或與販私鹽乞勅巡鹽御史并巡海叅政嚴加禁革犯者坐以重罪從之。○直隸真定府真定縣民薛如瑞等以妖言伏誅。○壬子太常寺奏本寺犧牲例于光祿寺閤領糠粃喂飼今光祿寺乏缺請取給於順天府。上曰取給京府則傷民矣皇城四門軍府積有糠滓其令給之。○鎮守松潘都指揮僉事王果等奏益頭峽番人讓戶折見樹尤怒等糾合戈時熟難呼濟等寨番人劫掠運夫殺死官軍其守哨指揮千百戶柳壽等不行嚴謹從備以致失機誤事宜治之。上命都布按三司并巡按御史往同果設法撫捕若邊方不靖俱治罪不宥等其執問如律。○甲寅勅甘肅總兵官寧遠伯任

禮等曰得都御史陳鑑奏欲將甘肅寧夏延綏等處下班官軍
暫留操備遇有賊寇調度剿殺俟元利仗日出境探無聲息仍
舊放回○命遼東東寧衛指揮僉事牙當吉子牙失塔伯里哥
禿孫的剌木當哈子官音奴供代職命故指揮僉事苦荅納子
朵兒只只冬哈子早神保卜勒克孫阿哈乃馬哈子康寧家脫
洪哈子亦哈納牙哈弟阿卜剌排剌子遼陽奴哈納子添保奴
失剌子黑廝法甚哈姓團團甫羊忽子速古阿剌卜子王辰保
并自在州指揮僉事牙失荅子高金童俱襲職○遼西回回馬
哈麻阿力未歸命馬頭目賜鈔布襲衣送南京錦衣衛帶俸仍
命有司給房屋器皿等物○廣東左叅議楊信民言凡令官市
物必須巡按御史及按察司官估直目以出納乃有司事非風
憲官所職宜令布政司掌之有奸弊則聽風憲官糾察事下工

部言專主于布政司或有偏執已見虧官損民者縱使風憲官
察知民已被其擾害宜勿改從之○乙卯遣順天府官祭宋丞
相文天祥○鄭世子祁錕奏父王瞻竣嬰病四載不痊欲代父
王依時行禮用世子金寶拜進表箋從之○命錦衣衛都指揮
使祀罕子克先充代馬指揮同知故指揮使王節子佐襲職○
吏部言公侯伯處教官九年考滿原無陞降事例今武進伯朱
冕處教官教諭劉咸安鄉伯張安處教官教諭楊懋俱九年滿
乞照在外稅課司局驛所雜職官例九年無過不論事蹟陞一
等或懲供陞教授從之仍著為令○給御馬監駝豹馬草至每
月草千七百餘束至百六十餘石○河南開封府鄆陵縣知縣
譚欽宗先以丁憂解任至是服闋赴吏部縣民奉乞欽宗復任
從之○參將寧夏軍務監察御史羅時時滿一年官軍千餘人

赴石都御史保鑑處告留鑑以聞。上從之。○亦兒古里等衛指揮僉事幹羅等未朝因請率領人馬往兀良哈地而復。上勅幹羅回還仍諭各衛管事頭目果曾被違賊侵擾聽其報復但不許生事啓釁以害良善。○丙辰湖廣按察使孔文英以父喪還家守制巡按監察御史等官奏文英理刑公平乞奪情視事從之。○勅諭阿端地面頭日把把竹拜牙即等并賜絲幣等物供命來使欽阿先失保丁等齎與之。○成安侯郭晟奏印把過鳳陽應天等府馬騾駒一萬二千四百十八匹。○雲南布政使王豫等奏去歲米貴軍民艱食日等出官倉米糶銀人稍得濟令戶部令日等仍將所賣銀買米還官然雲南土地窄狹舟楫不通今歲已徵秋糧若又買米則米價不免湧貴官民俱不便請以前銀依時價折作官員本色俵糧庶布無騰貴之患。

官無出納之勞從之○丁巳命禮部出榜選鄰王妃○免福建福州府永福縣水災并絕戶糧米三千二百九十餘石鈔四十錠有奇○京師地震○己未順天府府丞朱孔易以 上嘗召之至文華殿觀宸翰命書龍鳳龜麟四字至是并書心箴一篇進呈賜鈔一千貫○免陝西所屬州縣逋負糧草課程以鎮守右都御史陳鑑奏其歲凶民困故也○巡按廣東監察御史熊明奏崖州等處黎賊出沒劫殺民財 上命都布按三司巡按御史同往設法撫捕務俾地方寧靖不許推奸避事縱賊長惡以貽民患違者治罪不宥○庚申遣平江伯陳豫為正使給事中劉益為副使持節冊封南城兵馬副指揮鄭漫女為周王第七子項城王子姬妃○楚王季淑奏臣叔通山靖恭王孟倫薨逝祿米位支然有女三人俱未受封乞量賜養贍 上命人

給歲祿一百石○廣西鬱林州陸川縣撫徭老人陳文應并徭
頭林觀生等來朝貢方物賜鈔及紅帶有差○命故毛憐衛指
揮使張塔任李升指揮僉事憲位哥子李壽俱罷職○鎮守河
州陝西都指揮同知劉永泰河州洮州西寧三衛番民多有往
來潛住者乞勅各衛鎮守等官勘實移文通知取回當差納馬
從之○辛酉楚王李淑奏生母鄒氏生育劬勞未能報効乞賜
以妃冠服庶盡為子之情 上命如韓王範妃生母鄧氏例封
鄧氏為楚莊王夫人給賜誥命○改大理寺正凌壽陞中書舍
人凌信俱為尚寶司丞理司事秀才吳希純王叔安董璵俱授
中書舍人于內閣書解○陝西甘州左衛弘仁寺刺麻劉思已
領占并原撫皆僧溫卜堅察於容等來朝貢駝馬賜綠帶僧衣
○陞中軍都督僉事曹義為都督同知仍充總兵官鎮守遼東

○提督馬營署都指揮僉事楊俊奏馬營堡係極邊不時飛報軍情原無起馬符驗誠為不便事下兵部議俊乃鎮守獨石左叅將左都督洪之子洪已有雙馬符驗馬營又密通獨石邊有聲息宜徑白其父洪起馬飛報若另給符驗則父子異心體統紊亂上曰善○壬戌初請遣伯王驥曰得奏整飭邊事具有條理若境外果無緊要聲息即將邊務悉付總兵鎮守等官爾即馳驛回京○今在京揀備都指揮僉事張吳注理河南都司事○癸亥請遣伯王驥奏黃河迤而地石連罕先止係衝要去處遠賊不時出沒宜修整城壁于靖虜衛摘撥官軍屯守其附近田地撥與耕種子粒量馬糧減官軍該追馬匹乞為寬免從之○巡撫河南山西左少卿于謙奏陝西山西饑民流至河南步持物貨易米度日然河南去歲得收民間蓄積未為甚豐恐

米價湧貴彼此失所照得河南懷慶二府隣近陝西山西積有
倉糧八十一萬有奇請量出糶與饑民官為收其價鈔俟秋成
買米上倉其所糶者止濟二處饑民不許所在有力之家米糶
雖有規利如此則流民無溝壑之患居民無坐困之虞矣從之
○時朝廷嚴官旗餉糧之禁多摘戍邊衛軍士因而據撫告訐
詞訟紛紜刑部以為言 上詔自今官旗尅減軍人月糧布花
者戍邊其尅減鈔緡蘇木胡椒等物者止運灰運米復還職役
在本衛所聽調殺賊不許管事情重者仍具實奏請○浙江杭
州府學廩生訴提調學校僉事花潤生違例黜罷之事下巡
按浙江監察御史艾茂囊實命都察院逮潤生鞠之○甲子勅
宣府總兵官武定侯郭瑄等曰得奏瞭見境外火光顯有違賊
出沒欲違拘斂馬隊官軍并神銃手委叅將都督僉事朱謙等

半領從野孤嶺出境哨探遇賊相機勒殺若賊衆即飛報大同
獨石等處令兵奮戰務在計慮周家以圖萬全不許頃刻怠息
失誤事機○滿剌加國遣使目譯者那錫蘭山國遣使目譯已
刺謀的里亞等齋捧表文來朝貢馬及方物賜宴并綵幣金織
襲衣等物有差仍命來使齋初并綵幣表裏歸賜其國王及妃
○復除戶部四川司員外郎李賢佑于本邦山東司以丁憂服
闋改也○刑部請申募越誣告之禁誣十人以上者軍發邊衛
民違口外從之○巡按廣西監察御史周紀奏慶遠府宜山縣
三叉等處蠻賊梁公公等糾合柳城縣西鄉賊首龍受福等劫
掠鄉村殺擄人民其守備都指揮高亮等不行用心撫捕宜治
其罪 上曰亮等論罪不難宥姑任休著當先殺賊情罪○乙
丑清明節遣官祭 長陵 獻陵 景陵○給薊州永平山海

等處官軍馬九百四匹。○丙寅給備禦永寧等處官軍馬五百四十八匹。○太僕寺卿吳敬等奏募生過馬騾駒七萬六千八百五十二匹。○巡按四川監察御史姚鵬奏戒州土官巡檢董敬車部落出灌縣白沙等處潛位欲報王永私佃宜調軍勒款上令都布按三司并巡按御史等官按法撫捕務要安兵不許聚衆擾害邊方。○陝西行都司都指揮僉事劉廣為右軍著都督僉事充副總兵鎮守涼州都指揮仗汪壽著都指揮僉事蕭欽協同守備以靖邊伯王驥等奏保也。○思叢日地面金牌頭日阿思觀達姓阿失黑木生番首日答兒達姓羊谷達兒米育回還供以其地歸松潘賜勅獎之。○增設鎮番衛五千戶所發北田充軍實之。○福餘衛都指揮歹都恭字衛都督拙赤等奏前次部下人寇邊被大軍擒獲解京其中有係弟另妹塔人

等令各遣人貢馬乞貸其死給還完聚 上不允即日令刑部
悉取犯邊人斬之于市○己巳襄王瞻塔奏內仗阮賢損壞器
皿因而逃令既尋獲欲解京治罪 上復書止之仍諭王宜
寬貸保全仗感恩圖報尤見威德○致書秦王志潔曰邊備固
之重事鎮守及三司官職守軍馬錢糧必夙夜勤慎方不廢事
比聞其中或有因循怠息玩愒度日者已令人體察果有違法
實跡必治以罪今後凡遇各官詣府朝見早晚即令回衙門治事
不必賜酒飯免致推託誤事叔其亮之弟勅鎮守陝西與安侯
徐亨等令各加敬慎毋或怠忽自取罪愆○先是遼東苑馬寺
少卿黃瑛為行太僕寺主簿回吸奏其妻部屬定邊中衙千戶
蕭成崔廣女為妾又侵置莊園一所往來飲酒淫樂妨廢公事
下巡按御史廉察未報至是瑛以三年考滿至吏部以聞命都

察院執治之。○庚午禮部引會試舉人高輅等一百五十八人陸
見○魯王肇輝奏鄆平王春懸婚禮畢欲令詣京謝恩。上復
書止之。○正一嗣教真人張懋丞卒遣官致祭。命有司營葬。○
辛未勅諭西寧侯宋瑛字陽侯陳懋尚書金源副都御史丁璩
等曰朕今躬詣天壽山謁祭。祖宗陵寢特命爾等居守京城
提督各門官軍嚴加閤防慎勿怠息。遂命公侯駙馬伯五府六
部都察院等衙門官太師英國公張輔等扈從。○刑部奏石都
御史陳鑑請令法司論囚當免軍者悉發莊浪抵肅州衛所請
遣伯王驥等又請發鎮番衛然罪人編伍舊有定制不可盡改
宜止令陝西三司及巡按御史論遣如所言其文職官文仍須
械送京。上曰河南亦令論遣如陝西其文職官文不必械來
○壬申 上告 奉先殿遣官祭皇城門并玄武德祿二門之

神吳日 車駕發京城駐蹕沙河達工部尚書王苞發沙河之
神○發首駐蹕 陔下達禮部尚書胡濙發去天壽山之神

大明英宗法天立道仁明誠敬昭文憲武至德廣孝睿皇帝實
錄卷之一百二十六

明英宗睿皇帝實錄卷之一百二十七

正統十年三月甲戌朔 上躬謁 長陵祭 太宗文皇帝
仁孝文皇后次謁 獻陵祭 仁宗昭皇帝 誠孝昭皇后次
謁 景陵祭 宣宗章皇帝 危從文武羣臣陪祭○乙亥 駕
還駐蹕沙河○給廣靈王遊砥次于鎮國將軍任炳歲祿千石
米鈔中半兼支○丙子 車駕至京城文武百官軍民耆老人
等及四夷朝使咸出迎于都門外拜呼萬歲 上入大內謁
奉先殿 皇太后宮出御奉天門朝見羣臣○丁丑夜上星犯
天鐸星○戊寅有靉靆未歸者已入大同境而守閫官軍不覺
巡按監察御史趙敬勅奏其狀并劾鎮守總兵官武進伯朱冕
石叅將都指揮仗馬義等提督有失供宜究治 上令收守閫
百戶鞠之冕等始有具罪狀勿再犯○己卯命番僧瑞竹為禪

師答兒麻失里為都綱竺兒監聚為判麻俱賜初命圖書以其
在邊有招撫番人向化之功也○庚辰陞戶部河南司郎中房
興為山西行太僕寺少卿興九載考滿例會官考試擢用與自
陳永樂間報效有功 上諭吏部曰興既有功不必考試就陞
用之故有是命○授隴川宣撫司頭目刀歪蓋為本司同知刀
落囊為副仗隴平為熱事拜款木梅係隴馬百天長俱賜冠帶
從宣撫恭頌推舉也○授雲南騰衝軍民指揮仗司先是靖遠
伯王驥都督沐昂以騰衝為雲南要地宜置軍衛以鎮之 上
命昂等詳議至是昂同叅贊軍務列部右侍郎楊寧具也守經
大利使事宜以聞 上悉從之仍命葉騰衝城昂同寧及三司
官提督用工事竣起調官軍屯守務在酌量人情以撫卹之勿
逼迫失所○授陝西興武倉雲南趙州陰陽學置官降印記○

雲南南甸千度二室撫司先被麓賊殺擾民未安業拖欠差發銀兩總兵官都督沐昂等以聞。上命蠲之仍勅雲南布政司官往彼有諭待其安業之後仍前科辦。○麓川思機發遣頭目刀益永等未朝貢金八十兩銀一百八十兩且奉先蒙朝廷調軍征勦已逃入緬甸地方茲者悔過遠善乞宥罪愆以全餘生。上分受其所貢。○南京守備豐城侯李賢居官多不法至侵用官物杖死無辜時南京災異屢見監察御史楊永歸咎賢初其狀。上分賢自陳賢具疏請罪。上念其先世勛勞特宥之。○雲南總兵官左都督沐昂奏賊首浪蠻等投邊境剽掠山寨為害官萬成等領兵攻圍破之賊衆潰遁至甸尾戰敗之浪蠻遁走戎軍駐甸尾數日賊復聚千餘人據洞索山遂遣兵拔其寨大敗之斬首三百餘級生擒賊刀門尺等四十七人。

上命袁刀門欠等首于旬尾。○福建按察使謝莊請戍大同威遠衛里安部屬子女為妾及扶杖飲酒也。○辛巳泰府儀賓周鑑縱其家人歐守城軍職事聞命自陳狀鑑具疏伏罪。上命姑宥之仍令都察院移文長史司咨王伴裁銷鑑推守禮法勿仍蹈前非。○陞戶部浙江司郎中孫牧為陝西苑馬寺少卿以九載任滿吏部會官考稱也。○江西鄒陽縣民顧禮妻夏氏一產三男命給米鈔如例。○山東都指揮僉事李達狂法受所部白金等物為人所發刑科按之供驗當逮問會進以薦命把總蘭縣孫備尚書金濂等以為言。上特宥其罪命移文示之。○癸未封禪師相勅班丹為清修或定國師賜以誥命。○无利使臣回運出官山口哨無聲息初定西侯將骨裏城伯李隆領軍回京武進伯朱冕左叅將都督僉事石亨石叅將都指揮使馬

義太監郭敬領軍入口操備○毛情衛石都督李撒滿答失里
奏願居京自效 上從之賜名曰忠○甲申 上御五順門召
禮部尚書胡漢等諭之曰洪武以來寺院卷觀已有定額近年
僧徒私自創建勞擾軍民其嚴加禁約除以前蓋造者過有損
壞許令修理今後不許創建敢有改違者所在風憲官執問治
以重罪若縱容不問一體究治不宥○建獻陵衛及府軍志義
等衛倉○後隴川宣撫司預日刃木互刃怕羊輩換罕等牙供
馬百夫長仍賜冠帶從總兵官沐昂等言也○鎮守陝西興安
侯徐亨奏西安五等衛軍人倒死牝馬屬歲荒歎無從陪償乞
暫停徵候豐稔之年追納從之○直隸安慶府通判胡味等坐
受屬賄詭金馬巡按監察御史周銓所按味等亡入京訴奏銓
酷刑逼陷狀且言逼陷人有至死者都察院請收味等驗狀事

果涉險以聞 上命錦衣衛遣官覓執銓鞠之○初巡撫遼東
石僉都御史李化曰遼東東北地方廣濶軍馬衆多官軍休糧
馬草俱憑供給近年都司衛所多私役軍餘將青埂者耕種水
利入已疏薄者撥與軍屯有名無實致軍人饑寒切身今特命
爾代副都御史李濂巡撫從新屯種兼管收支糧草務在區畫
得宜敦宣德意一應官吏人等除軍職具奏外其餘就行拿問
並因家以邊務爲重簡任賢能人且奉職以忠信不欺爲本爾
或不謹侮將無及欽此○乙酉初諭沙州衛都督僉事哈哥都
指揮使克羅俄領占赤斤蒙古衛都督僉事阿達指揮兼事薛
令及頭目人等曰今阿端地面仗且捨黑把哈兀丁等朝貢回
還朕念其道里遙遠已初甘肅總兵鎮守官遣人護送至爾處
爾等宜各令人馬護送至哈密地面然後聽其自去毋致疎虞

用副朝廷優待遠人之意如爾等不嚴切外來部屬致強橫之徒於路有所侵撓爾等之罪并治不宥。禮部尚書胡濙奏三月十五日殿試舉人請執事官。上命武英殿大學士楊溥文部尚書王直兵部尚書徐晞刑部尚書金濂工部尚書王苞石都御史王文戶部左侍郎李道通政仗事錫大理寺卿俞士悅翰林學士休循曹鼐侍讀學士苗衷馬誥卷官。丙戌哈審志順王倒瓦答火里等遣使日哈只馬黑麻泰寧衛都督拙赤遣指揮同知失達帖木兒等來朝貢駝馬及玉石等物賜宴并絲帶衣裏紵絲製衣履氈毳失達帖木兒馬都指揮僉事仍令哈只馬黑麻失達帖木兒等齎勅及絲帶衣裏歸賜其王及拙赤等。丁亥滿利加國使臣者誤者那錫蘭山國使日耶巴剌摸的里啞等乞賜紗帽及飯花金銀帶從之。戊子。上御奉天殿

策試舉人高格等一百五十人判曰自昔二帝三王致理之道必選任畸才以教政化安中國而撫四夷其見諸載籍靡不足焉後世法也下迄漢唐宋賢明之君亦皆銳意于斯而其人才治效有可以比隆于古歟洪惟我太祖高皇帝奉天明命統一華夷德威所被罔不目服太宗文皇帝嗣登大寶統治保邦先而裕後列聖相承咸隆繼述是以羣賢彙進教化洋溢海內又寧夷狄宥服功德之盛昭合古奇而無間朕緒承賜業仰惟祖宗之彝憲是訓是行屢詔中外闡拔畸才亦得人焉用矣誠欲九德咸事行無道賢舉錯之法尚有何行者乎中初諸司修明治理亦既建五事功矣誠欲百工惟時庶績成熙斯勅之典尚有可舉者乎內而中國生齒之繁因其性而教之之夫誠欲使胥阜厚化咸同歸于至治尚何所加乎外而蠻貊

近悅遠來固其俗而懷撫之美誠欲仗所講信修睦相安於永
久尚何所施乎夫治道有本而推行有序不法諸者無以施於
今泥於古而不通於今亦不足以為治諸生明于道藝必講之
有素恙者于篇朕懜覽焉○初雲南總兵官左都督沐昂奏督
軍務石侍郎楊寧曰得爾等進緬甸卜利浪不棄書約爾等及
木邦罕蓋法至貢章付賊首思任發而罕蓋法書又稱卜利浪
欲討他方執送賊首俱木的確初至如緬甸及木邦報至爾等
審察事情酌量區處不可擅動軍馬或為所乘望其姦計如有
實報亦宜遣書獎諭令其解來重加陞賞爾等為國重且宜嚴
重持久以待賊情之變切不可輕忽稍懈國威全惟熟思審處務
圖為全以副委託之重○陞松潘衛正千戶李傑為指揮參事
從夫氏奏保也○先是雲南都指揮參事萬城臨安衛指揮使

華高俱坐罪降城馬事官蒿元軍主功至是總兵官沐昂奏城
等旬尼勒寇功 上命城馬指揮同知蒿馬副千戶俱守邊衛
○鎮守陝西右都御史陳鑑奏目地視甘肅一路城堡壞墮淺
狹不堪密免宜令開濬深廣其小堡城上多設城若四面各置
小樓以備瞭望進運所及馬驛堡內軍餘人等亦給器械操練
令守堡驛所百戶督之自莊浪抵肅州一帶山口雖各撤軍埋
伏哨守然不過百十人或二三十人若賊衆突入豈能抗禦其
狹小路口急宜砌塞餘寬廣山口及平漫沙場宜掘壕塹於墩
臺外以防奔突又寧夏洛陽川地當要衝宜立哨馬營守備已
上事宜俱委宜修治兼恐各官因循怠慢沮抑事機乞戒飭之
上曰然兵部其移文總兵等官提督各營堡守哨官如議修飭
秋有怠慢廢事者重罪不宥○永康侯徐安安閉安定門守平

有爲他官所役者去道利卒拘之不至杖所遣卒至死事覺下
錦衣衛鞠驗刑部論當贖徒還將從之。四川黑虎寨賊首多
兒太嘗掠茂州境爲官軍所獲與誓而釋之未幾復究諸寨叛
夷入掠。上命鴻臚寺序班祁全往諭諸寨令擒多兒太來獻
者悉宥罪至是擒至京命集四川來朝番人誅多兒太梟其首
行劫處以徇協從者俱不問以全有招撫勞命陞一級。有四
人共盜一驢殺之者法可以禁例俱當死并以其戶丁充邊遠
軍大理御俞士悅等謂律同謀共歐人致死者爲首死餘從者
俱杖今以一驢殺四人則是驢命反重於人矣請勅法司今後
遇二三人或四五人共殺馬牛驢騾者止坐其爲首者一人死
從之。己丑華陽王悅燿妃徐氏薨妃潞州衛指揮使徐亨女
永樂十二年用封至是薨訃聞。上遣中官賜祭命有司營葬

○庚寅 上親閱舉人所對策賜高輅等一百五十人進士及第出身有差。西北方天鳴有聲如鳥群飛。辛卯宴進士于禮部命太師英國公張輔侍宴。陞兵部武庫司主事吳寧爲職方司郎中職方司主事鄒幹爲武選司員外郎。都指揮僉事委鐸奏奉勅帶領官軍往赤斤蒙古沙州等衛撫安夷人闕遇行糧除用度外剩有八十餘石例應償官被番夷人等求討已行給散乞免償爲便從之。勅保定伯梁瑄都指揮僉事馬亮署都指揮僉事申忠曰命爾等提督大營五軍官軍往草場牧放馬匹務要依時喂養無致瘦損仍禁約官軍生事擾人蹂踐苗稼并遊蕩逃回等項俟秋後還京操練將實數開報兵部毋隱贖作弊自取罪愆。壬辰賜狀元商輅朝服冠帶諸進士鈔各五錠。襄陵王冲林奏近于城北一里許築菜園一所欲

秋良辰美景之際奉母妃遊說以適其情從之。山西洪洞縣
奏本縣普潤驛濱汾水東以雨久隄岸坍塌倉廩房宇請移
置以遠其害從之。癸巳狀元商輅率諸進士上表謝恩。陞
四川疊溪千戶所正千戶李榮為松潘衝指揮僉事茂州衛百
戶謝真為副千戶以擒番寇功也。設四川名山縣直隸青縣
僧會司置官降印記。乙未開除陝西平涼府平涼縣韓王墳
地糧二十七石有奇山西平陽府臨汾縣平城郡主墳地糧五
石有奇潞州潞城縣黎城王墳地糧四石有奇。命判麻賞思
隆為禪師先是赤介蒙古衛都督僉事阿速等奏保思隆在邊
累勅勞力又深曉佛法乞陞其職故有是命。禮部尚書胡濙
等奏四川都司承差伍守初伴送番僧刺麻星吉等赴京進貢
驗其批文無星吉之名究其所以未經四川都司起送乃潛自

跟隨國師朝貢茲又告乞支應下程請俱送法司治罪 上曰俱有不問番僧還與下程。福建緣海民有偽稱行人正使官潛通瓜哇國者巡按監察御史陳永劾奏總督備倭署都指揮叢事王勝福建都司都指揮叢事賈忠等不嚴巡督俱宜究治 上命勝自陳忠等令巡按御史青狀俾戴罪供職仍住俸三月。丙申四川道士李太濛私習六甲陣圖等書且自為奏疏令其徒上之有將星失色於層霄列曜少明於廣漢明臣失位良將無權等語有司執送京師法司坐妖言當斬從之。丁酉慶成王美晴奏自永樂元年頒降儀仗經今四十餘年俱各敝壞不堪為用請賜新者 上曰今百姓艱難姑用舊者待豐年造之。勅諭朝鮮國王李禔曰曩者倭賊出沒王境王已生擒失刺沙也門等解來今復獲其餘黨沙彌歹刺遣陪臣唐孟賢

抵送至京蓋見王忠誠衛國之心良用嘉悅然喬爾倭寇憑負
海島鼠竊狗偷固有心王宜嚴守備以保民生若復寇邊朝
廷必命官軍勦滅之或復侵軼王境王宜調遣將士將其巢穴
盡俘其類用寧邊惠則王之功烈將匹休于古之賢藩而吾令
舉于無窮矣王其欽承之○遣北鞑韃哈撒芽既既遣失回妻
忽克魯哈森韃韃韃答克伯帖木兒等未歸育馬 上命遣失
克伯帖木兒馬頭目哈撒達答馬所鎮撫俱于南京錦衣衛安
插月支食米二石仍賜絲帶表裏紵絳蓑衣紗布房屋牀榻器
皿等物○己亥屢戍王美增奏近年連遭父母及妻喪費用浩
繁雖有祿米一千石官眷衆多供贍不足茲欲為母修齋所缺
緣筆等物乞念親親少賜一二 上曰今百姓多艱朝廷事務
成敗成者請自從儉為之○擢第一甲進士高路馬翰林院修

撰周洪謨劉俊俱馬編修。○命故少師兵部尚書兼華蓋殿大學士楊士奇子璉馬尚寶司卷。○命推官劉瑄行人呂困劉大知縣王鐘胡拱辰吳源馬兩京監察御史瑄等從吏部選送都察院理刑。至是以考了權之。○陞河南衛輝府同知張亨馬本府知府時知府缺屬縣民赴布政司稱亨淮改寬平乞馬奏補其缺布政司以聞故有是命。○清運總兵官郝督念事武與官巡按御史吳鑑奏稱造船官軍多支物料欲減其半且追德其多支者工部移文日等據日等以造船物料皆永樂宣德定例其彼此之不均者以船之多寡也况皆工部委官躬視收支豈有他弊必如所言誠恐船料簿小有誤清運員累官軍其造船止令提舉司而罷官軍減軍之使照悉工力不足乞仍舊為使上曰舊例豈可擅改造船宜整做敢有侵欺物料致不堅固者

監督及修造官軍胥重罪不宥過支物料船已修完者免追未完者促之仗完。○庚子鴻臚寺卿楊善等奏本寺鳴鑼多缺欲同禮部官于園子監選監生聲音洪亮者五十人赴寺演習習成之日從公擇四人送吏部奏請選除從之。○命亦力把里仗目馬黑麻為副千戶達木蠻馬百戶嘉其奉仗未朝也。○雲南路南州上官知州秦福湖廣九路衛系植安撫司上官僉事譚潮等各遣人貢馬賜鈔綵帶表裏有差。○辛丑初諭鎮守陝西右都御史陳鑑巡撫河南山西左少卿于謙曰近得監察御史馬恭秦陝西遠近饑民求食者日有二千餘人餓死數多高陵渭南富平等縣居民供閉門塞戶逃竄延食及爾謙奏詳府縣境內乞聚男婦千餘原式縣境內亦乞聚千餘俱係饑民朕自即位以來屢招輕徭役蠲通勇慎簡官僚善加撫字今歲未馬

荒歉而民流移如此蓋由府州縣官尸位素餐苟且度日稍有科差則放富差貧徵收稅糧則橫加科歛或拘勢要所屬督追私債甚於公賦或為豪猾所餌通同侵漁無所不至以致小民不能存活棄家攜老幼流移外境姦民倡誘也聚成羣官吏不敢盤詰又聞各衛所官多不受情軍士往往剝削剋害此等不才官員虐害軍民俱當治罪其職居方面風憲者亦皆同流合汙視官吏貪汙民生疾苦若不相干徒以行移巧為遮飾原其情罪俱不可宥今姑置不問違勅戒飭各令止伍能幹官分地所屬撫綏軍民招集流徙有缺食者量發官廩或勸富家出粟賑貸凡官府不急之務悉為停止果有軍民不使事務具實奏來或有饑民逃移至境務須設法安插賑卹仍嚴加禁約但有姦民誘惑良善者拿解赴京其被誘之人悉加寬宥照例安

神爾等為國重目受朕委任宜體國恤人往來安撫夙夜盡心
從長區畫俾軍民樂業庶副委托其有司官采有貪暴不才及
聞茸無能者起送赴京軍官具奏處治欽此并分勅陝西河南
山東山西都布按三司及直隸保定大名真定河間順德廣平
六府各如前勅○陞哈密等衛都指揮使既脫不花為都督僉
事都指揮同知陝西丁馬都指揮使指揮同知亦魯伯馬都指
揮僉事滕吉思馬指揮使指揮僉事可兒加馬指揮同知止干
戶達南加失兀撒馬指揮僉事以指揮同知結都思加子土兒
只開代職故指揮同知保童子綽失加襲職○分判麻谷麻監
歲為崇善禪師賜之初命○戶部右侍郎焦宏奏浙江處州府
松溪縣小蘇等七處銀坑礦脈括竭坑百人等違年折納鈔貫
艱難乞與陸路為使從之○壬寅滿剌加國使臣謀者那等奏

請賜國王息力八審息瓦兒去八沙護國勅書及蟒龍衣服傘
蓋庶仗天威以服國人之心又云國王欲躬親來朝所帶人物
數多乞賜一巨舟以便往來 上今所司造與之○癸卯陞吏
部等衙門郎中洪英為山東左布政使知府李文定為福建左
布政使少卿宋傑為陝西右布政使郎中夏希純為右叅政左
叅議吳傑為湖廣右叅政郎中林厚為山西右叅政給事中劉
海為陝西右叅議郎中李寧為貴州右叅議員外郎高信為河
南左叅議右給事中侯日為廣西右叅議郎中羅恪為山西右
叅議周得琳為雲南左叅議監察御史方冊為福建按察使鄭
願為雲南按察副使給事中黃純為江西僉事扶桐學校監察
御史鄭傑為浙江僉事王驥為福建僉事俱管銀場監察御史
王瑛評事楊鐸俱為陝西僉事監察御史鄭觀為廣西僉事寺

副張茂給事中白宗郎中樓文昌謝琬主事崔恭陳順張智治
中高應經歷朱華監運副使孔哲知縣張鐸俱為知府從吏部
會官推舉也。○今陝西鳳翔府知府危遂復任陞止三品俸還
九載任滿吏部考最當遷擢巡按監察御史張文昌為民奏乞
復任故有是命。○是月浙江寧波府疫軍民死者六千六百餘
人。

大明英宗法天立道仁明誠敬昭文憲武至德廣孝睿皇帝實
錄卷之一百二十七

明英宗睿皇帝實錄卷之一百二十八

止統十年夏四月甲辰朔日食○享 太廟○建中官恭司憲之神○乙巳禮部稽膳司主事顧謙馬祠祭司郎中以任滿九載也○除山西太原府陽曲縣也留縣王墳地稅銀四石有奇○浙江福建各銀場先有詔罷之後遣戶部右侍郎焦宏往勘宏言銀場宜復開但存弊百出須遣廉幹御史一員巡閱又言諸場礦脈多寡不同消長無時其少者宜量減多者宜量增俟今巡閱及族管官以實具聞 上命監察御史曹祥往浙江京衛帶俸都指揮僉事沈構任浙江都司同布按司堂上委官巡閱提督浙江各銀場監察御史馮傑往福建調四川都指揮僉事吳剛任福建行都司同布按司堂上委官巡閱提督福建各銀場都御史王文性者銀場不開諸坑首匠作糾令亡賴

千百成羣盜採甚至相警殺劫掠鄉野有司捕之輒肆拒誅之不勝及開闢銀場募復舊役始忻然退散若此徒者使與諸提督官吏通弊將無不至矣宜嚴禁之不許其復舊役除公用器具給予民凡提督官吏諸坑首區作有仍稽課不及額搭飲民財及役盜官銀者一切治之如律徒流以福建浙江易地充驛遞夫徒如不限流四年期滿民家官吏點馬民充罪亦易地充沿海邊衛軍庶森頑知警良善獲免從之○秦王志嚙秦鎮守陝西石郡御史陳鑑潛通樂妓諸淫穢狀且言鞠所通妓俱驗并得其所寄與白金諸物 上命鎮守陝西與安侯徐亨及巡按御史按察司官體實亨等言王所奏俱誣及違所通妓至京亦變初辭如亨等體狀 上置鑑不問勅秦王謹守禮度毋輕聽小人邪言○廣東左叅議楊信民奏自投提調學校官以

未監臨上司標于侵職巡歷所至置之不問如廣東諸處但山
隔海提學官不過歲一至而已雖曰職專徒為文具乞罷之使
事下禮部議尚書胡濙等言提學之官俱出大目建白廷議推
選難遽停罷但中閒實有不職者遂至因循廢弛請中飭之凡
布按二司所至處自應提督考校府州縣提調正官每月朔望
宜照例詣學考其勤惰今乃彼此推調畧不如意是非設官之
適實由曠職之弊 上曰學校廢弛大是弊事爾等即同都察
院官察諸不職者以名聞朕將黜之其司府州縣提調官拘牽
小嫌改行避事及巡按御史不舉奏者皆不可不治今姑宥之
爾等即以朕意通行戒飭濙等又言在外各官一時不能悉其
賢否且無實可指請但令巡按御史詢察糾舉庶得其實 上
從之仍命濙等察實以聞○丁未湯溪府稷山倬琦王信煇于

石曰幼塊沁水悼懷王信煜子石長曰幼塊次曰幼塊次曰幼塊
堦○大寧都司都指揮僉事劉能老疾以其子安代為指揮使
○賜序班祿金千戶李榮等一百五十五人綵帟絹布有差以
入番招諭功也○先山西都司平陽衛去歲被災屯糧二千三
十七石○直隸寧國府知府范旭言今之慶賀 聖節止旦各
至在外各司俱于布政司行禮唯各府有衛各州縣有千戶所
者武臣稱其品級之大要為班首紛爭不一乞定禮儀 上命
禮部議行○己酉興平王府教授賈初得命赴任改越期集
有罪別調及至府復不守禮法執抗王竟坐誣奏府屬為王所
奏法司論當請徙還職 上命杖六十黜為民○庚戌秦府審
理正秦私紀善陳彬等文章奏承奉正劉全內典膳侯介等十
七人從史王陵辱府屬甚无軍政諸不法事 上命都察院遣

錦衣衛官并私等執鞠之仍以書諭王○命於遼東廣寧等庫
收貯故衣就於彼易米上倉以足軍用先是永樂宣德間工部
及山東布政司造運青紅藍綠布絹紵絲衣於廣寧等庫收貯
市易馬駝及賞賜野人至是年久支用不盡至有泥爛損壞者
都御史王翔李純及大監亦失哈等會計上聞故有是命○辛
亥賜文氏百官晏○烏思藏大寶法王遣刺麻鎖南屯祝等貢
舍利造毼等物賜綵幣等物有差○徙貴州安南千戶所於羅
渭山從千戶范喜言也○守備獨石等處左都督楊洪嘗請給
旗牌以號令軍士 上不允洪乃自置小箭旗二十木牌二十
以爲交鋒緩急之節事聞工部論其專擅 上以其軍中事宜
之不問○壬子命番僧溫卜監衆於容爲都綱給印以其嘗爲
嚮導入若已賒歸諸寨招諭生番也○甲寅命折臨清德州河

西務倉三分之一改爲通州。及在京倉時各倉皆空閒而通州京倉皆不足故也。哈密忠順王倒瓦答失里遣使臣阿力沙赤斤蒙古等衛指揮羽魯伯等來朝貢駝馬賜晏并綵幣表裏等物有差。都督僉事李達卒。達永樂元年以功自都指揮使奉命鎮守洮州。七年帥師征西寧申藏等族禽其賊首宣德十年陞右軍都督僉事賜白金綵幣鎮守如故。正統九年致仕。至是卒。達年八十八歲在邊餘四十年兵威甚著。蕃人畏服效順貢獻不絕朝廷嘉之。乙卯陞都察院右僉都御史羅亨信爲右副都御史。命工部右侍郎王佑同太監尚義董修大功德禪寺。命陝西延安慶陽二衛召商納馬中鹽。每上馬一匹給鹽一百二十引。中馬一百引。俱於小鹽池不次關支。戊午陞肉迷等處使臣指揮僉事哈只阿黑蠻爲指揮。同知正千戶哈

只爲指揮僉事。陝西定邊營都指揮李珍卒缺官提督操守以都指揮僉事王榮代之。從太保成國公朱勇所舉也。己未宣府總兵官武定侯郭玠奏臣所部操備官軍下班者例不給口糧今沿邊新河等口宜加修理暫撥下班官軍一千九百餘名往彼供役口糧仍宜給之俟工成任支爲便從之。庚申上諭戶部臣曰近得巡按山東監察御史所奏卹患濟民事俱可施行逃民復業缺食者給糧賑濟待安居二年後豐收之時備官流移就食者酌量接濟識其鄉貫姓名給過糧米免償仍令布按二司提督府州縣官於秋成時耀糧預備無令倉廩空虛他所通員者俱俟秋成補解爾等其慎行之。藩王信孳奏臣弟黎城王信孳薨後歲祿截日往支妻子用度不給乞照舊給賜從之。命判麻賞思隆爲崇教禪師給銀印勅命賜綵幣

以其有預征回回之功故加旌擢令其協助頭目撫治人民也。辛酉車三軍民宣慰司遣頭目并廣東茂名縣孫首林以成等來朝貢金銀器皿象馬香蠟等物賜鈔幣有差。靖江王府儀賓戴瑄坐嘗洛清鄉君爲王所奏。上命革去冠帶俟三年無過以聞。巡按貴州監察御史虞禎奏都指揮僉事張景誅求所部白金等賄無厭因而杖守禦千戶至死請究其罪從之。壬戌設山東靈山衛學置教授訓導各一員從本衛指揮張忠奏請也。巡按山西監察御史熊璘劾奏按察使曹習古依直市貨及私宿酒婦諸不法狀請究其罪從之。癸亥給交城王美婉長女萬泉縣主并儀賓張瑛歲祿六百石木色四百石折色二百石。賜吏部左侍郎李敷戶部右侍郎焦宏刑部右侍郎薛希璉丁鉉誥命并封贈其祖父母父母妻從數等奏請

也。甘肅總兵官寧遠伯任禮奏掌莊浪衛事都指揮僉事蔣
預擅殿守備都指揮僉事李貴屢索軍餘豆麥有被逼押而死
者。上命題按御史收鞠之尋贖杖還職。改正一祠教真人
張懋丞嫡孫元吉當襲封其族叔祖懋嘉歎其幼欲奪之却其
所攜金玉諸器物并奏疏沮不使行懋丞妻攜元吉潛詣京懋
嘉亦偕至相與競訟真武廟烏道錄司官所發法司鞠懋嘉贖
徒。上命杖之發朝天宮灑掃其祖天師廟。甲子山西左布
政使馬璘以老疾乞致仕從之。乙丑陞國子監司業趙琬為
左春坊左諭德仍管司業事助教李洪孔鐸翁瑛俱為翰林院
檢討仍管助教事俱以任滿九載考稱也。併順天府通州北
關遷運所於通州遷運所從監窳御史陳鑑言也。靖遠伯王
驥奏寧夏操備官軍初分兩班半歲一更後以邊報日急三年

一更日久貧難况防冬軍少又選附近官軍舍人餘丁益之致一戶有五六人三四人在邊者煩勞尤甚請定爲一年一班前班正月放回十月初詣邊次班官軍協同備冬至來年正月放回過期不至者罰班庶邊有備而人不勞 上善其議命兵部移文緣邊總兵鎮守官遵行之。丙寅陞河南按察司副使榮華爲本哥按察使華專理河道兌糧九年考最故陞之仍理前事。安南國王黎濟遣陪臣陶公傑等來朝貢金銀器犀犀角象牙沉香等物賜晏并鈔文綺金織羅襲衣有差。命改濟州衛指揮使鄭旺子榮金吾右衛指揮同知倪志子真金吾左衛指揮同知胡英弟雄指揮僉事劉忠姪敏羽林前衛指揮僉事苦倫帖木兒子哈孩燕山左衛指揮僉事王謙庶兄榮燕山右衛指揮僉事蔣祿子剛俱襲職羽林右衛指揮僉事譚青子福

樞手衛指揮僉事胡榮子能俱代職。丁卯順天府通州言社稷山川二壇逼近民居穢汙瀆慢乞更徙他地從之。戊辰擢進士路壁王度俱爲戶部給事中張璞刑部主事劉或工部主事徐善大理寺左評事陳浩郎勝郭仲南行人司行人。命故正一嗣教真人張懋孫元吉襲爲真人賜之勅曰道以清淨無爲爲教化人爲善張氏世居龍虎山崇奉玄教歷代以來咸加獎重我國家特錫真人之職俾世承襲以領教事厥有恒典爾乃故真人張懋丞嫡長孫今命繼襲祖職復念爾幼齡父祖傾逝已令有司禁治爾親族人等各循禮法毋肆侵凌本山宮觀守護惟謹又諸道流宜守清規違者必治以法爾宜清心勉學祇奉玄範茂闡宗風毋墜先業爾其欽承之。大雨雹。己巳大同總兵官武進伯朱冕有疾。上命醫馳驛往視之。庚

午給三千五軍等營巡邊官軍馬四百八十一匹。辛未致書
秦王志潔曰邊防國家重務而西北尤要地此 皇高祖所以
爲萬世慮也延綏去陝西最近胡寇嘗入爲患叔嗣守封國憂戚
諒同今邊將屢言兵戍不敷請於西安右護衛選調餘丁二千
協守朕慮府中缺人使令惟選一千每歲九月初旬赴延安鎮
守官處操備至春放回其軍器馬匹俱於都司給與書呈叔宜
者令護衛官從公遵撥候秋遣發尤見體國安邊之意。華浙
江嚴州府批驗茶引所併其事於本稅課司。四川威州土官
巡檢董欽先與州人王永憐殺累午朝足屢命撫諭永既遣人
謝罪而欽尚率衆屯聚灌縣不敢還職 上命御史趙敬偕三
司官親詣其地令欽面受勅諭還職治事及以勅戒約永不得
仍前作過且切責三司言威州爲成都近地欽永非生番遠夷

而因循縱弛無以制之責任安在宜及今計畫以靖邊境如復
推表遊事或措置垂方重貽邊患罪必不宥。山西都指揮僉
事王友私役軍人及索所部財物巡按監察御史熊璘鞫其所
違者俱驗請宜于法從之。壬申陞通政司左叅議龔全安為
左通政右叅議王錫為右通政兵科左給事中樂憚為左叅議
禮科給事中侯潤為右叅議。巡按河南監察御史劉懷奏都
指揮使夏忠擅役軍人營私第至踰三月且他不法甚衆命執
而治之。福建都司奏本司所轄衛所旗軍屯糧例撥府縣倉
收受緣各倉收受盈滿旗軍候糧艱乞照民糧例折銀從之
。直隸蘇州府奏本府豐盈庫收貯贓罰金銀珠翠等物解送
京庫外其有存收紵絲紗羅絹布年久損壞乞依特價變易糧
米收作歛年賑濟饑民之用。上命戶部議行。戶部左侍郎

姜濟 辛濟 山西忻州人 由舉人 歷任河間知府 正統元年 陞順天府戶部正統八年 陞戶部左侍郎 在任有治才 至是 辛遣官賜祭 命有司治葬

大明英宗法天立道 仁明誠敬 昭文憲武 至德廣孝 睿皇帝實錄卷之一百二十八

明英宗睿皇帝實錄卷之一百二十八終

明英宗睿皇帝實錄卷之一百二十九

正統十年五月甲戌朔禮部言天下諸司官吏軍民建言例會
廷臣議行竊見宣德中尚書塞義夏原吉已解職務特詔與議
正統初學士楊士奇楊榮楊溥輪番會議今士奇榮已故惟溥
尚在請令學士陳循曹鼐馬愉參之 上以溥年老禮宜優閒
令循等共議○賜兵部尚書徐晞誥命封贈祖母父母妻佐
晞奏請也○彭城伯張瑄下刑部獄瑾父景嘗收自宮民為家
奴景卒瑾復匿不舉正刑部奏之故下獄○乙亥 命遼府衛
山王貴城蘄水王貴燬歲祿俱于本府收受給綏郡主并儀賓
張璉桂東郡主并儀賓蔣傑歲祿各四百石內本色米二百五
十石折色一百五十石○丙子陞罕東衛指揮使賞卜兒加為
都指揮同知掌衛事○賜三箇城等處十五部密虎者玉等祿

帶付其貢使馬黑麻克免克等歸授之仍命沙州等衛都督南哥等衛之出境○靖遠伯王驥奏比者奉命巡邊自延綏至肅州東西遠遶六千餘里守備官軍舍餘不過五萬六千餘人猝有侵軼恐不足用事下兵部議甘肅已有四萬二千八百人足以守備惟寧夏延安軍少乞遣官于河南都司屬衛并潼關衛揀選精勇者三千人分爲二班寧夏增一千延安增五百

上命巡按御史及都司委廉幹官于屬衛如數精選仍委公正有勇畧都指揮提督訓練以候調發○漕運叅將都指揮俞寧湯節言滕縣七里河近者淤塞水不至運河致糧艇不能進乞請自沛縣魏家潭直抵雞鳴臺流出運河仍置閘以時開閉其沙河泥溝泉河濟寧州盧家溝等泉源鄆縣淵源舊泉河口亦宜疏通各置小閘蓄水事下工部尚書王邑言宜令所司按實

起夫阮濟從之。○丁丑巡按廣西監察御史周紀劾奏按察余事隆英詣京進表還任踰限例當違問從之。○直隸真定河間二府俱奏自去年九月至今今年四月終亢旱二麥槁死夏稅無徵。上命戶部覆實蠲之。○戊寅端午節賜文武群臣扇及宴。○己卯陞南京戶部福建司主事王琬為山東按察司僉事專理衛河提舉司事。○太醫院判欽謙奏吏抗已吏亦據謙不法事以訴刑部請并違謙鞠之。上命謙自陳而枷示吏于院門。謙陳狀伏罪遂宥之。○達賊入掠安化縣陝西操備都指揮俞事揚信得報追遁不進度陽衛千戶曹旺承調率兵策應復拒故不行賊遂肆掠出境延按監察御史張文昌等按得狀俱坐以失機斬事聞。上命宥死杖之充延安衛軍當先殺賊立功。○庚辰命荆王瞻埈歲祿于湖廣布政司支給王初居江西。

建昌至是遷國新州故有是命○以在京居賢崇教二坊草場築倉收糧○廣西總兵官安遠侯柳溥奏潯梧等府地方蠻寇竊發剽掠鄉村臣躬率官軍土兵會同廣西布按二司官直抵古榮林峒等處勒殺斬首七百三十五級又慶遠等處蠻寇亦肆攻劫署都指揮僉事范信等平領官軍民欵勒殺克捷兵部請加陞賞 上命陞賞如例其官軍殺賊首二級并土官目兵民欵殺賊首三級已上者加賞一倍柳溥田真指授方畧有功與叟書褒賞把總都指揮皆陞署職一級土官知府加從三品散官○協贊延綏軍務監察御史馬恭奏沿邊諸寨軍士不下數萬荒遠偏僻不近州縣兼無藥珥疾疫時行坐以待斃誠可矜憫請東自孤山寨西至定邊營凡十六處各設醫一人隨營治療并支給官錢措置藥珥從之○河南新鄉縣民李永康妻張

氏一產三男 命給米鈔如例○壬午 命陝西行都司都指揮僉事陳价子晟襲為指揮使○陞鴻臚寺左寺丞王深為本寺左少卿司儀署署丞胡恭為左寺丞主簿劉源為右寺丞○戶部奏廣昌王府屯留縣主卒其歲祿宜截日會算還官

上念其喪事所費特令免追○癸未給楚府善化縣主并儀賓彭福公安縣主并儀賓陳衍慈利縣主并儀賓章銳歲祿各六百石內本色米四百石折鈔二百石○欽天監奏五官壘臺郎卜刺金五官保章正胡中俱年七十衰病緣洪武以來本監官無故事例請暫令住俸調治痊可視事從之○甲申給神機營并萬全都司官軍馬五百六十二匹○羽林前忠義後衛倉火燬糧一十九十五石戶部請治典守者追陪 上曰此殆非人力所能止俱宥罪免陪○河南開封府陽武縣蝗巡撫少卿于

謙已令有司設法捕除具疏以聞○乙酉勅靖江王府奉國將軍佐敏曰 祖宗之制諸親藩將軍凡冠婚禮儀之事皆須啓王而行曩者因尔故違及共群小賭博曾違書諭王令嚴加戒飭君命至門尔乃滙塞私第不行迎接其款朝廷之心安在迨尔子議婚乃不躬自白^王且止令閹者傳言挾制長史其教王之心何在尔為國家親屬榮授封爵縱恣妄為庸人不如仲恩屈法至再至三矣而枉于冥頑曾無感激改過之意然朝廷法度正以懲治奸頑國家親屬尤在遵守勅至尔即具實以聞如謬造浮詞及妄言別事欺天罔人必以 祖宗大法處治其審之毋悔○命山西行都司著都指揮僉事潘興實授都指揮僉事從鎮守大同太監郭敬奏請也○丙戌陞吏部驗封司主事李賢為考功司郎中以任滿九載考稱也○陞神策衛指揮使郭

震為署都指揮僉事山東濟南衛指揮同知王勛為指揮使留
守衛指揮僉事王淳為指揮同知俱令在京營操管過缺量材推
用初震等以大臣荐其騎射熟閱智識出眾至是大保成國公
朱勇奏請會官于大教場內試驗得震等三員為優故有是命
○命清修翊善國師竊克林已為大國師刺麻端竹為妙悟禪
師遠丹幹些兒為覺善禪師俱賜銀印誥勅○丁亥大同總兵
官武進伯朱冕奏山西行都司所屬官軍守防遠方若衣糧不
充難以効力請都指揮月支本色米五石指揮四石衛所鎮撫
千百戶月支三石餘仍折鈔其見操軍士有月支一石者有八
斗者請一體均賜其中有名夜不收者勞勩尤甚請月給一石
五斗其大同府所轄四州七縣軍民艱苦每年夏秋說糧遠運
至西徠兒峪等處倉近年旱荒相繼口食艱難請暫將民糧就

撥大同邊衛收納以延民因其西猫兒峪糧儲另于腹裏附近州縣供給事下戶部覆奏沿邊糧料宜廣儲蓄以備不虞若一緊添給臨時卒難供運官軍俸糧都指揮指揮每月二石給米二石准給銀絹衛所鎮撫千戶每月一石五斗給米一石五斗准給銀絹旗軍先衛守臣之請既量增給夜不收月糧行糧通給一石五斗矣止宜歲給綿布一匹其大同運付西猫兒峪稅糧不為常例減存五萬石于大同邊衛仍于福建并蘇松等處折糧銀內撥三萬兩運付西猫兒峪補大同應運之數為便糧之○戊子廣東按察使郭智下獄初廣東都指揮姚麟諸軍官奏智侵官守作威索賂左叅議楊信民亦奏智收壞風憲尅害軍民諸不法狀都察院請下其事巡按御史覆之且言侯智考滿至收繫及是智至監察御史何永芳等以為言故有是命○

己丑 命禮部左侍郎侯璉復職以奔母喪還京故也○增泗州衛守城旗軍月糧先是守城旗軍有宦家者月支糧六斗無者四斗五升至是本州言倉麥陳積者多戶部請增給旗軍有宦家者八斗無者六斗俱准折色俟麥支盡如舊闕支從之○庚寅平鄉伯陳懷奏山西行都司都指揮僉事吳浩膽畧超異武藝精熟乞取到京擢用上曰吳浩有膽畧村武正可保障邊隅有功之日朝廷自任用之不必取求因謂兵部尚書徐晞等曰昔今在邊有材畧者毋得輒動著為例○巡按四川等處監察御史姚鵬等奏比者松潘至地寨者人折兒掛无怒等糾眾劫掠殺傷官軍臣欽承 上命會同都指揮周貴左布政使侯乾僉事王琦親詣彼處宣布朝廷威德諭以禍福耆人俱聽撫順然今雖向化恐後復聚為非乞令鎮守松潘都指揮王呆

等量調附近衛所官軍遇其竊發就行勦殺庶得地方寧謐
上曰彼既畏服何用勦殺兵部其移文于呆等曉諭番人毋得仍
前為非若稔惡不悛仍具聞區處○辛卯免雲南六涼等衛所
去年被災子粒七萬七千九百四十二石有奇直隸河間府所
屬五州縣去年被災糧三千七百九十餘石草五萬三千五百
九十餘束○除廣東瓊州府儋州昌化縣河泊所死亡蠶民五
十三戶課米九十三石有奇○給浙江台州紹興湖州杭州所
屬河泊官俸初稅課司局河泊所官俱以有巡欄綱甲供給例
不支俸後命稅課司局官依資品給之惟河泊所官未有命至
是有司以為言始 命如則給綱之免其供給○廣西因犯納米
贖罪者舊于桂林府倉收至是有司言桂林府積糧既多令慶
遠府蠻賊竊發宜改赴慶遠府為便送之○壬辰四川石柱宣

撫司上官舍人馬喃安順州土官阿寵長河西魚通寧遠等處
宣慰使加恩八僧宜烏思藏大善國師加八言十等道頭日阿
松等貢馬賜絲帶有差○命以湖廣赤東湖河泊所與荆王府
其歲辦魚油等課皆蠲除之○移置浙江台州府寧海巡檢司
于寧波府趙興村隸象山縣○甲午國子監祭酒李時勉復上
疏乞致仕 上不允○擢進士郝璜為吏部驗封司主事○乙
未廣東高要縣學生伍章等六人偕所招樞首貢香燭至京
上諭禮部臣曰生員當居學肄業顧舍所學而供^趨幹辦其志陋
矣禮部因請罪之 上曰不必罪姑戒諭遣之而禁約諸樞僚
州縣毋得令生員招撫○丙申賜安遠侯柳溥都指揮范信祭
議甄完土官知府岑瑛等課帶鈔有差以其平脩仁蒞浦蠻寇
功也○復置登州府寧海州金山倉設大使一員○丁酉免萬

金部司所屬開平保安右衛災傷子粒五百九十九石八斗○
夜有流星二大如椽一色青白尾跡有光出紫微西藩東北行
至閭道一色赤有光出正東雲中北行至游氣○戊戌占城國
王摩阿貴欲遣使臣已罷等奉金葉表文來朝貢方物賜宴并
織金羅龍衣練段表裏等物有差○提調太岳太和三湖廣右
叅議李個奏太和南巖紫霄五龍玉虛淨樂六宮俱滲漏請預
燒磚瓦為脩理計送之○恭寧侯陳瀛道所部卒居長安右門
朝房卒病死于其中監察御史胡貴因言長安左右門朝房諸
文武官近來往往縱吏卒携家入居且蓄養雞豚等物甚不教
請祭治其罪事下錦衣衛查究得瀛及監察御史盛琦等官名
以聞請鞠其狀 上命姑宥之○甯廣東都指揮俞事高迪罪
迪初坐備倭布嚴致賊殺傷官軍并受所部餽金諸物罪為死

按御史所劾 上命自陳至是具陳朕罪逆宵之戒毋再犯○
已矣 命刑部右侍郎薛希璉巡撫直隸大理寺右寺丞張曠
巡撫山東勅之曰國家以民為本朕即位以來屢詔蠲逋負輕
徭役但有司奉行弗至撫字乖張方甚至通同豪猾恣意侵漁以
致小民產業蕩然逃于外境或投托豪富官員軍民之家生理
或屯田野虛曠去處官兵不敢盤詰及遇招撫乃糾合窩家
在途邀劫朕拳拳在念特命爾希璉巡撫直隸真定保定河間
大名順德廣平及南直隸鳳陽淮安揚州廬州滁州徐州地方
爾曠巡撫山東地方所至各委廉能正佐官往來提督撫恤凡
艱難之處官府不急之務悉與停止干係朝廷者徒實具奏缺
食者給賑賑恤無田者量撥閒田耕種敢有恃頑誘衆逃移者
即將為首之人擒治罪重者解京仍取勘外境逃來人戶聽其

生理待秋成後願回原籍者聽願寓住者編管收籍優免差糧
或有逃民聚衆至二三百家以上者爾須親帶附近府縣官諭
以朝廷撫恤之意令安居耕種或可令附近州縣帶管或可別
設官司撫治奏未處治爾須體朕心博采衆論盡心區畫其有
合行事務悉聽爾量宜處置無須以庶勤公程表率下人不得
徇私苟且推托利害以取罪愆○四川會川衛前所舍人陳武
奏指揮李淳朋合勢豪聚集軍囚夷獠一千餘人于密勒山銀
場它開官洞取礦煎銀私立主事行掌事并千百長名色持
兵放銃嘯聚山林漸成耗叛奏下戶部請移文四川三司勘實
逮治送之○廣子直隸鳳陽府宿州知州甄德奏所轄地名龍
山湖玻璃等處俱係湖水退灘土膏地饒易為耕種山東山西諸
處逃來之人動以萬計往往于彼園位已拉撫男婦四十百

餘口計七百八十餘戶分撥四地省令生理相繼來者絡繹于道民數既多若不嚴加防制恐聚集為非乞添設官安撫秋成後相宜處置 上令巡撫侍郎薛希璉于所轄或隣近郡邑官內推選廉能有聲素善撫綏者設法理治之撫民官果有政跡可紀隨即陞用逃民中有因犯軍匠產業自定自願附籍者聽仍不拘例量免差徭○辛丑 命直隸淮安府今年起運泗州并存留本處倉夏稅小麥折鈔解京每麥一石折鈔二十錠以本府泗州倉俱盈滿麥熟所貯故也○壬寅兗山東濟南等府逃戶糧六萬三千二百二十九石草八萬三千七百二十八束○曉刻北方有星大如盞色青白尾跡有光起八枝行至五車

次

明英宗睿皇帝實錄卷之一百三十

正統十年六月癸卯朔遣禮部左侍郎兼翰林院侍講學士王英祭南鎮會稽山之神通政使司右叅議湯鼎祭西岳華山之神西鎮吳山之神以浙江台寧紹三府陝西西安府各奏瘧疾故遣贖香幣靈以庇民物也○故永平大長公主府中使青山吉主墳在順天府玉泉山近有石匠數十竊取山石恐宣洩風氣請治其罪從之○巡按廣東監察御史熊明初署都指揮俞事張玉左叅政龔荒等弗嚴守哨以致強賊劫殺化州人財上命巡按御史責取罪狀令相機撫捕務底民安如仍怠忽重罪不宥○甲辰起復河南睢州知州仲廣廣以親喪去職巡撫左少卿于謙等言耆民三百餘人訴保廣廣慎得民心乞起復任事故有是命○罷封衍聖公孔彥緡叔父公堂知曲阜縣事

多違法彥縉代為飾詞妄疏款推罪于人巡按監察御史計澄請究治詔許自陳彥縉服罪上特宥之○乙巳貴州宣慰使安隴富等遣舍人安阿朔西番尚師哈立麻已遣番僧鎖南泥麻靈藏灌頂國師贊善王喃葛監藏已藏卜遣番僧幹些兒烏思藏灌頂國師闡化王吉刺思已永耐監藏已藏卜遣番僧別實呈吉崇教弘善國師班卓兒禱竹遣番僧鎖南監繫遣番僧鎖南班竹兒等來朝貢馬反方物賜宴并絳幣表裏有差命劉實呈吉等齎勅歸賜闡化王等○復除監察御史沈銜于福建道陳璞於山東道俱以母喪服闋也○命故永清右衛指揮使張晏弟瑄金吾右衛指揮僉事孛勝子福俱罷職南京金吾右衛指揮使沃旺子源代職○丁未陞廣西潯州府通判龐本厚為本府同知本厚以九載任滿當考贖詣京總兵官安遠

侯柳溥等言其善撫疆疆乞量陞擢故有是命○戊申遣中官
祭中雷之神○命妙戒禪師班卓兒姪桑兒結朵兒只為禪師
錫之誥命○免山西平陽太原直隸河間真定諸府存留并起
運保定密雲夏稅小麥仍免諸處屯軍子粒之半以有司言歲
旱無徵也○監察御史吉慶坐嘗毆人至死法司論贖杖還職
六科十三道劾其酷刑難居風憲 上命謫戍遼東鐵嶺衛○
己酉免山東富國等場鹽課司逃亡灶戶鹽五萬二千二百六
引○修河南杞縣離溝隄濬牛墓岡舊河○庚戌日生右珥色
赤黃鮮明○辛亥詔擇南陽地四所為唐王世子芝福次子芝
址女上蔡郡主侄芝埒第宅徙官軍民劫五十六家○哈密忠
順王倒瓦答失理遣使臣知院阿不都刺撒馬兒罕等地面兀
魯伯若刺于王等遣使臣克兒克伯煙答已失赤斤蒙古衛都

指揮寫合造頭目把丹并四川天全六番招討使高鳳長河西
魚通寧遠等處軍民宣慰使司刺馬賈都甲烏思藏刺麻剌巴
等來朝貢馬駝等物賜宴并綵幣表裏鈔錠有差○廣西泗州
城土官知州岑豹奏利州土官岑顏興兵占據地方事下兵部
言豹與顏嘗互相訐奏已行廣西總兵等官體勘取二家情願
將泗州城古那等地方兌換利州利甲等地方管屬已定今豹
又奏前情乞仍行體勘處置 上曰往者總兵官等既分撥地
方已定何又若是紛爭即移文廣西貴州總兵叅將及各三司
巡按御史會勘明白酌量事情如可撫諭設法差人開諭令各
安分守法或不可撫從長計議處置方畧奏未務在經久便利
不許因循推托貽患遠方○巡按貴州監察御史虞禎奏烏撒
衛掌衛事都指揮僉事干羽欺隱田稅及役軍盜礦宜究其罪

棧之○壬子戶部奏浙江台州府永盈倉先因洪水浸濕倉糧
其中米五萬二千三百四十餘石頗可食用若照例兼支恐益
陳腐請移文浙江將附近台州松門海門寧波温州府衛所并
合屬官吏俸糧依贖品全米給之及將台州衛旗軍月糧添作
一石其運糧官軍行糧俱于內開支候米盡絕仍如舊例為便
從之○癸丑巡撫河南山西大理寺左少卿于謙奏奉 命取
勘河南堪牧馬之地得十七處開封七衛輝六彰德四事下兵
部行之○協贊延綏軍務監察御史馬恭初守備龍州寨都指
揮僉事謝信匪軍報入已多支廩給擅毀邊寨城門宜速治
上詔信具實狀以聞○甲寅勅諭甘州西寧等衛所近邊居住
番簇曰朝廷懷柔遠人咸欵使之安生樂業爾各番簇洪武永
樂間供在討來河伯通川等處居住宣德初聽爾等移來南山

附近地方仍聽往來買賣朕即位以來懷撫无厚屢勅違將不
許緘亮侵僥期尔等安分守法近聞為頭目者不鈐東部屬為
部屬者劫取軍民馬牛衣服等物于法當調兵搜捕今姑寬貸
勅至尔該管頭目即將累惡不悛之人撲究懲治若尔等黨蔽
縱容輕視國法必調軍勒捕不宥○陞工部左侍郎黎澄為本
部尚書仍于內府供事以九年秩滿也○命戶部主事黃琛進
士沈細于南京庫支鈔二十九萬六百貫緡八百二十八匹綿
布六百三十三匹運往廣西給賞鼓賊有功官軍○乙卯陞戶
部主事余清王昇孫鏞謝佑俱為本部員外郎以清等署職理
事尚書王佐奏請宥授故也○丙辰南京刑部尚書施禮卒禮
字仲節順天府東安縣人洪武二十九年舉進士授行人司司
副陞河南布政司參議坐事免以薦舉任淮安府知府未幾復

坐事免職召為山東道監察御史九載陞大理寺丞遷少卿宣
德二年 命署行在刑部事既而陞右侍郎正統元年陞尚書
尋調南京刑部及是卒年七十有三遣官諭祭 命有司營奠
寧禮並款朴淳謹之士云○丁巳戶部奏江西金谿縣先因歲
凶以存留糧一萬四千四十餘石貸民今京庫所貯鈔少請令
以所貸米折收鈔解京從之○戊午陞都察院左僉都御史程
富為本院右副都御史時富在雲南提督糧餉九年秩滿吏部
以聞 上念其劬勞于外故陞之○陞浙江金華府照磨吳熙
為本府推官熙九年任滿軍民數百人保熙勤慎詳明篤道法
律堪代推官之任巡按御史并布按二司覈實以聞 上特從
之○己未寧府分宜縣主卒遣官致祭 命有司營奠○直隸
提調學校監察御史程富奏寧國府知府袁旭奏興工作擅造

橋梁逼逐軍民等事而右都御史王文翰私旌賞御史丁澄吳
淵阿遂不發俱宜究治 上曰風憲乃執法官如何行事不公
文姑弗問澄淵令具實陳狀旭不法事下巡按御史體覆以聞
但扶同欺罔者重罪不宥○庚申四川長河西魚道寧遠等處
軍民宣慰使司雲南八百大甸軍民宣慰使司頭目孟董等來
朝貢象馬及方物賜宴并綵帶表裏氈衣靴襪鈔錠等物有差
○勅諭靈藏灌頂國師贊善王喃葛監藏巴藏卜姪班丹監剌
曰爾靈藏地方邀在西域爾叔喃葛監藏巴藏卜封王爵化
導一方恭脩職貢于茲有年今爾叔奏稱年老不能管事尔班
丹監剌乃其親性克承梵教恪守毘尼多人信服請代其職特
允其請 命正使禪師鎮南藏卜副使刺麻剌什班丹等同指
揮幹些兒藏卜賚捧勅諭誥命封尔班丹堅剌為靈藏灌頂國

師贊善王代尔叔掌管印章撫治蕃人并頒賜尔錦段表裏僧帽袈裟法器等件尔尚益堅乃心益懋乃行廣布佛教化導群迷俾尔一方之人咸起為善之心永享太平之福庶克振尔宗風亦不負朝廷寵命尔惟敬哉○初雲南大候州土官知州奉外法為恩任發所虜請遠伯王驥以其弟刀奉送代為知州麓川既平奉外法得歸共刀奉送共理州務至是遣弟刀奉辦等來朝貢銀器馬匹具奏本州原降金牌信符俱被虜去乞量給賜送之賜宴并綵幣表裏等物有差仍令刀奉辦齎勅并紵緣紗羅等物歸賜奉外法刀奉送及其妻○南京大理寺左評事張昇九載任滿當陞自陳有母年踰九十乞就原籍教職以便祿養上嘉其孝送之○免直隸常州府所屬諸縣去年被災撥九萬一千四十餘石草六萬二千八十餘包○鎮守陝西

右都御史陳鑑等以積歲旱荒奏安撫軍民事一停徵折納糧
草鈔貫一夏稅無收去處量折鈔布一河南府縣附近陝西借
其糧儲米備應用一河南納米贖罪者暫撥陝西缺糧處所交
納一守邊旗軍加增月糧多寡不一宜照舊例撙節備用一邊
將每奏增馬料宜斟酌通均以省民費一西安府朝邑縣地多
沙礫難以耕種縣北有洛河泥水一道流通渭河堪以開渠引
灌前地一西安護衛宣德中全伍調北京去訖遺下餘丁潛住
各縣為盜宜委官挨發原調衛分隨住一平涼府開城縣軍餘
數多乞取勘明白除二三丁供給正軍外餘令本縣帶管將絕
戶田地撥與耕種承納稅糧一楚肅二府及黔國公家養兩軍
校家人在平涼地方憑恃威勢恣行劫奪宜于彼處開設國原
巡檢司以捕寇盜一平涼蘭州等衛屯軍無地耕種虛陪子粒

宜取勘鄰近州縣空閑田地撥與耕種如無即將子粒開豁一
各處構造馬匹有久病老羸者送陝西苑馬寺給軍收養倒死
者宜免追陪一蘭縣河橋每年例造缸三隻臨鞏二府派買缸
料不下萬計宜計料脩補以革苛歛之弊一預備倉糧賑濟饑
民者每一石加耗五升運官宜照例免徵加耗一門攤商稅鈔
過蒙詔例開免有司失于開豁以致欠鈔三十餘萬貫乞照例
開豁一屯田子粒每一項舊徵六石後因叅政早富奏徵一十
二石以致累年拖欠乞照甘肅例每一項納八石一戶絕人匠
勘合工部不准繳銷乞為覆勘具奏收銷一陝西發廣西等處
充軍者不服水土改發肅州近有軍人祝張家等訴照改發事
例庶免逃故一洛川縣繁劇難治訪得甘泉縣主簿張載清水
縣典史王斌處事公勤吏民悅服見今九年考滿乞陞洛川知

縣縣至以慰民望一貧民典賣田產人口者乞令管該州縣直
立印信文簿附領物持後秋成備償一陝西軍被衛所官多
方剝削以致逃亡合行按察司分巡清軍管屯等官審問存恤
一官軍俸鈔累年未及閏支合將戶口食益鈔免斛戶部已收
者給與官軍未收者暫且停徵一各衛寨堡軍人不任本寨移
居山坡村落管寨旗甲不能鈐束以致為盜無所不至宜將小
寨移入大寨委致仕千百戶坐寨鈐束一陝西驛站走避絡繹
不能馬匹常損有等官豪勢要之家專養馬匹交通驛官賣為
驛馬得價數倍以致馬戶典賣男女產業苦不可言今後宜委
所縣官督令自行買補款有仍前為害者發甘肅充軍 上覽
奏嘉嘆初鑑及陝西三司曰朕簡任賢能敷宣德意所期吏稱
民安臻于至治陝西人因若此宜從寬恤爾鑑所奏悉令該衛

門計議施行尔等无須用心提督使皆有成績庶副朕存恤元
元之意○壬戌烏思藏者僧甘不尼等遣僧徒鎖南吾節雲南
永寧府土官南八遣把事鎖茲甲陝西寧夏衛僧綱司刺麻勺
思吉領占雲南隴川宣撫司宣撫恭項遣子恭立等俱來朝貢
象馬銀器等物賜宴并綵段表裘等物有差勅授恭立為長史
嘉其父去逆効順也○癸亥雲南大理府所屬河泊所魚課米
頻年逋負有司請中半納鈔上許之因命著為令○甲子
勅南京守備叢城侯李順叅贊機務兵部右侍郎徐琦及南京
戶部令給賞征遼麓川有功官軍已于京庫領銀遣主事李正
芳運去尔等即會太監劉寧等于南京設庫領絹六百二十五
匹潤白綿布三萬八千六百四十一匹同正芳先將南京錦衣
衛指揮馬聚等唱名給賞畢餘悉付正芳運去貴州等都司給

賞指揮王儼等緣途護送官軍如例應付○賜廣西龍州土官知州趙仁政誥命○勅寧夏總兵官都督同知黃真監察御史羅綺等曰前因瓦剌驕恣屢勅緣邊整飭兵備近者境有烟火慮此虜狡黠或潛遣人往來踏勘道路窺覘虛實況今秋近草盛馬肥正虜寇出沒之時尤宜嚴備爾等宜簡閱軍士整理器械喂飼馬匹遣人解探邊境或出兵擊之或清野堅守務在計慮周慎用圍萬全仍勅各邊總兵官彼此策應共圖成功○雲南總兵官左都督沐昂卒昂黔寧昭靖王第三子洪武中授散騎舍人陞府軍左衛指揮僉事永樂初陞雲南都指揮同知洪熙元年陞右軍都督同知掌都司事宜德十年陞右都督奉勅鎮守雲南正統三年征麓川以功陞左都督尋命佩征南將軍印克總兵官率諸軍復征麓川敗績降都督同知仍鎮雲

南七年陞右都督從征麓川師還陞左都督至是卒計開道官
祭奠○乙丑免雲南彌勒州逋負稅糧以寇盜劫掠夷民逃徙
故有是命○鎮守陝西右都御史陳鑑奏陝西民饑按月發粟
賑濟緣倉廩儲積十空八九無從措置上令戶部議請將陝
西糧料應徵者量存四分之一備用其餘俱全給與貧
民仍于河南改撥折糧布一十萬匹運付雜糧賑濟從之○丙
寅陞戶科給事中齊整為光祿寺少卿命翰林院侍講杜寧
兵科給事中唐世良中書舍人蔣宏復職以耗廢賑閭也陞南
京國子監監丞諸質為翰林院編修仍理監丞事以九載考稱
也○四川按察司副使劉島貴以老疾乞致仕從之○貴湖廣
安陸衛副千戶鄧廣素震白金鉢段以麓川斬獲賊寇功也○
丁卯擢進士楊愈為刑部主事○濃霧四塞○戊辰晉王鍾鉉

奏乞授乳母夫總旗湯貴官職 上不允○京師城垣其外舊
圍以磚石內惟土築遇雨輒頽毀至是 命太監阮安成園公
朱勇修武伯沈榮尚書王邕侍郎王佑督工修甃之○命山東
都指揮僉事顏瑛往甘州管領官軍操習手把銃○占城國王
摩阿賁詵遣使已龍副使道沙怕等賫捧表箋來朝貢方物
賜宴并金織氍毹帶等物有差仍 命賫勅及絨錦織金紵
絲紗羅良馬等物歸賜國王及妃○慈贊雲高軍務刑部右侍
郎楊寧奏雲南大理洱海瀾滄等衛官員俸糧洪武中俱照品
級一半米麥鈔貫兼支一半于屯田內撥種子粒通歲屯田俱
撥與軍餘以此官員俸給止得一半又于臨安諸處倉分閔支
路途僻遠易價回運十得二三永食不給難以養廉況諸衛屯
軍餘布種之外空閑甚多乞如洪武中例給與官員養贍

上命戶部議行之○已巳沙州衛都指揮兀魯思不花等致書
邊將言指揮乃兒不花等要往兀剌也先太師處引領人馬未
沙州劫掠邊將以聞 上曰此書未有掌衛事都督喃哥等名
字兵部其即移文與任禮等選老成頭目往沙州撫恤夷人就
審實喃哥及兀魯思不花等所奏事因仍令密察乃兒不花等
交通兀剌事情虛實明白并計議處置方畧以聞○庚午命故
守備鎮番都指揮使馬麟子昭龍為指揮使○辛未 皇后千
秋節免命婦朝賀○增置陝西西安府通判一員專督水利從
鎮守都御史陳鑑奏請也

大明英宗法天立道仁明誠敬昭文憲武至德廣孝睿皇帝實
錄卷之一百三十

明英宗睿皇帝實錄卷之一百三十一

正統十年秋七月壬申朔享

太廟○遣中官祭司門之神○癸酉以興工修理京都城垣遣
官祭告 太廟○湖廣施州衛木丹長官司副長官譚源等四
川天全六者招討使司土僧昌雲陝西岷州衛刺麻端竹等來
朝貢馬及方物賜綵幣表裡有差○甘肅總兵官寧遠伯任禮
等言叅贊軍務右副都御史曹翼處事公正練達老成今例應
命官吏代還京乞仍留在邊以紓士卒之望 上以翼既得下
情從其請候明春邊境事簡更為區處○甲戌命修滁陽王廟
守○順天府府丞王鐸先舉霸州知州張需旌異之已而有牧
馬官在霸州擾民需置于法牧馬官詣太監王振請毀需遂執
需下錦衣衛獄推究需旌異者鐸也乃枉以收需餽送法司

坐鐸贖杖為民 上宥鐸復職戒勿再犯○救贖雲南軍務刑部侍郎楊寧劾奏雲南楚雄衛指揮僉事彭佐貪贓因而道人致死 上命杖一百謫戍邊衛但逃處死不宥○宣府總兵官武定侯郭瑄奏西洋河堡地臨極邊宜為要害今止有官軍二百五人哨守其天城衛原設長勝堡地屬大同總兵官朱寬無人哨守 上曰總兵等官不從公整飭邊備却各取利便互相推調兵部即移文典副都御史羅亨信及巡按御史令郭瑄朱寬等各委公正都指揮一人體勘地勢從長計議或要害處立堡撥軍共守或定界分守遏賊彼此策應敢有推調重罪不宥○巡按廣東監察御史蕭明并三司官奏高州府信宜等縣饑賊出沒乞調大軍征勦無使溢蔓 上命兵部移文令三司各推委能幹堂上官選請曉夷情者往各賊寨諭以利害果改過

即宥其罪政有仍前出劫者即調官軍勒杖巡按御史往來提督但推避誤事者俱重罪之○乙亥 仁孝文皇后忌辰遣官祭長陵○設陝西平涼府開城縣固原巡檢司置巡檢一員從鎮守都御史陳鑑奏請也○丁丑勅諭奉國將軍佐敏曰先因靖江王奏爾越禮諸不法事朕念親親弗問但令尔自陳令爾不知感恩悔過以聽朝廷處分乃擅于總兵三司等官處討伴送人來京奏事實有違朕命勅至其即回府候命令家人以尔詞來首毋得擅行如獲恃恩故犯 祖宗大法昭然朕不敢私○賜工部尚書王彘石侍郎王永和誥命并封贈其祖父母父母妻○戊寅駙馬都尉薛桓石璟擅造違式座舡等器且隱藏無藉為家人六科十三道交劾其罪 上曰姑識之再犯不宥○工部奏取工匠在逃者萬人恐有司怠緩款責以解行

期限 上曰限豈可責也但延緩過甚者必以法治之○直隸
太倉衛運糧指揮曹勝奏兌運蘇州府崑山縣秋糧四萬三千
餘石遭風破舡漂流糧米六百六十八石乞將該運京倉米內
摘撥通州交納搏出脚錢補納漂流之數從之○有校尉於濼
州採辦秋青草詐取贖物錦水衛指揮使徐恭等以失于約束
奉詔陳狀服罪 上曰恭等縱校尉擾民姑不問再犯罪之○
直隸保定真定等府清苑等縣山東兗州府濟寧州曹縣等縣
各奏蝗蝻間發 上命戶部遣人馳令各該有司設法撲捕毋
遺民害○已卯命在京把總管操署都指揮同知蔣斌實授都
指揮同知杜鎮陝西河州衛○順天府通州三河縣知縣孫理
先以父喪去任至是服闋至京會本縣知縣缺員民數十人詣
闕奏保理謹慎善撫民乞留復職 上命吏部從其請○調湖

廣都指揮同知陳瓚於陝陝西都司往守綏德地方○順天府
南石渠草場火焚草二萬三百一十五束戶部請責償于典守
者上命免之○鎮守陝西興安侯徐亨等奏所屬軍民數千
人訴保巡按監察御史張文昌廉能有為乞更留按治一年使
軍民有所依賴上從之○庚辰勅駙馬都尉并源曰今命尔
同太監陳輝往鳳陽提督修理 皇陵殿宇城樓及白塔墳殿
宇該用軍夫匠料已令工部工部官司應辦及勅奉侍 皇陵
太監雷春并中都正留守蕭讓鳳陽知府楊瓚同詣 陵相看
修理務要堅完經久其守直人戶廚房宜照舊修理不許那蓋
尔宜夙夜敦慎表率下人戒飭用工軍夫人匠不許誣詳褻慢
嚴禁管工官吏旗甲不許因而生事擾害務伴人不知勞而事
易集庶副委托已命欽天監擇日興工特遣尔源告 皇陵及

厚土之神凡有合行事務頒會議傳當而行尔等其欽承之毋
怠○早已擢進士丘嵩等侃錢森俱為戶科給事中熊文為禮
科給事中鄭海為刑科給事中張文質為工科給事中○陞守
備邊東寧遠衛都指揮使焦禮為左軍都督僉事仍守備寧遠
先是副都御史王翱奏禮等出境巡邏雖未獲功亦已遠涉賊
境乞加賞勸 上從之故有是命○免直隸鎮江廣平保定大
名四府所屬州縣水災糧七萬六千五百五十餘石草九十三萬八
百四十餘束○廣西總兵官晏遠侯柳溥等奏廣信猛獍數多
乞添撥軍伍蓄積糧儲修理城池 上命兵部會同英國公張
輔及五府六部都察院堂上官秦晉溥等所奏計議處置經久
方畧輔等奏廣西官軍每因瘴癘死亡逃竄比之國初十無二
三已嘗奏調貴州湖廣廣東官軍共一萬七千前去輪班操備

續因征勦麓川將貴州官軍盡數放回止存湖廣廣東官軍七千在彼請仍調貴州官軍二千湖廣官軍一千并原調共湊一萬輪採及查得江南蘇州等處清出廣西軍丁多畏災瘵不肯前去乞遣官督發補伍况廣西丁男四十八萬餘口俱不畏瘴癘乞照洪武採軍事例約計丁數量採為軍至於蓄積糧儲除戶部別行查理外其各處城池當修理者宜令軍民相兼修理軍器當補者宜令各衛陸續成造上曰貴州湖廣都司于附近廣西衛所內摘撥富實有丁官軍去輪採江南軍丁待清軍御史回查數并查各處見清出待解實數來說採集民丁酌量處置不許輕忽貽患城池令三司各委廉能正佐官同往各府衛撥軍修理果係緊要城池軍力不敷于農閑時月量起民夫協助軍器損壞者修理缺少者補造報儲今後不必折銀解京

留紫要用糧處設法放支毋令腐爛柳溲及三司官御史敢有
徇私廢公致賊恣肆貽患遠方者俱罪不宥○癸未四川塩井
衛土官千戶刺麻非等未朝貢馬賜宴及綵幣表裏等物有差
○勅陝西都布按三司查審番僧進貢的實但係逃軍逃民詐
冒即收候具奏區處○甲申遣魏國公徐顯宗等為正使給事
中陳傳等為副使各持節冊寧夏衛千戶成銘女為慶府安塞
王秩吳妃西城兵馬副指揮鍾錫女為韓府通渭王範暨妃選
宋氏為寧府鎮國將軍英曼夫人王氏為鎮國將軍英堵夫人
金氏為臨川王嫡長子英倫夫人以靖安郡主配葛軒高安縣
主配郭琦瑞金縣主配程燾命軒琦燾俱為儀賓賜誥命冠服
等件○浙江道監察御史黃裳言浙江紹興寧波台州三府屬
縣自去冬以來瘟疫大作男婦死者三萬四千餘口已蒙

皇上軫念生靈持遣廷臣詣彼祈祐矣然死者所負租稅宜為
蠲免病者饑者宜加存恤賑給 上命戶部以遣人馳令布按
二司官如蒙言行之不可徒事虛文○丙戌中元節遣官祭
長陵 獻陵 景陵○陞廣西桂林府通判王敦為平樂府知
府臨桂縣知縣陳萬為南寧府知府從總兵官安遠侯柳溥等
薦其勤敏有為也○黎贊雲南軍務刑部右侍郎楊寧先奏順
州夷俗僻陋北勝州人烟輳集乞將順州學裁革于北勝州開
學設官教誨生徒事下禮部覆奏以為宜 上從之○丁亥大
同總兵官武進伯朱冕奏整理邊儲戶部右侍郎沈因聞母喪
例應離職守制勘浮山西布政司進年運到折糧銀布等貨令
軍民人等領出雜糧動以萬計責限秋收還官俱經固手况固
在邊年久人情事體無不深知若許守制誠恐錢糧稽考不明

乞令國馳驛奔喪定限仍未照舊整理從之○戊子撒馬兒罕等處兀魯伯苦列于王等遣使臣伯顏答已失等來朝貢馬駝金線豹玉石等物雲南緬甸宣慰使男卜刺浪馬哈省以速刺遣頭目哈答速來朝貢金銀器皿賜宴及絲帶表裏龍衣鈔絹有差○己丑 太宗文皇帝忌辰遣官祭 長陵○書復真寧王秩燮曰承喻欵往韋州祭掃先塋用辰孝思特從所請然韋州近邊叔祖在途宜加防慎禮畢即還尤宜戒飭從人毋擾害軍民庶不為令德之累○免山東青州府昌樂縣復業逃戶粮一千五百三十石草一千九百九十餘束○庚寅命故金吾右衛指揮使董興子昇府軍衛指揮僉事唐鼎弟昇府軍左衛指揮僉事陳禮侄剛俱襲職○金吾左等衛指揮等官孔融等奏先蒙兵部遣送馬二千餘匹去直隸山海衛司缺草料以致饑

病倒死數多今依教追賠緣各家貧窘乞賜豁免 上曰馬皆
免追但比輩亦不用心各罰俸三月○築真定衛護城隄城舊
去滹沱河二里近以河水屢溢去城不過四十步其護城隄皆
已衝決故築之○廣西總兵官安遠侯柳濤等奏廣西都指揮
僉事彭瑛等不避艱險戰陣有功欵薦奉送京緣守備邊境要
害地方難使離職濤州南寧慶遠俱蠻賊出沒處所缺官理事
訪得桂林中衛千戶張能右衛千戶吳昇柳州衛千戶余英俱
歷練老成乞陞擢各衛管事 上曰彭瑛等令濤及三司御史
調緊要地方把總提督守備持有功陞擢張能余英吳昇陞署
指揮僉事去濤州南寧慶遠各衛管事若怠慢悞事貪暴富人
重罪不宥今後果係緊要衛分缺官濤等仍從公推舉奏來定
奪○雲南總兵官都督沐昂等奏緬甸宣慰使哥卜刺浪馬哈

省以速刺寓木葉文書約以十月終送賊首思任發到貢章地方就付金銀錢刻三箇為信要求管木邦眇賴地方今就差原來頭目哈答速親費赴京 上命兵部同通事審實哈答速速勅昂等令量度事情從宜處置務在軍威持重事有成功仍勅卜剌浪馬哈省以速刺作急送思任發來京論功陞賞昂等又奏隴川宣撫恭項言思機發餘黨陶孟刀怕囊刀木力等劫其印信財物刀木力又言恭項自失印信我等差人與之撲尋未獲 上曰恭項是新除授官恐夷情反側不常昂等其宣布恩威撫諭夷人務在寧靖○壬辰賜楚府鎮國將軍孝煥嫡長子名均鈺○駙馬都尉沐昕臣父西平侯英洪武間征進雲南就留鎮守在彼病故臣兄春晟相繼襲爵緣父迺下莊田畜產財物人口俱在雲南臣見今四時祭祀公主墳墓及臣母年老缺

乏養贍乞賜憐憫分撥莊田畜產人口給臣則臣事无養生兩
得無憾 上諭昕曰汝父國家功臣汝兄弟俱為勲戚安享榮
貴亦云至矣其祖業宜相禮讓素何帶念同氣懿親敦友愛之
道及歎分爭財產貽笑外人乎所奏不允○鎮守延綏等處都
督王禎奏西安左等衛原調延綏備冬軍餘缺都指揮總領欵
舉西安前衛指揮使樊青量用總領兵部言青係陝西按察使
鄧祭推舉未經試驗 上曰青既鎮守官保其可用即令領西
安左等衛軍餘去延綏備冬有功時陞用今後所舉軍職但係
邊境者只令仍舊守備操練兵部記其名遇緊要地方缺官量
材推用○巡撫河南山西大理寺左少卿于謙奏山西平陽府
并潞州汾州沁州所屬地方自夏至秋亢陽不雨田禾悉未耕
種收成難望糧草無從辦納乞將今年該徵布花減免二分秋

糧本色折色亦合減免三分以紓民力從之○癸巳兵部官奏
于內府選官時忌收備照底本被內使收進去訖 上命錦衣
衛執尚書侍郎跪于午門前以繩之○通州義勇右衛倉火焚
毀米穀一萬八千五百四十石有奇提督倉場戶部右侍郎焦
宏自陳罪且請罪典守者 上宥宥之○甲午革四川夔州府
巫山縣重慶府江北嘴嘉定州黑水尾瀘州小市壩并叙南馬
湖江口五茶鹽批驗所叙州府高縣長寧縣夔州府奉節縣巫
山縣四河汨所以其課額付各府縣管辦從四川左布政使侯
軌奏請也○福建都指揮僉事蔣貴初為按察副使邵宏譽奏
其私放軍士至是復有發其微也糧索人贖物者命巡按御史
逮問之○乙未鞫鞫完者堯等男婦五人奉命為頭目送南
京居住給賜絲帶房屋等物○巡撫河南山西大理寺左少卿

于謙奏迨者山西陝西人民饑窘俱徃河南地方趁食查得懷慶河南二府所收糧米見有六十餘萬石在倉乞糶與饑民依時價收鈔斛京庶倉無紅腐之患民無饑窘之危上謂戶部臣曰山年減價而難以利民此古良臣為國救荒長策今謙為朕舉行朕甚嘉之尔其馳報謙如所奏行之毋緩○丙申南京工部請修孝陵正殿欵取材于浙江并直隸蘇州等處

上命不必速取出內帑鈔買用之○給山西等都司官軍馬九百一十六匹○改賜黔國公沐儼名曰誠○丁酉書漫荆王瞻垌曰承喻欵得蘄州赤東湖取魚特允所請然川澤之利自昔有國者與民共之私宜體念此意凡近湖軍民取水灌田者悉令如舊不可禁絕仍戒飭官校不許托此生事擾人庶于令德有光叙其亮之○復除兵部車駕司員外郎王庭于工部營繕司

以丁憂服闋也○戊戌賜哈密忠順王倒瓦答失里駝鈕鍍金銀印從所請也○參贊雲南軍務右侍郎楊寧奏芒市土官放革會木邦軍殺思棟發殘黨刀怕囊等斬首五百餘級 上勅守備官省諭各蠻夷酋長用心撫安人民遇有緊急互相調兵策應務要殄滅賊黨共守地方有實功者褒賞選體勘放革功次奏來賞勅○己亥給寧夏平涼等衛官軍馬四百二十九匹○庚子久雨壞延安衛護城河隄有司請修築從之○辛丑陞吏科右給事中張廉為本科都給事中廉九載任滿吏部考稱當陞給事中孟鑑等保廉忠厚老成乞留近侍故有是命○增置順天府通判一員專督匠役從本府奏請也○鎮守雲南太監蕭保奏近者開設騰衝軍民指揮使司量調官軍一萬員名築城日支口糧歲計五萬四千餘石俱赴金共足食倉闕支然

山路險阻難為搬運請摘淮浙四川鹽三十萬五百九十引予
騰衝召商納糧以給官軍從之

大明英宗法天立道仁明誠敬昭文憲武至德廣孝睿皇帝實
錄卷之一百三十一

明英宗睿皇帝實錄卷之一百三十二

正統十年八月壬寅朔遣道士賈祀幣往命所在守臣祭歷代帝王陵寢○勅諭董卜韓胡宣慰使司都指揮同知克羅俄監繫等曰近得四川三司巡按御史奏送爾克羅俄監繫文書到京備稱別思寨安撫司安撫饒哈父兀惹桑兒只監係爾父喙葛分其地方管屬後饒哈代父管事奏請朝廷開設安撫司給與印信近年偽造宣慰司印詐稱宣慰使糾合雜谷瓦等處大姓野蠻謀害爾父子搶占爾馱窩地方爾拘饒哈追出偽印依番例剝去雙目然饒哈造惡法所難容爾宜奏聞朝廷庶見爾忠救之心今爾擅拘彼刺目于理未當但念尔平日忠事朝廷又嘗捕賊有功姑宥不問今特遣人賈勅曉諭尔就公同差去人員于饒哈族中或司頭目內從公推選堪任安撫者一人令

權掌原降安撫司印信管治人民具名奏未除授尤見爾遵教
朝命可贖爾前愆其饒哈宜付其家收養以全其生爾為彼中
一方之長必須謹守禮法為民造福斯享福于悠久今後或有
隣境侵奪地方須遵實聞奏處置切不可恃恩自恣與人積怨
構禍擅動軍馬貽患生靈違者皆以國法重治不宥蓋 天道
雖高視聽則卑鬼神雖幽鑒察則明禍福無門惟人所召爾其
敬慎之○交城王美琬奏長女將嫁未有宅第選擇得隙地欲
發臨汾等縣民起造 上以民貧不允令王自造○命黔國公
沐斌佩征南將軍印克總兵官鎮守雲南賜勅曰朕以乃祖乃
父世受節鉞鎮撫斯地民夷信服特隆委任爾宜以國事為心
體念爾前人建功累德之意○給雲南八百人甸軍民宣慰司
金牌信符各一以本司舊給牌符被暹羅國兵焚毀也○命

覺天城陽和大同左右四衛土城以臨邊故也。○夜有流星大如盃色青出天津北行至女林後二小星隨之。○甲辰命哈密衛故都督僉事脫脫卜花子撒力襲為都指揮同知陞指揮僉事火者迭紀必失為指揮使頭目哈只沙不丁俱為百戶從哈密忠順王倒瓦荅失里奏請也。○巡撫大同宣府右副都御史羅亨信言宣府至懷來幾二百里其間空闊別無城壁而保安衛乃在雞鳴山南二十里阻隔大河美峪千戶所又在衛南六十里其地窪下難于築城乞于驛路沙城西雷家店東移保安衛及美峪所合為一城而保安州就附其間誠為便利又榆林驛東岔道西地名林樵峪胡虜每于此牧放窺伺宜于驛東設一衛岔道南立一關如此則邊圍固矣又言京城至居庸關空無居人夷虜朝貢往來無以竦其瞻視乞于榆河設一衛

上曰榆河不必立衛其言移城及設閤事兵部移之宣府獨石
總兵等官熟議可否來聞亨信又言守城禦敵火器最為急用
大同宣府衛所城汜洪武中原置大小將軍破落戶手把銃火
鎗火礮等器甚為周備今年久廢壞欠缺者多猝有徵急何以
應用乞更命幹濟官一員會同二處鎮守總兵等官公同究勘
各衛原設火器及見存欠缺之數奏聞成造發下以為守禦之
具 上曰官不必更命就令巡按御史理之○湖廣施州衛指
揮僉事陶敏因迎春行禮有百戶喧鬧失儀翼日敏于公堂責
問因毆之致死法司論贖杖還職 上曰敏因細故毆人致死
兇狠如此不可以常律論杖之誦成廣西邊衛○廣東左叅政
王來先任山西叅政因公杖死人多遇赦調廣東山西按察司
副使寇深奏其杖死人有未檢問者尤當究問 上曰王來既

已調用其貸之。○乙巳遣中官祭司鐘之神其文曰惟神職司
禁鐘朝儀是肅茲展扣擊舉動失常或執事褻瀆或政事有乖
莫究其由朕用兢惕特中祭告。○丙午夜月犯房宿。○丁未釋
奠先師孔子遣翰林院學士錢習禮行禮。○戊申祭 太社
太稷。○戶部奏靖江王府故輔國將軍贊傑家口十七人月給
米五十石今止存二人若仍舊給不無虛糜糧餉 上命人月
給米一石。○命哈密衛指揮僉事阿魯哥子克魯帖木兒襲職
○先是請遠伯王驥奏增延安綏德備禦軍士月糧本色二斗
至是戶部請照舊減支 上曰兵所以衛民正宜蓄其銳氣邊
地雖軍軍士之糈不可乏也俱仍增給之。○實授浙江右都指
揮僉事蕭華湖廣右都指揮僉事陳震俱為都指揮僉事
從漕運叅將部指揮僉事楊師奏請也。○廣東都指揮僉事姚

麟受罪人賂囑按察司副使王增佑釋之為千戶錢惠所奏
上命都察院移文巡按御史盧其寶奏聞處治○命築治通州
抵京師一帶路道○已酉陞監察御史彭昂為吏部考功司郎
中京衛武學教授紀振為員外郎○命永康侯徐安成安侯郭
晟印記南北二太僕寺馬駒共八萬八千三百八十一匹○省
邊衛教官冗員先是巡撫右副都御史羅亨信奏大同宣府諸
衛舍人餘丁數少無暇讀書每衛教官二員虛費廉粟款行裁
減事下禮部覆奏令巡按御史審視諸處若兩衛官軍共居一
城舍人餘丁在學數多者教官二員若塞北偏僻一衛舍人餘
丁數少者止留教官一員從之○湖廣武昌衛指揮俞事揚洪
奏管運糧儲舟至湖口菱石磯為風浪所壞添派米二百七十
餘石無存戶部請改撥本衛原納京倉糧米一千二百石于通

州有車脚錢米以備漂流之數從之○庚戌大管三千五軍
等營馬二千九百六十匹○設福建泉州府安溪縣源口渡巡
檢司從縣丞徐省躬奏也○壬子崇陽王女善化縣主卒遣官
賜祭命有司營葬○山西按察司副使寇深奏三事一潞州襄
垣縣等處今歲春夏不雨民甚饑窘遠糧無所從出乞將官庫
銀帛依時價糶米上倉作今年秋糧之數一各衛所軍士折糧
鈔有二三年未支者是致衣食不給今豈贍軍需庫餘剩布絹
九十餘萬乞計價折作糧鈔給軍一山西各衙門擬罪人乞
如舊例除真犯死罪外俱全納米大同倉贖罪以增邊儲奏下
戶部議山西食鹽糧草折收鈔貫足與軍士其布絹宜給軍唯
本色月糧其餘俱便可從上曰寬一分則民受一分之賜况
軍士衣食尤當軫念其令山西三司官酌量行之務在處置得

宜人不失所○巡撫河南山西大理寺左少卿于謙奏各府逃
民衆多宜命一官專理其事間封委同知王靖南陽委同知汪
庭訓汝寧委通判周海陳州逋逃尤衆宜增設知州一員俱令
不預府州事專任撫綏無致失所既死非為生事責有所歸又
陳州項城環地與鳳陽相接兩界之交難于管束宜立界首巡
檢司一所于陳州界溝驛香臺巡檢司一所于項城乳香臺各
設官吏弓兵專一防範俾逃民有所畏懼則自不敢為非奏下
戶部議以為使 止曰民流徙而至于非為者亦安集失其道
耳今豈可徒致意於防範之嚴而不加優恤哉其自明年為始
免逃民復業者糧差三年專官之請俱從謹言○癸丑免湖廣
武昌襄陽岳州常德長沙辰州荊州諸府所屬州縣早傷糧二
十八萬八千四十餘石○戶科掌科給事中一獨言天災流行

必自由然蓋人事失于下則天道變于上捷之影響不與錙銖
比者陝西山西山東河南廣東浙江福建布政司南北直隸鳳
陽保定等府州縣衛所俱奏自正統九年至正統十年以來旱
蝗風雹沴氣時行饑饉流移死者相藉仰惟 皇上子育兆民
實切軫念下存恤之詔弛不急之務而又遣使招撫賑貸詳其
致災之由多因各處官吏貪暴相尚刑罰失中勞役徵科竭民
財力是致怨讟繁興天災時降伏望驗災異之本戒諭官吏洗
心滌慮若有貪暴者命御史具實奏聞以憑罷黜應徵稅糧量
典寬減仍勅在京文武群臣各盡厥職交修不運如此則天意
可回災患可息天下蒙福矣 上嘉納之○山西按察使曹習
吉以貪淫事覺法司鞠論贖徒為民 上命充遼東錢糧衛軍
○甲寅巡按直隸監察御史韓雍初奏山東按察司副使王裕

索部下犯罪過赦者賄娶部民女及樂人為妾巡按御史計澄
與裕有舊款掩其罪上章荐之俱難任風憲宜寘諸法 上命
都察院逮治之○乙卯雲南布政司奏路南州銅場歲久銅乏
款以辦課均分于附近彌勒等州產銅之處工部令臣等勘視
緣彌勒等州雖有銅場然極臨境且夷人恣悍苗金輸課恐生
違惠路南州銅課歲千八百斤誠難辦納但乞減其半則民力
少甦矣從之○守備延安綏德等處署都督僉事王斌典鎮守
都督僉事王禎不協斌屢奏所分守地與禎同而禎所領軍馬
幾倍之乞量地均分朝廷屢命都御史王文等為之區分而斌
言不已 上曰將帥要在協和而禎等挾私忿爭兵部宜移文
禎斌俾共守地方每歲防秋之際斌往安邊皆操備至春仍回
榆林茲其禎及贊理御史共議違改務在同、協力不然必乖

不宥○丙辰陞四川道監察御史羅綺為大理寺右寺丞綺在
寧夏察贊軍務至是九載秩滿上念其勞改陞之令任事如
故○巡撫直隸工部左侍郎周忱奏南直隸并浙江蘇松嘉湖
等十四府州正統九年水災無徵糧米共四十九萬三千五百
六十三石有奇上命戶部驗實蠲之○先是請遠伯王驥言
陝西黃河遠北遠罕荒地而要害宜析請虜衛中所官軍于板
建立千戶所其請虜衛地非要害乞將全衛移立于扒沙以扼
虜衝勅命叅贊軍務副都御史曹翼督治之至是翼奏扒沙在
涼州東南二百五十里莊浪西北二百里應理州西南四百餘
里于此屯兵實足以控御外夷屏蔽內地所昔者屯種之地頗
缺不足以供贍軍士而遠罕荒地而狹隘尤甚宜將原調清虜
衛中所于扒沙築城建置而罷遠罕屯之稅又言甘肅衛分惟

涼州土地最廣洪武中舊設九所及帶管土民七里其後次第
遷調今止餘四所城內實多隙地郭外廣有閒田若移請虜衛
于涼州城每歲調涼州官軍八百人于扒沙操備而請虜衛官
軍代之城守實屬兩便 上曰備邊之策莫良于此守翼議良
是但不知彼處人情事勢如何兵部其移文陳鏐俾詳詣涼州
會劉廣等點計以聞○丁巳祭山川城隍等神○遣旗手衛官
祭旗纛之神○兵部尚書徐晞有疾 上命醫療之○戶部尚
書王佐等奏本部主事胡珉應承于內府接本却不伺候悞事
宜究其罪改補外任從之○福建布政司奏四月多雨水溢壞
延平府衛城沒侯官晉江南安等處田禾民舍人畜漂流無算
存者不能聊生而官府徵發工匠嚴急恐民有去土之思臣請
少緩以俟豐稔 上是之詔所司修其城工以姑勿取○戊午

四川加木隆等處地面多補等寨生番僧溫：既出嘉定州開
化寺，著僧占朵兒雲南晉寧州僧正司土信廣緣等來朝貢
馬及明錄中賜鈔帶等物○己未遣順天府官祭宋丞相文天
祥○錦衣衛校尉王子進等十二人奏臣等俱蒙選于御馬監
控馬年深乞照例投職 上曰此輩希求陞用兵部遣人押往
大同備邊持有功陞用之○庚申移置江西九江府彭澤縣峯
山鐵鎮巡檢司于張家港口以其僻守為水險沒故也○辛酉
命陝西署都指揮僉事許宗子顯襲為指揮僉事○壬戌命四
川都指揮僉事趙斌子輝襲其父職以斌征麓川陣亡故也○
沙州衛鞋輜哈密火者等來歸合各授職送南京錦衣衛帶
俸賜冠帶織金龍永錄帶房屋器皿諸物○設湖廣漢川縣劉
家隔稅課局縣舊有局以課少革罷令縣帶管至是課鈔增並

難于帶管縣請復設局于劉家隔下戶部勘實稱便故有是
命○鎮守陝西右都御史陳鑑等奏陝西安鳳翔乾州扶風咸
陽臨潼等府州縣旱傷人民饑窘携妻挈子出湖廣河南各處
趁食動以萬計若不安撫慮恐囁敢為非乞勅巡撫河南少卿
于謙并巡按湖廣監察御史擇委三司官親詣所屬督同府州
縣官從實取勘善加撫綏賑恤秋成之後勸諭復業各具姓名
戶口貫址造冊繳報奏至 上命戶部移文于謙等設法處治務
令人不失所事有成效果有奸民誘惑為非即將為首者擒獲
究問奏聞處治仍令鑑用意撫恤見在人民毋致逃竄○直隸
大名府長垣縣奏本縣今歲雨少子粒薄收乞將該納糧單折
收鈔貫每米一石鈔一百貫草一束鈔五貫從之○直隸揚州
府江都縣奏本縣缺食人民六千一百二十 已發官廩七十

八百餘石賑濟○忠義前衛軍張小二妻邢氏產一男二女命給衣鈔如例○癸亥河南右叅議宋興九載滿當詣京考績部屬吏民言興衷心忠厚政尚寬平乞擢留本司巡撫少卿于謙為之請上命陞本司左叅政○禮部言在京留守中衛指揮同知高成錦衣衛住坐達官指揮僉事可因帖河南都司都指揮僉事徐茂前後病卒例應賜祭從之○日生五色雲鮮明○甲子瓜哇國人蒲達刺達魯加密沙刺私駕舟高于暹羅國被獲械京既而達魯加密蒲達刺刀傷致死刑部誤以死者為密沙刺而以蒲達刺為達魯加密發收象事覺尚書金源等自劾上宥源等罪命都察院執其屬官鞫之○乙丑命歲給唐南鎮國將軍芝埒祿一千石米鈔中半兼支○唐王瓊坦奏臣任新野王芝城次子昇陽王芝北及魯山河內郡主儀賓每歲

祿米折支鈔貫例子南陽府支撥緣南陽存留鈔少逾年未給
事下戶部請于戶口食鹽鈔內每歲存留八萬貫同商稅課程
等鈔給王從之○陞翰林院檢討姜洪為本院修撰以九載秩
滿故也○免廣東廣州府番禺縣無徵茶課米三百一十四石
錠二百零四錠從廣東布政司覈實奏請也○更定宣府邊堡
糧報則例先是戶部運官報赴宣府各堡每一兩糶米二石四
斗餘極邊車載艱難久之無人應命管糧右侍郎劉健同鎮守
武定侯郭鉉等議將龍門衛赤城鵬鵠堡每銀一兩糶二石二
斗獨石馬營龍門所雲州堡每銀一兩糶二石庶邊儲易積奏
至下戶部議使從之○山東民奏按察司副使鍾錄問刑受賂
出入人罪事下法司請行巡按御史廉實具奏區處從之○丙
寅遣英國公張輔為正使吏部尚書王直為副使持節冊中兵

馮指揮汪英女為邸王妃行納徵禮○擢浙道監察御史陳
崧為陝西按察司副使專巡水利及提督行都司所屬軍衛屯
種陞辭勅諭之曰甘肅為西陲要地舊制軍士屯種足以給用
近年以來官豪勢要及各管頭目貪圖厚利將膏腴屯田侵奪
私耕又挾勢專占水利以致軍士虛包子粒負累逃徙者多今
特命爾往彼整理爾須盡心區畫務要屯種有法水利均平果
有仍復侵奪屯專占水利者除軍職及應奏官員具實奏來其
餘即拏問明白爾以朝廷耳目官簡擢委托宜廉勤公正以身
率人必使事有成績人無寬濫庶不負所任或有空閒草場等
地土堪以屯種及為孱強占據者皆體實以聞爾其欽承之○
命給太原府忻州定襄縣地三十三頃有奇與方山王美垣耕
種以其地空閒從王奏請也○巡撫直隸工部左侍郎周忱奏

臣奉勅總督稅糧從長設法區畫數年以來報願易完民亦稱
便近被刁民尹宗禮等沮壞良法令又妄奏稅糧馬草不應徵
收紅錢加耗要將文卷簿籍查算及將園戶書手提問若從其
言民將深被其害而臣之政令沮矣伏乞勅旨差官徧歷鄉鄙
詢察民情正統六年以前糧草鹽課有無充足人民有無安生
自七年宗禮沮壞以後各項拖欠若干人民客商有無勞困艱
難則奸邪之情自然顯著 上命戶部移文原差官及巡按直
隸監察御史從公查究所司果有妄徵侵剋情弊如律罪之不
貸尹宗禮等刁頑奸詐錦衣衛其速治之○丁卯先是 上御
奉天門謂戶部臣曰陝西連歲薄收邊儲最為急務卿等計議
于河南湖廣稅糧內撥運赴河南附近陝西河衛倉收貯及于
南方折色銀布內撥運河南布政司官庫差 于有收處糧糧

備用仍推選在京堂上能幹官一員以任其事或別有長策可足圖利民者悉具以聞至是戶部以左侍郎子暹右侍郎焦宏才俱是任上命通往河南陝西覈實邊儲酌量罷買務為經久之圖○戊辰陞山西按察副使林文秩為本司按察使時文秩九載任滿部民言其理獄平恕人皆畏服左布政使石璞等以聞故有是命○初寧夏右叅將都指揮同知王榮得奏所守河東花馬池等三營係重地尔款照上年例率馬隊官軍于十月間出境燒荒悉從尔所言即令秋高正遠賊遊獵之時尔等出境宜嚴飭官軍晝夜謹慎哨瞭以防不虞事畢即回操兵蓄銳毋虛勞人力慮有警急妨誤調遣○福建長泰縣學吏畏避承刷文卷艱難殺犬置棺內詐為母死了憂事覺法司擬贖杖

上曰此吏詐喪不孝不可以常律論杖畢謫戍邊衛○已巳

勅諭沙州衛掌衛事都督僉事哈牙及大小頭目人等曰得哈
密忠順王倒瓦答失里奏前歲被沙州頭目掠去人畜請為追
究今特命甘肅總兵鎮守官差人同尔等審勘明白如搶劫是
實卽省令陪還財物聽依着俗講和不許固執構怨自取罪愆
○庚午陞山東青州府沂水縣縣丞馬麟為本縣知縣麟在易
州山場專理薪炭九載任滿邑民三百餘人言其公勤工部右
侍郎陳恭為之奏請故陞之○旌表孝子張恭節婦楊氏等十
四人泰山東德州人金景王豫直隸徐州人各以母喪廬墓三
載積私永清右衛舍人以父母連喪廬墓五載俱旌其門曰孝
行楊氏雲南騰衝所軍谷添生奴妻夫亡自經死鄭氏崑山縣
學生彭餘璋妻夫亡自經姑救解之不食數日乘間赴水死俱
旌其門曰貞烈河南長葛縣人上元縣丞程黼妻子氏黼子受

寧妻王氏婦姑年少守志山東恩縣民張安，妻王氏安位子
緣由妻畢氏亦婦姑年少守志洪雅其門曰雙節福建福州中
術軍陳文清妻丘氏江西進賢縣民熊叔信妻徐氏山東清平
縣民寧義妻賈氏河南許州民盧昇妻楊氏直隸長洲縣民韓
伯濟妻張氏福建閩縣民陳啓賜妻潘氏各年少喪夫居貧撫
孤至于成立踰數十年無忝志俱旌其門曰貞節○山東青州
府民寇均勝江西吉安府民蕭萬里弟高夔廣信府民呂景嵩
廣東瓊山縣民馮敏學各出穀千石有奇賑濟賜勅旌勞復其
家

大明英宗法天立道仁明誠敬昭文憲武至德廣孝睿皇帝實
錄卷之一百三十二

明英宗睿皇帝實錄卷之一百三十二終

大明英宗睿皇帝實錄卷之一百三十三

正統十年九月辛未朔修理皇陵遣駙馬都尉井源祭告

仁祖淳皇帝 淳皇后○壬申書與秦王志潔曰先因紀善陳

彬等奏承奉劉全等從史不法事情已提全等至京命法司審

實姑舉其尤者言之山川壇奉神之所乃拆其獸吻修蓋殿宇

宜川王至親不容入府拜廟啓事儀實為國貴戚發塚開棺焚

其尸骸承奉副係王府內臣逼抑自縊紀善輔導之官拔其鬚

髮并侯介毆死軍餘四人及哄誘軍民子弟自宮之類不可悉

數劉全侯介皆國法所必誅者餘悉從寬以全其生然全等恃

息玩法挾勢作威如此未審王知否也不知則為不明知之則

為縱惡皆於祖訓有違朕念王宗室至親素稱恭謹茲必小

人敬感所到復覽奏章具見追悔至情今特置不問自今宜謹

道 祖宗大法必履先王大道親近正人嘉納善言無惑於羣
小無自蹈非義庶有光藩屏保國於悠久亦不致下人持議此
朕保全親親言出至愛其兵馬指揮劉鑑姑宥其罪令回府中
成禮并內使郭縉等十一人俱免罪遣還以備使令均此奉報
惟叔亮之○禮部奏秦府長史司左長史傅銓先因永興王欲
遣人來京陳情銓啓秦王不肯給與批文銓既不能正諫又依
阿取容請治以罪 上有之○兵部奏刑部侍郎丁銓往川陝
運茶四十二萬斤有奇赴洮州等茶馬司買馬請命內臣齎領
金牌信符監買陝西右布政使王暹亦言每年運茶入番其洮
州等三衛軍官往往夾帶私茶以致茶價虧損馬數不敷乞遵
永樂間例仍差監察御史三員分督庶革宿弊從之○交趾奉
化府辦事頭目丁必聞先於永樂中歸順授平陽府曲沃縣侯

馬驛驛丞至是病故妻子無所於歸訴願入籍本府洪洞縣戶部請移文該縣撥與空閒田地耕種如例辦納糧稅從之○夜有流星大如杯色青白有光出羽林軍西南行至近濁後二小星隨之○癸酉陞吏科都給事中張睿為戶部右侍郎吏部員外郎劉萃為福建右叅議俱從吏部推舉也○代世孫仕壘奏原賜書籍被火燒盡又邊境無書可買乞賜書誦讀上命以性理大全書與之○四川馬湖府泥溪長官司土官王嵩等貢馬賜絲幣等物有差○甲戌上諭吏部尚書王直等曰給事中以封駁糾劾為職不徒侍從而已故居是職非得行檢莊飭才識優長儀貌豐偉語言端正者其冒克稱今後務慎其選毋視常輕畀庶言職得人有所裨於治○福建強賊吳子皮嘯衆肆掠羅源諸處殺指揮花友迺按監察御史陳永奏都指揮鄧安

急於應援請加罪時子皮已被獲 上持肴安口乙亥吏部右
侍郎趙新言臣備員吏部管理銓衡竊見事端有乖理道不敢
緘默用謹條陳其一人無全才古今皆然身言書判乃其準則
固當因之為法隨材器使雖或不能盡當然亦不甚相遠若偏
執已見責短棄長捨僉議而自用變舊典以徇私則選任失宜
為害甚大其二人臣以薦賢為忠用賢以考察為先今各處有
司舉到孝謹等人才不辨賢否輒日發回不惟救賢抑且違詔
其三揆次取選自是常例不次之權惟侍非常今各衙門送到
辦事年滿官員不論到部月日為取選之先後却候積累人多
雜亂文狀隨手取寫謂之公道致使先者經年而無選後者不
久而遂除事體乖方人怨日興其四官吏詐匿親喪其罪本均
今廡喪者既罹為民而詐喪者反還職役輕重失等禮法乖違

似此弊狀難以枚舉臣敢不避羣咻冒昧以聞。上曰選法有定制務在登明選公應詔舉到人才嚴加考察公定去取毋抑母濫辦事。年滿官員照原考次序揀選官吏詐虐喪者俱開發為民。今後著為令。○鎮守陝西右都御史陳鑑奏陝西莊浪衛帶管土達旗軍脫脫夫加等騎操官馬二百餘匹逸年征調倒死不能賠償乞如戶部原撥中等馬價每匹減半給闕絹八匹中中馬價每匹減半給闕絹七匹。上允其請仍命戶部移文陝西布按二司收糧官同都指揮魏榮勘實果貧不能償即支與絹匹責令買馬騎操毋致妨誤邊備。○山東濟南府泰安州道正司秦東嶽泰山上有昭真等宮觀俱係歷代古跡神祠年久損壞乞賜脩葺從之。○丙子命歲給寧府靖安郡主并儀賓葛軒祿米八百石高安縣主并儀賓郭琦瑞金縣主并儀賓程

煮各祿米六百石從寧王奏請也○戊寅免陝西寧夏衛石溝
兒等驛軍餘負欠災傷稅糧從巡按陝西監察御史張文昌奏
請也○巡按直隸監察御史李奎言太學乃賢關之地監生實
致致用之材必養之至而後才有所成今府州縣生員之家皆
免二人差役俾供給生員專心學業至南北二監監生無例優
免困苦相仍士氣卑弱乞照生員之家免二人差役此亦造就
人才之一端也 上命禮部依洪武永樂間例行之○己卯重
陽節賜文武羣臣宴○備順天府學及宋丞相文天祥祠○廣
辰陝西鞏昌衛土官都指揮汪壽岷州衛僧綱司刺麻喃節刺
石等廣西太平府茗盈等州縣土官舍人李懋寧等雲南晉寧
州土僧廣緣等貢馬賜綵幣等物有差○辛巳鎮守陝西右都
御史陳鑑言陝西連歲旱饑民多逋亡公勤有司無幾惟韓城

縣知縣李簡郿縣知縣石琰皆善撫字吏民懷慕今簡以九年秩滿琰聞親喪去職所屬者民各訴保留又米脂縣地險民詐見缺知縣訪得先任安定縣縣丞柴林嘗經考滿為民保留復任才堪縣正今在原籍守制乞勅吏部將簡照例陞俸復任琰奪情視事林起復補陞米脂縣缺庶幾官得其人民安其業

上謂吏部臣曰古者大臣自擇其屬今錢所舉屬職必素稔其能宜悉從之○陝西鄜州奏今夏大雨河水泛漲決本州城垣一隅敗官民廬舍欲先脩理城垣而被患之餘工力不堪乞分命屬縣協助從之○直隸徽州祁門縣民胡澤榮妻金氏一產三男給米鈔如例○壬午書諭靖江王佐敬曰曩因王奏奉國將軍佐敬違禮犯分等情已勅佐敬其實回話今得彼奏云因請授二子名分親欲答王王懷舊嫌不容入見亦不為奏達

又同各將軍卑二子赴府謝過王復不納止令紀善宣旨諭責
彼情不能通故欲來京陳訴別無他情觀彼乃固僻不道之人
因王拒絕之甚衷情不平欲求開釋餘皆服過已勅令回府改
過自新務盡遜悌之禮王亦宜體念同氣至親曲加容忍消釋
嫌怨和睦相處彼必回其邪心感恩自媿書曰至誠感神而况
人乎詩曰兄及弟矣式相好矣無相猶矣王克念之庶全親親
之義亦見王之令德如或不遵朕言彼此交構屢飭屢犯則
祖宗大法具在朕不敢以偏私廢公此時雖悔皆無及矣佐敏
所請二子名分今名其長曰相穆次曰相積俱封鎮國中尉冠
服標朱悉命該部施行凡王府中合行之事王宜如例處置務
從愛厚切不可忿彼微過有違大禮王其亮之復勅佐敏曰得
奏已悉簡情然將軍與靖江王同氣至親宜相和睦况長幼之

序尊卑之等名分截然不容陵慢各王府郡王將軍凡有一應合奏請之事悉啓親王為之奏達已有定例爾常恃恩玩法輕慢先王或於時節不赴朝見或因小事輒出怨言又嘗結聚無賴賭博非為王令長史禁約爾復不甘欲為爾子成婚并求請名分不親啓王第令長史等官代啓且曰若復不行定須攬擾使不得安此何等語朕觀此情蓋由爾固僻傲狠不能納善故王拒絕之深爾尚不悔已過構詞不已仰稽 祖訓於法難容但以親親屈為寬貸已遣書諭王推念同氣惇崇友愛和睦相處爾宜深悔前愆率德改行遏絕傲心勉盡遜悌之禮致敬於王凡有合行之事爾親詣府啓請王必然體骨肉之情消釋舊恣庶保富貴於長久若復怙終不悛屢飭屢犯則是爾不遵朝命不有親王 祖宗憲典法律昭然必明正爾罪此時雖悔不

能及矣爾其深省之○陞赤斤蒙古衛指揮僉事把丹為指揮
同知○癸未擢進士林廷舉王允徐行童存德周鑑全智姚恭
申祐張洪宋瑋李賓吳中羅麓柴文顯何琛周瑜齊讓黃綬陸
厚曾蒙簡常茂崔璵邵進為監察御史先是右都御史王文言
御史缺員數多舊以知縣教官選授多有不稱今請於各衛門
辦事進士內從公考選照缺除授事下吏部至是吏部以考得
廷舉等堪任疏名以聞故有是命○給遼東官軍馬二百匹有
奇○甲申命發湖廣布政司并各府州縣官庫贓罰錢帛給清
浪等衛官軍准折色鈔時湖廣魚鹽課鈔俱送京庫連年缺鈔
支給軍士湖廣都司具以聞故有是命○兵部奏遼東總兵官
都督同知曹義言海西肥河等衛女直都督刺塔寧哈答別里
格違其徒咬東等來報欲於今秋率衆往福餘等衛報復私讎

已聚兵辰州戎狄多詐或是假此為名窺伺邊境乞行沿邊將帥嚴兵為備從之○設四川雅州道正司置官降印記從判官李彬請也○乙酉巡按直隸監察御史尹禮言山海至密雲一帶關口數多地勢隔遠雖有總兵叅將等官鎮守然止坐屯一隅緩急猝難應援乞勅叅將宗勝自九月為始率領官軍往來提督大喜峯口等關其寺子峪至豬頭園營責付總兵官孫傑就近巡督燕邊防有守不悞事機從之○丙戌巡撫直隸刑部右侍郎薛希璉奏鳳陽等府人民原養孳牧官種馬牛歲久多有死亡今歲歉民饑而管馬官吏追徵如嘗乞暫停以俟豐年事下兵部請如所奏仍移文南北直隸凡有災傷州縣俱停徵從之○丁亥巡撫山東大理寺右寺丞張騏言各府州縣撫民官率委吏胥四出招撫所至百計擾害臣恐因而激變已嘗移

文禁止及計所在人民逃徙數多復業數少如山東民逃在河南并直隸者亦有逃撫等官隨處安置取勘附籍而外境民逃來山東住坐者且見督同各屬安置審勘已有次第若復聽撫民官似前騷擾民無寧居乞勅該部將撫民左叅議黎理補本司缺提督所屬撫諭附籍逃戶其濟南等府撫民通判等官俱各取回別用如此官不曠職民得聊生事下吏部戶部議當如所請從之○兵部右侍郎虞祥卒祥蘇州府崑山縣人由舉人歷官金華訓導上虞教諭皆以註教名宣德間選陞禮科給事中時慶壽寺僧覺資創毘盧閣高出數十丈祥以寺近皇城非宜抗疏論其罪宣宗怒命毀閣下覺資于獄正統改元陞道政司左叅議敷奏詳明八年進戶部右侍郎尋轉兵部命巡撫畿內民瘼所至剷除貪酷存問疾苦人用以寧厥還以疾卒于

官遣官祭葬。○戊子陞江西都指揮僉事馮鎮署都指揮同知事仍舊督軍漕運。○己丑命南京吏部左侍郎魏驥復任時驥兩考至京以年踰七十乞致仕。上以驥精力未衰仍令視事。庚寅陞兵部右侍郎鄭望為本部尚書時望九年秩滿故有是命。○兵部奏舊例衛所馬匹每三年一次造冊赴京比較今遼東甘肅湖廣等處衛所虧欠馬騾并駒一千九百餘匹乞速治原委官吏。上命姑置之第罰俸兩月責令回任追理。○廣東都司奏雷州衛及海康等十二守禦千戶所皆以大雨水沉沒決城垣官舍倉廩軍民之家甚多。上命被災人戶如例存恤城垣衝壞者先修之。○夜南方有星大如雞彈行二丈餘色赤有光南行至游氣沒。○辛卯陞禮科給事中章瑾為本科都給事中。以給事中劉綱等會奏保留也。○詔以浙江等處折糧銀

十一萬兩運赴甘肅寧夏延綏補邊糧○吏部左侍郎李敷
卒敷字居學順天府涿州人永樂初詔開北京國子監敷以郡
庠生被選時 仁宗以皇太子居守北京發策以奉聖德安民
生為問敷以敬對權居第一錫衣一襲鈔四十錠命為監生首
久之授京衛經歷陞禮部主事屢扈 駕巡幸及北征十五年
遷祠祭員外郎奉使陝西還奏關中旱甚詔如所言賑之又明
年陞江西左叅議尋改四川洪熙初入朝奏除四川歲買茶課
宣德五年奏請松潘邊餉宜從近地轉輸以便民得許著為令
秩滿遷右叅政正統初陞右布政使疏言軍食鹽待民運不便
宜從軍自請給從之及泰羅歲造水戰鞍等軍器丁母憂家居
又奏成都各處抽分物貨局及鹽井歲久浸竭宜定減課額皆
從之奪情復任六年以大臣舉遷吏部左侍郎坐是疽發于首

朝廷遣醫往視及卒俞有司諭祭為治墳葬數剛直勤慎在蜀
十餘年不以家隨政績著聞蜀人稱之及居吏部人望有不足
云○壬辰分遣監察御史李琮等九人清理江西等處軍伍俱
賜勅諭之○陞郎中馬謹為湖廣右布政使王禮為貴州左叅
政郭循為廣東右叅政張讓為江西右叅政宋欽為湖廣右叅
議秦岳為山西右叅議員外郎徐弼為河南右叅議僉事許賢
為河南副使監察御史張忠為山西副使江玉林為廣西僉事
經歷梁杲為浙江僉事寺正熊錄為浙江僉事提調學校推官
張春為陝西左叅議侯復于湖廣謹等俱以吏部會官推舉及
親喪服闋也○命故南京羽林前衛指揮使鄭銘子永祥李陵
衛指揮使高廣子珍羽林前衛指揮同知孫仲得姪愛劉榮子
英全吾前衛指揮使劉謙子順燕山右衛指揮僉事曹彬子貴

大典左衛指揮僉事楊真姓英俱襲職府軍右衛指揮使吳浩
子敬金吾右衛指揮同知李敬子海金吾後衛指揮同知陳林
子剛金吾左衛指揮僉事楊善子玉俱代職○瓦剌來朝正使
皮兒馬哈麻副使完者帖木兒等至大同遣勅諭之曰爾瓦剌
敬順 天道尊事朝廷遣爾等遠來朝貢緣途跋涉勞勤朕深
嘉念今遣官并勅大同等處如例館待往來差來使臣有攬擾
官府打傷軍民者爾宜嚴切禁約務要安分守法不許生事擾
人庶副朕眷待之意○癸巳陞山東濟寧左衛指揮使狄嶽為
署都指揮僉事代都指揮僉事李棕提督運糧以棕久病故也
○戶部左侍郎李暹卒暹字賓陽陝西長安人洪武間領鄉薦
入太學永樂初擢北京行部戶曹主事調行在戶部坐累左遷
清河監副 太宗皇帝欲通西南諸夷詔擇使以往暹以姿貌

豐偉言辭辯正與選奉使五往廷能宣布恩命夷人效順陞戶部郎中尋命督理京儲正統初秩滿陞右道政再陞道政使母喪起復仍理京儲遷戶部左侍郎上聞陝西邊儲屯種多廢弛命遷往整飭之瀕行遭疾卒遣官諭祭營葬遣有吏材歷官餘四十年剛果勤敏爲人所稱○甲午遣駙馬都尉王誼爲正使給事中劉綱爲副使持節冊東城兵馬副指揮劉鑑女爲秦府臨潼王公銘妃○給遼東宣府大同甘肅寧夏等處碗口砲各一百箇○以晉憲王長女和順郡主配趙琮命琮爲儀賓給誥命冠服○命亦力把里使臣程者舌爲副千戶失哈里賽夫丁爲百戶牙忽哈只爲所鎮撫授哈密使臣馬哈蘇迭里必失哈的百戶俱以其往來朝貢能效勞勤之○夜月犯軒轅南第五星○乙未陞山西太原右衛指揮同知朱忠署本都司都指

揮僉事事燕山前衛指揮使孫凱山東濟南衛指揮使陳聚直隸六安衛指揮使陳惠武功右衛指揮使李整山東威海衛指揮使魏忠俱署都指揮僉事燕山左衛指揮僉事王振署指揮同知浙江杭州衛指揮同知吳玉署指揮使以内外文武大臣推舉其明於武畧者馬熟閑成國公朱勇等試驗得中故也凱等俱在京管操惟魏忠原衛管事尋因其自請命於山東都司管事○給居庸關等驛馬一百四十匹○守備威州都指揮僉事趙惟為按察司奏其贓污上命巡按御史執治之○直隸真定府知府張玉奏深冀等州南宮等縣野蠶成蠶百姓取以繅絲有至十餘斤者斯係聖德裕天生此奇端以資民用理宜稱賀上命禮部議之○丙申增定邊等衛中鹽納馬則例每上馬一匹鹽一百二十引中馬一匹鹽一百引先是戶部定

上馬一百引中馬八十引鹽商以道路險遠中納者少總兵官都督黃真以為言故增之○丁酉命戶部右侍郎張睿同內官阮忠等巡視提督在京及通州直抵臨清徐州淮安倉糧并在京象馬牛羊房屋倉場種草○四川行都司趙嵩衛印布長官司土官領阿壽遣記事李阿得鹽井衛番僧達羊卜廣東肇慶府陽春縣猛首黃政新興縣撫猛首張志高陝西甘州刺麻卓吉捨念等來朝貢馬及方物賜綵幣等物有差○河南按察司副使蔡華言運河沽頭上關至金溝關幾十里淤淺糧船停滯雖減糧挑淺然終非長久計宜於淺處置金溝上關如遇沽頭上關糧船膠淺即啓二關兩水交下積水必深可無停滯又呂梁上洪之西舊有石關二因水勢陡險無船經行徒為虛設宜拆之以為金溝上關庶不勞化費事下工部尚書王蒼等請

移文漕運總兵官都督武興勘視宜否從之。○日生五色雲夜有流星大如杯色赤光明出天船西北行至華蓋。○戊戌戶部奏先因鈔賤給還客商鹽本每引增至鈔三十錠即今鈔貴請仍舊給二十錠從之。○福建福州府民有私下海通番者巡按監察御史陳永業著都指揮僉事王勝不嚴守備請執問如律。上命宥之。○己亥復除山東按察使黃翰于廣東按察司以親喪服闋故也。○戶部右侍郎焦宏奏通州等五衛每歲冬衣布花皆各衛與本部委官收放文卷無印信不便請設官專理庶出納分明。上從之。命設通濟庫置官降印記隸通州管轄。○庚子秦王志潔奏社稷山川壇皆損敝不堪奉祀乞撥工匠。上以陝西民給遺儲且旱荒不乞命其府中校卒修完之。○河決金龍口陽穀隄張家黑龍廟口上命山東三司並修完之。

大明英宗睿皇帝實錄卷之一百三十四

正統十年冬十月辛丑朔享 太廟○遣中官祭司井之神○

以下元節遣官祭 長陵 獻陵 景陵○命太師英國公張

輔明年歲祿本色米八百五十石小麥七百五十石折支絹匹

○瓦刺也先部下韃靼把禿忽歹等五人來歸進馬命為所鎮

撫賜織金襲衣綵幣牛羊米鈔等物給房屋居住○戶部奏雲

南歲徵稅糧數少都指揮茅官俸糧本色支米外折色支海肥

今宜減米一石添折色一石舊時每石折海肥七十索今米價

騰湧宜增三十索從之○夜有流星大如杯色青白有光起虛

宿東行至羽林軍曉刺火星犯上將星○壬寅命河南西屬附

近陝西州縣該年存留糧內撥一萬六千五百餘石折徵綿花

一十六萬餘斤運至陝西布政司給軍士卒歲之需○兵部奏

漕運叅將都指揮僉事湯節先奏保荊州右衛指揮僉事畢通
台州衛指揮同知劉鼎陞署職事奉旨待缺今節又行奏保意
在急用乞正其故違詔旨之罪 上曰湯節不問畢通劉鼎俱
陞署都指揮僉事事○湖廣茶陵縣奏去年閏七月螟災河南
陽武縣奏今年七月以來雨水沿河漂流入畜房屋滄傷田禾
上命戶部勘實優恤之○癸卯勅諭戶部右侍郎焦宏曰邊
備以糧儲為重陝西之糧足以供甘肅河南之糧可以濟陝西
今特命爾前往河南陝西直抵甘肅等邊會同各管糧官開視
倉儲糧料約量多寡具實開奏今所司於糧料積久者挨陳故
支母致腐爛倉廩損壞者及時修理毋致傾圮邊境倉糧教少
者將原發去銀兩雜用仍同甘肅等處叅贊軍務及提督屯種
都按二司官將屯田被侵者從公撥還空地堪種者設法屯種

其有侵欺官糧強占屯田者文職府同知以下軍職千戶以下
當究問者執付按察司官整理餘應奏請者具奏處治爾須與
各總兵鎮守等官擇善而行務使克積足供軍餉庶副朕委任
之重○書諭撒馬兒罕地面王兀魯伯曲烈干曰王遠處西陲
恪修職貢今後遣使臣伯顏荅八失等以方物來貢眷此勤誠
良足嘉尚使回特賜王弄妻及王子阿不都剌阿即思巴哈都
兒等綵幣表裏以示朕優待之意至可領之仍別勅頒賜金玉
器皿及龍頭拄杖玉事件細馬鞍各色織金紵絲衣料等物俱命
伯顏荅八失等齎與之仍命伯顏荅八失為指揮僉事○賜都
察院右副都御史程富誥命并封贈其祖父父母父母妻時富陞
秩未久自疏勞勩乞不拘例賜誥推封以為身家榮上命吏
部從之○四川布政司奏本司廳事歲久朽敝不堪視事請令

所屬州縣起夫修理從之。○直隸鳳陽揚州府湖廣岳州荊州
常德長沙襄陽府河南南陽府山西平陽府所屬州縣各奏四
月以未早傷秋糧無辦。上命戶部遣人覆實蠲之。○甲辰兵
部尚書徐晞以老疾乞致仕。上特可之。念其在雲南有督餉
之勞陞其子固安縣縣丞訥為都督府都事。○命雲南故都指
揮僉事盧鈺子英襲為指揮使。○置陝西洮州衛八角寨於安
籠山口移羊撒關於大草灘。○罷遼東苑馬寺少卿黃琰為民
琰先坐不法為本寺主簿田畷所訐至是都察院論斷罷之。○
貴州都指揮僉事干羽坐匿稅諸罪法司論輸贖還職從之。○
乙巳先是吏部以天下學官多缺請於國子監取原中副榜舉
人及選監生有學問老成堪充教職者送翰林院考試至是覆
奏舉人劉震等十六名堪任教授學正監生考中者侯琰等一

百三十三名堪任教諭訓導從之。○贈魏國公徐顯宗故母何氏為太夫人。給賜誥命。顯宗父欽永樂五年坐事削爵安置鳳陽府。仁宗皇帝嗣位。命復爵。尋卒。顯宗襲封。主是陳情乞贖其母事。下吏部覆。例應給誥。故有是命。○丙午。上畋于南海子。○陝西臨洮府正覺寺番僧刺麻也失端竹等貢馬。賜綵幣等物。○丁未。復楊恭為尚寶司丞。恭先坐累罷職。至是朝廷念其父榮有勞。故復之。○戊申。秦寧衛都督拙赤遣指揮脫脫福餘衛都指揮安出遣指揮索羅台等各貢駝馬。賜宴并綵幣等物。○設順天府通州通濟庫。置大使一員。從戶部主事翁世資言也。○降山東按察司副使卜謙為布政司叅議。先是本司委謙同工部員外郎趙呈會覈獄詞。謙以專理河道托病不行。為呈所奏。下巡按監察御史鞠治當贖罪。還職。右都御史王文

言謙推姦避事難居風憲謙訴枉 上曰謙既無賊私其改授
叅議俾圖自勵若仍避難必罪不宥○山東左政司左叅議尹
聰言邊務三事其一乞命御史一負專一巡邊監視戰馬試驗
兵器其二乞放遣軍士老病者還原籍其三乞審驗謫戍之止
終其身者果老疾許其納米贖罪為民 上曰戰馬兵器只行
鎮守巡按等官嚴加督視不必命官老疾軍士如例遣之有無
所歸者量加存恤謫戍止終其身者所司具間區處其有死充
軍者不在此限○免雲南各衛征進軍士屯糧其軍職占種屯
田者按察司撥運軍士如無軍領佃於各職徵糧上倉○鎮守
松潘都指揮僉事王景高廣禮執千百戶治以失機之罪為巡
按監察御史所奏特有之○己酉復除山西道監察御史曹瑋
于浙江道以父喪服闋也○庚戌勅駙馬都尉井源曰得奏督

工修理 陵殿等處將完及請祭謝具悉今擇十一月初三日
告謝 皇陵及后土之神特遣爾源行禮祝文二道并香帛付
千戶朱綬齋去至期祭告合用祭物如例備辦務須敬慎整理
事畢爾即回京○命監察御史李琮舉駕王鍾盛琦劉訓任寧
王震胡淵呂淵往各布政司清理軍伍○沙州衛指揮虎都充
舍人鎮罕帖木兒赤斤蒙古衛鎮撫阿南拜等以奏事赴京賜
宴并絳幣裘裏等物有差○太保成國公朱勇劾奏駙馬都尉
焦敬石璟薛榘崇信伯賈到保定伯梁瑄建平伯高遠忻城伯
趙榮安鄉伯張安永順伯薛綬清平伯吳瑛平江伯陳豫彭城
伯張瑾惠安伯張琮俱偷惰不奉詔習騎射 上特宥之○山
東掖縣奏今歲旱災乞將戶口食鹽米折布寧下戶部覆奏鹽
糧每石折闕白布一疋原納鈔者每石折鈔一百貫運儲萊州

府備遼東賞賜及沿海官軍俸糧從之。○山西大同府推官孫睿言尾刺使臣每年經過大同所費甚多比奉旨以本處軍民稅糧備筵宴飲食之費甚便軍民其進貢馬匹所用水嚼草籠麻鐵常不下千百餘斤猶出府衙聚斂緣本地累年霜旱薄收衣食誠艱乞勅該部將該用麻鐵亦如飲食之例折辦。上以稅糧邊儲所重不允合用麻鐵。令山西布政司及行都司量給官鈔於軍民殷富之家布之仍戒其勿託此擾人。○辛亥設湖廣布政司偏橋鎮遠平溪清浪五關九溪銅鼓施州永定九倉俱置大使一員先是倉各隸本衛委官收支欺弊至是以戶部建明故改設之。○河南睢州磁州祥符杞縣陽武原武封丘陳留安陽臨漳武安湯陰林縣涉縣皆以今夏久雨河決滄沒民田屋宇畜產無算巡撫少卿于謙以聞。上勅河南三司率夫

性修之。○壬子大同左叅將都督僉事石亨奏國家設法推舉武職誠當矣然通於兵法者止是記誦之學熟於弓馬者不過匹夫之勇諒敵制勝未必皆得其用况人之智謀在心未曾試用莫得而知所以漢唐以來皆設軍謀宏遠知識絕倫等科令其各陳所能應詔如趙充國以良家子應募郭子儀以武舉自進設使當時拘於保舉豈能得二人之用哉今後乞許其自陳起取試驗果有可取令於各邊總兵官處謀議果能措置得宜實有功效然後不次陞擢之則得實才為國爪牙矣 上善其言且命兵部凡有舉薦及自陳者具名奏聞定奪非奉明文起取者不許擅離職役。○巡按四川監察御史趙敬言茂州松潘諸驛夫馬之弊請以四川文職官吏坐贖當贖徒為民者毋解京即其處具馬充驛遞驛五人都察院以四川所解囚道遠日

又多脫逃致擾官府累解人歌所請誠是宜定其期流四年徒各準其期滿即人為俱釋之如數滿轉發餘者於各處煎鹽擺站從之○癸丑賜永壽王志填嫡子名公鏐○復書華陽王友潭曰承喻以遣人葬祭母妃欲親來謝親親之道禮所當然况叔有疾遠路跋涉非易宜自愛慎調攝不必來也○調工部右侍郎李黃于兵部清理黃選以本部尚書鄭瑩所舉也○甲寅日生左右珥復生背氣一道俱青赤鮮明○乙卯命四川按察司委堂上官一員協同布政司委官巡督所屬府州縣負久并該徵稅糧○以山西平陽府所屬州縣今年旱災除大同宣府偏頭關邊儲糧草及督府歲祿如舊輓輸餘存留府州縣并布政司該納本色折色者咸與停免以蘇民困○丙辰廣東海陽縣民蕭瑤言本縣有溪源出山麓流抵海口其長亘潮州府

地故登隆等都俱真溝水道溉田民甚利焉惟隆津等都亦去
溪不遠而無溝遇旱田無所賴征稅催輸民實艱苦乞勅該部
令所司開溝亦如登隆都為便事下工部覈實於潮州府府稱
如珣言善 上命府縣各委官率得利之人開挑戒其勿墾擾
於民○丁巳陞翰林院學士錢習禮為禮部右侍郎侍讀儲懋為
戶部右侍郎吏部郎中曹義為本部右侍郎先是 上御奉天
門諭吏部尚書王直等曰六部侍郎所以表率僚屬職任匪輕
必得其人今侍郎多缺爾各尚書都御史其即從公推舉舉行
超卓諛言相稱素有名望堪擔任者六七員疏名來聞務協與
論毋徇私情至是直等同舉懋等遂命之習禮則出於 上之
親擢命下習禮疏辭 上不允乃就職○右軍都督府者都督
僉事劉廣卒遣官致祭命有司營葬○戊午 誠孝昭皇后忌

辰遣官祭 獻陵○命工部右侍郎王永和督修京城倉○命
五軍右哨馬隊管操署都指揮僉事事指揮使陳聚於原任山
東都司關支俸糧以養父母從聚請也○給太子太保恭順侯
吳克忠白粳米一百六十石抵食米二百石○福建龍溪縣解
戶漂流官布各將房產鬻銀補納有司復責其家屬續解銀八
百四十餘兩到部 上命就將餘剩銀准作各人明年秋糧若
尚有餘銀給還取贖房屋○江西備禦都指揮僉事劉順受所
部賂復還之為巡按監察御史何永芳所奏順輸罪宥之○已
未賜衡山王貴賢第二子名豪邇○淮王瞻墺奏回國三載欲
來朝觀 上復書止之○代府世孫仕壘奏官屬日支俸糧不
給於用請以折色五斗如例折與銀絹事下戶部覆奏從之○
工部奏襄王瞻埒為其子寧鄉王祁鏞襄陽王祁鉅乞建府第

已勅有隙地請勅湖廣三司工匠為建之。上是其言。仍令王
府軍校相兼用工。○周府商水郡主卒。遣官致祭。命有司營葬。
○命浙江布政司發二萬餘人。疏永安湖。茶市院河。新涇河。陶
涇塘。河從海鹽縣。至龔潮。達言其於襄不便。民田也。○鎮守陝
西興安侯徐亨等奏。西安等府所屬州縣。五月以來。旱蝗災傷。
乞將今年秋糧。草束。并屯軍子粒。查勘無收。及收一二分者。悉
與蠲免。其收六七分者。每糧一石。折鈔五十貫。每草一束。折鈔
五貫。四五分者。每糧一石。折鈔三十貫。每草一束。折鈔三貫。仍
聽納布匹等物。備用。事下戶部覆奏從之。○提督遼東軍務左
副都御史王翱奏。比者益實等衛野人傳言。危刺也。先以歲饑。
故欲遣人馬於紅崖子山圍獵。恐其因而入寇。上命沿邊總
兵鎮守官嚴兵備之。○庚申封秦府鎮國將軍志塔庶長子公

錡庶第二子公鈴庶第三子公鎧俱為輔國將軍靖江王府輔國將軍贊俊第二女為慈樂鄉君配程誠第四女為信行鄉君配白俊第五女為撫康鄉君配王智輔國將軍贊倫第九女為興德鄉君配陳詢輔國將軍贊儲長女為陵城鄉君配文純命誠等俱為宗人府儀賓賜誥命冠服等物○勅甘肅總兵官寧遠伯任禮等曰得奏送沙州等衛使臣至京備言瓦剌也先遣人來結親及今都督喃哥親送其女已勅哈密忠順王遣人緝探聲息飛報爾等限備及勅喃哥等不得擅離地方也先不得構禍隣境然也先近年譎詐驕傲實有構禍之意爾等宜同心協力選拔智勇操練精銳以備警急仍遣間諜預知虛實相機進止或別有防禦長策可使朝廷無西顧之慮者計議以聞○勅諭福餘衛都指揮同知安出都指揮僉事歹都及大小管事

頭目人等曰今得爾等奏女直頭目刺塔等引領人馬到爾地方殺掠人畜家財爾等率人馬追逐奪回人口今欲復率部屬往彼報讐然去年冬刺塔等奏被爾處部屬殺掠其人馬財物累請擒治朝廷諭彼令挨尋原賊依俗陪償講和爾等良哈與女直皆朝廷開設衛分乃彼此交構報復論法俱不可容特念爾等遠人無知恣置不問自今各宜謹守法度毋作非為與鄰境和睦用圖永久仍宜戒飭部屬凡往來須遠離邊境恐巡哨官軍一槩勒殺難辨特諭知之遂并勅參寧衛都督拙赤都指揮同知陽干帖木兒等各頒賜織金襲衣絲帶表裏俱命來使字羅塔等齎與之○勅諭兀剌大師也先曰今沙州衛大小頭目人等差人朝貢報稱今年九月間大師遣頭目款哥伯等將文書馬匹貂鼠皮等物到沙州結親今都督喃哥自送女去

或不自志差人馬劫掠沙州致彼處頭目人民懷忿驚疑屢報
甘肅總兵鎮守等官具實以聞且沙州等衛切近邊境設衛校
官皆朕臣于太師誠欲與之結親亦須以善相處若生事構恚
非惟有傷朝廷和好之意實背爾祖爾父忠順之心近者巡西
來朝使臣至甘肅邊境多有假稱瓦剌者真偽莫辨已勅邊將
不許放入太師今後遣人只從大同路來庶照管得所或有警
急事情欲從甘肅來者只可令三五人齎真實印信文書前來
太師宜遵朕言毋令小人乘間為誘朕惟上天愛人簡有德
者為之長帥欲其撫安下人不致天傷若遭天殃民未有能長
久者非天絕之皆其自取古云順天者昌逆天者亡太師其欽
承之并勅諭哈密忠順王倒瓦荅失里今復瓦剌差人數多及
無印信文書不係緊要者爾處不必起送其假託瓦剌差人即

皆諭遣發還不必放進。○巡撫河南山西大理寺左少卿于謙奏臣奉勅行移河南湖廣委右布政使年富等督所屬衛府將山東山西陝西等處逃民七萬餘戶居相近者另立鄉都星散者於原鄉都內安插就於其類推選老實者立為里老管束無田者量撥荒閒田并河水退灘田今其墾種其貧難之食者量為賑濟。上是其言。○辛酉陞翰林院編修謝理為本院侍講以九載考最故也。○壬戌增置河南河內縣清化鎮巡檢司并復其鎮原廢稅課局。○福餘衛都指揮安出遣指揮咬納泰寧衛都督拙赤遣指揮委勞兒都指揮火兒赤台遣指揮完者克沙州衛千戶各洛哥等奉朝貢馬賜宴并賜綠幣等物有差。○湖廣上津縣陝西金州洵陽縣山溝內有各處逃來赴食軍民三千餘戶潛居其王秀等十餘人累劫行旅命巡撫河南左少

卿于謙等屢督各府州縣官躬詣以勘籍名善加撫諭秋成後
省令復業補王秀等械掠處治餘誘從者開釋之間有逃軍逃
因許令首告免罪○癸亥給騰驥左等衛所官軍馬九百五十
匹○甲子襲封衍聖公孔彥縉來朝奉表進馬賀 萬壽聖節
賜宴并鈔幣等物○乙丑命都察院右都御史王文住同興安
侯徐亨鎮守陝西代右都御史陳鑑還京○工部奏近右侍郎
王佑奏准各處逃匠令所司親解赴京然姦惰之徒到工未久
隨即逃去請今後解匠官吏俱留京管工待工滿一體放回庶
匠不敢逃工程易完 上不允但令今後匠有三次逃者發充
武功中衛軍仍令富匠敢蹈前非殺之不宥○丁卯朝鮮國王
李禔遣陪臣朴堧來朝奉表貢馬及方物賀 萬壽聖節賜宴
并金織襲衣綵幣表裏等物有差○大同備邊署都督僉事卜

馬麟奏其子卜馬翔壯勇善騎射嘗從已征麓川獲功陞濟陽
衛帶俸副千戶乞令隨已效力守邊 上特許之○廣東潮州
衛奏五月雨水壞城樓鋪舍所屬五千戶所屯田俱被淹傷而
右前二千戶所屯田有被沙土壅塞不堪耕種者乞令潮州府
改撥荒田庶子粒有所出 上命戶部遣人驗視以聞○戊辰
陞翰林院學士曹鼎為吏部左侍郎陳循為戶部右侍郎侍講
學士馬愉為禮部右侍郎侍讀學士苗衷為兵部右侍郎侍講
學士高穀為工部右侍郎仍兼舊職命東穀同鼎等內閣辦事
○遷瀋府右長史邵懷義為左長史陞奉祠正張紹為右長史
俱從王奏保也○吏部右侍郎趙新言近者各處巡按御史奉
勅考勅司府州縣官多有任情黜陟未加精詳以故被黜官起
送到部率訴枉抑煩瀆 聖聽况所黜退者未必皆老弱所銓

補者未必皆少壯送故迎新徒重氏費乞令本部重加審察復定途退堪任用者仍前復職或量材改用果不稱者如例黜罰庶幾枉直有辨舉錯得宜 上曰已往考黜者姑不問今後各處送到老疾罷軟不勝任者吏部堂上官從公審察果應黜者如例發落果有精力才行堪用或素有政績者其實未聞母容輕聽妄訴徇私廢公爾等其慎之○己巳擢進士夏時正為刑部河南司主事○戶部奏脫脫不花也先差來朝貢使臣并買賣回帶來馬駝草料定與則例初到京馬駝輿草半束過半月增至一束至十一月半每匹支與料豆一升從之

大明英宗睿皇帝實錄卷之一百三十五

正統十年十一月庚午朔欽天監進正統十一年大統曆。上御奉天殿受之。給賜諸王及文武羣臣。頒行天下。○辛未。陞南京光祿寺少卿張惠為光祿寺卿。以九年秩滿也。○迺北。剌脫脫不花王并太師也。先等遣使臣皮兒馬黑麻等來朝。貢駝馬及方物。賜宴并綵幣表裏紵絲襲衣等物。有差。○增給遼東安樂自在州達官頭目俸糧。該支半俸二石五斗。而原減支者。增本色米一石。該支半俸二石。而原減支者。增本色米八斗。餘俸糧如例折支。鈔貫。○湖廣五開衛指揮使王道有銜於貴州黎平府。知府吳瑄因縱所部入府嘗辱之事。覺下獄。法司復詰出其枉法受賂論贖絞還職。上曰。通情重難。以例論命。為馬事官發廣西殺賊立功滿三年。復之。○壬申。陞太常寺寺丞戴

慶祖王一居為本寺少卿協律郎李宗周贊禮郎黃玄惟為本寺丞俱以吏部推舉也。○命給湖廣應山縣住居土官知縣阮世寧頭目王正等俸糧終身其子孫令自種自食先是世寧等自交趾來歸授以官不願仕命給以俸四年至是當住支有司言其不能自存故有是命。○守備蘭縣都指揮僉事李進奏蘭縣實當要害而臣所領軍馬不足訪得甘州中護衛軍餘一萬五千人乞於內選取一千令自備鞍馬益臣統領訓練遇警協力勦賊。上命右都御史王文等同進會選仍戒進以時訓練毋妨農擾人。○直隸寧國府知府袁旭先被御史程富奏其欺飲民財杖死人命等事旭亦証訴富於己有憾且以美女為妻事下法司論俱當免官。上曰旭不守常法挾勢妄為發保安州為民富令贖罪還職。○癸酉慶王秩燧以安塞王受封及婚禮

等事欲同來謝恩襄王瞻塔荆王瞻垌楚王李淑俱欲詣京朝覲俱復書止之○勅和寧王阿魯台次子火兒忽荅孫曰近得邊將遣人送爾木牌并檄文到京備知爾等艱苦願來歸順已勅邊將遣人齎勅并牌安放於爾等原放牌處所仍令官軍候爾接待前來爾等即齎此牌安心順路入境毋得疑惑朝廷重加陞賞與爾親福壽脫索羅等共享富貴於長久故諭○給軍士冬衣布花山西都司衛所令都布二司堂上官會同給散大寧都司山海河間等衛所選在京各衙門見任郎中等官給散仍令巡按御史巡察○免山西平陽府被災州縣積歲負欠糧草并今年該徵鹽糧米鈔減平陽衛及汾州守禦千戶所秋糧子粒十分之三○順天府順義縣民袁大等奏河水坍塌因地三十餘頃不堪耕種命撥韓貴等還官地畝與種補耕糧草

○乙亥賜永興王志堞嫡長孫名誠濶。通政使司右叅議侯濶以奏對有失調鳳陽府同知濶奏乞別職改和州知州。○丙子賜朝鮮國王李禔正統十一年大統曆一百本命來使朴堧等領回給之。○命達官都指揮千百戶等官吳哥來等該支本色俸米如例每員月支京倉米一石餘每石折銀二錢五分從太子太保恭順侯吳克忠奏請也。○免山東濤洛場鹽課司逃移竈戶負欠鹽三千四百餘引。○隆平侯張溥卒遣官賜祭命有司營葬。○丁丑復除湖廣道監察御史陳浩於山東道以親喪服闋也。○陞陝西按察司僉事張楷為副使楷提督屯田通本司缺督理糧儲副使軍民千餘人合保楷鎮守陝西興安侯徐亨具以言故有是命。○戊寅命故會川伯趙安子英襲為臨洮衛指揮使仍率土軍操備安初以指揮同知累功封流伯不世

襲至是英例襲指揮同知 上以安在邊年久故命英為指揮
使○庚辰 萬壽聖節遣官祭 長陵 獻陵 景陵○ 上
詣 奉先殿 皇太后宮行禮畢出御奉天殿受朝賀大宴文
武羣臣及四夷朝使○癸未陞戶科給事中王樹為順天府府
丞以吏部推舉也○復設河南懷慶府河內縣稅課局置大使
一員縣舊有局後以課額少革去至是巡按監察御史趙敬言
商賈輻輳課稅增盈故復請設之○鎮守陝西右都御史陳鑑
奏陝西連年荒旱蝗潦賑濟饑民支糧盡絕看得河南二府相
與隣近乞將河南府并潼關倉糧運至涇陽等處將懷慶府倉
糧運至華陰等處以備賑濟仍將浙江蘇州松江折糧銀或於
京庫量撥差官送至陝西布政司於有收去處雜糧存積便益
上命戶部酌量行之○甲申冬至節遣官祭 長陵 獻陵

景陵○ 上詣 奉先殿 皇太后宮行禮畢出御奉天殿
受朝賀大宴文武羣臣及四夷朝使 皇太后 皇后免命婦
朝賀○ 乙酉文武百官朝親王於奉天門東廊○ 丙戌勅諭福
餘衛都指揮同知安出都指揮僉事歹都指揮僉事阿兀可管
野人指揮僉事卜蘭及大小頭目人等曰今得爾等奏遵勅遣
人往朵顏衛跟捕賊首阿魯彼逃走入山言欲自赴朝廷請罪
若其奸詐務要捕獲送解具悉如阿魯果自來朝請罪爾等遣
人押送前來量與寬貸或彼冥頑不悛爾等擒捕解來有功者
陞賞不吝如爾等輕玩法度固蔽免惡朝廷軍馬出境搜捕鋒
鏑之下善惡難辨災禍所臨亦爾等所自取蓋朝廷以賞罰為
治人臣以忠誠為本政過從善者罪雖重必有恃恩玩法者罪
雖輕必誅爾等其欽承之○ 亦兒古里衛女直指揮阿納忽并

四川播州宣慰使楊綱遣副長官陳昂等來朝貢馬駝賜宴并綵幣表裏等物○置山東東昌府濮州同知直隸鳳陽府潁州亳州縣丞各一員以巡撫侍郎薛希璉寺丞張驥言其收籍逃戶里分數增宜設官分理也○免貴州程番等長官司土民紀戶糧五百餘石以其各被妖賊馬卜班等殺死無遺也○戶部奏山西豐贍軍需庫布絹歲久腐爛請如直折與官軍俸糧四箇月從之○守備寧夏廣武營都指揮使種興奏蒙右都御史王文等將臣所部官軍一千三百人分與左叅將丁信統領緣信撥去寧夏中護衛及棗園等營守備事有不便乞自今以臣所部改隸總兵鎮守官調遣事下總兵官都督同知黃真等議真等皆不直興謂第宜以續調官軍中分其半還興且二人品秩相等而信為叅將興心常不平臣等亦嘗論之不從自今有

仍以私妨公者請置諸法。上曰自古邊將必協和方能成功而信與乃相忌如此兵部其論二人各遵禮度同心協力以集國事若仍前懷私重罪不宥。○丁亥樂平王冲侯奏長子範場次子範境範煖俱膺封歸婚期在適乞賜冠服又臣之萊弁冠服亦羊久敕壞仰希通行給賜從之。○陞府軍衛副千戶馬雲等官軍八十七人各一級賞賚有差以使无刺還有勞也。○禮部尚書胡濙等奏樂平王冲侯言日用窘迫欲令本府教授給批差人往閩廣等處貿易貨物以為服食之資稽無舊例未敢輕許。上命第依舊例行。○貴州都指揮僉事王忠以重囚亡獄捕不獲命巡按監察御史執治之。○戊子命故武功左衛指揮同知金鑑子馨全吾左衛指揮僉事李茂子英通州衛指揮僉事白貴子宣俱襲職燕山右衛指揮僉事王信子禮騰驥左

衛指揮僉事劉玉子源俱代職。○命朵顏衛故指揮僉事委塔子賞都襲職。○命番僧鎖南剌思為普濟廣惠國師。○革福建汀州府上杭縣興化鄉巡檢司設太平巡檢司於本縣虎岡山置巡檢一員先是聽選教諭范全言虎岡山路當衝要宜設關禦暴下布政司覆視至是右叅政宋彰等奏本縣興化鄉巡檢司路僻官曠公署傾圮請改設於虎岡山故有是命。○戶部言燕山左衛指揮家人賈英等於東安縣史家屯開墾田地二十餘項保定衛指揮家人素真等於清苑縣開墾荒蕪官地二十五頃均例每畝納鈔三十貫今告艱難乞如民田起科每畝納糧五升三合五勺從之。○己丑勅諭兀者都督刺塔等肥河衛都督僉事別里格等嘔罕河衛都督僉事你哈答及各野人女直衛分部指揮等官頭目曰今得爾等奏去年被兀良哈達子

劫掠婦女直人畜財物近者爾往彼報復得其達子人口彼復
遣及爾等將所得達子人口遣還就遣人往彼取原掠爾女直
人口遣人來奏近者福餘衛都指揮安出等亦奏欲復率部屬
來爾處報讐朕以爾野人女直各衛與兀良哈達子各衛皆朝
廷開設皆當以奉公守法為心乃互相報復不知悔過豈保全
長久之道已遣勅切責安出等不敢擅動人馬敢有近邊者悉
聽官軍勦殺然彼誦詐反復素性不常爾等宜整飭人馬隄備
如彼遠避境外爾亦不必窮追朕以爾女直衛分忠順朝廷始
終無間特諭知之○命直隸河間府河間縣知縣史簡復任陞
從六品俸簡九年考滿當還本府知府廖謨以民訴簡撫字公
勤奏保復任下吏部移文巡按御史覆覈無異故有是命○雲
南八寨長官司地方產有銀礦而雲南左臨安等衛官軍家人

不時挾帶兵器聚衆私採巡按監察御史以聞上命總兵官揭榜禁約仍令都按二司各委堂上官設法撫諭令各復業有恃頑者即擒治之○庚寅勅大同宣府總兵等官武進伯朱見等曰兀剌使臣多帶兵甲弓矢銅銃諸物詢其所由皆大同宣府一路貪利之徒私與交易者蕭等受朕委任防閑弛慢自今其嚴加禁約若仍前弛慢罪亦不宥○巡按陝西監察御史張文昌奏陝西西安前後并右護衛屯糧員欠各管屯官妄報納完延安綏德二衛雖已納完查無通關俱當究治上命三衛滕胤安報官俱罰俸一月糧聽補納延綏二衛糧既完俱宥之○辛卯禮部主客司主事孟釗以丁憂服闋尚書胡濙奏留復任從之○陞甘肅左叅將都指揮僉事王敬著右軍都督僉事克副總兵鎮守涼州○夜月犯火星○壬辰陞南京刑部主事

胡英李良實暹相銜半果陳誠鄧履純俱為本部郎中從右侍郎鄭泰奏請也。○陝西看都指揮僉事宋忠為所部告其貪暴失機諸重罪遞按監察御史索之多不實宥之。○癸巳初諭尚膳監曰尚膳監係供辦 祖宗神明祭儀之所宜嚴加敬慎今後除本監管事內官書辦內使許在內宿歇其餘悉領出外居住如遇輪該供事許令於直房內直宿司禮監時常令人巡察故有故違治罪不宥。○甲午泰寧衛都督拙赤遣頭目朵羅干等福餘衛指揮僉事阿兀歹等遣頭目塔刺埃等朵顏衛指揮同知倒斤朵羅干遣頭目奴打不阿等來朝貢馬賜宴并賜金織綵帶表裏等物有差。○火者董留乞樂道受人賂冒以為義子求克勇士法司論贖絞還役。上命斬之。○夜月犯氐宿。○乙未初南京守備豐城侯李賢言寧王第四子磐炷已擇南京

孝陵衛指揮使葛鼎女為妃嫡長孫奠培已擇濟川衛指揮使
郭謙女為妃既而寧王又奏第十六女靖安縣主選鼎之子昕
為儀賓莊惠世子磐燧第三女高安縣主選謙子琦為儀賓然
寧王先奏擇儀賓上命於南昌府衛官員軍民家擇之今乃
不於南昌而於南京蓋由鼎等以王妃親故私與王府交通結
親請治其罪上命軍謙各陳結親之故軍謙奏先各與妻送
王妃往寧府成婚軒與琦俱隨送蒙王問其年與縣主相等皆
許以婚遂輒從之罪不容逃上命禮部審其情至是尚書胡
濙等言婚事雖出王之自許軍謙亦宜奏請今乃恣意妄行於
理未嘗請行南京都察院究治仍行寧府長史司啓王知之
上曰軍謙既認罪姑宥之俱令支俸隨操不啻衛事其婚禮既
成則止今後各王府奏事禮部務斟酌行之○江西右叅政陸

友諒以老疾乞致仕從之○保定伯梁瑄等監牧草場馬多損
失兵部劾其提督不嚴之罪 上命姑宥之第令具償官之數
以聞○陝西按察司副使陳蕤先奉勅赴陝西提督水利行至
臨清聞喪以勅付縣官奏繳徑回原籍守制至是通政司奏蕤
不面白取旨擅自奔喪宜治罪 上曰蕤誠有罪然于聞母喪
情迫於內觀過知仁其宥之○丙申命錦衣衛指揮僉事陳端
補盜於順天保定二府時京城內外多盜故也○丁酉看花匠
不戒於火延焚御花房二所例當拘役贖徒 上命斬之不必
覆奏○貴州都指揮僉事常智數飲軍士盜官儲事覺巡按監
察御史請治其罪從之○四川民因縣官下鄉責其追稅急遂
嘯聚殿之蓋殺各里析稅銀布法司坐徒 上命充遼東邊衛
軍○己亥吏部尚書王直言今年朝覲官到部因各處巡按御

史布政二司俱未開具賢否實以故黜退者屢訴寃抑煩瀆
聖聽本部惟於各人精力強弱可得而見其餘事蹟不載無從
辨正所訴真妄難以區別乞移各處巡按御史及布按二司今
後考察賢否從公劾實以間俾有精力才行者可得而控擢之
老疾等項妄訴不服者可得而懲罰之如此則黜陟之論定苟
免之望息矣 上曰卿言良是其即行之○免貴州所屬鎮遠
等三府鎮遠金容金達蠻夷等六長官司鼠傷禾稼談徵祖稅
○太保成國公朱勇以香河諸處強賊橫甚恐各營操軍不戢
而然乞遣官軍五路緝捕 上曰汝所遣但能擾民而已其勿
遣○吏部右侍郎洪瑛卒瑛浙江淳安縣人永樂辛丑進士授
刑部主事轉工部主事隨侍郎羅汝敬巡撫陝西有能聲善談
論大學士楊士奇奇其才正統初薦充經筵官改翰林院侍講

預修 宣宗實錄專用士奇薦陞吏部右侍郎進選人才必求
其實不為異同然治內不嚴致委濫奔士論少之

英宗睿皇帝實錄卷之一百三十五

大明英宗睿皇帝實錄卷之一百三十六

正統十年十二月庚子朔 上省郊祀牲○給偏頭關備邊官軍馬五百匹以守關都指揮使馬貴奏請也○夜有流星大如杯色亦有光出紫微西藩內北行至騰蛇尾跡炸散○壬寅命陝西莊浪標備土官都督僉事魯失加子鑿為百戶從失加訓練土兵協力備邊以失加舉鑿勇閭習武藝乞以助己也○巡按雲南監察御史史濡言雲南諸獄呈詳既於御史獲於叅贊軍務侍郎優於鎮守太監中多不達刑名各持一說殊無定論乞廷臣會議使政無多門事有所歸 上議三法司議咸以馬甯刑名於御史此定律叅贊鎮守官無著令雲南諸獄呈詳宜如律從之○癸卯設直隸鳳陽府穎州亳縣義門巡檢司置巡檢一員從巡撫侍郎薛希璉言地迫黃河居民叢集正遭亡

往來之路宜設巡司以盤詰之也○朝鮮國王李禔遣陪臣洪師錫并兀思哈里等衛野人女直指揮木富等奉朝貢馬及方物賜宴并紵絲襲衣綵段絹布有差○乙巳命戶部郎中楊謹巡視福建銀場時福建既開銀場賊猶侵擾不已或投牒有司云留寶豐場聽我採取不然殺人或以竹揭紙票題云浙江馬大王領五百餘人定限某日大戰既而寧得縣丞顏清獲賊窩主詰之云賊首乃浙江處州人葉宗留清械窩主以歸路遇賊數十被甲執刃將邀清殺之清獲谿船潛載得免巡按福建監察御史馮傑陳永會同三司官奏前項賊徒因居山年久家產破蕩又被官軍追捕原籍山場兩無所依遂致相合劫掠況各場窩遠臣等巡歷不周伏望 聖恩開其自新之路許從招撫仍添差御史戶部官分投巡視并於處州建寧福州三府各除

撫民通判一員附近山場縣分各除縣丞一員坑場多者或二員三員專令招撫流民帶管坑場其願回原籍或願於所在有司附籍者聽從其便貧尤甚者量加優恤惟葉宗留寫戰書稱大王已調福建官軍擒捕乞勅浙江三司量調處州官軍策應會合搜山庶得勒絕秦下戶部請令廷臣會議上曰此何必議止盜莫如擇人誠得其人賊可平矣府縣添設官准其請務選賢者任之使盜息民安浙江官軍不可調蓋採礦皆小民失業所為今宥罪令復業理當退散若復不散然後調軍則彼伏辜而朝廷亦不傷好生之德矣遂命謔同巡按福建監察御史理其事仍命都察院揭榜於各銀場曉諭○莊浙江等處均徭開初江西按察司僉事夏時奏准各處造均徭冊令民均當徭役至是時為參議行部至臨江府編本府糧戶為布按二司隸

兵掌府事江西右叅政朱得奏時多以上等糧戶為隸兵意在
逸軍取用未免民害乞罷均徭役事下廷臣議均徭本以便民
今時所奏施行未及三年身先犯之誠非經久之計宜從得奏
革去從之○改山東登州府文登縣倉為廣盈倉置大使一員
以所收各州縣給軍糧多從本縣典史蔣理奏請也○丙午陞
直隸蘇州府吳江縣縣丞王懋本為本縣知縣懋本嘗以剝員
召回民奏保其勤慎廉能乞留復任尋丁憂去至是服闋需選
民相率伏闕乞陞任知縣吏部言懋本由吏出身於例有格
上曰懋本既有去思吏何足計其從之第毋著為例○通政使
司通政使李錫於輟朝日服綺繡糾儀御史周文盛劾錫上
宥之文盛錄劾詞及旨補本備照失於註日禮科都給事中章
璉奏其違式不敬文盛言璉念錫舊為同官故倣此奏臣為錫

復私忿 上曰文盛自不謹乃欲罪人錦衣衛其執付鎮撫司
訊之○陞建州左衛指揮僉事忽失八為指揮同知正千戶木
答忽卜兒達俱為指揮僉事○初福建長樂縣民劉彥梁言本
縣嚴湖周圍餘二十里南接稠庵溪西通倒流溪旱則引稠庵
溪入湖溉田兩則疏倒流溪以防泛漲近來湖岸坍塌決溪流湮
塞不能積水防旱雨或至滄沒民田又有張塘涵塘前涵大塘
涵陳塘港其利弊亦如嚴湖乞勅有司修築疏濬寔民之便事
下工部移文本縣覈實至是報稱民情所願雖勞不怨仍貼圖
刺期以聞從之○丁未臘節賜文武羣臣宴○陞甘州中衛指
揮同知彭智為陝西署都指揮僉事守備山丹兼掌衛事代都
指揮僉事吳到還陝西都司○陞危刺使臣都指揮僉事皮兒
馬黑麻為都指揮同知指揮使充充兒為都指揮僉事頭目兀

曾思為都指揮僉事完者帖木兒為指揮僉事○設山東兗州府曹州置知州同知判官吏目各一員陞曹縣知縣范希正為知州先是巡撫大理寺丞張驥言曹縣地廣民稠難於撫治請割本縣黃河南北岸土氏十七里附籍逃民二十三里為曹州置於黃河北舊土城內其餘土著及附籍三十八里仍屬曹縣與附近定陶縣俱改隸曹州且州新建必得舊官乃能撫馭曹縣知縣范希正歷練老成人民信服之陞為知州庶民情相安政務易舉事下吏部戶部咸以為宜上從之仍諭其用心撫恤新附籍之民禁戢里胥毋容擾害所部上司巡視撫安敢有違者俱治以罪○戶部右侍郎沈固奏戶部解到糧糧銀俱係有收處所徵納每銀一兩折米四石今大同邊方霜旱時多豐熟時少宜照此處糧價粟米每兩三石料豆四石發糧上倉

及准折官軍俸糧亦依此數給散為便從之○己酉陞湖廣常德府同知蔡壽為本府知府以屬邑吏民保其勤慎有為政舉民安故有是命○設福建漳州府龍巖縣屬石溪南東西洋歸化四巡檢司各置巡檢一員從按察司僉事陳祚奏請也○命故弗提衛指揮僉事三八奴子塞卜兀撒禿河衛指揮僉事實捧哈子幹你俱襲職○兀刺使自桑加夫里等奏其太師也先求人參木香諸藥陰陽占候算卜諸書 上曰厚往薄來固柔遠人之道第彼貪得無厭且詞涉不孫其俱勿予○庚戌命反帖衛故指揮僉事必郎哈子納因塔木襲職陞督罕衛副千戶忽失八為指揮僉事以其屢修朝貢乞恩陞職也○四川馬湖府土官知府安瀨遣通事師義泥溪長官司把事王秉湖廣凡溪衛桑植安撫司舍人廖三陝西鞏昌府天竺寺僧領占北

已臨洮府僧綱司番僧鎖南藏卜河州等衛羅漢等寺禪師刺
麻人等結瓦端竹星吉莊浪衛僧綱司番僧囉納室哩等俱未
朝貢馬賜綵幣表裏諸物有差○有坐侵盜騙官克軍邊衛
者二十餘人徵贖久不能償各訴貧乞移徵於原衛 上以移
徵則多擾害俱蠲之命就役○壬子晉府儀賓駱善因宴於王
所與儀賓王裕相齟齬裕奏已誘裕從人誣告其過支祿未百
餘石且發其擅收目官之人山西按察司請治善裕罪 上曰
此輩不循禮法莫可容但念王府親屬姑不收治裕位祿未三
月善誣陷人其罪尤大位祿未一年不悛必治之○廣昌王府
總旗徐禮告內使阮通匿國課盜軍儲且擅與山西署都指揮
僉事江洪宴飲內使范玉典仗丁惠皆有銜於通因禮告通資
之路費事下巡按監察御史熊璘覈實廣昌王亦奏禮刁詐

上命杖禮發戍邊王惠道俱杖釋之。○靖遠伯王驥有疾命太醫院擇醫性療之。○癸丑戶部言各處歲報錢糧總冊多有違限及差錯者。上曰四川江西遠限差錯各布政使俱罰俸一月首領官俱杖之。湖廣浙江直隸蘇州府廣德州雖遠限而無差錯宥其罪。○甲寅祭告七廟太皇太后。皇考宣宗章皇帝曰此者畿內野蠶成繭以絲未獻此誠天地和氣所產祖宗福祐所臻不敢自有謹用製成幔褥陳于神位伏惟鑒知。○給晉府和順郡主并儀賓趙琮祿米如例。○賜千戶馬雲等八十七人白金并金織紵絲襲衣有差以其使瓦剌之功也。○大同總兵官武進伯朱冕等奏大同蓄積糧多恐致陳腐除官軍支用外乞將今歲山西撥納秋糧四十萬准收本色二十萬石餘半折收銀貨用備易糴新糧以抵蓄積從之。○戶部言浙

江河南山東順天大名等府州縣桑絲折絹有紕薄不堪用者雖已追捕其官吏宜治罪 上曰所納既完姑宥之但移文令省過若再不用心不恕○日主背氣一適色青赤鮮明○丙辰興平王長子志堞奏父於十一月內陡患風疾缺藥療治 上命太醫院如其所求給賜之○瓦剌使臣皮兒馬黑麻等貢馬八百匹青鼠皮十三萬銀鼠皮一萬六千貂鼠皮二百 上以其過多命馬收其良者青銀鼠皮各收一萬惟貂鼠皮全收之餘悉令其使臣自鬻○雲南千戶王政誅麓川賊思任發于緬甸先是總兵官黔國公沐斌等遣政齋勅幣諭查緬甸宣慰男卜刺浪馬哈省以速刺索思任發卜刺浪馬哈省以速刺猶豫不即遣適晝晦二日術者曰天兵至矣卜刺浪馬哈省以速刺懼於是發思任發及其妻孥部屬三十二人付政時思任發不

食已數日政慮其即死遂殺于市函首及俘馳獻京師○丁巳
陞弗提衛指揮食事管充為指揮同知管充都指揮使察阿奴
之弟為衆所舉故持陞之○先是兵部及太師英國公張輔等
議以廣西民丁聚集為軍下巡按監察御史都布按三司議之
至是監察御史周紀等言廣西地瘠民貧稍有科差輒皆逃避
若欲驅之軍旅必致驚疑為患直得桂林等七府舊有巡檢司
一百三十餘處若每司增弓兵至一百人小牌十人官給械器
慎訓練就於其中選力量服人者授以副巡檢協同流官巡檢
統領兵牌管軍一體哨守不數年間悉為精銳退可以保障地
方進可以殄滅賊寇庶得經久利便 上是其議命兵部行之
禮部尚書胡濙奏必兒洗必兒等屢使臣馬黑麻等以其頭目
沙不丁達魯檀等所備撒哈刺跋匹來貢俱短惡不成匹 上

曰遠人慕義來朝其誠可嘉所貢雖慝亦宜受之第當宜損常例之半○戊午命故永清右衛指揮使馬柒拾弟興金吾左衛指揮僉事袁廣子聰張勝弟鐸俱襲職金吾左衛指揮同知唐得子鉞金吾右衛指揮僉事侯喜子斌俱代職○己未免山東濟南府屬縣旱澇災傷糧一萬二千一百六十餘石一萬三千九百七十餘石東湖廣武昌等府州縣岳州等衛所旱災秋糧子粒一百一十一萬餘石○授建州右衛都督同知凡察子不花克為百戶○授瓦剌使臣乞力台等四人為正千戶把帖木兒等六人為副千戶奄克帖木兒等六人為百戶各賜冠帶綵段表裏以其牛頭山擒殺賊人等只苦等功也○庚申陞翰林院編修蕭繼為本院侍讀兵部為侍講俱以九載官最故也○禮部尚書胡濙等奏明年正旦立春舊制立春順天府官四拜進

春後四拜畢文武百官五拜三叩首賀今二節同一日宜殺賀
立春禮順天府官四拜進春後文武百官即詣班行賀正且禮
從之○增給福建鎮東等衛所旗軍月糧至一百時各軍俱沿
海備倭月糧止給八斗行糧任支不足養贍提督海道叅政周
禮以為言故有是命○免直隸揚州府屬縣水災糧三千三百
餘石草六千七百四十餘包○廣西左布政使揭稽等奏近年
蠻寇出沒調來官軍不便水土多有死亡廣西清出軍丁解發
遼東等處動經萬里中途亦多逃故况廣西地方素有瘴癘惟
土著之人可以無虞乞自今廣西清出軍丁不限南北俱存本
處衛所補役實為兩便 上命今年十月以前者如所請以後
省仍發原衛○直隸淮安府秦海州知州秦貴并鎮榆縣官吏
不應以有收田地妄報災傷希免糧草乞治其罪 上曰人臣

之罪莫大於欺罔此而不懲何以警後其令巡按御史執湖之
○李爾賜保安憚順王志垌第二子名公鍊第三子名公鏡○
命山東都指揮僉事王信任司事信時領赴京輪操官軍濟南
等六衛奏保信公勤幹濟撫練有方乞留司任事故有是命○
湖廣廣濟縣奏本縣及附近黃梅縣每歲輸運秋糧于望牛墩
常不下三萬餘石皆雇小車盤運一車止載四石而雇直二斗
及天陰雨雇直倍之民實不堪臣見本縣連城湖港膠家口舊
有溝直抵望牛墩第沙塞水淺不能行船請同黃梅縣各率夫
役疏濬用船載運實為民便從之○大慈恩寺禪師也失哩監
剎自陳乞陞授國師上曰國師方外重職必其人戒行純潔
焚修勤苦而又有功朝廷斯以是寵異之今也失哩監剎何功
德可稱遠欲得是職乎且恩典宜錫自上豈在下所可覲觀邪

不允。○壬戌命福餘衛都指揮同知安出于卯牙代其父職。陞指揮僉事可台為指揮同知。○提督遼東軍務左副都御史王翺奏。臣奉勅得各衛所疾故軍職。署都指揮僉事陳慶子瑛等八十六員。俱襲替職。令其守邊操備從之。○鎮守陝西右都御史王文奏。陝西連年亢旱。民窘已甚。河南各州縣稅糧有赴京倉及直隸上納者。路途人難乞量撥十五萬石於西安府華州兩處上納。庶河南民免遠運之勞。陝西民有急款之備。奏下戶部言。京糧難以改撥。其款運真定等府及德州等倉米麥共十四萬石。宜准撥赴陝西備用。從之。○雲南布政司奏。舊例所屬大理等府趙州等州縣歲辦差發馬七十八匹。送雲南都司給軍騎。操然多倒死無益。乞折徵銀為便。奏下戶部言。宜聽每匹折銀十三兩。於官庫收貯。如遇缺馬。就給與軍衛費用。從之。○廣

丙賊韋萬王伏誅萬王慶遠陸河村種人自永樂時稱王聚各
峒蠻攻劫柳慶思恩諸城邑指揮御史皆為所害沒官軍勦賊
之萬王脫走更名公裸至是為安遠侯柳溥所擒并其徒八百
餘人悉誅之○癸亥遣中官祭可窳之神○書諭鄭世子祁鏗
曰得秦宮中巫女婦使令欲於本府軍校之家選取寡婦待允
所奏書至宜令長史司儀衛司尊收所官公同直審果艱難無
所倚者陸績選二十人仍量給官錢以卹其家務出所願毋事
逼抑致人怨咨○甲子命陝西故都指揮僉事張儀子傑襲為
指揮同知都指揮僉事宋成孫傑代為指揮使沈源子瑛代為
指揮同知○亦力把里等處也密力虎者王道使臣賚夫刺等
建州左右衛并成討溫等衛野人女直指揮沙隆加等來朝貢
駝馬玉石貂鼠皮賜宴并紵絲襲衣絳段表裏有差○乙丑陞

廣西太平府照磨揭冕為本府試通判時太平所屬土官及軍
衛官填累疏保冕質直勤慎寬厚得夷民心吏部具以言上
曰軍民土官既皆保冕必其政有可觀姑陞為試通判令按察
司官詢察其政俟三年後其實來聞斯可實授但扶同害民恣
誇罪不貸○兀之吾衛指揮奴答阿資河衛指揮答龍哈等俱
以朝貢至涼言黑龍江野人頭目兀里忒必哥等各欲詣京朝
貢乞賜勅諭之禮部尚書吳濬言宜聽其自來未可允降勅諭
上曰然○丙寅命右軍都督僉事吳亮子紀代為指揮僉事
○命赤斤蒙古衛故指揮僉事班察子朵兒只巴襲職天里不
衛指揮僉事咬納子普里的兀者衛指揮僉事夫刺子鎖古脫
俱代職陞幹蘭河衛指揮使弗羊古馬都指揮僉事○大同左
叅將都督僉事石亨奏比羊尾刺朝貢使臣動二千餘往來棧

送及延住稱月供牛羊三千餘隻酒三千餘罇米麥一百餘石
鷄鵝花果諸物莫計其數取給官糧不敷每衛助銀完辦其卓
凳釜甕之類皆軍民應用早日所存無幾寧過牛羊等皮亦係
折糧之物遞年銷費無存臣近奉命提督切思醜虜絡繹請求
無厭雖朝廷優禮遠人下此之計然非處置有方則亦不免勞
費官私今將可行事宜條列以聞一夫應酒先將米麥分派軍
民之家貿易擾害請自今頒米麥官釀其糟醱養牲以待支用
一自正統七年迄今宰過牛羊皮及剪絨羊毛已賣銀三百餘
兩貯庫足充自後花果油鹽諸費一卓凳釜甕之類見存者印
記收官缺少者官為措置俱令人收掌應用免致遞年分辦一
留住大同使臣軍民日逐俟俟供億不敷少離請如京師例三
五日一次供送一在先支侍委各屬衛官住住畏懼折辱莫敢

誰何請目今委能幹都指揮一員管領而臣總提督之庶易為
搏節不致侵欺 上謂禮部臣曰亨所言於軍民誠有益宜志
從之其以山西行都司都指揮僉事張淮大同府推官孫審不
妨本職掌領諸事聽亨總督務在上不夫朝廷柔遠之意下足
使軍民兩便○丁卯陞泰寧衛指揮僉事安察為都指揮僉事
以其屢修朝貢多効忠勤遣人乞陞也○叅贊寧夏軍務大理
寺右寺丞羅綺奏守備廣武營都指揮使種興貪黷不法左叅
將都指揮使丁信嘗妄奏興擅改軍政乞皆治其罪因舉降職都
指揮僉事劉源驍勇老練乞復其官代興守備 上曰信姑不
問與令從實目陳兵部其即查源降職事情以聞○戊辰歲暮
享 太廟○以明日正旦遣官祭 長陵 獻陵 景陵○遣
太常寺官祭五祀之神○遣旗手衛官祭旗纛之神○是歲天

下戶口戶九百五十三萬七千四百五十四口五千三百七十
七萬二千九百三十四田地四百二十四萬七千二百三十九
頃田賦米麥二千七百一十五萬五千九百五十八石絲五萬
七千五百七十一斤絲一十八萬五千三百七十二斤絹一十
九萬二千八百六十七匹布一十四萬四千三匹絲花一十八
萬九千五百三十六斤折色鈔七萬七千六百六十八錠有奇
雜課鈔九百三十九萬六千九百四十錠有奇米麥七萬七千
四百八十七石鐵七萬四千五百八十四斤布一千七十四匹
鹽課鹽二百九十二萬五千七百一十二引折色鈔一千九百
六十三萬三千七百六十六錠米四十八萬八千三百一十三
石布七百八十六匹茶課茶五十五萬三千七百五十斤折色
鈔九百三十九萬六千九百四十一錠屯田子粒二百八十萬

四千二十石採納銀一萬八千九百二十兩水銀二百五十斤
硃砂一百七十斤漕運京師價運過米豆四百四十六萬五千
石各處運納糧一百一十一萬五千三十三石減免天下官田
等項稅糧計米麥一十四萬九千四百一十石有奇

大明英宗睿皇帝實錄卷之一百三十六終

大明英宗睿皇帝實錄卷之一百三十七

正統十一年春正月己巳朔 上詣 奉先殿 皇太后宮行禮畢是日立春順天府官進春 上御奉天殿受之并受正旦朝賀禮大宴文武群臣及四夷朝使 皇太后 皇后免命福朝賀○庚午文武百官朝親王於奉天門東廊○辛未 宣宗章皇帝忌辰遣官祭 景陵○河南都指揮使夏忠等奏先奉兵部移文各衛所守城官軍精閱一千六百人分作二班操練聽候今寧夏總兵官都督同知黃真行催前去殺賊未敢擅調上曰真未奉朝命擅自調撥宜治以罪今姑釋不問若再犯不宥其官軍只著在原衛操備○壬申勅大同總兵官武進伯朱冕宣府總兵官武定侯郭瑄等西洋河口互通外境任為衝要宜照洪武永樂舊制以河為界各嚴防官軍協同守備若有疎

虞及遇警不即答應俱重罪不宥○勅奉寧衛都督僉事拙赤等朵顏衛都指揮同知朵羅干等福餘衛都指揮同知安出等曰茲爾等以正旦節各遣頭目來朝貢馬特以綵幣表裏付各頭目齎回頒賜及得爾等奏瓦剌欲遣人馬於爾處採索阿魯台之孫請朝廷憫卹及稱遇急欲移部屬潛避邊境山谷朕從所奏勅邊將不許侵擾其阿魯台之孫聽其來朝保全身命爾等又奏欲遣人往女直與都督剌塔等議和悉聽其便但在各守禮分共圖悠久女直事啓釁以取罪戾朕以爾等忠事朝廷故以至誠諭之爾等其欽承毋忽○陞考即兀衛都指揮僉事哥哈為都指揮同知命福餘衛都指揮僉事孛都弟脫木兒不花為正千戶故指揮同知劄木赤子囉瓦建州左衛指揮僉事著哈子沙魯哈毛慎衛指揮僉事波里子塔里必俱襲職○甲

戊孟春享 太廟○遣中官祭司戶之神○丙子以大祀 天
地 上御奉天殿誓戒文武群臣致齋三日○丁丑勅工部曰
今歲事方新宜與民同樂在京見役諸色匠作除紫用工程外
其餘不急之役俱令休息二月初一日仍舊上工因犯計日准
工所司務奉公守法俾人受實惠○陞迪非危刺使臣指揮僉
事紐陽等為指揮同知斷事落幹夕為指揮僉事同知回玉朵
羅歹大使湯宇羅司徒約里把泰政脫木兒等為正千戶同
知格干帖木兒參政送兒火著等為副千戶○己卯大祀 天地
于南郊 上還謁 皇太后畢出御奉天殿文武百官行慶成
禮○泰督寧夏軍務右僉都御史盧審奏寧夏等五衛旗軍餘
遇見操哨差使多逃避別處乞勅總兵鎮守等官今後若此者
俱執問明白發沿邊墩堡立功哨瞭一年從之○庚辰以大祀

禮成 上御奉天殿大宴文武羣臣及四夷朝使○賜司禮監
太監王振并各監太監錢僧保高謙曹吉祥蔡忠白金寶楮綵
幣諸物仍命振姪林為錦衣衛世襲指揮僉事僧保姪亮讓姪
王吉祥弟整忠姪英俱為錦衣衛世襲副千戶初振曰朕惟旌
德報功帝王大典忠君報國臣子至情此恩義之兼隆古今之
通誼也爾振性資忠厚度量宏深昔在 皇曾祖時特以內臣
選拔事我 皇祖深見眷愛教以詩書玉成令器委用既隆勤
誠益至肆我 皇考念爾為 先帝所器重特簡置朕左右朕
自暮宮至登大位前後幾二十年而爾夙夜在側寢食弗違保
衛調護克盡乃心翊翊維持靡所不至正言忠告裨益實多茲
特賜勅給賞擢為爾後者以官詩曰無德不報言曰謹忠惟始
朕眷念爾賢勞斯夕不忘爾尚體至意始終一致我國家有無

糧之休爾亦有無窮之間○戶部尚書王佐言每歲春勅差官分往山東河南北直隸督軍民官捕蝗今歲宜差在京堂上官上曰凡事有備無患爾能體朕恤民之心預戒蝗患誠可嘉也宜如爾言之○山東按察司副使王憲言遼東屬衛刁卒多懼保遣故興訟以求脫免其誣訟者宜令修沿邊護屯種溝墉毋但杖遣遂其計事下提督遼東左副都御史王翱議以爲遼東諸處溝墉已備無庸修理且曰此輩寧肯盡力事事不若仍故例使上曰翱議是也○雲南布政司奏所屬臨安等府州縣部運稅糧爲因山高路遠挑擔艱難止帶馬牛銀兩前去變賣糴米上倉近因米價高貴不能完納勸得武職官多有藏田白買馬牛操備耕種乞將府州縣齋到牛馬銀兩等物照時價兩平兌與武職官每年自九月收成後起至下年二月終

止准作俸糧其餘月分該支糧米仍收本色上倉按月核陳支
給庶官民兩便稅糧易完從之○瓦剌太師也先所遣朝貢灌
頂國師刺麻禪全精通釋教乞大賜封號并銀印金襴袈裟及
索佛教中合用五方佛畫像鈐杆鏡鼓鐃絡海螺呪施法食諸
品物事下禮部議尚書胡濙等以爲稽無舊例請裁之 上曰朕
撫御外夷一惟 祖宗成憲是式今也先妄求既無舊例豈可
勉徇其勿予○辛巳秦寧衛都督拙赤遣指揮土木兒赤斤蒙
古衛都督阿速達等遣指揮却兒加毛慎等衛女且指揮人等
監卜等來朝貢駝馬方物賜宴并紵綵襲衣綵幣表裏諸物有
差○廣東署都指揮僉事王清奏臣父鐸年老有疾在原任山
東濟寧左衛居住不能就食乞將該支俸糧一年分文養贍從
之○戶部奏先因兩京庫鈔支用不敷奏將去年河南等布政

司直隸常州等府夏稅小麥除存留備用及運納各倉外每一石折收鈔一百貫起解京庫即今鈔法流通往來銀一錢實鈔至一百貫今止賣四五十貫已將今年各處夏稅小麥該折徵鈔費者每一石徵八十貫庶不累及民難從之○壬午命直隸大名府開州判官林伯興復任陞正七品俸伯興專管馬政九年考滿州民赴巡撫侍郎薛希璉處保其公勤得民乞留之希璉以聞事下吏部覆奏宜從民情故有是命○陞晏寧衛正千戶乞劉石馬指揮同知建州左衛指揮僉事阿哈里老疾命其弟速苦代之○癸未上元節宴文武百官賜假十日○把總備邊河南南陽衛指揮同知邢山奏本衛及直隸寧山衛等所轄軍兒調延安綏德等處守邊備冬乞照在彼隻身旗軍例開冬衣布花鈔錠庶免寒凍之苦上諭戶部臣曰旗軍遠赴邊陲

比之原在邊者尤加跋涉勞苦况同受寒而給賜禦寒之需豈可有異宜從山所請與之○中都留守司奏有虎入 皇陵工城內命太監雷春等量撥官軍往捕之○甲申禮科給事中李實以和州判官劉若冲發其為進士過家持不法諸罪下獄○乙酉守備寧夏都指揮使神興奏左叅將都指揮使丁信全隨來京衛官旗侵占莊田徇集附近軍餘耕種宜勅總兵叅贊等官勸實取發回京為便從之○丙戌勅大同宣府總兵等官武定侯郭玘武進伯朱冕等曰暈因瓦剌使臣來朝屢勅爾等遣撥官軍護送及嚴禁軍民人等不許盜竊使臣馳馬行李等物今彼正使皮兒馬黑麻等奏稱在途走失駝二隻馬六十八匹原其所自乃爾等禁治無法護送官軍不得其人致失朝廷待夷人恩信之意况去歲朝廷遣使至彼有失馬匹等物也先昏

追索送還今假使臣於爾等所轄地方走失馬駝數多爾等為
將守邊疎畧如此寧不有愧傳聞于彼何以示朝廷禁令或奸
人構言啓釁必由于法今姑記爾等之罪勒令須設法狹寬前
項所失果有實蹟者擒問追治自今凡使臣途中有失必罪不
貸○丁亥福建都轉運鹽使司奏本司廣盈庫止收客商納還
例換引目別無辦理本蘭陂寧德埔村浯浦渡三處批驗鹽引
所自永樂間至今並無經過客商鹽秤掣請供革裁為便從之○
戊子賜危刺等處使臣皮兒馬黑麻等一千九百人宴○勅錦
衣衛指揮同知王山千戶鄧宣曰比聞在京口外官員軍民人
等往往通諸匠作私造軍器等物俟危刺使臣回日於間僻之
處私相交易甚至將官給軍器俱賣出境該管官司縱而不問
又所在頭目有假以送禮為名將箭頭貯于酒罈子張裏以他

物送與使臣此等論罪惡當誅教令使臣將回特命爾等領旗校自居庸關至宣府大同凡使臣經過去處巡緝敢有似前潛將軍器與之交為者即擒解京有干應奏官員具實奏聞違問如爾巡捕不審事發昏重罪不宥仍須嚴禁帶去旗校人等不許依勢作威誑索官民財物但有犯者即爾之罪○兀剌使臣將回上以北虜狡黠或假迎取使臣為名縱兵束間入寇或兀良哈達賊邀截使臣歸路肆行劫奪勅大同等邊諸總兵參將等官振肅軍威嚴督城堡以隄傳護送之○添設直隸鳳陽大名二府并開州同知各一員長垣縣滑縣縣丞各一員職專撫民泗州天長縣縣丞一員撫民無理詞訟從巡撫侍郎蒞希聽奏請也○置浙江金鄉等處公館二十九處從都指揮僉事高舉奏請也○甘州左衛中所工官副千戶王海奏乞將原調

舉守備土軍餘雜泛差徭量高蠲免從之○己丑賜隨進非使
臣來朝回回鎖魯種并以必兒洗必兒等處使臣倒刺火者等
一千八百九人宴以其回也○命翰林院檢討錢溥復任以丁
憂服闋也○庚寅命瓦剌太師也先靖遠正使海塔孫為指揮
僉事副使把瓦火者為正千戶藩牌人哈撒為副千戶○賜錦
衣衛試百戶金勉小旗潘祥人鈔二千貫以黃村緝獲強盜功
也○陞吏部驗封司主事趙敏署本司員外郎○吏部尚書王
直等奏考功司舊設主事二員後裁減一員官少事劇乞仍舊
設二員為便從之○直隸上海縣糧長盜鬻餘糧一萬四千四
百餘石縣民訴之下巡撫侍郎周忱巡按御史鄭顯寬治忱顯
私有所庇都察院請治其罪上命宥之○辛卯賜瓦剌歸遣
使臣桑哥失并亦力把里使臣審失刺等宴○大慈恩寺僧吒

失把馬其師灌頂國師鋪南釋刺求襲馬師祖西天佛子大國師并刺麻桑加巴等各求授都綱等職不允○壬辰陝西永昌等衛金川等寺刺麻當思巴藏卜并五臺山圓照寺刺麻叭的麻孤麻囉四川馬湖府泥溪長官司司長官王萬叔州府長寧縣土民通事羅崇廣東新興縣徭首侯滿山等來朝貢馬及方物賜綵段表裏等物有差○山西太原府陽曲縣知縣燕雲堯任曲沃撫字有方府徵派取供應羊數百雲假以生日間宴富民聞之爭獻恐後既足派取之數即止其不勞民而事集多類此丁憂服闋除陽曲使民之政不減于前九年考滿屬民保留陞正六品俸優任至是巡撫少卿于謙布按二司俱奏乞陞為潞州知州從之○擢進士葉武為刑部江西司主事○癸巳瓦剌使臣皮兒馬黑麻等陞辭上命馬雲為青馬正使周洪詹昇

為副使齎勅書綵幣等物與之同往賜進北可汗并太師巴先等○建州右衛都督凡察男阿哈答奏葉同凡者衛都督刺塔男阿的納建州衛都督李滿住男亦的哈來朝人賜紵線衣三件綵段二表裏今所賜視前少綵段表裏一乞足之 上命禮部稽例以聞尚書胡濙等言舊例野人朝貢人賞綵段一表裏紵線衣二件正統九年阿哈答保凡察男初來朝貢奏加賞綵段二表裏紵線衣三件今阿哈答等復來朝貢款增賞如初來例難允 上曰外夷賞賜朝廷已有定制今爾禮部乃任意增損以啟彼狼貪之心罪本難容姑曲宥爾自後宜悉如舊毋得擅有增損○雲南按察司僉事李瓊言三事一比因麓賊犯邊設騰衝指揮使司調官軍一萬修築城垣然連年兵戈未息旱澇相仍且工程浩大倉庫空虛乞暫停止以蘇罷困一殘寇思

機發竄伏孟養遣弟招寨進貢乞慎宜因其悔罪曲宥寬貸量
與小職協管地方庶邊境寧息一金盞騰衝景東臨安等處與
交趾車里木緬諸夷接境多有官軍人等入番買賣泄漏事情
宜如巡閱及防倭事例委雲南三司官一員往來提督巡視
上曰朝廷整飭邊備撫安夷人要在經又兵部還移文總兵鎮
守等官計議務在地方寧靖軍民得所毋得徇私偏執貽患邊
陲○山東東昌府通判傅寬高按察司副使王裕所黜遂評裕
貪濫 上命巡按御史計澄并巡河御史韓雍共治之時澄方
薦裕為布政使適雍迂道歸蘇州遂徑行棗不俟雍至雍憾之
且懷澄嘗嘗已不達刑名遂狀裕濫汚澄以鄉人妄薦於是澄
裕破違下錦衣衛共疏雍枉道歸家搜私陷已諸事刑部請并
治雍 上置雍不問澄生贖杖命調為府推官○甘肅總兵官

寧遠伯任禮等奏陝西西寧衛極邊四面俱係番夷雖有都指揮魚事汪清在彼鎮守兼掌衛事不能時常親詣撫治其本衛指揮使莫麟管事公勤善撫士卒宜令清職專鎮守操練軍馬撫諭番夷禱掌管衛事庶兩不誤事邊方寧靖從之○府軍右衛署都指揮僉事金玉老疾命其子洪代為指揮僉事○甲午命脩太廟○吏部言巡按直隸監察御史間寬奏知府等官張順等十員老疾送部臣等查得各官年歲俱未及七十又不備言有何疾病中間恐有精力才行還堪任使之入宜移文續差巡按御史覆實奏聞從之○貴州都指揮僉事張景生索賂諸罪當贖徒復職上特命降為馬市官發廣西殺賊立功○乙未設直隸大名府開州金陵巡檢司置巡檢一員從巡撫侍郎鮮希璉奏請也○應天府江浦縣江淮驛奏本驛自宣德元

年收定料豆一千五百石在驛聽候經過官軍馬驢支給除陸續放夫外見存五百二十餘石年久泡爛無處支銷請令南京戶部詳量價直轉行應天府變賣鈔買收貯備用庶官得實用民無負累從之○浙江右叅政高峻言朝廷發官軍坐禱死及徒流者於各邊立功贖罪來到衛所未幾即逃宜令官必有功始復職軍即定伍其處奏下法司以為如此則法太重將逃者愈衆不若仍舊例便遂寢不行○日生背氣一道色青赤復生白虹彌天○丁酉直隸潼關衛奏本衛所募軍餘丁俱在陝西西安府同華二州朝邑等縣地方屯種去歲自春至秋旱澇相仍未稼收成數不等乞為分豁以蘇困苦事下戶部勘實請照上年例全無收成與一分至三分者悉免之六分七分者每糧一石折鈔五十貫草一束五貫四分五分者每糧一石折鈔

三十貫草一束三貫如無鈔貫聽納布足從之。○戊戌權行人尚被為南京貴州道監察御史訓導張承翰為南京河南道監察御史俱以間刑半年考中也。○侵除監察御史李彬於浙江道上官尹於南京湖廣道劉仁宅於南京四川道俱以丁憂服闋也。○命直隸順德府同知徐彬山東兗州府寧陽縣管馬縣丞齊都復任彬都俱滿九年屬民懷其善政各請留之故有是命。○設遼東苑馬寺永寧監復州龍潭二苑置園長各一人從遼東總兵官都督同知曹義等奏請也。○陞遼平江衛指揮僉事綽必為指揮使阿真同真衛指揮僉事探塔哈為指揮同知頭目舍人工達七忒掃撒哈管先為副十戶納亦哈僧華為百戶以綽必探塔哈二人屢來朝貢令回忽魯孩地面出力報効俟其有功再與陞授

明英宗睿皇帝實錄卷之一百三十八

正統十一年二月己亥朔勅諭沙州衛都督僉事喃哥等亦斤
蒙古衛都督僉事阿達等軍東衛都指揮班思結等曰爾等三
衛近處西陲適因迤西朝貢使臣回命爾等撥人馬護送爾乃
掠其財物朕矜爾等初犯但勅爾等追陪使臣財物悉宥已往
之罪今特命邊將帶領官軍往爾三衛地方護送外夷使臣敢
有不遵法令仍前恣肆劫掠使臣及交結外夷為惡者依法擒
捕懲治若爾等黨惡罪亦不宥如爾等境內寧靖使臣通行不
為遠夷欺誘朝廷嘉賞爾功必不吝惜爾其欽承之○陞哈密
使臣副千戶阿都剌馬指揮僉事伯火只為正千戶命指揮同
知兀馬兒火者子綽刺克襲職○巡撫山東大理寺右寺丞張
驥言三事一山東人早即伐斫葬者塚墓殘其肢體以為早所

由致名曰打旱骨棒此豈惟褻瀆天地且搖人心請嚴其禁一
臨清土聚善庶獄訟有連軍民者必會平山衛首領官鞠之首
領官有他故即以屬千百戶此輩法律不閑倒置是非其弊甚
多宜務臨清千戶所為守禦千戶所除吏目一人以便會鞠一
山東所屬永利諸鹽場以無御史視盜販者多非批驗所所
能制其地密邇長蘆諸鹽場宜即以兼命巡鹽長蘆者 上命
所司議行之○庚子命改建州衛指揮同知土城哈子兀稱哈
兀寧哥子必桑加指揮兼事郁亭哥子兀苦納俱襲職陞正千
戶弗羊苦為指揮兼事命都督董山弟綽顏為副千戶○辛丑
皇太后聖節 上率親王上壽免命婦朝賀賜文武百官宴○福
餘衛都指揮同知安出達頭目阿多歹朵顏衛都指揮同知朵
羅干等達頭目哈刺等來朝貢馬賜宴并織金綵帶表裏等物

有差○壬寅陞毛憐衛都指揮僉事北赤備同都指揮同知卽
卜兒罕俱為都指揮使指揮僉事賽住哥為指揮使監卜鎖羅
幹根帖木亦合哈牙失哈俱為指揮同知正千戶大赤納木答
哈莽哈副千戶搭塔木俱為指揮僉事赤斤蒙古衛都指揮僉
事可兒即為都指揮同知正千戶東古魯宗塔兒俱為指揮僉
事罕東衛指揮僉事可兒加為指揮同知正千戶阿撒干為指
揮僉事建州衛指揮使李土蠻為指揮僉事指揮同知苦赤塔
夫俱為指揮使指揮僉事買克你為指揮同知正千戶土哥帖
木兒思夫塔副千戶沙魯俱為指揮僉事毛憐衛指揮同知把
連子莽刺哈答吉子得克指揮僉事伯連子苦女等建州衛指
揮僉事兀罕住子歹沙幹乞子連古等俱襲職毛憐衛指揮同
知薛哈列子添住指揮僉事雙忽奴子南失福魯答子阿羊哈

等建州衛指揮僉事你哈子授徽等俱代職○浙江提調學校
僉事花潤生連為所黜生員發其考選不公都察院問如律以
老贖從之○南京中軍都督僉事徐景珩卒計聞上輟視朝一
日遣官致祭命有司治葬○癸卯旌表孝子成貴節婦趙氏等
十一人貴武驥左衛軍餘楊智山西介休縣民女喪廬墓孫禮
直隸新樂縣民父喪廬墓皆旌其門曰孝行趙氏元氏縣人庖
彬妻避兵遇賊義不受辱投崖而死旌其門曰貞烈周氏江西
南昌縣民熊聰妻徐氏遼東金州衛總旗張俊妻李氏南昌縣
民龔本義妻喻氏南昌縣民吳庭春妻曾氏南昌縣民明思教
妻胡氏進賢縣民吳安泰妻呂氏應天府上元縣匠趙壽孫妻
李氏直隸廣平縣民郝三妻余氏進賢縣民熊叔信妻俱家貧
守節旌其門曰貞節○亦力把里等處地面也密力虎者王等

遣使臣審夫刺等來朝貢馬駝及方物賜宴并金織襲衣等物
有差仍命審夫刺齋教并綵帶表裏等物賜賜其工及王母等
有差○甲辰陝西岷州衛刺麻那兒卜四川馬湖府通把事年
本等來朝貢馬及方物賜紵綵表裏等物有差○丙午命直隸
保定府東鹿縣典史潘峻復任陞從九品俸峻在東鹿無暴政
九年將滿邑民保留巡撫侍郎薛希璉為民奏請故復之○丁
未釋奠先師孔子吏部左侍郎兼翰林院學士曹鼐行禮○戊
申祭 太社 太稷○遣順天府官祭先農之神○己酉巡按
直隸監察御史李奎言六事一方面諸官宜仍行洪熙以來會
舉之法使賢否悉歸衆論毋令各舉所知一教官宜令內外諸
正佐官各舉所知有嘗出身科目而生累充軍為民無贖過者
亦聽其舉一諸處城池煙墩兵器及講閱之法因承平日久廢

弛不理請時令御史簡閱之一御史職專撻激而巡街巡倉宜
革之又奸污官吏被黜者多肆誣告以是御史見惡不敢擒宜
罪誣者以越訴一養濟孤老有司多視爲文具宜令及時給以
日用寒暑之需否者重坐以罪一土豪恣肆有生罪者宜令輸
軍餉以代平民之勞章下六部都察院議言俱有成令遂寢之
○庚戌遣官祭宋丞相文天祥○琉球國中山王尚忠遣使臣
阿普斯古等來朝貢馬駝及方物賜宴并綵幣衣裏等物有差
○鎮守松潘都指揮僉事王杲奏松丫子乾溝子等處番蠻擄
掠運夫殺死官軍 上勅四川都布按三司委堂上能幹官同
巡按御史會臬設法撫捕還查各衛所可調征進官軍各倉見
糧儲及勦殺方畧奏聞區處○大僕寺少卿沈升升字志行
浙江海寧縣人嘗教陳王道登永樂甲申進士 太宗還燕嘗

士升與高久之授刑部主事命修永樂大典性理大全諸書書成有絲幣之費戊戌拜四川之布政司右叅議丁憂起復調河南布政司尋命叅贊荊州等處軍務宣德十年召還陞北京太僕寺少卿至是卒遣官祭葬作為少卿秩滿以百金玉帶獻中官王振冀得顯官振殊不為意已而復職升大失所望鬱鬱而卒○辛亥勅諭兀者右衛野人都指揮失列格及大小頭目人等曰近得邊將奏爾兀者右衛野人捧速隨同逃叛犯人劉跽子入境為盜罪本當死朕姑令監候今爾等差人來朝請罪乞憐特屈法伸恩宥捧速之罪追回爾處令其出力報效以贖前愆如爾部屬中再有犯者并爾該管頭目一體論罪不宥○命修慶陽衛及環縣前千戶所城○山東寧海衛金山守禦千戶所以戊辛數少請欽其城三十餘丈以便分守從之○壬子命

萬全石衛陣亡指揮使江洪子山為萬全都司都指揮叢事○
設陝西寧夏衛漢僧綱司直隸隆慶州僧正司永寧縣僧會司
山東汶山縣僧會司署都綱副都綱僧正僧會如制○甲寅命
故遂安伯陳英男塌襲封遂安伯○應天府請修理上元縣治
直隸徽州府請修理府治蘇州府請修理府學安慶府請修理
望江縣治俱從之○乙卯陞中書舍人龍文為吏部驗封司員
外郎○夜火星犯平道東星○丙辰遼東自在州指揮亦夫哈
遣舍人修鍾陝西涼州衛刺麻也失藏卜靖虜衛刺麻桑迦班
丹河州衛刺麻賞木班丹臨洮府刺麻端岳肖臨洮衛刺麻堅
泰亦失西寧衛刺麻僧徒絳輝等來朝貢及方物賜宴并綵幣
不裏等物有差○丁巳廣東徭賊八百餘肆掠石城遂溪諸縣
巡按監察御史張子初奏都指揮使何貴署都指揮僉事張玉

左布政使吳揚左叅政龔麓僉事楊輔不能協力勦捕都察院請命子勅提問從之○戊午瀋府平遠王倍燭堯王瀋簡王庶第三子母屠氏永樂六年生十二年冊封至是薨年三十九計間上報視朝一日遣官賜祭謚曰倍靖命有司營葬○陞浙江處州府通判黃聰為本府同知聰提督銀場深得民心九載任滿當去屬縣民八千餘人告留知府張佑去以聞政陞之仍理前事○廣東署都指揮僉事張演縱家奴市鹽多不法為地按監察御史孫泓所奏演伏罪宥之○庚申增置處州府麗水青田縉雲慶元松陽龍泉六縣縣丞各一員專管銀場○夜月犯南斗○辛酉以異氣現于華蓋殿金頂及奉天殿鸛吻之上上遣官昭告于昊天上帝后土皇地祇曰屬以眇躬祇承大統仰膺眷命邦家底寧茲者上天言象異氣現于華蓋殿金頂及

奉天殿鳩吻之上此蓋 天心眷愛特示昭警省躬自咎寢食
弗寧祇懼憂惶因知攸措齟齬 大德俯賜矜憐潛消沴氣啓
迪愆衷修明庶政俾家國永寧民物康阜不勝悚切懇祈之至
謹用昭告伏惟鑒知○禮部尚書胡濙等奏請出給僧道度牒
上命在外府州縣遵永樂間定額惟南京度僧五百人北京
度僧一千人○翰林院學士蘭從善辛從善河南彰德府磁州
人永樂末由教職選侍 皇太孫宣德初與修 兩朝實錄陞
司經局洗馬正統初與修 宣宗實錄陞翰林院學士經筵講
諸語音洪亮確實無華處已待人內外如一於學術造詣則踈
淺云○癸亥勅諭五府六部都察院大理寺等衙門官曰朕嗣
承 祖宗大統祇體 天心撫綏黎庶夙夜惓惓罔敢怠忽茲
當春陽和暢萬物發生之時尚慮軍民未盡得所特推寬恤之

典用廣好生之德合行事宜條列于後爾等職專庶務與國同體凡有可興利除弊便益軍民者悉具以聞副朕體天恤人之意一法司錄衣衛見監重囚但情罪有可矜疑及累訴冤枉不曾辦理者三法司會審情詞其實開奏其見問雜犯死罪徒流罪遞減二等杖罪以下悉與寬宥一官員軍民人等有為事間發做工運灰運磚等項雜犯死罪徒流罪遞減二等杖罪以下悉與寬宥其有枷號人犯悉皆踈放依例減免一在京文武官并總小旗有為事任支俸糧并支半俸者照舊開支一南北直隸并各省政司去歲被災去處但有見徵拖欠存留稅糧賑濟倉糧屯種子粒及一應該追虧欠物件俱暫停徵俟秋成徵納具軍民倒死虧欠竄盜走失羣牧寄養長生騎操等項馬騾牛羊等畜俱俟秋成買補一軍民採辦柴炭自正統十年十二

月以前拖欠未完者俱各免追一各處赴京輪班人匠自正統十一年正月以前逾年失班者俱免罰役止當正班一在京各衙門見追贖罰等項物件未完者具實開奏一在京見役并書辦吏典果有人物鄙猥寫字籠拙又有疾貧難者各衙門堂上官審送吏部驗竄放回為民一在京人匠醫士廚役等項果有殘疾及年七十以上不堪應役者赦免寧家應僉補者所司僉補一各處逃軍逃囚逃匠人等自文書到日為始限三箇月以裏赴在官司首告悉免其罪各還原役一武職官子弟應襲替優給赴京者果保勘明白兵部即與施行一各處操備軍士有原係屯軍撥補之數其家小在原衛所者本軍該支月糧務要按月支與養贍毋令失所一各處逃民安插已定者所司務加優卹令其安業不許科擾違者聽按察司建按御史察實拿問一

五府六部職掌分理庶政各堂上官宜躬勤表率下僚使人知所嚴憚凡合行事務及一應文移須自用心檢點當行者即行毋縱容下人徇私作弊致人夫所一三法司職掌天下刑名伸冤理枉扶正抑邪斯稱厥職凡問囚犯務須詳細推冤俾情當其罪或有冤抑即與勘牌應奏請者具實開奏一各處巡撫官及三司推選堂上廉能官同巡按御史巡撫所屬提督軍衛有司勸課農桑凡一切不急事務悉與停止或有軍民不便之事及可興利革弊便益軍民者悉具實以聞一內外衙所軍官須用心愛恤軍士養其銳氣凡解到官軍尤須嚴督該管官旗加意撫卹務令得所敢有隱占并剝削侵害逼令逃竄者在京從巡視給事御史在外從按察司巡按御史時加體察舉奏寬問一方面知府必選用得人然後民受富惠今後該保官衙訪察

素有清譽才行堪任者從公舉保庶惟公論敢有徇私受賄濫保僉僉不律之徒聽六科十三道體實劾奏一各處方面及府州縣官額設弓兵皂隸人等務從公點差敢有私於所管官司索取及受冒豪奸民投託濫用太多不將富民應嘗差徑靠累小民逼迫逃竄者聽御史按察司官從公舉問一各府州縣累有貪官污吏及強橫豪民狹制官府欺壓小民為一郡一邑之害者御史按察司官即便拿問究治應奏者具實奏來庶使奸頑歛迹良善獲安○命故武安侯鄒能男宏襲封武安侯○命故萬全都司都指揮僉事祝銘子英襲為指揮使金吾左衛指揮使周顯子勇羽林前衛指揮同知江通弟達趙可失禿子昂燕山左衛指揮同知楊昇子景金吾右衛指揮同知楊昇子輔府軍後衛指揮僉事董壯子英金吾左衛指揮僉事林清子宗

陳廣子俊林金子勝濟川衛指揮僉事劉夫亮金子通金吾後
衛指揮僉事李忠子福俱襲職永清右衛指揮同知周彞子啓
襲指揮使以彞有征麓川功也○甲子勅諭雲南隴川宣撫司
宣撫恭頌同知刀歪孟副使刀落囊僉事隴道并百夫長罕賢
等曰得雲南總兵鎮守等官奏該爾等請給印信及乞千戶蘭
愈撫治地方等情具悉朝廷昔念爾等忠誠特為開設衙門頒
給印信除授職事爾等不能奉宣國恩乃致小人乘機劫掠印
信論爾罪在不宥特寬置不問今從爾等所言鑄造印信命蘭
愈齎去付爾恭頌收掌就令愈在爾隴川協同爾等管治人民
爾等自今亦宜體念朝廷大恩使一方人民安妥地方寧靖庶
使副朕任使之重爾等其欽承朕命毋怠○書復宜川王志傑
曰承諭妃逝請封冊室孫氏等撫恤理家具悉然內政宜百所

屬而奉祀尤得青賢况封秩舊有定例名分不可濫及今特封
孫氏為夫人凡百家務悉令管攝庶幾事有所專禮分不惑○
太僕寺奏正統十年所屬府衛孳生馬騾駒計六萬三千五百
六十一疋○陝西都指揮僉事陳玘老疾以其子欽代為指揮
使○丙寅陞陝西道監察御史馬恭為都察院右僉都御史先
是恭在陝西勸贊軍務延安等衛官軍三千餘人告保恭公廉
有為乞陞其職 上不允至是鎮守都御史王文等又具奏乞
陞之故有是命仍令理前事○復除貴州道監察御史嚴敬於
湖廣道以丁憂服闋也○增置河南開封衛輝彰德三府通判
各一員磁陳二州判官各一員封丘蘭陽儀封陽武項城考城
汲淇輝胙城新鄉復嘉安陽湯陰臨漳十五縣縣丞各一員管
馬○丁卯安鄉伯張安下錦衣衛獄以戶科給事中錢真監察

御史何永芳劾其與弟寧互爭祿米夫義傷情也

明英宗睿皇帝實錄卷之一百三十八

明英宗睿皇帝實錄卷之一百三十九

正統十一年三月戊辰朔禮部右侍郎兼翰林院侍講學士馬
愉奏父士賢老病乞賜歸省 上許之命有司給驛馬廩餼并
家人脚力口糧○下戶部尚書王佐右侍郎儲懋刑部尚書金
澹右侍郎丁鉉馬昂都察院右都御史陳鑑右副都御史丁璿
程富於錦衣衛獄時安鄉伯張安與弟爭分食祿詔違治之法
司以爲戶部所按戶部以爲法司所行延緩推卻致安數日朝
恭如故六科十三道劾其慢命之罪 上怒故有是命尋宥之
○南京中軍都督府右都督陳政卒遣官賜葬祭○己巳罕東
衛羗而族故千戶俺班男朵只他兒四川松潘衛刺麻鎮南劉
南印度番僧釋唱以陝西西安衛刺麻班丹領占洮州衛刺麻
領占朵兒只等來朝貢馬及方物賜宴并綵幣鈔等物有差○

赤斤蒙古衛鎮撫短竹同達可帖木兒來歸賜紅綠布二十疋
命烏頭目送南京錦衣衛居住○庚午清明節遣官祭長陵
獻陵景陵○書僕唐王瓊烜曰承諭上蔡郡主婚期在通請
於本府護衛儀衛司軍校之家選女使十人充用今從所請宜
令長史司同衛司該管官如數選擇相應者給與使令充須出
其父母情願量給以財庶不致人嗟怨有損令德○順天府圓
安縣奏吳家口隄岸決壞渾河及黑洋淀水俱從此衝入其勢
瀰漫不得閉塞決岸之西南有地距水源里許可鑿溝以泄其
勢庶水落而工力可施從之○壬申勅諭西寧使宋瑛寧陽侯
陳懋尚書金濂右都御史陳鏞曰朕今躬詣天壽山謁祭
陵寢特命爾等居守京城提督各門官軍嚴加閤防慎勿怠忽
遂命公侯駙馬伯五府六部都察院等衙門官太師英國公張

轉寺扈從○鎮守寧夏都指揮王榮奏缺草餵馬乞增撥民草
供用鎮守都御史王文言各營湖坡地俱有草可用但各官不
用心提督採刈且陝西民饑供用甚艱糧草撥納額數已定復
何從出乞軟滌仍舊多刈秋青草充用從之○永興王志璞奏
臣女三原縣主儀賓竇鏞成婚有日無房居住乞都指揮僉事
邢端舊宅以居工部言無官房與壁壘例上念親親特允其奏
○浙江右叅議吳昇言福建盜礦諸賊出沒于浙江江西廣東
諸境東捕則西逃南搜則北竄若合而為一其患不小況三司
官僚意見各殊苟謀非已出輒多方沮格遂成姑息致賊勢滋
蔓乞斷自宸衷命有識重臣付以關外之寄嚴立賞格必除亮
惡章下都察院奏宜從昇言上命御史柳華往督福建浙江
江西三司調兵勦之但推奸縱賊必罪不赦○除詔山東海豐

縣倒死沒官牛祖○恭簡寧夏軍務大理寺右寺丞羅綺奏鎮
守太監來福養子福海善騎射有膂力屢從總兵恭將出境勤
寇有功乞授職以旌之 上命烏所鎮撫仍令操備○癸酉
上告 奉先殿遣官祭皇城門之神 車駕發京師駐蹕沙河
遣禮部尚書胡濙祭 天壽山之神○甲戌 車駕至 天壽
山○丙子 上駐蹕陵下○丁丑 上祭 長陵 獻陵 景
陵扈從文武羣臣陪祀○戊寅 駕還駐蹕沙河○己卯吏部
聽選官龐昌獻白兔毛色鮮潔 上命禮部給賞○庚辰 車
駕至京城文武百官軍民耆老人等及四夷朝使咸出迎于都門
外拜呼萬歲 上入大內謁 奉先殿 皇太后宮出御奉天
門朝見羣臣○雲南臨安衛奏衛城先因地震二百餘丈其未
壞者亦皆搖動請修理從之○命工部右侍郎王佑督工修大

覺寺○辛亥遣修武伯沈榮祭京都城隍之神工部尚書王
喬祭司工之神以興工修理城垣故也。賜潞城王遜熈子名長
曰位燁次曰位圻次曰位陳○湖廣施州衛施南宣撫司遣把
事張萬清四川馬湖府土官知府安瀨沐川長官司長官悅福
得蠻夷長官司長官文昌保等遣把事王添泰等來朝貢馬賚
綵幣表裏鈔有差○兵部尚書致仕徐晞卒晞字孟晞常州府
江陰縣人永樂初由吏入仕時建營北京宮殿命勛貴重臣總
之授晞都事功成陞營繕主事宣德中陞郎中尋調兵部武庫
司上即位陞試兵部侍郎往陝西臨洮鞏昌選練軍士既而
虜寇禦殺授邊命晞奏贊甘肅軍務正統丙辰召還實授侍郎
復命往守莊浪涼州晞奏言其地戍士多衣冠故族請建學立
師以作春之尋轉南京戶部左侍郎歲辛酉征麓川命晞督餉

餉賊謀間道焚掠餽程晡訓勵土官出兵擊破之餽道以通麓
川平進兵部尚書乙丑以疾乞致仕陞其子納為後軍都事至
是卒 上輟視朝一日遣官諭祭勅工部營葬○壬午給靖江
王府奉國將軍佐芳歲祿六百石米鈔中半支給○賜宜川王
志暉子名第四子曰公鈔第五子曰公鑣第六子曰公鐔第七
子曰公鉞第八子曰公鎔第九子曰公鈇○兀良哈達子虜去
男子呂文等五人來歸賜絹衣命充御馬監勇士○癸未遼東
三萬衛百戶馬哈刺招諭野人額卜里等男婦十五人來歸給
賜絲帶衣裹鈔布令還遼東間原居住○命故罕東衛正千戶
阿班子公藏思加襲職授舍人朵兒只塔兒為百戶頭目善八
牙為所鎮撫○兗山東濟南等府濱州蒲臺等州縣逃戶夏麥
二萬六千六百三十石秋糧五萬一千七百六十餘石草七萬

二百三十餘束○建州衛撒木合與弟采合及其妻孥來歸顧
居遼東自劾上從之命為所鎮撫○靖遠伯王驥乞歸祭神
先瑩上命馳驛往優賜以楮幣○順天有大興縣知縣馬聰
言京城內外有造諸色偽銀以給人者貧民被其給往往窘急
致死又有號風流漢子者專以賭博致錢酬花酒費或失意費
無所出遂去為盜又有醉臥于道者往往凍死其貧黎困無足
惜但死有可憫凡此皆風化所係臣請彙命錦衣衛五城兵馬
嚴警察之敢有造偽銀者重罪之其銀必張鋪臨通衢毋得
於私僻處爐頭毋得有梅砮玉田沙官軍民家娼妓院毋得有
雙陸骨牌紙牌骰子道有醉卧者冷鋪火夫舉置鋪內伺其醒
枷示之章下法司謂聰言可從造偽銀者宜發充邊衛軍賭博
者送糧口外但枷示醉人非舊典不可行上是之○夜月食

○甲申修理 太廟 社稷壇畢工 上祭告 奉先殿遣工部尚書王彥恭司工之神 鎮守陝西右都御史陳璘恐襄漢間流民嘯聚為亂請命河南湖廣陝西三司躬至其地撫恤之湖廣三司但以屬里老乃盛稱諸逃民之橫陝西三司覆之以里老為誣右都御史王文繼璘鎮守遂業湖廣三司之罪 上命宥之 ○廣西大藤峽蠻賊五十餘宗或三四十人或五六十人流劫鄉村侵犯諸縣巡按監察御史萬節奏都指揮郝真怠於哨捕之罪都察院言御史奏賊情而總兵官柳溥田真不奏宜令三司官覆實從之 ○夜有流星大如杯色赤有光出左旗北行至天津後有一小星隨之 ○乙酉赤斤蒙古衛都指揮可兒郎等違頭目却兒甲等罕東衛百戶奴荅兒判麻剌思已監皆違僧人夫利如來朝貢駝馬勝宴并綵幣表裏有差仍命齋

款及綵幣未裹歸賄可見即等○慶成王弟鎮國將軍羹球夫
人劉氏卒遣官賜祭命有司營葬○丙戌哈密忠順王倒九答
失里遣使臣同知阿黑麻等亦力把里地酋也密力虎者王等
遣千戶馬黑麻麓川思機發遣頭目陶孟力克猛等來朝貢金
銀器皿象馬駝等物賄宴及綵幣未裹等物有差○巡按直隸
監察御史李奎奏永平府灤州等處去歲旱澇相繼秋成薄收
即今民飢者衆乞差巡撫官賑濟其浙江江西湖廣無巡撫官
處亦乞差官巡撫 上曰曩因朝廷無事已減撥各處巡撫官
今若優添設未免多事擾民可不必行○命廣西各衛所征操
軍士糧月給本色米一石從總兵姜遠法柳澤奏請也○丁亥
山西都司署都指揮僉事朱忠等奏按察司副使寇深有謀獻
通武藝臣等每於籌議方畧應變無窮乞宜重任 上命召深

采京試而擢之○命駙馬都尉趙禕掌南京左軍都督府事○
裁省直隸廬州府無為州東口河泊所設本州巢縣焦湖巡檢
司置巡檢一員從知府衛宗孟等奏請也○賞肅州衛千戶王
興等十三人紗絹有差以肅州松栢灣殺賊功也○戊子陞太
僕寺寺丞劉容工部都水司員外郎趙昱俱為太僕寺少卿○
命萬全都司所屬衛所官折俸銀俱准本處米價支給從戶部
右侍郎劉璉奏請也○有謀欲殺縣官者罪應從法司以恩例
請減之 上曰此等充惡豈可輕縱其杖一百發戍遼東○己
丑直隸河間府靜海縣奏欽遵敕諭及奉巡撫侍郎薛希理劉
付招集逃民附籍者七百戶於本縣居住緣本縣地多宗醜無
田可給縣東天津等衛官軍草場先被逃民龐興等占種後退
還官仍為草場地耕熟者一百三十餘頃乞將撥付各戶耕種

馮使從之。庚寅兵部吏乘醉晉部官郎中項文曜司務馮吉責之不伏遂言文曜吉有贓私事法司坐吏當為民。上命發戍遼東。○辛卯設河南開封府歸德州丁家道口巡檢司置巡檢一員從按察司副使榮華奏請也。○分署都指揮僉事陳聚任陝西都司守備龍州寨。○撤馬兒罕使臣還至甘州聞亦力把里與其王子擊殺恐馬遜劫告乞暫留甘州俟路通而還。○兵官寧遠伯任禮以聞從之。○福建建寧府知府王溥言甌寧縣儒學隔絕溪水艱於濟涉且去城遠土徒往來不便城中舊有府學遺址宜徙置為便從之。○壬辰命湖廣荊州府知府劉永傑任永以父喪去軍民一萬八千餘人言永能恤民革弊乞奪情視事推官袁懋指揮使既安等連章以聞吏部言奪情非舊制不宜從。上曰既有軍民保留令從任後不為例。○命南

北二京各都司衛所屯軍差占者仍舊給與月糧其該納子粒正糧免徵餘糧依例比較仍中按察司同都司官覈實果單丁差占者其屯田撥與有丁之家耕種○癸己暹羅國王恩利波羅麻那惹智刺遣正副使乘三鋒買等來朝貢方物賜宴并珠幣襲衣靴帽等物有差○陞直隸河間府滄州判官宋訥為本州知州先是本州并長蘆都轉運鹽使司鹽山慶雲南皮三縣奏保訥有惠政乞陞知州文部移文巡按御史覈實改陞之○免山東濟南等府武定等州縣去年水災糧二萬三千九百七十石草四萬二千五百五十餘束○湖廣布政司奏所屬岳州等府澧州穀城等州縣該運貢州鎮遠府及邊衛銀布俱係程途寫遠苗蠻出沒之虞乞量撥遞運船隻及令經過官司撥入防送庶無失誤從之○巡按直隸監察御史秦淮安府滿浦淮

安南鎖三壩舊以無閘而設後立移風等五閘其三壩皆廢不
用揚州邵伯湖壩舊以築堤恐泄水利而設今堤已完其閘壩
亦皆不用白塔河大橋潘家莊新湖江口等閘舊以地勢平峻
泄水而設今築塞平又其所設官吏人夫皆冗濫乞減省之事
下工部覆奏滿浦淮安兩鎖每壩留官吏各一員人夫去其半
邵伯湖壩官吏革去止留夫四十名隸邵伯驛大橋潘家莊二
閘官吏革去其夫隸新湖江口二閘從之○今廣東囚犯納米
贖罪者發欽州并靈山縣倉交納先是各處囚犯於本地納米
贖罪至是廣東布政司奏邊境缺糧宜令囚犯赴欽州并靈山
縣宜積糧之處納米故有是命○甲午代府宣寧王選料官人
與校尉通王杖死校尉巡撫石副都御史羅宇信案王專殺長
吏諸官不能切諫上曰此已有軟讓王矣其俱置勿問○巡

按廣西監察御史萬節奏靖江王有將軍中尉祿米歲共九千二百五十石因無倉廩收受勒逼小民倍折銅錢乞令陸林有別立倉廩收米以備王有支用庶官民兩便從之○命崇信伯費到提督官軍任草場牧放馬匹○雲南總兵官黔國公沐斌奏麓川從賊叛塞據者監察侵擾隴川宣撫司百夫長刀木立同刀門線刀門賽進兵團之斬板塞及其子弟二十三人生擒二人 上降敕褒諭刀木立等授刀門線刀門賽為冠帶記事賜金織文綺表裏有差 命雲南左叅將右都督再保協贊黔國公沐斌鎮守都督同知毛福壽同何景台孫等還京○山西都指揮僉事王反坐後軍索略諸罪當贖徒調用總兵官武進伯朱冕請免調從之○乙未命山東濟南府經歷嚴肅後任陞正七品俸肅九年考滿屬民二千五百餘人吉保肅贊政公勤

事下巡按監察御史同布政使等官覆實以聞故有是命○命
改錦水衛帶休都指揮僉事陳儀于祿全吾左衛指揮同知劉
聚埏瑄襲職○丙申陞江西布政司經歷司都事李貴為本司
經歷貴專督捕盜凡載考滿屬民告留巡按監察御史李壘并
按察使等官李彝等會勘貴捕盜有方細民安業具疏以聞故
陞之仍理前事○權進士許振為刑部山東司主事○己時日
生堂上生背氣旁生直氣各一道良久雲遮○丁酉給靖江王
有鎮國中尉相賢祿未如例○增置浙江處州府龍泉縣縣丞
一員以參議吳昇奏本縣銀場數多故增之也

明英宗睿皇帝實錄卷之一百三十九

明英宗睿皇帝實錄卷之一百四十

正統十一年夏四月戊戌朔享 太廟○遣中官祭司寇之神
○己亥賜南京刑部右侍郎鄭泰誥命并封贈其祖父母父母
妻○庚子封代府潞城王第二子仕汗第三子仕堯馬鎮國將
軍錫誥命冠服○賜秦府興平王庶孫名公績○命江西按察
司副使浚輝致仕以朝覲官言其老疾不能任事也○命南京
戶部給武安侯鄭宏歲祿一千五百石米八百石麥七百石遠
安伯陳頊歲祿一千石米七百石麥三百石○命故山西都指
揮僉事陳亨子秦紱馬指揮同知留守前衛指揮使張斌子雄
府軍衛指揮使董和子文府軍後衛指揮使并通第益通州石
衛指揮使孫壯弟全全吾石衛指揮使宋眼可帖木兒子安永
清石衛指揮使劉金子英指揮僉事雷正子亮羽林石衛指揮

僉事張得子廣俱襲職府軍左衛指揮使白祥子瑄長陵衛指揮僉事李英子能俱代職○都察院言舊例進士在本院者俱問刑僉書宜如舊例庶官不曠職從之○命安鄉伯張安還爵安專其祿產不恤其弟法司論當贖徒還爵 上從之仍令母視府事○辛丑給萬全都司宣府等驛站馬二百二十三匹○壬寅爪哇國遣使貢白鷄鴉火雞各一賜宴并襲衣綵幣等物有差○賞雲南總兵官黔國公沐斌鎮守太監蕭保鈔各五千貫綵幣四表裏左叅將冉保右叅將毛福壽叅贊軍務侍郎楊寧各綵幣四千貫綵幣三表裏餘俱賞有差以斌等先分往騰衝金齒給餽餉張聲復接取麓川賊思任發致得其首級也○癸卯山西按察司副使寇深言今山西罪囚俱遣詣白塔兒遞運所輸贖往往半途逃竄請令贖徒流者輸米大同倉其贖死罪

及贖既嘗還職役者仍舊從之○改陝西鞏昌府階州峽州山
巡檢司從鎮守右都御史陳益奏請也○直隸河間府任丘縣
奏浚城港去縣二十五里內有安定橋河北十八里俱見流水
惟東七里許為沙土雍塞徵徵稅糧經由此者以千萬皆用牛
車陸運於民不便款信丁夫疏濬令接大河入直沽張家灣等
處以便舟楫從之○甲辰鄭世子和鏊奏姊新安郡主弟新平
王和銳俱未婚配嘗選懷慶府衛良家子女無堪中者令款于
河南境內開封等府宣武等衛所選取從之○肅王贍貽奏府
中使令缺人命給與內使六人○回回字羅等三人來歸前馬
命為所鎮撫於南京錦衣衛帶俸賜冠帶房屋器皿等物○裁
省湖廣郴州興寧縣衡山縣四河泊所命州縣帶管以其課鈔
數少也○陝西番都指揮僉事陳聚奏臣蒙差往陝西龍州寨

傅禦臣父順原係南京龍虎衛帶俸官今回南京居住乞分俸糧一半於龍虎衛開支養贍事下戶部覆奏聚款分俸養親宜如陝西官員例二分本已八分折色從之○乙巳賜文武百官宴○復雲南金齒司指揮同知柳瑛為指揮使初瑛為景東衛指揮同知冒功陞指揮使事覺革其陞職調金齒司至是鎮守太監蕭保奏瑛大候勦寇功未錄况其後獲功尤多乞加秩以勸將來故有是命○南京工部奏濬金河水修午門前東西兩廊甃城外周圍瓦房其所缺材款于四川湖廣浙江等處市買上曰方今民皆艱窘其缺材不必遠市始俟四方應輸者至及抽分司貯積既多然後修理○丙午遣修武伯沈傑工部尚書王忬祭司工之神以修城畢工也○召致仕浙江按察使柯暹至京先是暹以疾致仕還鄉至是巡按監察御史劉甄言其年

六十精力未衰仍堪任使故召之○戊申封楚府崇陽王長子
均錕為鎮國將軍賜誥命冠服○直隸六安衛奏軍餘六千餘
請發六安州倉糧賑貸俟秋成償官 上命戶部速移文賑
之○命萬全都司保安等衛屯軍毋軍增撥地三十畝前八十
畝令其家餘丁自種自用其餘多種之數如例起科○廣戊巡
按江西監察御史李璽奏江西廣信府上饒等縣地連福建浙
江銀場賊徒偷礦出沒必由此地掠劫居民行旅財物為害殊
甚請委江西都司官一員提督廣信鉛山等所官軍守備為便
上命都察院移文監察御史柳莘搜捕此賊以除民患仍令江
西三司推選廉幹指揮一員巡捕若推奸避害縱賊恣肆俱重
罪不宥○辛亥賜通政使司右叅議湯鼎誥命并封贈其父母
妻從其請奏也○命陝西故都指揮同知劉永子熙襲為指揮

僉事山西都指揮僉事張瑄子懷代為指揮使○壬子賜楚府
永安王第二子名鈞銛○癸丑擢進士黃瓚為工部都水司主
事○巡按河南監察御史芮到等奏唐府儀賓郭巖祕盜後捕
得盜會南陽衛府鞠之職非原物巖欲并有之知府陳悌不從
巖奏悌且詈之當有罪 上曰巖論法難容第念親親姑識其
罪諭王戒勅之婢女蹈前非○命蘇州府知府朱勝來傳赴任
仍賜勅諭之○陝西寧夏前衛指揮僉事任信奏叅替軍務大
理寺右寺丞羅綺妄費財力以建溫祠勒徙居人以展察院又
數與溫婦私受官吏賕侵士卒糧甚至掘發古塚以為戲其書
史稍諫沮之輒考掠文致其罪違法縱肆不可勝言寧夏操備
署都指揮僉事陳斌亦奏綺如信章綺奏信以官軍千人私役
於都督同知黃真臣嘗勅之故真與信共圖傾臣 上命巡按

御史按察司叢實以聞○工部奏去歲多雨河水泛溢沒睢陽
祥符等處其睢州城外皆水以土塞其四門城中積水尚深官
亭民舍城堞多壞今有司請修其城且欲移睢陽衛治于城外
高阜處暫住宜移文委官按實從之○甲寅陞寧甯府紀善王宣
為本府右長史從寧王權奏請也○設陝西洮州衛陰陽學置
正術一員從鎮守洮州都指揮僉事李信奏請也○乙卯賜輔
聖夫人蘭氏佐聖夫人李氏誥命以其保衛 聖躬年久多效
勤勞也○陞浙江紹興府通判白玉為本府知府王佐府年久
其屬縣民二千八百餘人赴地按監察御史王琳奏告保玉公
勤廉幹琳察竄以聞故陞之○給賜尚膳監上直指揮旗軍張
勇等馬匹芻豆○南京留守後衛帶俸都指揮同知常榮奏臣
年力精壯願圖補效 上命榮於成國公朱處隨伍操備榮乞

於原衛開天俸糧從之○丙辰陞陝西延安府知府陳糾為布政司右叅政支正三品俸仍管府事糾為政敏而公民戴其德九載任滿當代鎮守都御史王文為民奏留故有是命○丁巳勅甘肅總兵官寧遠伯任禮等得奏夜不收三人哨探出境為違賊所執此必瓦剌款得我邊境之人當探事情虛實山川險易道路通塞將士勇怯為犯邊計且使彼為卿道爾等平日防邊之策何在都指揮朱通等鎮守失機之罪於法難容今姑宥之其勉圖後效以贖凡守邊必經畫周密庶無疎失其夜不收出哨亦須審其地理量宜進止不可縱之深入若仍前怠誤必罪無赦○陝西寧夏衛土官指揮韓鵬石佛寺刺麻剌失領占四川馬湖府平夷等長官司通事王瑜萬福寺土僧本松來朝貢馬馱萬物賜絲幣等物有差○擢翰林院庶吉士劉文為中

書舍人仍於四夷館辦事○吏部言本部聽選巡檢郭宗齊奏
要勅大臣與御史考察天下方面守令緣近有旨令巡按御史
布按司官詢察府州縣官老疾者冠帶致仕罷輒不能任事者
罷為民貧暴害人者問罪具有按司官從御史舉劾若再遣官
未免勞擾上曰今後考滿官令該管上司考察實行送吏部
覆考見任者令風憲等官照近例考黜果有治行超異者具奏
俟考滿時量加陞擢務要黜陟公明人知懲勸若考察官任情
好惡顛倒是非俱重罪不宥○陞山東濟寧衛指揮同知陳忠
署指揮使事直隸保定右衛百戶潘廊署副千戶事忠等以大
臣薦詣京兵部試其才馬智識俱優故有是命○有福建布政
司右叅政宋彰按察司副使邵宏譽罪時琉球國使臣還工部
奏請令福建備具海舟遣之而彰宏譽展轉方命彰又奏海舟

非所職都察院下巡按監察御史鞠之生彰徒宏譽杖俱當贖
上命俱宥之○戊午勅雲南總兵官黔國公沐斌奏贖軍務石
傳卽楊寧等曰麓川賊首惡任發茲已伏誅賊子思機發屢違
子弟及頭目來朝服罪其果出悔過之誠而然抑或勢孤力弱
為苟延之計或因緬人拘執其父姑退身款覲為款兵之謀皆
未可知今又遣陶孟刀克猛等貢金銀器及象馬乞赦萬死朕
不逆其詐體天地好生之德姑宥之仍館殺使者遣回令以朝
廷寬貸之意諭思機發若能躬詣闕庭則加恩處之務使得所
朕以至誠治天下必不失信於遠夷如或冥頑不來必勤捕無
敵刀克猛還至雲南爾其遣人偕往申諭此意密察彼中虛實
及衆心向背如彼別無異圖則待其歸化而撫之或未易撫捕
則因其所有俾管轄之彼或陰蓄報復之意則令本邦緬甸分

取孟養使賊無所容以絕後患此外別有經畫長策具舉以聞爾等受朕邊閩重寄其博詢衆情審實善度務俾安境靖朝是無遠顧之憂庶副委託之重○勅諭雲南芒市長官司土官長官放革曰去年夏爾放革能聽邊將調度協力策應刀落囊等斬殺賊徒首級其忠勞可嘉今特賜勅獎諭仍賜爾綵幣表裏以旌爾功爾自今益宜勉竭忠誠始終無怠用保守境土永享太平或有殘賊侵擾即督率夷兵勦殺庶見爾之功能爾具欵承之○吏部言巡按四川監察御史陳貞翰考得按察使陳正倫年老罷輒例黜為民正倫訴任內未嘗廢事非罷輒者本部移文覆勘如正倫所言當復任但年老令冠帶致仕員誦考察不精乞寘之法從之○命都察院右僉都御史盧庸往寧夏秦贛軍務代大理寺右寺丞羅綺回京○己未暹羅國使臣奈三

拜買等階辭命齋物及絨錦綵段表裏等物賜其王及妃○
庚申詔雲南都司騰衝軍民指揮使司僧綱司置都綱副都綱
各一員○實授廣西叅將署都指揮同知田真為都指揮同知
以安遠侯柳溥奏其廬練老成勦賊屢捷故也○方山王美垣
母妃薨乞墳地比寧化王母例用地九十畝事下工部覆奏寧
化王母墳地過多提調官已各請罪今者方山王母妃當如一
品夫人例用地周圍四十五丈豈可重建舊制從之○五臺山
僧言莫山之駒通寺奉勅所建以祝國釐者今已朽泐乞有司
修理上以民艱不從○辛酉擢進士王紘為少科給事中監
生于恭禮科給事中蘇霖兵科給事中進士方杲兵部主事○
吏部言南京工部右侍郎吳政考滿以提督修理廟壇樣殿等
虞未完請俟畢工日赴部從之○壬戌給賜襄陵王子鎮國將

軍範塔女合水縣主并儀賓周剛歲祿六百石米鈔兼支○刑部奏福民告訐故前非干已事者宜嚴禁之其告民居第違式者宜止令改正毋毀之以重傷財力從之○癸亥孝陵衛指揮僉事胡忠卒遣官賜祭忠南康大長公主子也○甲子安南國王黎濬玩球國中王尚忠各遣陪臣來朝貢馬及金銀器皿方物賜宴并綵幣有差○擢訓導李俊祝傑戴驥王岷馬監察御史專辦銀課○以直隸灤州邊民梁彬年八十以上放依親養贖豁免名籍○乙丑設雲南景東衛儒學置教授一員訓導二員從本衛經歷司知事強壽奏請也○丙寅鎮守陝西興安侯徐亨等奏霖潦河溢淹死人畜漂流房屋民饑待賑上命有司原加存恤○丁卯巡撫河南山西大理寺左少卿于謙奏山西地方連年旱災逃移者衆以故曷欠稅糧蒙戶部令將員

欠數折收土苗綠土不出產乞暫停緩俟有秋足食之歲另行
買辦供用上命戶部知之○四川長河西魚通寧遠宣慰司
佛覺王地面通寺院刺麻長足遣其徒徹刺藏并陝西西寧洮
州二衛僧綱司番僧刺麻班丹星吉等俱來朝貢馬及佛像舍
利賜宴并綵幣等物有差○翰林院侍讀周叔奉命祭衡山事
竣過家鄉人與其子蒙有隙訴叔枉道叔自陳所經雖非官道
實便且近都察院仍請下叔獄上特宥之○都察院奏福建
都指揮僉事薛誠提督海道奸民通番不能防捕已蒙思止罰
俸三月而誠不輸罪妄稱通番者未經其地請仍下巡按御史
治其奸詐從之

明英宗睿皇帝實錄卷之一百四十終

英宗睿皇帝實錄卷之一百四十一

正統十一年五月戊辰朔○己巳命孔子五十七代孫讓馬山
東曲阜縣知縣舊制曲阜知縣以孔氏之賢者任之時知縣孔
公堂以事去衆舉讓堪代故有是命○瀋王信燭奏臣弟平遠
王堯未葬存日祿未費盡今如例任支緣家口衆多別無養贍
事下戶部覆奏 上命仍舊支與○禮部奏蘇門答剌國人竊
港者有叔宋允于正統元年詣京朝貢被爪哇國番人打香等
謀殺之其妻眉妹打歪訴于官蒙休律問罪矣今眉妹打歪并
女仗人等見在廣東寓居無族屬之親賑食之資度日艱窘蒙
丁無休欲行廣東都布按三司全其起送後國從之○大理寺
右評事古鏞言三事一各處死罪稱冤未及詳讞原鞫者慮其
反覆或善允獄中乞勅審刑官徙置他獄庶免抑得伸刑罰不

濫一帶俸軍職有為竊盜者法司論贖徒送職非所以勵風化
乞為盜者黜為民選其家之貧者代職庶康恥少存盜賊稍息
一文職官更有罪請戍違者多不請兵事或衰老無力虛費糧
餉乞令當戍造而衰老者如律輸贖編口外為民庶軍有實用
糧不虛費事下法司議元因稱寃徒獄恣生奸餘亦皆非舊制
不可從 上曰如議自今內外所繫重囚必俟朝廷處分敢有
輒蕃死者必罪不宥○夜有派星大如椀色青白有光照地出
天市東垣內東南行至牛宿尾跡炸散後有二小星隨之○辛
未南京兵部右侍郎李郁以年老乞致仕 上以郁精力未衰
命留任事○山東左叅議張允中督理易州薪炭以父喪回家
守制屬民千五百人告保允中清謹寬平乞起復任事工部右
侍郎陳恭以聞從之○壬申端陽節賜文武羣戶扇并宴○

密志順王倒瓦巷失理遣指揮法奴烏思藏禪師葛藏刺廉剌
實端竹普應祥師領占四川泥溪長官司通事楊曙等貢馬駝
及方物賜珠幣表裏紵絲襲衣有差○陞光祿寺錄事方國為
南京鴻臚寺寺丞以九載秩滿改也同改兵部尚書賓之子○
癸酉鎮守密雲署都指揮僉事王通奏臣先任山東大嵩衛從
選在京管操俸報仍于大嵩衛閔支緣臣家口在京住坐乞于
在京閔支便益從之○甲戌給賜靖江王府奉國將軍位禮次
子相廉奉國將軍位城嫡次子相寧庶次子相宏奉國將軍位
吳庶長子相彥歲祿各四百石米鈔中半兼支○國子監祭酒
李時勉復上疏言臣草茅賤質忝散徵材十六而遊泮庠從師
講學三十而登進士釋褐彩纓選入翰林首被 大皇之隆春
仗居秘閣縱觀先聖之遺書既十年而操屬秋官又二載而召

預文事自茲七年膺樞杖之益崇歷事三朝沐恩榮之愈厚
叨荷聖皇之寵顧除臣掌教之清班受職在官所當竭力反
躬度德實匪其才譬猶下乘之駕駘空費上措之費粟况今日
行年七十之上而疾病交侵居官三紀之餘而渴埃莫報昨者
敷陳懇悃懇乞歸休皇上垂念老臣未賜俞允而老臣亦懇
明主敢遂間安第以枯朽之資不堪委任之重昔也徒持大星
誠論曾何益于朝廷今馬幸當教育賢才期有裨于聖化瞻
依日月感會風雲正宜堅養之誠心可惜迫垂榆之暮景形
骸潦倒精力衰頹尋常于庶務之施行或託一而忘十朝夕于
諸出之訓誨每語後而遺前古則歲不續聲行則勛不來骨臨
政多息慮事不精雖仗駘犬馬之微勞終莫報乾坤之大德徒
有妨于賢致竟無補于明時伏望聖慈特垂優命俾臣得

以棲身猷猷全三尺之微軀長當擊壤康衢祝萬年之 聖壽
上覽奏嘉嘆久之仍不允其去○吏部言南北直隸府州縣缺
交典大寧都司缺承差諸如各布政司僉充參用或有不公許
巡按監察御史糾劾究治從之○賜方山王美垣定襄縣草場
地一十一頃○直隸遼寧縣奏本縣官吏師生俸鈔數多稅課
局收鈔數少支給不敷請以本縣倒死馬騾牛皮狗衛所事例
輸鈔以備俸給從之○湖廣布政使蕭寬奏近年民間戶婚田
土開墾等訟多從糧長剖理甚至貪財壞法是非莫辨屈抑無
辜乞嚴加禁約今後不許糧長理訟從之○湖廣道州江華縣
典史詹輝奏本縣歲辦雜色皮二百八十張除麂皮外其餘香
狸野狸水獺白額九節狸等皮地無出產俱往兩廣收買輸官
多有挾小毛珠收不以時又被蟲竄請將各皮改收麂皮從之

○提督遼東軍務左副都御史王翱等奏在京羽林等衛官軍九百餘人遘年赴廣寧備禦過期不至乞量留在此其餘退回將違束芑軍選補如再不足乞將囚犯該充軍者未補兵部覆奏芑軍備禦恐妨芑種乞將在京并山東北直隸衛所官旗軍舍犯徒派充罪者先罰贖俱發廣寧 上曰京衛官軍選為勇健者一百五十名于廣寧餘令回衛休養訓練遇警仍聽调用王翱等仍從公摘撥附近衛分軍補役務俾芑守兩便法司因該充軍者調廣寧等衛在京并山東北直隸官軍犯該罰贖者不必調翱又奏北者鐵嶺長州三萬廣寧等衛指揮千百戶坐失機俱降為事官停俸仍舊捍禦緣各官貧窘者多乞給平俸以資餬口從之○乙亥永興王志懋母夫人馬氏卒遣官賜祭命有司營葬○先浙江台州府黃巖寧海天台臨海四縣去

年災傷秋糧二萬八千餘石○命巡撫直隸工部左侍郎周忱以浙江湖州府烏城等六縣該徵馬草六萬餘包折徵銀一千九百兩有奇解京徙民便也○遼東都司虎皮營賊驛堡火命巡撫僉都御史李純查燒燬糧數責經營人員償官○兩子直隸真定府栢鄉縣民訴去年該徵豆無收願以粟米折納從之○鎮守延安總德慶陽普慶都督僉事王禎言衛卒出境屠砲因而逸逸月餘方獲其守備安達營都指揮僉事張友等約束不嚴又匿不以告請罪之 上命宥罪任俸一年○丁丑周府汝陽恭僖王庶第二子鎮國將軍子炯卒遣官致祭○終行童九十一人道童二百六十八人度牒從禮部尚書胡濙奏請也○命故左都督沐昂孫隣為雲南南衙指揮僉事仍隨沐斌理事○欽天監奏簡儀無度數久也基甲下每窺測日星為四面臺宇

所藏圭表置露臺先守四散影無定則壺漏屋依夜天池促難
以注水調品時刻乞將簡儀修刻黃道等度數其地基增高之
圭表壺漏如南京蓋影堂三間以便窺測調品從之○成實
賜翰林府褒城王二十名長曰徽鉅次曰徽鑒○貴州思南府蠻
夷長官司奏土官衙門男女婚姻皆從土俗乞頒恩命 上曰
貴州土官衙門或有猶襲舊俗因親結婚者既累經赦宥不完
其罪亦不許人因事訐告繼今悉令依朝廷禮法如違不宥○
罕來衛番人短竹來歸 上命馮頊目諫南京錦衣衛月支食
米二石賜鈔布疋綠襲衣房屋器皿等物○置河南永城縣僧
會司○命改金吾左衛指揮同知楊海子玉指揮同知杭也兒
子林羽林衛指揮同知鞏旺子勝金吾右衛指揮使孔原庶先
昇俱襲職○月犯亢宿○己卯 仁宗昭皇帝忘辰遣官祭

獻陵○湖廣沅陵縣民李四兒妻李氏一產三男給鈔表優養如例○復置福建泉州府安溪縣原口渡巡檢司從縣丞各省躬奏請也○福建汀州府知府陸徵言天下衛所軍往往假稱欲往原籍取討衣鞋分析家資置備軍裝其官旗人等貪圖賄賂從而給與文引違之及至本鄉私通官吏里隣推稱老疾不行轉將戶丁解補到後未久托故又去以致軍伍連年空缺請行各處都司衛所及清軍御史嚴加禁革今後不許擅給文引從之○庚辰巡按山東監察御史王永壽等奏高唐夏津蝗災上命戶部覆視以聞○土魯番地面回回所鎮撫撒法兒未歸上命隸南京錦衣衛月支食米二石賜絲幣表裏貯綠裝靴襪等物○錫蘭山國使臣耶已刺謨的哩啞朝貢蓬玉廣東布政司病故命有司祭之○勅諭哈密志順王倒瓦吞夫里及頭

月人等曰兩忠順王遣指揮法魯沙等齎奏王京備言近日瓦剌也先全頌日塔剌赤等至哈密取爾母妻弟適有撒馬兒罕兀魯伯曲烈干達使巨滿刺麻等一百餘人進貢方物路經哈密被塔剌赤等逼誘同往瓦剌又將沙州逃來人家亦強逼帶去又稱瓦剌金三百人馬至邊體探事情等因具悉然朝廷屢勅兩等凡遠來朝貢使臣即遣人迎送無失比因沙州衛都督哈哥等奏所管人民往爾哈密趁食又勅兩等省諭遣回爾等皆恬不介意致塔剌赤等誘引前去論罪俱不可容但兩遣人奏報特旨寬貸勅王即將沙州等衛遷移人民遣回原衛仍具奏未果有婦慕朝廷欲來進貢使臣審實起送入境爾部屬中若有奸詐小人通同外夷生事害衆者即會衆拿送并肅總兵廉德治庶不為良善之累如兩等黨惡縱容不問及不念國恩

故違朝命必命將統軍直抵兩境捕剿不宥爾等世忠朝廷朕
待之如一家故特開心諭之○辛巳戶部言山東青州府旱災
人民艱食宜將定撥京庫折鈔夏稅小麥五萬石折收綿布其
定撥遺米折鈔小麥五萬石查勘所在官庫足用亦乞折綿布
以便民從之○禮科都給事中章瑾等奏光祿寺日用猪羊等
物不下萬數遺半分派各司府州縣支錢收買委官催督然多
徇私受囑求索財物過期未辦今後請委各處巡按監察御史
催督若違延失誤供應者坐府州縣官交罪從之○壬午浙江
右布政使方廷玉九年任滿以年老乞致仕上命仍復職○
陞直隸大名府長垣縣主簿閔彥昇為縣丞彥昇任滿九載縣
民保其居官端謹撫字勞動亭下巡按御史體覆以聞故陞用
之○乙酉秦寧衛都督拙亦達指揮上木兒等陝西西寧衛判

麻桑兒結頷占等四川遂易守禦千戶所上官千戶阿敦等貢
馬賜珠帶表裏等物有差○四川成都府威州保子闖上官巡
簡童欵初與淮縣土民王永相讐欵 上命所司諭使解仇至
是欵入縱部下欵永家人剗食其心 上復命巡按御史及三
司諭之御史嚴順都指揮同知周賁左布政使侯執僉事劉欵
言欵不受命反劫辱使者請命總兵官擒治 上曰爾等不能
禁治真下執諸總兵官爾等所任何事姑識其罪三司官仍罰
俸兩月宜急撫捕再推延長惡必罪無赦○丁亥命給湖廣衛
州府桂陽州豐祿倉年久泛爛米麥三千三百八十四石與附
近衛所屯軍糞田從戶部覈實奏請也○戊子周府臨潁縣主
堯達官賜祭命有司營葬○起復貴州石阡府經歷楊彬彬以
母喪去職者民保彬俸已奉公善撫蠻俗乞令起復任事

上從之○修南京甲字等庫二百五十餘間○築高郵州西門
馬道以便軍民涉湖者○戶部奏請預給大寧前等衛所甘肅
備邊帶俸官監成等六十三員今年四月至十二月俸糧折色
俾其置耕水裝從之○南京雲南道監察御史呂昌奏直隸威
陽潁州潁上縣倉根陳腐而潁上千戶所六品以下官俸祿止
丈二分老幼疾軍俱無口糧養贍奏下戶部議將潁上千戶所
六品以下俸糧本色月增一分老幼疾軍月給口糧三斗從之
○河南布政司奏彰德府林縣在太行山下其田地石厚土薄
加以連歲旱澇無收以此逋逃者衆拋荒石壓沙積水決田也
一千六十五頃夏秋二稅負累見在人戶陪納戶部覆奏請暫
停徵 上曰田既不可耕則稅當除若役過重豈卹民之道後
更造版籍時悉與除報○先是有衛辛樂馬駒者請自以石修

駒河橋工部言橋梁恐非匠夫所能辨馬駒言已運石 上許之凡過往車輛馬駒皆索朱若輩以劫用久之有誣馬駒以犯奸欲縛赴官者得其白金五百兩釋之已而人又欲許其事馬駒仰藥死 上命刑部執欲許者鞫之工部追理所遺財貨仍畢其工○山東濟南府濱州民訴會昌伯孫忠家人韓興等徵所貸借規數倍利官司望風奉行給事中御史交章劾忠

上念忠國戚且必不知此特宥之命法司親治興等發戍遠東鐵嶺衛○己丑賜真人張元吉誥命為正一副教冲虛守素紹祖崇法真人顧道教事并追贈其故父留綱為正一副教崇玄養素寂靜真人封其母高氏慈惠靜淑玄君○南京豹韜等衛官軍免運直隸蘇州府棘木赴京至揚子江風潮險惡舟為所覆漂流木七百四十餘石督運指揮朱諫等奏乞將應運京倉

未七千四十餘石于通州上納得節帑費以補漕派之數從之
○初巡按四川監察御史嚴順士去年秋冬以來蚤也等寨番
人反叛攻圍城壁劫掠無忘而鎮守都指揮王呆高廣畧無捍
禦之策乞推選智謀材勇武臣前來松潘總率士馬相機撫剿
仍治呆等失律之罪 上曰呆等姑記罪全同三司巡按御史
撫捕既而御史復言諸蠻不從撫順仍前攻劫呆廣委無禦侮
之才 上命兵部會同管軍大臣推選智勇超異堪為總帥者
二人以聞至是尚書鄭楚太保威國公朱勇同舉都督同知官
聚都督僉事陳榮 上終以撫循為意命武臣且不差即召山
西副使寇深同馮贖寺著恭祥全仍往撫諭果再不順就全捉
督呆等調兵剿捕○庚寅吏部奏曩者本部詳中彭勗言吏劉
部有該重歷者無定例乞為裁處今查吏有考滿停役不赴部

者丁憂服闋單丁侍親終赴部違限者聞任年久復充吏者
考滿起復違限將役內日期增減至五歲之上者考滿起復違
限雖有故事文憑然已至二年之上者越闕在逃行拔解到者
丁憂少一月或多一月者考滿一年之上陞補者丁憂服闋于
別衙門奉補者為事停役一年之上還役者考滿為事還役不
依限赴部者倉橫守支盡絕不依限赴部者為事上工運輓灰
糧草公差事竣違延一年之上著後者截替裁革起送赴部違
限一年之上者考滿日期多歷一月或少一月又違限者役未
滿時公差回還已滿及役已滿後為事回還違限三月之外陞
察者俱應重歷 上悉從之仍命移文各司府州縣衙所等衙
門凡杖滿等項吏官吏徇私留難致令違限者必罪不宥○廣
東右布政使彭遠年老乞致仕吏部言其獨堪任使 上命復

職○直隸鳳陽府知府楊瓚奏本府所屬地方武臣之家甲子他府有調除他所其所遺親族家人俱無名籍乞取勘土戶凡出入經營給以大引庶有統屬不至為非徒之○給龍虎山上清觀徽宮院道童徐孟卿等二百五十九人度牒從真人張元吉奏請也○應天府知事倪鑑上元隸縣丞張得江寧縣主簿程重為巡檢監察御史劉甄以老疾黜退谷陳半力未衰且于例不應考 上命吏部廉之以監等言皆實令復任甄坐考覈不當為給事中劾奏下法司鞠贖徒還職○革陝西蘭州衛阿丁鎮閔設摩雲嶺巡檢司置巡檢一員隸狄道縣從都指揮龔事岳廣奏請也○壬辰遠駙馬都尉井源等為正仗給事中龔慶等為副仗持節兩封晉府永和昭定王嫡長子美鳩為永和王追封夫人丘氏為永和王妃秦王嫡子公錫為秦世子庶弟

王子公鐸為汧陽王保安悼順王嫡次子公鍊為保安王荊州府經歷余中女為遼王世子豪城妃西城兵馬副指揮劉英女為寧河王美福妃南城兵馬副指揮劉英女為郃陽王公鏜妃○先直隸真定府所屬冀州南宮寧晉栢鄉四州縣去年早傷耕四千五百九十七石草八萬七千九百三十束○皇陵祠祭署奏 皇陵舊有二十戶隣近 仁祖淳皇帝御居數 太祖高皇帝賜與田宅蠲免稅差令其朝夕灑掃殿宇朔望陳設祭祀正統初鳳陽府知府熊觀奏其子孫散居甚衆乞于有司附籍庶憑稽考蒙令照舊丁祠祭署附籍仍免稅差今臨淮縣又奏欲令附籍有司誠恐編充里甲夫誤供祭執事孤負 高皇帝天地大恩戶部以聞 上命仍舊本署附籍○順天府宛平縣富戶聞春等先因避役遁亡至是自首 上命宥免後再

逃不宥○癸巳順天府良鄉縣奏泥河北隣蘆溝橋潭河地名
大寧肆坡累馬水災乞發丁夫修葺亭下順天府接視言宜先
疏河然後築堤從之○甲午貴州永寧州知州鄧裕等奏本處
所屬諸種蠻夷強悍化逆賴按察司副使李春撫綏有方人
皆悉業今春專理屯田衆情失望乞仍令按治民事從之○命
監察御史李俊往福建提督銀場賜勅諭之○山東都司秦克
州護衛屯田軍士多王府占用修造房屋燒運菽灰不能屯種
備納子粒乞與除豁戶部言王府工程如果未完就令各軍餘
丁屯種從之○太保成國公朱勇奏左軍都督府左都督劉象
之子以馬騾及扇散給營中官軍徵求銀貨且役軍人造私厝
弟命訊其子下獄聚白沫火于教訓六科十三道交劾其貪虐
欺罔 上命宥象不問○監察御史蔡愈濟奏有詔禁京城外

西北間黨取土而太監賈亨僧保內官雲保山黃義擅役軍士
于清河間黨請寘于法 上宥亨僧保下雲保山義于獄仍諭
都察院中禁之○南京僧錄司請修大報恩寺塔心并穿堂天
王殿左右廊房從之○乙未前軍都督府都督僉事鄧通卒
上輟視朝一日逢官賜祭命有司營葬○賞征柳慶思恩等府
桂平等縣賊有功官軍土兵人等一千八十六人叅議指揮土
官知府等官各鈔八百貫錄段二表裏千戶知州等官各鈔六
百貫錄段一表裏百戶知縣等官各鈔五百貫絹三尺旗軍目
兵人等各鈔三百貫絹布各一尺其斬首三級以上并陣亡者
倍賞之○監察御史周道下獄侍有錦承衛卒獲盜例不當陞
賞道請陞賞之已而自陳其供故下獄○丙申兵部言鎮守寧
夏左叅將都指揮仗丁信奏廣武營守備都指揮仗仲興張悻

不受約束不法等情而與亦訐丁信不法及奏贊軍務大理寺
右寺丞羅綺亦言與罪丁朝 上命與從竄自陳而與廷至四
月餘不行具聞 上曰朝廷命將守邊本有體統種與何以不
服丁信約束及御史舉其不法朕姑命自陳而又延久不報爾
兵部即移大興僉都御史盧喬廉察所犯以聞毋得阿比有妨
邊務○司設監太監蔡忠奏涿州知州樂鳳卒于官其子與州
吏狎遷延不歸所居與臣弟隣因有并不與汲水忿詈臣弟詞
及臣甚不遜寧下巡按監察御史陳浩論知州子及吏俱當贖
杖獄上特命發戍遠東鉞嶺衛

明英宗睿皇帝實錄卷之一百四十二

正統十一年六月丁酉朔給賜貴州會講心經并法華經及能作瑜伽法事者上僧童四十九名度牒○內使阮愷盜啓寶藏庫鎖事覺上命戮之于市毋復奏○戊戌頃賜開平懷來龍門三衛學性理大全等書秩山未布政司左叅議尹聰奏詣也○亦力把里等廢地面也密力虎者王達使巨馬黑麻等來朝貢玉石馬駝及銀首鼠皮賜宴并綵幣襲衣等物○刑部右侍郎薛希堯等奏鳳陽淮安二府州縣去歲田畝無收民掘野菜實子女以食多且餓死所負兇軍糧米九萬六千七百七十餘石乞候今歲夏麥成熟于奉府官倉交納從之○復浙江錢塘縣知縣陸樞官樞為其民董康所訴事下巡按監察御史論康使樞杖俱輸贖康與其弟宇等復赴京欲訴樞捕康兄弟拷掠

之械赴理問所寧元獄中理問劾謀奏樞當免罪樞奏議執私
欲入遂與俱械王錦承衛鞫都察院俱坐徒還職樞調南昌知
縣然樞實貪酷其後卒以贓敗沒死都察院獄○己亥今歲給
唐府上蔡郡王并儀賓孫鳳祿米八百石○巡按福建監察御
史馮傑等奏建陽福安等九縣原定每歲銀課二萬一千一百
二十餘兩緣各縣銀坑米取年遠礦脈微細得錄數少奏下戶
部議今年不拘額數從實煎緝銀課類解以後年分仍將增出
銀課具數奏請定奪庶幾上下不虧從之○今戶部主事周傑
進士李叔玉于南京該庫支鈔三十六萬三千貫絹一千一百
八十八疋布一千八十三疋運往廣西同總兵官柳溥給賞有
功官軍○先浙江湖州嘉興台州三府屬縣并衛所被災枝糧
子粒十一萬七千八百餘石○直隸定州衛奏本衛城樓墻垣

獻臺及倒馬關周家堡山口見今修葺材力不敷其真定府葺
淳化河隄又該分派勸助實為艱難下工部議言以十分為率
府州縣七分軍衛三分庶勞仗均從之○庚子鎮守陝西興安
侯徐亨同都御史王文并陝西三司等官奏陝西今歲雨澤及
時遠近霑足西安等府麥豆俱十分豐收其餘木藁亦皆茂盛
有年可望派使者多已復業訪之耆老數十年未木之見也

上喜謂侍臣曰豐年國家之祥今陝西一方之民皆足食可謂
祥矣○勅諭奉寧衛掌衛事都督僉事拙赤都指揮使討勤大
既亦都指揮同知楊十帖木兒都指揮僉事大兒赤台納谷出
及大小頭目人等曰今得爾等遣頭目帖木兒奏稱本衛部屬
造的谷等先帶家小但恐先爾帖里溫圖獵被无剽也先朝貢
使臣乞兒言牙等擒于解京乞朝廷給還完聚然去歲乞兒言

牙等奏迭的谷等糾集人衆在邊邀劫往來使臣朝廷已明正
其罪及論乞兒言牙功次陞官職賞絲帶以旌其忠蓋賞嘉誅
惡國家大法必出至公乃今天道爾等乃為迭的谷等曲詞誦
憐使惡者效尤良善受害果天道乎况爾等世受朝命掌管衛
事部屬中為惡者屢勅拏捕未嘗獲解一人今乞兒言牙等像
遠方頭目能效忠捕賊豈可置之不問乎因帖木兒曰特勅爾
等自今宜體朕意宣布朝廷法度禁戢頑目人民各安生業毋
作非為庶保身家爾又奏若尋見阿魯台孫男送來亦見爾等
恤孤濟急之意朝廷必舉賞功之典爾等真欽承母恩○先且
諫順德府所屬內女等八縣去年災傷糧一萬一千二百餘石
草一十九萬四千二百三十餘束○故聞化王言判思把永耐
監藏已藏卜父桑兒結監藏已藏卜借襲聞化王命禮部遣官

齋勅及綵幣等物同奉使綽思恭已等往給賜之。○辛丑勅諭
亦介蒙古衛掌衛事都督僉事阿達都指揮可兒即薛令及大
小頭目人等曰近得甘肅總兵等官奏送永昌衛原逃軍丁短
竹達可帖木兒到京及既脫等到甘肅俱告稱永樂間同千戶
羽祿夫加保帖木兒等四十餘戶流移境外同爾衛人民一處
居住今經年人各思念親屬并其父祖墳塋欲回本處依親居
住慮彼該族頭目拘執等因已令總兵等官將短竹等家口安
插甘州特達都指揮趙哈刺不花等齋勅前去同爾等着該
族頭目挨查羽祿夫加保帖木兒等四十餘戶人口頭書等件
一一交付趙哈刺不花等領回甘州安插居住如違朕命俱重
罪不宥爾等其欽承之。○寧夏廣武營備禦都指揮仗種興自
陳莊官不謹干犯刑章以致左奉將都指揮丁信來發其事奏

皇上不即加誅令從實自陳信所言深中臣痛臣之罪不容誅矣 上曰興論法未難恕但念其父叔著勲 先朝姑屈法宥之且朝廷命將率偏裨自有體統而與強強任情仍令虛寄責其死罪狀戴罪管事今後仍玩法不悛者必以軍法從事○刑部奏販私鹽千斤以上者擯站萬斤以上者充軍俱不必上請其列艦持兵挾捕者乃上請從之○命工部修造 奉先殿供用器○壬寅琉球國中山王尚志遣使者伍是佳美等齎捧表文來賀今年正旦貢馬及方物賜宴并綵幣襲承等物有差○戶部右侍郎鮮宏奉命驗規河南陝西直抵甘肅一帶邊糧至是具將倉庫五十餘所儲積實數以聞 上謂戶部臣曰邊陲糧少之虞其撥運備用庫金銀雜買儲積腹裏糧多足支數十年之慶金所司換陳支給優養軍民設法區畫無致腐爛○侍

陝西運糧先是陝西邊堡缺糧 上命河南懷慶府州縣執輸以給至是邊糧足用腹裏復置登改命停之○命廷委各營軍士每年自來秋青草應用果有不敷于附近府州縣撥運供給從戶部右侍郎焦宏奏請也○設河南開封府歸德州永城縣僧會司置僧會一員○勅右僉都御史馬恭徃延綏協贊都督僉事王禎等軍務○癸卯春寧衛頭目土木兒等陞辭命齋勅并織金大綺綠絹等物歸賜其都督拙赤等○陞光祿寺卿奈亨馬戶部左侍郎仍掌寺事亨秩滿九載自陳請難時屢有守城之功 上特命陞之○周府儀賓錢欽秩林馬訓莊忠田俊榮欽長史譚廣家用女樂巡樓監察御史詣罪之 上置不問以書諭王成欽等毋蹈前非○甲辰代府儀賓秦安全從者詣倉給祿未大同府道判霍瑄以方給虜仗款餉未暇從者辭不

避瑄欲捷之妄嘗宣且啓代王誣瑄駸已王以聞事下巡按監察御史劉克彥覆之劾去有罪 上命宥或毋再犯○遼東總兵官都督同知曹義提督軍務左副都御史王翱奏頃嘗朝廷從臣等所奏將在京官軍止留一百五十員名餘盡送回京選遼東七軍補之今思京軍取回恐致諸夷輕視况七軍選撥入伍甚妨七種臣等奉修之罪不容辭矣乞將京軍仍留七軍先選寧下兵部尚書薛瑄等言義等前後紛紜反覆失信下人宜置于法 上曰論法當如卿等言但守造重事而又自伏罪姑宥之批翱等所言京軍仍舊輪採七軍先選○調補建右叅議取定了浙江布政司專理銀礦定先以養病家居至是病愈赴吏部改調用之○命陝西行都司署都指揮僉事楊斌子玉南京掌廣武衛事署都指揮僉事黃恭子鏗俱襲為指揮僉事

○省直隸蘇州府吳縣知縣葉錫送職錫劄民乎產者民不平
拆錫貪酷枉己法司請罪錫者民百餘人詣闕言錫清廉仁慈
改平訟理乞留之 上曰民既欲留其毋罪之令視事○丙午
安南國王黎濟遣陪臣阮叔惠等來朝奏事貢方物賜宴并綵
幣襲衣等物有差○丁未四川石碛宣撫司上官舍人馬應大
廣東瓊州府昌化縣土官舍人符應乾廣州府清遠縣獨首司
保聲慶府新興縣獨首何凱明等貢方物賜以綵幣○今延綏
慶陽三衛西安左等四衛調撥守邊旗軍每歲人給綿布四疋
綿花三斤如別有選差守備餘丁每名亦給綿布一疋綿花一
斤從戶部定擬奏請也○戊申賜代府襄垣王嫡長子名曰仁
壻○陸光祿寺卿致惠馬四川右布政使從吏部會官薦舉也
○遼東總兵官都督同知普義等奏朝鮮國王咨稱茂昌郡近

被野人五十餘人突入剽掠人口畜產慮恐建州衛李滿住部
落所為煩為奏達禁制 上命兵部移大玉翔等遣人廉察果
實即與追究毋令彼此構隙仍戒李滿住謹守法度毋縱部落
為非自違罪戾○命江西汝都指揮僉事養政子賢襲焉南昌
前衛指揮僉事○兵部言叅贊雲南軍務刑部右侍郎楊寧先
奉勅首與本部左侍郎侯璉每二年輪代叅贊用均勞逸今寧
將及二年例應璉代璉近因馬墮傷足調治未痊乞別選堂上
官一員前去代寧 上以璉素所定者命良醫調治疾愈仍往
代之○巡按廣東監察御史張子初奏廣東高雷等府化州等
處強蠻出沒劫掠鄉村殺傷官軍頃者賊徒未熾之先已常同
三司推選都指揮何賁左布政使吳揚僉事楊輔等督同指揮
王傑等帶領官軍酌量撫捕諸徭而賁等惟耽宴安俱已回司

欽命賊徒揭撥為民志害乞將贖等治罪 上曰夫職官正當
重罪但忘了討賊姑記之命御史貢死罪狀令督兵設法擒捕
必欲擒獲若仍避事縱賊必罪不宥○南京監察御史陸傳珏
石灰山岡副使黃頌交鹽徒賕傳廉知發其姦頌許傳常取民
池小魚十數尾及蔬菜一束供饌遂俱下錦衣衛獄傳當罪官
上命宥之○湖廣按察使孔文英奏楚府儀賓葛隆以汚陽州
同知曹漢有贓罪繫獄給交其賂請治隆罪 上命巡按御史
鞠之○辛亥命修京城北垣遣工部右侍郎王永和祭告司工
之神成國公朱勇祭告京都城隍之神○癸丑烏思藏等廢不
來朴等寺番僧利麻亦久藏并奉使烏思藏回刺麻鎮南監贊
等各貢佛像及方物賜宴并綵幣襲衣○兵部右侍郎李賁有
疾 上命醫往視之○命亦力把里使臣木兒馬黑蠻哈撒俱

為百戶忽剌力等溫把密仗臣兀兒罕丁牙兒千仗臣亦阿哈
麻哈密仗臣同知阿哈麻大仗迭兒必失俱為所鎮撫○戶部
尚書王佐奏各處鈔價騰貴河南山東等有改司并南北直隸
鳳陽淮安等府州縣今年夏稅小麥每石原擬折鈔八十貫今
宜每石減二十貫止徵六十貫解赴京庫從之○甲寅遣中官
祭中霽之神○曉刻有派呈大如杯色青白尾跡有光出正西
雲中東北行王雲中後二小星隨之○丙辰河南左右改使統
禮以年老乞致仕吏部言其精力未衰 上命為佘事○陞山
西按察副使寇深為都察院右僉都御史提督松潘兵備勅之
曰松潘諸夷已多向化惟至地骨鹿族二十寨不服撫諭令特
命兩提督王呆高廣等整飭兵備兩所至之處令都司在城衛
分揀選精銳官軍二三百人護送以助聲勢仍與王呆等計議

寫榜前去招撫許其自新或有寔頑仍前不伏者令官軍截執以堵一方○夜也震有聲○丁巳都察院右都御史陳鑑奏道例御史闕員于聽選知縣推官等官係進士監生出身者選送本院理刑半年考其堪任具奏除授不中者仍任原職比聞聽選官或詐稱患病稽延歲月以俟僥倖選取乞勅該部自今須候本院移文方許選抹仍詳具各官善改實行送院如將人物猥曠政績無聞及托故候選者一舉送送從給事中御史指實糾劾庶杜倖進之門章下文部尚書王直等言臣等亦知御史職任之重豈敢濫舉若仗都察院考察能盡至公則倖進之徒何由得用且善改實行一時豈能周知須待理刑半年練習之久體察之精始知其實上命吏部今後務選老成重厚學識優長者送院理刑本院仍嚴加考察不稱者送回吏部如徇私

不公皆治以罪○壬戌賜晉府寧化王輔國將軍美坡長子名
曰鍾鑄○封襄王瞻塔長女為相亭郡主配劉隆命隆為宗人
府儀賓賜誥命冠服如例○擢進士章倫為戶科給事中俞鑑
兵部主事○光山東萊州府膠州逃移入戶鹽鈔二萬六千六
十四錠○鎮守雲南太監蕭保奏木邦宣慰使罕蓋去求麓川
地方會同總兵官沐斌侍郎楊寧等議麓川地方已設隴川宣
撫司建官分管夫惟餘蓋止一處欲撥與木邦未敢擅使事下
兵部請移大斌等審勘蓋止與木邦相去幾程及與隴川宣撫
司有無干涉 上曰保既會斌等詳議奏未不須再勘俟竣
去時會同保及三司酌量與之如有礙仍奏聞朕自籌度○癸
亥勃諭占城國王摩訶賁該曰近者安南國王黎濬遣陸臣程
貞等朝貢到京奏王欺其孤幼業已侵其升華思義四州今又

集火率兵攻圍化州殺掠其人畜財物王與安南俱受朝命封建
建事久彼此疆域各有定界豈可與兵構恣有乖睦鄰保境之
意古人云君子不以其養人者害人王自今宜深體此意祇循
禮分嚴飭守邊頭日慎固封守毋仍恣肆侵軼鄰境貽患生靈
自取禍殃况天道福善禍淫自有常理王其欽承之并諭安南
國王黎濤亦宜嚴加備禦毋挾私報復庶彼此相安副朕一視
同仁之意○甲子戶部奏直隸蘇州府蕩山縣民運白糧一百
四十七石赴京舟至大江為暴風所覆追陪之米雜色不純苦
乞送收京倉堆下年償運之數支給官軍候下年起運白糧如
數補納上曰風波之險有人力所不及者雖不陪納可也况
又願于下年補納其從之○設山東濟南府青城縣僧會司置
僧會一員錄給印記○久雨渾河水泛決同安縣賈家等里七

扶家等口混命有司修築之○乙丑 皇后千秋節先奉婦朝
賀○先是回回人馬黑木納馬寧夏中雲南鹽一向未支巡撫
官奏馬黑木往來寧夏雲南熟知道路慮其懷恨為害乞將所
中鹽每引給與鈔一百貫從之

明英宗睿皇帝實錄卷之一百四十三

正統十一年秋七月丁卯朔享 太廟○遣中官蔡司門之種
○晉王鍾鉉奏本府儀賓高邁先目事任支祿未革去冠帶奉
間居日久已知改過乞賜恩宥從之○戶部奏北畿兩京文武
官俸給每十月十一月准令折絹緣彼時寒凍難了俸梁不得
及時限用乞于七月八月折支為便從之○工部奏直隸晉州
諸疏濬沱河故道及修陟岸之為兩政者然今天雨水淋漓已
而農務方殷宜令候秋成水退之日興工從之○戊辰命荆麻
劉思已監築馬灌頂淨慈妙智國師賜之誥命○戶部右侍郎
焦宏奏陝西今年收穫頗豐糧食價賤謀軍月糧有願折銀者
乞量撥銀兩各各邊收貯或易換糧料上倉或給與官軍每兩
折糧四石俱從鎮守等官明白出納從之○駙馬都尉趙輝掌

南京錦衣衛優給營索取百戶子雷優給者賄南京刑部請究
其狀 上命宥釋但收鞠其所連者○己巳遣定國公徐顯忠
等為正使都給事中韋瑾等為副使持節兩蜀王嫡長子友煥
為蜀世子西城兵馬指揮劉縉女為蜀世子妃遣府松滋吳忠
王嫡子豪聖為松滋王河南衛指揮余事張珍女為伊府沁陽
王魁望妃○占城國王摩訶賁遣使臣制班等奉表貢象及
方物賜宴并綵段絹布有差仍命制班齎勅及符綵紗羅歸賜
真國王及妃勅曰王國每歲遣使臣來朝足見敬天事上之誠
但涉歷海道風濤不測使臣人徒往來甚艱已常憫念遣勅令
照吳南等各番國例三年一貢今復每歲遣使來朝况船灣泊
亦無定處彼此俱未便利審使臣制班等云兩先王已遊前勅
不從王嗣壽未久不知此事今特頒勅諭臣知之王自今宜奉

三年一次遣使臣來貢務令使臣于廣東市舶提舉司河下或
瓊州府海口港次滂泊庶官司問問接取使當亦先盜賊使獲
之患又常遣勅令王國中將先所拘留暹羅國使臣八伴一百
二十餘人發回本國及將朝廷下西洋陳千戶等官軍人伴二
十一人差人護送赴京迄今歲久俱無奏報發遣此亦爾先王
時事未知王常聞否勅至王宜體朕恤人之心即一一揆究照
數發回使人各得還其鄉里以遂父母妻子團圓之樂如此則
天必鑒佑使王及國人皆獲善報永享太平之福否則天鑒孔
昭惡報亦必不爽王其省之○命戶部右侍郎焦宏理部事先
是宏提督京倉糧料及奉使陝西至是以本部右侍郎孫齊代
之送朝故有是命○置雲南瀾滄衛僧綱司從本衛指揮使姚
琳詣也○庚午仁孝大皇帝忌辰遣官祭長陵○遠府應

山王賁塲堯王遠簡王第十四子母趙氏永樂十二年庶生宣
德八年用封至是堯年三十三訃聞 上輟視朝一日遣官賜
祭謚曰悼恭命有司營葬○設四川思叢日安撫司以頭目阿
思親為安撫屬松潘等處軍民指揮使司管轄先是阿思親父
端葛洪武中歸順朝廷給與金牌金撫番人至阿思親又詔相
撫立番眾有邊功故特置安撫司而授之職○本年順天府應
天府及直隸河間保定蘇州松江常州鎮江太平寧國池州九
府浙江杭州湖州嘉興三府河南開封衛輝二府各奏今年五
月六月天雨連綿滄沃田苗深流居民廬舍畜產命戶部遣官
覆視以聞○停徵雲南各衛拖欠正統九年分被災屯地子粒
從總兵官黔國公沐斌等奏請也○秦寧衛頭目拙赤下達于
卑列哥孛家赤歸貢馬今馬所鎮換賜鈔幣衣服等物送達來

自在州居住。○壬申陝西河州衛番僧刺麻領占違其秩亦失領占等湖廣永定衛土官舍人章潮廣未廣州府清遠縣頭張成山等貢馬駝及方物賜鈔線帶表裏襲承有差。○雲南總兵官黔國公沐斌等奏按察僉事李璣言宜停葦騰衛城招撫賊子思機發量與小職事皆窒礙難行其葦出境結交夷人宜從所言。上曰葦騰衛土城起調官軍令候候陞去同沐斌蕭保等從容整理不許逼迫并遣人去招諭思機發令自沐斌蕭朝廷推恩廢置否則調軍剿殺結交夷人者令各守備官嚴加巡捕但犯者不分官豪勢要之家如例治罪。○癸酉復設各處所革罷稅課司局先是巡撫官兵部右侍郎于謙奏各處稅課司局收鈔數少官橫俱曠職徒虛費俸祿供給因此凡歲辦課鈔不及三萬貢者悉罷之令各處府州縣帶管上下稱便而吏

貞例了稅課司局飲用者以革罷為淹抑有司入問有言折俸鈔不得給者了是戶部尚書王佐等言各處課稅有此舊宜增而市鎮有去府州縣路遠及耕課一萬五千貫之上者悉宜復設從之然有增課之名而課實無增所費俸祿又估曩時得少而失多矣○南京工部言神策門後湖裏城為久兩決三十丈勅守備豐城侯李賢等發工修築○甲戌陞直隸河南府滄州慶雲縣典史趙亮為知縣先是上命吏部會大臣選朝覲官治行卓異者亮在選中蒙宴齊選任至是九載任滿吏部以為言上特陞之○陞直隸揚州府通州海門縣縣丞郭得為通州判官得九年任滿詣京軍民數百人保得勤能幹濟撫字有方乞陞本州判官巡檢監察御史胡新為之請上以得既為軍民保薦從之○京都太倉大寧中衛倉火六科給事中十三

道監察御史共劾提督侍郎狄睿等罪 上命省之所奏報未
亦免償○命故湖廣都指揮僉事彭恭子璠襲為指揮使彭斌
衛指揮使莫斌子畔羽林左衛指揮同知白福姪瑛羽林前衛
指揮同知判吉弟阿顏台金吾右衛指揮同知孫英弟雄南京
羽林前衛指揮同知李旺子與俱襲職○丙子工部尚書黎澄
卒遣官致祭命有司營葬○命故廣西都指揮同知宋榮子瑛
襲為指揮僉事四川署都指揮使狄信姪孫麟襲為指揮使○
戊寅給道童劉盛閻等三百二十六名度牒○論斬獲思任發
功陞正千戶王政等二級其餘三次二次下緬并入木拜者俱陞一級
首者衛冒瘴毒身故者四次三次下緬并入木拜者俱陞一級
仍賞白銀綵幣絹布有差共一千二百三十六人○先是鳳陽
皇城殿宇損敝工部移大中都留守司相計修理至是本司言

時畿民艱工部復請覈實 上曰民既艱矣必覈實其器之○
已卯以修理都城東垣工畢遣成國公朱勇恭京都城隍之神
工部尚書王忬奏司土之神○庚辰陞大理寺右少卿沈繁為
本寺左少卿仍于內府供事繁善真草書與先度齊名 太宗
時皆蒙獎用至是繁秩滿當陞故有是命○少保禮部尚書兼
武英殿大學士楊溥卒溥字弘濟湖廣石首縣人洪武庚辰進
士除翰林院編修永樂初 太宗擇東宮官授司經局洗馬兼
編修 皇太子問溥漢廷尉張釋之不易得溥曰釋之誠不易
得然世豈無其人但無大帝寬厚仁慈之君用之爾臣以為釋
之在漢一時不易得若文帝三代而下不易得也退採大帝事
聞治道者編為事類以進後坐事繫獄十年 仁宗即位釋之
擢行在翰林院學士尋陞太常寺卿兼學士未幾詔開弘文館

思善門之左簡文學之士五人日直其中職討論溥為首魏樞
卿章授之曰朕用卿等于左右未止助益學問亦欲廣知民事
卿等有所建白用此封緘以進 宣宗嗣位修 兩朝實錄為
總裁官丁內艱奪表復任陞禮部尚書兼學士 上即位修
宣宗實錄復為總裁同知經筵事陞少保禮部尚書兼武英殿
大學士卒贈太師諡文定達官蔡弄官莫孫壽為尚寶司丞溥
在內閣與士奇蔡皆揚姓時號三楊三人者各有所長士奇有
學行素有才識溥有雅操天下引領望焉溥尤謙恭小心趨朝
猶惰而走儒之淳謹者也○辛未中元節達官蔡 長陵
獻陵 景陵○癸未亦力托里地而百戶達未瑩脫旱地而鎮
撫恠未未紳 上命于南京錦衣衛帶体給冠帶白金線段布
織金裝衣房屋牛羊靴未器四等物○吏部右侍郎趙新初任

內主禮部侍郎時其姪澄詢選吏部新令婚禮科給事中韋瑾
鳴大選郎中狄琛以美任琛不從及新調吏部不悅琛等輒稱
件新受知縣洪鈞薦為銅仁知府聽選官郭灌以告翰林侍
讀習嘉言新覺之欲誣灌為鈞屬官嘉言與琛言灌欲發其事
以恐新灌得別選瑾囑所識于新慮為琛所沮假吏科給事中
孟鑑名書票因新以付琛琛詢鑑知其偽竟沮之贖罪官趙慶
當奏黜為民新驚主事孟瑛替語琛先奏欲朦朧選職琛復不
從慶目誣琛常受其白金四十兩與美選不果因已累索之欲
見美深意此必新所嫉遂恣疏前事以聞給事中御文文章劾
新瑾琛并劾尚書王直右侍郎曹義縱容不舉 上特宥直令
其餘悉收付法司獄或當新斬義琛贖徒杖選官嘉言供明瑾
等適公出于外請速治 上以新初犯命姑記其罪義瑾等俱

釋之慶快杖為民○中中 太宗大皇帝忘辰遣官祭 長波
○封晉府寧化王孫鍾鐸為輔國將軍賜以誥命○金呈晝見
于午位○甘肅總兵官寧遠伯任禮等奏沙州衛都督僉事喃
哥等陰有叛附无刺之意恐搆成邊患 上勅禮等相機收捕
曰甘州居住善加撫卹毋致失所果有懷異心者起送來朝密
奏嚴置毋令盡惑衆心○乙酉烏思藏大憲法王徒果竺呢簡
本藏卜寧番衛判麻鎮南戎瑟軸定等寺判麻鎮內藏卜長河
西魚通寧遠等處判麻臘將劉思已等貢馬及方物賜宴并鈔
緣改僧衣等物有差○巡按湖廣監察御史蔣誠奏都指揮僉
事李敬宗所部僉金及控以官物造私舟詣究其罪從之○丙
戌命高僧鎖南列思已為國師賜之誥命○丁亥楚王手敕以
封輔國將軍均短及賜誥命冠服奏欲詣京謝 上復書止之

○今番僧倂思言呈言為禪師○皮大呈犯忤宿○戊子勅諭
思機發曰爾祖父以來受朝廷大恩故立衙門授以官職管治
人民爾父思任發悖逆不道故掠鄰境朝廷不得已命將率兵
往問其罪故爾黨類爾父為緬人斬首未獻朝廷誅惡之典已
行矣朕復念爾弗及嗣帝王威德况聞爾父為惡爾累勸誅及
屢遣弟招寨等來朝請罪近者又差陶孟刀克猛等朝貢到京
稱爾欲親身來朝慮為惡已深恐獲重罪然朕以大信治天下
豈肯失信于遠人已令該部及雲南總兵鎮守等官曉諭刀克
猛等并遣人護送回爾處今特差人齎勅前去悉赦爾前罪爾
即親帶頭目人等赴京朝見朕量授爾官職檢與土地人民管
屬如爾猶豫不遵朕言必命大將統率精兵直壓孟養搗爾巢
寨此時雖悔無及矣蓋恩必加悔過之人法不容怙終之類朕

憫爾累次懇求特為推息休全爾生實天道神明所共鑒也爾
其深者之復慮孟養頌日人民內有不知禮法之徒或誘爾潛
器或挾制爾不出非特有害于爾亦貽禍于彼立憲并違勅諭
朕令護送爾未報并將爾遺下家口財產部屬等項用心照管
待爾有定一一交付毋致纖毫疎失朕不食言敢有不遵朕命
者一體剝故不赦并諭爾知故諭○今兵部左侍郎侯選往雲
南參贊軍務代刑部右侍郎楊寧送京○己丑賜吏部尚書王
直刑部尚書金謙右侍郎馬昂措命并封贈其祖父母父母妻
從直等奏請也○江西都指揮僉事翁信會捕浙江衢州諸縣
強賊未盡獲執回原任以委都指揮僉事馮凱凱不肯行復委
所部百戶薛忠巡按江西監察御史劉琯劾其俱當究問從之
○庚寅永和王吳鳴以受冊封奏欲詣京謝復書止之○技山

奉光州府鉅野隸安興蓋巡檢司置巡檢一員以有司言地衝
要多盜故也○辛卯命內京中軍都督府故都督僉事徐景珩
子顯隆襲為指揮僉事○今從邊荆王府官氏居室一百四十
餘所王自建昌遷新州改新州衛為府以地狹閉故有是命○
壬辰四川重慶衛石砭宣撫司土官舍人馬應文廣東高州府
電白縣徭頭陳池湖廣施南宣撫司土官舍人向湖暹等各貢
馬及方物賜鈔緣段等物有差○哈密使臣所鎮撫哈剌別吉
願居京自效 上命送南京錦衣衛帶俸安插○今給送西沙
州衛都督哈哥等未納哥等具奏部下人民缺食改給之○招
遠伯馬亮年亮河南淇縣人起行伍洪武中從 太宗靖難累
功授百戶歷陞指揮同知渡江陞都指揮僉事加陝西都指揮
同知永樂間從征遠北陞都指揮仗累從征洪熙元年陞右

軍右都督宣德初隨征武定州又從北征有白金線帶之賜尋陞左都督正統九年軍出討虜以亮為前鋒日夜巡視營壘至黑山大松林流沙河諸處遇虜與戰輒敗之歸奏捷詔嘉其功封招遠伯有白金線帶寶鏢之賚仍任府事至是卒 上報視朝一日遣官拜祭益榮毅亮勇悍善騎射每戰即先士卒所向克捷為時號將○癸巳兵部奏武學讀書幼官年五等皆稱家無人丁每遇歇操入學倩人牧養官馬要照都指揮紀廣等例五日聽講并欲取勳官衙優給官未曾出幼不養馬操練者入學讀書 上曰年五十以上者操練聽講五十以下者令入學讀書兵部便選精壯俊秀幼官并軍職應襲兒男送武學○起復應天府府尹李敏敏丁母喪去任者凡千八百餘人皆保敏在任公勤康正天賴以去乞奪情任事南京都察院右僉都御

史狄純等覈實以聞故有是命○甲午擢教諭林祥鳳為貴州
道監察御史祥鳳先以吏部選送都察院理刑至是本院考稱
故擢之

明英宗睿皇帝實錄卷之一百四十四

正統十一八月丙申朔○丁酉擇真先師于遣戶部右侍郎兼翰林院學士陳循行禮○戊戌祭太社太稷○免湖廣所屬衛所州縣被災田地秋糧子粒四十二萬八千二百七十餘石○大理寺右寺丞羅綺奏贊寧夏軍務為陝西番都指揮僉事陳斌等奏其貪酷下巡按監察御史覆之以為多虛已而總兵官都督同知賁真奏復至有訛中官馬老奴等語都察院請俠綺至論奏及是綺至給事中劾下三法司鞠生綺賄徒選職上改命錦承衛鞠之綺引伏指揮同知馬順等遂劾右都御史陳鑑右副都御史丁濬刑部尚書金濂右侍郎薛奉健馬昂大理寺卿俞士悅左寺丞廖莊右寺丞張驥等蒙蔽上責全自陳鑑等具伏生綺絞謫戍邊衛上曰三法司專理刑獄

而不公至此在法難宥然既輸伏其咎始識之紆罪如擬○先是命南京工部及鳳陽府衙修 祖陵殿宇工稍及完而督工者輒罷之至是南京太常寺復請飾其朽剝未修者 上怒命錦永衛遣人械原委官赴京治之○右軍都督府左都督蕭授卒授湖廣華容縣人洪武初蔭父職府軍右衛千戶從 太宗靖難累功陞指揮僉事繼陞指揮同知進北平都指揮僉事渡江陞河南都指揮同知永樂十六年召至京命充總兵官鎮守湖廣貴州陞右軍都督僉事宣德十年陞都督同知鎮守如故正統初以剿盜賊功陞右都督召還掌府事至是卒遣官祭葬○乙亥陞陝西按察司僉事莊觀為本司副使仍提督學校親九年秩滿當去任入郡教官生徒耆民連辭懇留鎮守都御史王文以聞故宥是命○戶部評中楊堪表臣奉勅同福建提督

銀場御史等官宣布上恩招撫竊礦小民王孟光等九十五戶
俱願充當甲區採辦官深宜于附近官倉暫給食米待其失業
之後任支其餘一千五十六戶俱願于附近州縣附藉當差宜
量加優恤為仗仗之○庚子命陝西按察司僉事楊和致仕以
鎮守右都御史王大言其老疾不任事也○命忻城伯趙榮建
平伯高遠往南北二太僕寺印路孳生馬騾駒計七萬二千九
百二十五匹○壬戌設四川江津縣清平巡檢司以有司言其
沿江地曠而多盜也○壬寅夜月掩星宿○癸卯木拜宣慰平
蓋法緬甸改宣慰子卜剌浪馬哈省以達剌達陶孟乃路猛等
偕千戶王改等獻思任發首反請俘誠至京并貢金銀什器象
牙土錦等物 上命卜剌浪馬哈省以達剌襲為宣慰使賜路
猛等宴并綵幣表裏等物有差路猛等還伴齎物及綵幣褒賜

丙寅慈仍給賜卜剌浪馬哈省以達刺寇帶叩信○禮部左侍郎兼翰林院侍講學士王英以年老乞致仕上念其精力未衰留之○先是雲南廣南衛千戶鄧鏞奏本衛去騰衝二千餘里兵部尚書王驥等奏將本衛全伍調去騰衝委是遠徙艱難况彼處修造未完難于守備田地狹少難于屯種乞照廣西例輸派前去屯守事下兵部行雲南總兵等官會審至是覆奏依違莫決上命兵部移文侯璉等將本衛強壯軍編成兩班選廉幹指揮提督輸派往騰衝採備就同本所見在軍及本衛所撥去軍區相兼包砌城垣務要盡心撫恤軍士以漸用工不許私役剗致令聚者逃竄犯者重罪不恕待包砌完日隨同都司按察司管屯官去騰衝踏看附近堪屯種田地畫圖貼說仍與沐斌蕭保等道議起調屯守方略奏未處置務在事可經久

人不夫所○乙巳命劉思已堅繁代其世父為淨慈妙智園師
賜語命○丙午兩額 皇陵墻垣詔中都留守司及鳳陽府衙
興工修之○丁未卷山川城隍等神○遣旗手衛官恭旗森之
神○巡按河南監察御史芮劍勛奏管操都指揮僉事王榮受
所部指揮魏金縱其千戶等官欺操請究其狀 上命宥榮弟
收治其魏金及欺操者○建通州八里莊橋命工部右侍郎王
永和督工○戊申陞山西潞州黎城縣知縣李善為汾州知州
善在任有能聲會汾州知州以疾在吾巡按監察御史胡新等
言本州路當要衝政務繁冗乞以善代其任 上從之○命河
南開封衛輝二府被水田地糧草存留未處者停免二分其八
分准全折鈔每糧一石折鈔六十貫草一束折三貫從巡撫少
卿于謙奏請也○先山東濟南府濱州屬縣南田夏稅麥九百

一十六石秋糧米二千一百三十餘石馬草四千二百七十餘
束○雲南生肆葉南園子監者例賜夏衣每歲先期工部製衣禮
部奏給是歲秋半尚京始奏至 上以所司怠特廢事令究治
之○命四川行都司故都指揮僉事王興子王襲兩指揮僉事
○鎮守雲南太監蕭保言雲南永平地連順寧府五井浪滄江
俱係生蒲住居野性强悍山寨險峻時出劫掠今金蓋司指揮
使吳雄歷練老成守禦永平蒲蠻畏服乞量陞其職使兼守順
寧五井浪滄江等處事下兵部請移文雲南總兵叅贊等官會
勸 上命不必會勸准所奏命叅贊都指揮僉事兼守其他○
己酉吏部尚書王直等奏四夷館譯字官一十四人照例會官
考試次為三等 上命一等授鴻臚寺序班仍習吏字二等三
等過二年再試○充雲南大候州拖欠差發銀兩○湖廣都指

俾使馬翔布政使馬謹按察使孔文英等奏在城火災半月暇
平湖等各門城樓各衙門廨宇大卷軍民數千家死者數百人
都察院詣正刑等之罪 上曰翔等論法難容姑不問令巡按
御史取三司府縣官罪狀掌印官停俸一年其餘見任官停俸
半年余各修省改過以弭災咎○辛亥增置陝西延安府同知
一員專理造倉糧儲從知府陳料奏詣也○設四川重慶府江
津縣清平巡檢司置巡檢一員從知府郭齡奏詣也○直隸江
陰賸人劉源獻所註司馬法五篇賜鈔十錠遣之○雲南木邦
宣慰使罕蓋法奏乞麓川地方與之管轄兵部言麓川已開設
隴川宣撫司衙門難以與彼宜仍勅雲南總兵等官遵奉前勅
體勘孟止地方應否撥與木邦管轄 上從其言罕蓋法又奏
乞遣都指揮同知李昇十戶鮑照勅彼管轄地方 上曰李昇

僚都司官不動其令總兵鎮守官查以前曾無差官在彼事例
及鮑照應否差去奏奉定奪務要事可經久○命南京工部修
孝陵懿文陵祭器以南宮太常寺言其損敝也○癸丑廣西鎮
遠州土官知州趙得與湖廣木州長官司副長官崔貴朝等貢
馬賜綵幣及鈔○裁省四川烏蒙軍民府東川軍民府知事檢
校各一員以事簡故也○命直隸順德府沙河縣典史孫亨復
任陞從九品休亨九載任滿邑民三百餘人保留復任巡檢監
察御史袁寶以聞從之○甲寅福建按察司僉事高超以老疾
乞致仕從之○乙卯命四川長河西加渴瓦寺番僧鎮南列思
己為崇教翊善國師判觀己寺番僧綽思吉呈言為悟善禪師
賜語勅印并衣帽等物○丁己宥廣西總兵官安遠侯柳溥奏
將都指揮同知田真罪降把總領有署都指揮同知郝真為指

揮參事立功邊衛坐藤縣堡夫概真急于巡督得等失不來奏
為巡按御史所劾覆得實也○戊午直隸揚州府通州金沙場
鹽課司副使陳昇奏本場有八里河通運河洪武間開挑以便
燒鹽盜竄而附近農田徂未容商亦皆利之近年淤淺不通乞
勅所司蠲濬役之○岷王概奏欲預造土墳乞工區物料

上以湖廣累遭旱澇百姓艱窘不允○庚申陞禮部郎中黃養
正為太常寺少卿仍于內閣書辦○方山王垣奏乞預支正
統十二年祿奉為養母之費從之○吏部尚書王直右侍郎趙
斯魯叢掌先祿寺事戶部左侍郎秦亨等下獄以相訐奏為給
事中監察御史所劾也○京營把總操練指揮使顧緣陰保家
取所部白金二百餘兩事覺法司論贖徒逐職 上命滿成遣
衛○辛酉命禮部右侍郎錢習禮署吏部事○直隸真定府棗

城隍知縣徐榮以親喪服闋者民百餘人奏保榮廉勤有為民
吏悅服新任知縣昏老不任事乞令榮還任以志一邑事下巡
按監察御史體覆無異從之○直隸大名廣平真定順德廬州
淮安去慶七府山東濟南東昌萊州青州四府各奏六月七月
天雨連綿河水泛漲淹沒居民田畝 上命戶部遣官覆視以
聞○兵部言河州衛番僧加失領真在罕末衛住坐年久為其
都指揮班麻思結奉使往瓦剌也先處約為婚姻交結深密今
本僧來朝意在與外夷緝探中國事情不宜使還本土宜發往
南京錦承衛去押后住從之○湖廣龍陽縣奏今年二月以來
大雨洞庭湖隄决居民男婦多被溺死浮沒廬舍禾稼牲畜無
算 上命布文司亟發人夫修完湖隄存恤被災民戶○癸亥
樞東孝子魏整等三人節婦陳氏等十一人整直隸定興縣人

王遜山西高平縣人曰峻直隸文河縣人皆親喪廬墓三年表
其門曰孝行陳氏四川宜賓縣人張開軍妻袁氏河南汝州人
馬元吉妻張氏山西吉州人郝銘妻樊氏陝西藍田縣人李壽
妻田氏亦藍田縣人兀雲妻魏氏應天府上元縣人伊瑞妻杜
氏湖廣江陵縣人王善妻楊氏神農衛軍秦斌妻孫氏直隸山
陽縣人夏大素妻陳氏常熟縣人吳克存妻皆早歲喪夫守節
無玷劉壽真山西五臺縣人劉復初女許嫁同里盧春兒未婚
而春兒沒壽真白父母詣赴喪遂留盧氏誓不他適養其父母
餘三十年俱表其門曰貞節○沙州衛都指揮同知桑哥失力
奉朝奏願率部屬三十家內徙甘州出力報效上從之賜鈔
幣衣服等物遣往甘州仍勅甘肅總兵官遣人取其部屬未居
○兵部言寧夏右叅將都指揮同知王榮反守備延綏等處署

都督僉事王斌等互相訐奏請移文參贊軍務右僉都御史盧
齊等會同體勸 上曰不必體勸且俱宥不問再不協和守邊
俱罪不宥○乙丑大同參將都督僉事石亨奏大同右玉林二
衛城極臨沙漠而舊惟土築自請率軍士以石甃之 上從其
請○修滿州守禦千戶所城為黃河所敗者○右軍都督僉事
魯夫加卒夫加莊浪衛西大道人任陝西行都司都指揮僉事
宣德十年進剿虜酋阿台于紅水敗之陞都指揮同知正統三
年巡鎮奢王伯牙忽復征阿台卻落敗之陞都指揮使十年陞
右軍都督僉事至是奉命致祭給賜營券

明英宗睿皇帝實錄卷一百四十四終

明英宗睿皇帝實錄卷之一百四十五

正統十一年九月丙寅朔直隸徐州并河南南陽山西太原山東兗州登州湖廣武昌府各奏五月六月大雨江河泛溢濟汶永隸漂民居舍湖廣襄陽長沙岳州黃州漢陽荊州德安七府各奏六月七月不雨永隸旱傷湖廣常德府奏先水後旱永隸盡傷租稅無徵 上命戶部遣官履視以聞○致仕都察院左副都御史李濟卒濟字伯淵山東武定州人由監生擢四川道監察御史宣德初漢庶人高煦謀叛濟以父憂居家馳京告變事_平陞都察院左僉都御史 上初即位選大臣巡撫遼東衆舉濟時濟以母憂歸驛召奪情往蒞邊事且則備禦之政益脩陞右副都御史事得便宜行之八年以老疾致仕至是卒訃聞賜祭命有司治葬○丁卯戶部奏內帑各邑絹布不多請出白絹

一萬疋白布四萬疋令京城工匠染色備用。上曰民可資其力不可傷其財當用物料悉官給之。○直隸太平府當塗縣寧國府宣城縣各奏久雨決本縣圩塘田禾盡沒百姓窘甚今秋稅糧尚恐無望而南京工部派辦物料及起脩造夫役未已乞暫止之事下工部請下各府覆實水災仍計脩造夫役緩急可否踈放以聞從之。○總督守備獨石等處左叅將都督楊洪奏聞安遠西鞏子山等處俱有千餘人馬蹤跡西行此必兀良哈違賊往來窺我邊境。上勅沿邊諸將嚴兵備之。○戊辰直隸淮安府奏比因水患民多缺食已發康賑濟俟來秋償官從之。○羽林左衛軍蘇阿保妻屈氏一產三男命給賜米鈔如例。○己巳宥吏部尚書王直右侍郎趙新曹儀掌光祿寺事戶部左侍郎李亨等罪初亨為光祿卿時囑新及驗封郎中趙敏註所

織吏為後府提控敏辭之未幾亨執滿意圖遷吏部侍郎既而得戶部左侍郎仍掌寺事亨等無所發其同鄉吏徐源註銜倉亨囑敏改註敏復不從亨不勝忿嗾源訟敏源狀法司亨慮不勝連已遂奏敏任員外郎未久輒營陞即中中書舍人龍文與直同鄉得超陞員外郎徇私不公直等亦疏亨挾詐怨望請不法事 上怒逮直亨等命三法司六科廷鞫之論亨斬直義新等贖徒源贖杖俱還職役 上曰朝廷寬待臣下欲保全之今直亨等乃恃恩玩法若此但念其歷事年久直義姑宥其罪新罰俸兩月亨罰俸三月源構事連眾難以常例處杖一百發戍甘肅邊銜○禁邊銜官舍取直輸草時大同歲用馬草六十三萬餘束俱徵於山西腹裏州縣山路險遠艱於輸運有司往往倍歛銀直於近地易草以輸而大同諸勢要官嗜其利厚挾

民不得與易私役軍卒採野革舉貸於民軍民兩疲請邊禁
鎮守大同左叅將都督僉事石亨等以為言都察院議請禁止
從之○庚午命署吏部事禮部右侍郎錢習禮仍任禮部事以
吏部尚書王直等復職也○湖廣大庸千戶所奏本所邊諸蠻
洞而城鋪原以土築草苫有^警何以保障^請督工免以磚從之
○辛未後軍都督府奏所轄大寧萬全二都司并直隸諸衛所
官軍俸糧折鈔及胡椒蘇木每歲各委官赴京庫關領所委者
多將官物在京靡費耽嗜酒色經歲不回以致官軍不得實用
乞勅戶部各遣辦事官一人定與限期同委官運赴各該管糧
官處分給為便從之○戶部右侍郎劉璉言沿邊諸衛所官軍
該支俸糧有已領官壽私携歸家者殆過半歲始復入倉關米
以此真偽難辨森弊日生請如在京例該支俸糧踰月不赴倉

關領者住走從之○撤馬兒罕回回亦抹的阿卜荅里自瓦剌
來歸給衣廩房屋居之南京隸錦衣衛○韓府平利王範堅以
府第腐朽乞令有司為脩葺事下工部言陝西於諸邊儲民力
已罷宜如襄城王樂平王例命韓府技卒為脩從之○夜火星
犯天江第二星金星犯軒轅左角星○癸酉廣東河源縣緝首
陳起高等貢方物賜之鈔絹○添設廣東新會縣管糧縣丞一
員先是以廣海衛倉改隸新會縣然縣治去衛五百餘里故散
不便至是參政王來以為言遂有是命○移置寧夏玉泉營於
靈武數山○甲戌重陽節賜文武百官宴○雲南芒市長官司
長官放革遣陶孟放襖并烏思藏刺麻表珠言千等來朝貢馬
及金銀器皿土錦毳毼刀甲等物賜宴并綵幣表裏等物有差
○丙子命故山東都指揮僉事趙本子補襲為指揮使廣東署

都指揮僉事阮智子禎襲為指揮同知○先是甘肅總兵官任禮等以沙州衛都督喃哥兄弟乖爭部衆離貳欲乘其飢窘遷之塞內適喃哥來言欲入居肅州之小鉢和寺禮等遂令都指揮毛哈剌趙哈剌不花等偕南哥先至沙州撫諭其衆而率大衆隨其後比至喃哥陰持兩端其部人多欲奔瓦剌禮等進兵追之遂收入塞居之甘州凡二百五戶千二百三十餘口及是奏至 上勅禮等曰爾等相宜調度不傷一卒旬日之間致其全部朕甚嘉之所議欲以甘州南山一帶給之耕牧復其志嚮安定收為土官土民隨軍採調皆姑從爾議但安撫遠人須在經久今其來附恐非得已且向背不齊實情叵測不可不防議者謂果無異圖置之邊州無不可者如或不然必須徙之內地庶無後慮此二策何者為便其審計以聞○調南京府軍後衛

帶俸都指揮僉事趙綱於福建都司構倭○時民有姦義男之妻未成者法司擬強懲麻以上親斬大理寺卿俞士悅駁奏義男於律與禮俱無服於例義男女十五歲過房不蒙恩養准雇工人科斷今本男十五歲過房年已長大若告不孝尚依雇工人論况姦未成乎上詔本犯與義男既恩情已疎又強姦未成決杖一百發口外充軍著為令○丁丑南京內官監奏本監舊有淨軍煎熬上用白鹽今年老亡故者多請僉畿內民三十人補之事下戶部尚書王佐等言畿民煎鹽非舊制上曰既非舊制奈何生事擾民其事遂寢○夜雷電○戊寅晉府西河王美瑄累乞益建府第上不允至是復以請且欲為長子鍾璽起第於本府隙地。上許之仍命交城王陽曲王府同本府校卒無力用工勿侵擾有司○己卯遼庶人貴哈長子擅離

其先塋欲如京遠府及防守利州衙官以聞 上命湖廣三司
及巡按御史體之至是奏貴哈自言其男女成人居第狹隘貧
無以卒日長子欲陳訴于京乞恩進學無他故 上以書遣達
王及勅荊州府衙令審其男女成人者王府即與主婚配軍民
誠實之家給第宅於荊州城內聽屬王府其官卒防守如昔勿
令交徼亡類以逭罪愆○應山王貴囁于豪環奏先臣薨逝祿
當停止伏望憐臣孤苦未襄大事仍復給賜從之○夜有流星
大如杯色赤有光出紫微西藩東北行至近濁○庚辰戶部奏
永和昭定王濟煥薨逝歲祿不當給而本府數授與山西布政
司官吏不即移文住支以致多給祿米三年當論以法其給過
祿米仍追償官 上曰朕於宗室常加厚已給祿米勿追償該
官吏亦宥之○兵部奏雲南木邦宣慰罕蓋法先將金帛及割

地與緬甸宣慰卜剌浪馬哈省以速剌易反賊思任發斬首級
付官軍來獻已蒙朝廷各賜勅褒賞今卜剌浪馬哈省以速剌
又奏求孟養戛里地方且請大軍勦滅思機發兄弟而已出兵
為助臣等以為思機發屢遣人納貢悔罪宜勅雲南總兵等官
撫諭速其赴闕若再推延即遣人諭卜剌浪馬哈省以速剌令
其擒縛思機發來獻乃可許以孟養戛里地方 上勅諭卜剌
浪馬哈省以速剌曰爾能調度夷兵南據戛里北度金沙置思
機發於陷阱可不戰而成擒矣至易之功勿為他人所得以膺
重賞以樹茂功時不可失爾其勉之○辛巳廣東左叅議揚信
民言廣西獨賊劫掠化州執其知州茅自得索取金銀贖回殺
死千戶汪義等官焚劫致仕御史陳貞豫等家竊原此賊皆自
廣西來劫廣東乞督將原調廣西官軍取回於兩廣交界之家

設立營堡事下兵部議以為廣西賊之巢窟尤宜鎮遏信民言
難從宜行廣東三司會議果應立營別調旁近衛所官軍哨守
從之○有僧四人私建佛寺于彰義門外監察御史林廷舉等
奏竹法司坐當杖充違衛軍從之○壬午福建邵武衛百戶賈
能廣東瓊山縣民吳恭許志海程鄉縣民熊璘海南衛軍柳英
四川彭縣民趙宗翰本忠直隸鳳陽府致仕河泊所官耿原池
州府民李預惠等各出穀千石有奇賑濟詔賜璽書旌勞復其
家○給晉府和順郡主并儀賓趙綜歲祿八百石宜川王府城
圍縣主并儀賓郭綜合水縣主并儀賓周剛歲祿各六百石米
鈔兼支○巡撫直隸工部左侍郎周忱奏應天鎮江太平寧國
等諸府舊有石臼等湖其中溝港歲辦魚課其外平圩淺灘聽
民牧放孳畜採掘菱藕不得耕種是以每遇山溪泛漲水有所

泄不為民患近者富豪之家築成圩田排遏湖水每遇水漲忘
即及民宜悉平之又言各處被災恐預備倉儲賑濟不敷請以
折銀糧稅悉徵本色於各倉收貯俟青黃不接之際出糶於民
以所得銀物上納京庫則官稅不損民亦得濟從之○四川敘
州府宜賓縣奏木用等寨夷民二百五十餘戶洪武四年歸附
占籍本縣歲納茶五千七百餘斤米三百石後開設烏蒙軍民
府其民俱隸烏蒙而茶米仍於宜賓追徵乞改令烏蒙徵納事
下三司覆視從之○甘肅總兵官寧遠伯任禮奏沙州衛內附
都督喃哥言其弟鎖南奔先聘罕東衛指揮撒巴女為妻今姓
彼處成婚臣訪得鎖南奔曾受瓦剌偽封祁王恐有他變上
命禮遣人性罕東衛招撫之○命濟州衛故指揮使况忠子懋
襲職全吾右衛指揮使魏信子清府軍衛指揮同知田得子廣

羽林左衛指揮僉事傅榮子廣南京金吾右衛指揮僉事繆忠子鉉俱代職○癸未南京都察院左副都御史周銓總督南京糧儲坐金川門草場火為法司所劾上命銓自陳銓具陳伏罪宥之○甲申命監察御史盛錡往浙江王龜往山東趙全往湖廣姚鵬往陝西李墜往四川清理軍政俱賜勅遣之○丙戌擢進士謝睿沈綱為中書舍人葉冕南京刑部主事黃霖南京工部主事○禮部奏旗手等衛指揮孫勝等十三人相繼卒乞賜祭如例從之○復除翰林院編修陳文以丁憂服闋故也○唐王瓊燧奏本府南陽中護衛指揮同知余海僉事芮春儀衛司儀衛副王全酗酒不理政務上曰余海等三人得河南接察司執問明白發達東鐵嶺衛充軍立功家屬隨往但逃罪以元兵部別選官與之○夜月犯五諸侯星三星○丁亥賜隰川

王遜燁萊戶○勅諭漕運總兵及各處巡撫官曰租稅出於民而漕稅以軍其勞苦甚矣該管官司不知存問復加侵擾以致失所者衆卿等當加意撫卹暴官汙吏必致之法務俾軍民得所糧餉充足其有利可興有害可除者與實以聞○夜金星犯木星○戊子兵部言甘肅總官兵寧遠伯任禮奏哈密忠順王使臣捏伯沙來報也先遣人至哈密勅王及王母頭目陝西丁等往无刺至則禮待甚厚贈以貂皮馬羊等物又將前後劫虜人口六百有餘繳還王已回至本境聞也先將往幹兒者地面過冬捏伯沙又密言陝西丁歸國時也先屬其約束人馬以俟亦納失力王調用亦納失力王者故朵兒只伯從兄弟也臣等竊觀也先無一日不欲南牧事機已著不可不為之備乞勅文武大臣會議方畧上命待捏伯沙至日當問得旨會官集議

○己丑夜月犯軒轅南第五星晚刻金星犯太微垣右執法星
○庚寅命羽林前衛帶俸故都指揮僉事吳果來子祥襲為本
衛指揮使○辛卯勅甘肅總兵官寧遠伯任禮曰爾收捕沙州
全衛來歸遠猷嘉畧深簡朕心今特遣人齎勅獎諭并賜銀幣
以酬爾功朕以西陲之事悉付於爾矧茲北虜狡黠不測爾宜
思患預防選拔智勇訓練精銳無事撫以恩意務得其心有孽
竇其智力共圖成績庶爾之勲名日著朝廷之報稱益隆尚克
勉之毋怠前志其出境一行將士一體陞賞并諭知之於是賜
禮及太監劉永誠各白金五十兩綵幣八表裏陞甘肅右叅將
都指揮僉事劉法貴為都指揮同知賜銀二十兩綵幣四表裏
陝西行都司都指揮同知毛哈剌趙哈剌不花俱為都指揮使指揮使
韋文為都指揮僉事俱賜銀十兩綵幣二表裏○召叅贊甘肅

軍務右副都御史曹翼回京先是翼與右副都御史程富奉命交代至是翼在邊二年以疾召回時富理院事亦託疾不肯往代上命富回鄉治療○總督浙江僉倭都指揮使李信等奏巡海都指揮同知王瑛納^賄縱所部出海捕魚不俟委官以代輒回任請下巡按御史究問從之○壬辰出河南道監察御史吳鎰為河內縣知縣先是鎰生事為法司論斷罰杖至是吏部言其風憲失職故有是命○致仕都察院右都御史顧佐卒佐字禮卿河南太康縣人洪武庚辰進士初授荏浪知縣端陽日守將集僚屬較射以佐文士難之佐持弓矢舉止從容一發而中守將大奇之丁父憂起復改監察御史永樂初太宗皇帝命招撫廣西慶遠洞夷樂命四川監採營造木植復命隨征沙漠巡視邊關既還陞江西按察副使幾二載陞應天府尹尋召

為順天府尹未幾改貴州按察使仁宗皇帝改元召為通政使宣宗皇帝嗣統扈從平武定州有白金文綺人口之費宣德三年陞右都御史累賜琥珀帶麒麟衣駕巡邊方命佐留守京都後感風疾命太醫治之累遣中貴往視于私第疾少愈視事仍免其朝奏上即位之初命經筵侍班又二載前疾復作懇乞致仕特允其請賞賚甚厚給驛舟以歸仍復其家賜以璽書有曰廉清之操公忠之行確乎不拔卓然名臣居家殆十載卿之後學穎其啓迪至是以疾卒訃聞遣官諭祭命有司治喪葬佐孝友謙恭操履清白及總憲度益振風采聞者起敬一時推貴為鉞述云○癸己改刑部右侍郎馬昂為都察院右副都御史奉勅往甘肅參贊軍務○直隸順德府沙河縣奏正統八年九年薄收民間通員糧草准令納鈔今歲頗豐米賤鈔貴

其未納完者乞仍徵芻粟布帛從之○赤斤蒙古衛都指揮鎖合者來朝貢駝馬物赤斤蒙古之先有苦苦者娶西番女生塔力泥又娶於達達生鎖合者及革古者乃分所部為三凡西番人居左帳屬塔力泥達達人居右帳屬鎖合者而自領中帳後苦苦沒塔力泥及鎖合者相繼來歸永樂中始置赤斤蒙古衛處之及且旺失加阿達繼掌衛事部衆日盛遂欲并在帳累相擊殺而鎖合者不能支至是訴於邊將言怨隙已深勢難共處欲以所部內屬總兵官任禮等遣詣京且請發兵收其部衆上勅禮等曰鎖合者至京欲朝廷盡取其右帳人民與之且乞渡羅寺白真山之地以居然觀其詞情未可盡信今仍遣還爾處爾等須再三審察果無他即遣人往赤斤諭都督阿達發其家口部屬回來然其人之在赤斤者未知其意亦果願偕來乎

蓋此事須出本情少有抑逼則得此之心夫彼之心亦非經久之道但其家口則必須違來爾等其審處之○夜東方有星大如蓋色青白有光行一文餘忽大如碗光明照地東行至軒轅沒○是秋陝西百穀皆登

明英宗睿皇帝實錄卷之一百四十六

正統十一年冬十月乙未朔享太廟○遣中官祭司井之神
○以下元節遣官祭長陵獻陵景陵○丙申直隸潼關
衛奏先因右都御史陳謚言本衛雜犯死流徒罪於陝西蘭縣
納米曾杖罪於河南納米乞令管杖罪亦止於本衛納米為便
從之○彭城衛南新倉火戶科給事中劾提督侍郎張睿等不
謹罪上宥之○漕運總兵官都督僉事武興奏各處軍民兌
糧之際因官司不相統屬以致爭競者多乞遣戶部主事一員
提督各該軍民官員公同交兌庶免爭競從之○陞漕運總兵
官後軍都督府都督僉事武興為都督同知右叅將錦衣衛帶
俸都指揮僉事湯節為都指揮同知仍督漕運○巡按浙江監
察御史王琳奏杭州府知府高要防範不嚴致強盜二十餘人

反獄守城門千戶李珍守禦不謹致盜出城方擒獲之其都司署都督僉事張真署都指揮僉事王政平日慢於提督俱宜治罪 上曰盜既擒獲俱宥之真政仍罰俸三月安珍令御史責取罪狀仍罰俸半年再犯重罪不宥○監察御史虞禎自貴州巡按歸畢節衛儒學教授孫隱奏其酗酒鬻康有玷風憲禎亦奏隱忘分取辱挾私見証俱下錦衣衛獄法司論隱贖徒禎供明還職 上命調禎博平知縣○曉刻金星犯太微垣左執法星○丁酉遣羅國王思利波羅麻那惹智剌遣使臣坤普論直等爪哇國遣使臣馬用良等占城國王摩訶貢故遣該兄左栗提朋并使臣通沙怕占特等各來朝貢方物賜宴并綵幣表裏等物有差○巡按湖廣監察御史蔣誠奏各處文武官員間有因人訐已違法意欲遮掩或作建言巧詞公報私讐或私關本

衙門具本作當該官員僉名用印似此不惟良善被誣抑且繁
瀆 聖聽乞勅法司禁約今後有私事須令家人陳狀如仍擅
具本者文職降用武職調衛奏下都察院右都御史陳謚等謂
誠所言已有 先帝欽定榜例宜再申明禁約其所云文武官
違者降調無例難行 上曰是○疏直隸常州府孟瀆河○陞
浙江紹興衛指揮同知張勇署都指揮僉事時運糧都指揮張
剛被訟參將湯節舉勇代之兵部以勇非軍功不可從請命都
督武興委都指揮一員暫管以俟剛復職 上曰用人之際何
惜一官遂有是命○給延安綏德慶陽等處官軍馬一千五百
匹○戊戌瓦剌來朝正使字端副使失蘭火者等至大同 上
遣勅諭之曰爾瓦剌尊事朝廷遣爾等遠來朝貢緣途跋涉勞
勩朕深嘉念今遣太監劉增前去接待勅大同等處總兵鎮守

等官應付車輛馬匹差人送從容來京往年差來衆使臣及
從人內有攪擾官府打傷軍民屢嘗寬宥爾等今宜嚴切禁約
務要安分守法違者爾等即量情懲戒重者具實處置庶副朕
眷待之意○擢進士杜紹為刑部河南司主事○秦府延川郡
主儀賓劉振卒遣官賜祭○曉刻木呈犯太微垣右執法星○
己亥陞河南汝寧府同知張鑑為本府知府鑑初以僉事調任
端謹有為屬邑無擾時知府缺員所部吏民乞保陞鑑巡撫少
卿于謙以閣下巡按御史叢之無異故有是命○夜北方有星
大如盃青白色尾跡有光起自天船北行至鉤陳○庚子命武
功右衛帶俸署都指揮僉事李整性陝西漢中等三衛操守○
辛丑勅甘肅寧夏總兵官任禮黃真等甘肅原選官軍一萬五
千人後減其三之一寧夏原選官軍五千人後減其五之二爾

等可將所減軍士記名在官以俟調用有功之日一體陞賞○
守備獨石左叅將都督楊洪奏出哨官軍獲瓦剌部屬三十人
并馬匹弓箭等物 上勅洪曰此三十人者未見其有寇違之
迹宜寬待之遣人送京○陞哈密衛百戶祖伯沙為指揮僉事
從忠順王倒瓦荅失里奏請也○巡按福建監察御史丁澄劾
行都司署都指揮僉事蔣貴匿軍以輸月錢請治其罪從之○
晚刻木呈復紀太徽垣右執法呈○壬寅罕東衛指揮阿黑已
兀者衛都督剌塔吉河衛指揮達魯董哈肥河衛野人女直指
揮咬末四川沐川長官司通事夷林等來朝貢馬駝及方物賜
宴并綵幣表裏鈔絹等物有差○復除河南道監察御史吳昌
行於浙江道張海於廣東道浙江道監察御史張斌於雲南道
俱以親喪服闋也○命福建故都指揮僉事劉海子浩襲為指

揮使○癸卯巡按浙江監察御史黃裳言御史給事中國初以
來考滿黜陟取自 上裁其後考稱由吏部奏陞方面府正近
年以來方面府正缺負平出三品以上廷臣保陞臣恩御史給
事中既以糾察叅駁為職苟欲上忠於君下盡其言寧無致忤
於人招譴於己考滿待陞求如宋文彥博之薦唐介呂夷簡之
舉范仲淹者幾何人哉乞勅吏部今後凡遇御史給事中考滿
察其才行果堪方面府正照例奏請陞授如此則任用皆得其
人而言路益知奮勵矣 上嘉裳所言以其疏下吏部行之○
兵部尚書鄭瑩等奏比奉勅旨命臣會官集議禦虜方畧臣會
太師英國公張輔吏部尚書王直等議得合行事宜謹條陳如
左一大同邊陲重地虜使往來所經舊分兵三路孫守總兵官
朱冕守中路領官軍七千八百餘騎右叅將馬義守東路領官

軍二千五百餘騎在秦將石亨守西路領官軍四千八百餘騎中路擁兵頗多而東路所轄天城等四衛又調騎兵九百於大同城內操備乞發回原衛以益東路之兵其西路地方廣闊尤為要害領軍數少不足禦敵乞分中路馬軍二千益之庶勢均力衆互相應援一密雲地方密通京師而古北口尤為切要共有官軍三千九百人分守關營墩堡八十三處古北口止二百二十四人乞將密雲中等衛在京孫軍發回守口一迤東善峰等口及大同宣府要害關隘并沿途驛站俱宜廣蓄糧料乞行戶部豫為措置一宣府乃京師屏蔽其西北爛柴溝地勢平行直衝境外雖有都指揮李徽守備然所領官軍止二千三百餘人勢單力弱乞調秦將紀廣領馬軍二千與徽同守一陝西地方延綏有定邊安邊等營寧夏有靈州千戶所二處實當處衝

守備軍少乞將河南更番戍卒每處益一千五百人分遣備冬
歲以為常一乞選命素有智謀聞望大臣二員領勅巡視西北
二邊其間有軍馬多寡不一者量為分調就令督察總兵鎮守
等官不許將精銳軍士占用 上曰邊境蓄糧議是其益大同
叅將兵及調紀廣同享做守備難以選定宜行二邊總兵等官
議之密雲在京操軍且不動河南軍士見孫延綏寧夏者只如
舊又曰朝廷委總兵等官以閩外之寄若又遣大臣殊非專任
之意宜行文各邊總兵官俾其用心禦寇及其見孫官軍總數
條陳方畧以聞○命直隸順德府邢臺縣知縣梁瑄復任陞正
六品俸瑄九年考擢當選邑民以其無字有方奏保復任下巡
按監察御史覈之無異故有是命○韓府鎮國將軍範堯夫人
尹氏卒遣官賜祭命有司營葬○巡按山西監察御史白圭奏

布政司右叅議王彥英總督易州山場柴炭受屬官白金宜執
問從之○乙巳无判也先遣其徒奄克至大同稱也先率衆往
无良峪怒回時人馬困乏索糧接濟就欲與太監郭敬相見敬
以聞 上勅敬曰此虜狡黠切宜嚴備設若必欲要爾相見應
之曰我奉命守邊非有詔旨不敢擅離况我與太師皆朝廷臣
子以心相契雖不相見即如面會或再言求糧宜應之曰非有
朝命升合不敢擅走京師儲峙如山爾可自詣仍令傳語也先
曰朝廷聞太師與无良峪擊殺已戒飾邊將勅兵切宜嚴禁部
屬毋令近邊恐難分辨務在善辭應答毋啓釁端○提督遼東
軍務左副都御史王翱歷任三年考滿欲回京吏部具言邊務之
重請令就彼復職從之○復除右給事寧震於工科以親喪服
闋故也○免大營三千五軍神機等營倒死騎操馬一萬一千

一百匹有奇○給大營三千五軍神機等營馬一千三百五十匹有奇○河南左布政使饒禮奏外境逃民占籍河南者近遇水旱又復轉徙甚者聚黨為非不加禁戢恐遺後患乞委官一員專於撫字其果不務農業肆為不法者按治之 上從其請○丙午中都留守司正留守蕭讓卒遣官賜祭○夜金星犯進賢星○丁未免直隸淮安府徐州山東濟寧等州縣糧草十之三仍命有司發康濟民時巡按浙江監察御史黃裳奏臣經歷河上見水勢瀾漫迨今未落近河之民居舍禾稼盡皆滄沒若不賑卹恐致失所故有是命○貴州按察司副使李睿言舊制都司官皆推選在會京隨孫厓練老成者近年多因各處征進有功陞授其內有陣亡子弟陞襲者切推罔知事體貪官不循禮法乞起赴京師會官試驗果稱其官方許管事否則或留在京

隨操或於本司帶俸或於各邊聽調不許干預都司軍政上
命都指揮年切及才識不堪者就於本都司帶俸操練俟其年
長練達事體然後選補任事○戊申調太常寺寺丞許俊於太
僕寺以判負改也○陝西西安府提督水利通判黃鑄奏本府
所屬州縣多藉河渠之水流田然歲久弊滋因循未革誠以判
之所在人所同欲強梁者倍取之而柔懦者無消滴宜人有不
均之歎而致紛紛之爭也臣近雖錄均判之意示之禁約而猶
有恃奸貪未即悔改者請以各州縣灌漑田畝之數及用水日
期時刻并違者罪之之條錫之以石立諸總渠分水之處庶使
知畏遵守從之○辛亥復除戶部主事高章於本部廣東司以
丁憂服闋故也○壬子 誠孝昭皇后忌辰遣官祭 獻陵○
陞罕東衛指揮同知阿巴為都指揮僉事指揮同知朵兒只巴

徃失加俱為指揮使指揮命事切已為指揮同知衛鎮撫薩失
加副千戶伯顏禿俱為正千戶○命法司論斬罪囚有力者於
通州運米赴龍門關平二衛上納贖罪從戶部奏請也○癸丑
夜有流星大如碗色青白有光燭地出正南雲中西南行至雲
中尾跡炸散後二小星隨之○甲寅遣給事中監察御史往各
邊分賜備邊官軍白金人一兩共二十五萬七千一百五十二
兩○命選隆慶左右并懷來衛屯軍於馬營備冬○給宣府貓
兒峪等營馬二千二十五匹○遼東都司都指揮使裴俊卒遣
官賜祭○乙卯給秦府沂陽王公增歲祿二千石內米五百石
餘折鈔○夜月犯五諸侯北第三星○丙辰朝鮮國王李禔遣
陪臣金何等來朝貢馬及方物賜宴并綵段^帶表裏襲衣靴襪鈔
絹等物有差○復除司丞楊導於尚寶司導故少師兵部尚書

兼華蓋殿大學士士奇子先是以蔭授職歸鄉終制至是服闋
故也○給沿邊火器大同甘肅手把銅銃五百碗口銅礮四百
宣府銃五百礮二百密雲銃三百礮一百遼東礮四百寧夏礮
一百獨石礮四百○巡邊署都指揮僉事揚俊奏兵器損缺
少請給賜 上命與甲五百盔五百弓一千弦二千箭三萬手
把銅銃二百及火藥等物○丁巳命各邊官軍自備馬匹侍戰
者悉給草料○設陝西行都司莊浪衛儒學署教授一員訓導
二員從本衛奏請也○設女直塔山左衛給印命塔山衛都指
揮弗剌出掌印管事從嘔罕河衛都督你哈答奏請也○勅南
京守備豐城侯李賢等發軍夫二匠䟽南京承天門金水河修
千步廊午門外直宿板房正陽門城垣○戊午朝鮮國王李禔
遣陪臣李堅期等奉表貢馬及方物賀 萬壽聖節賜宴并綵

帶表裏等物有差○己未勅諭瓦剌太師也先曰近者太師差頭目把禿不花等齎奏將所得兀良哈人口馬匹來進朕特頒勅褒獎賜以綵段表裏付把禿不花等齎回頒給用旌太師之忠誠初把禿不花等不由大同朝貢使臣往來大路而來乃從迤北境外山路險窄之處行走及遇巡邊官軍又不明白說係太師差來進貢之人及不將所齎文書看驗幾為官軍勦殺朕令人審其實情及得所齎文方知果係太師差來進貢之人特宥不問仍給賜衣服加恩宴賞館待尤厚今後太師凡差使臣來者務令齎鐵牌及印信文書從大同路來太師又奏請將先差使臣把伯等今冬打發回來然把伯等近方到邊即日就進於大同宴勞後遣官迎接館待從容來京買賣物貨及陸續賞賜筵宴禮不可缺待其事畢即遣使臣護送回還必無所失

朝廷兵制在內有大將精兵各路有總兵鎮守緣邊有守備之
兵境外有巡哨之兵皆常操練以防不虞近聞太師等殺掠兀
良哈部屬恐彼餘衆奔遁來邊為盜已勅邊將嚴謹隄備遇有
近邊者即時勅殺今慮太師入馬不知朝廷禁令或往來境外
邊將一時不辨或誤有所傷太師宜毋令近邊庶副朕一視同
仁之心亦見太師克全和好之意○己亥奉化伯滕定母太夫
人王氏卒遣官賜祭命有司營葬○庚申封永和王弟美輝為
鎮國將軍給賜誥命冠服○禮部尚書胡濙等奏臨泉王美睿
因缺人使令收買淨身人陳聚等六名本府教授阿諛順從於
理不當請移文山西按察司治之上命治教授罪淨身人准
王用○辛酉給永和王美瑄歲祿千石米麥兼支○陞陝西西
安左衛指揮使榮福署都指揮僉事○陞廣西桂林中衛指揮

同知武毅署都指揮僉事守備壽州從總兵官安遠侯柳溥
言其屢殺賊有功也○湖廣按察使孔文英都指揮僉事常敬
勳施州衛大田軍民千戶所鎮撫謀殺伯父殿死妾婢等事弗
具奏擅執之法司請下巡按御史究問 上特宥之○壬戌修
葺南京 太廟 社稷壇畢工遣駙馬都尉趙輝等官祭告南
京 太廟 社稷并厚土之神○癸亥命羽林前後故指揮同
知劉成子政襲職金吾右衛指揮使崔智子繼代職○甲子陞
江西建昌府知府楊誼為湖廣左叅政郎中沈餘慶僉事徐浦
俱為右叅政員外郎崇蘭為江西左叅政張維為山西左叅議
郎中章敏員外郎梁蔡監察御史李匡趙敬俱為按察司副使
敏貴州叅廣西匡四川敬山西主事葉遠王綱監察御史唐震
陳永亨樹史鑑評事陳勝通助教陳烈司務秦安張瑄推官顏

隆俱為按察司僉事道瑄隆俱河南綱安俱陝西震四川永浙江彭山東鑑雲南勝通湖廣烈福建郎中賈信貞外郎胡琛寺丞徐珙都督府經歷劉本王曼都察院經歷熊尚初知州李信圭刁正通判易乾俱為知府從吏部會官薦舉也浙江按察司副使于奎以丁憂服闋仍命復任 上諭吏部尚書王直等曰今後推舉止宜總開堪任方面風憲郡守未聞不許定擬官職其吏員出身果才行出衆有清譽者方許舉保但濫舉庸常者悉治以罪○雲南按察使顏巽卒巽字遜志江西廣昌縣人永樂乙未進士授河南道監察御史出巡有風力嘗按蘇松糾治豪僧又嘗考察湖廣官黜罷荼政而下三百餘人時有聞風解去者秩滿陞雲南按察司副使尋薦陞按察使至是卒

明英宗睿皇帝實錄卷之一百四十六

明英宗睿皇帝實錄卷之一百四十七

正統十一年十一月乙丑朔欽天監進正統十二年大統曆

上御奉天殿受之給賜諸王及文武群臣頒行天下○遼東總兵官都督同知曹議奏遼東各衛軍士備倭防胡往來瞭守無時休息全倚官給冬衣布花鈔錠之用洪武永樂間山東布政司委官運送過海給軍近例遼東差官往山東領運所差官俱係布按二司所屬每有不堪徇私順受軍士不得實惠請今後照舊例命布政司部領過海交付巡撫都御史給散 上命戶部議行之○山西操備署都督僉事卜馬麟坐致死軍餘富新特宥之住俸一年○丙寅襲封衍聖公孔彥縉來朝貢馬賀萬壽聖節賜宴及絳幣等物○陝西都指揮同知楊得青言二事一禦虜必資乎兵自古驍勇之士多出民間訪得西安府沿

山操戶土民多勇健善射乞加招募優其徭役殺賊有功均其
陞賞其他豈無願立功者取富貴聞風而起者以之禦敵必多
斬馘庶黠虜知畏邊境永寧一統兵必資手將陝西都行二司
屬衛下班官軍嘗命都指揮汪壽揚信陳欽分督訓練今壽陞
調涼州信為事立功欽還司任事缺官提督乞仍分命都司官
提督孫練庶兵有所統纒獲用 上皆從之○丁卯陞山西布
政司檢校劉因為太原府陽曲縣知縣先是知縣缺員本府以
因幹濟公勤為民奏保陞任下布按二司會覈時知縣缺已有
補者布政二司官咸言陽曲繁劇新除知縣才力不堪乞以因
代之庶克勝任吏部以聞故有是命○戊辰鎮守雲南太監蕭
保遣千戶葉瑛詣京貢馬及金寶石帽頂等物至湖廣松滋縣
界風浪覆舟止存馬餘皆漂沒禮部官欲置瑛于法 上命宥

之○戶部奏各處屯糧年終通類造冊比較已有定例今湖廣五關永定施州九溪四衛運延違誤經該并管屯官俱宜運治從之○軍四川烏撒軍民府烏撒在城烏蒙軍民府黑章永寧宣撫司赤水河并貴州貴州宣慰司畢節四邊運所○太子太保恭順侯吳克忠奏定州衛帶俸達官指揮使平阿到苦木久違操練平阿到苦木奏原衛指揮使吳信下操練被克忠妄作部下冒關馬匹料豆太保成國公朱勇等言克忠有罪上命宥之戒毋再犯○陝西指揮王瑄等守瞭寧番靜寧山口不嚴致番賊劫殺人財巡按監察御史劉安議其罪當戍邊上曰瑄等論法難容姑貸之責取罪狀令其劾勞○己巳夜月犯星壁陣西第一星東方有星大如盃色青白尾跡有光忽大如碗光明照地後百數小星隨之東北行至鬼宿沒○庚午命直隸

蘇松及浙江杭州等府織金線花素各色紵線紗羅綾紬錦九千匹○寧夏總兵官都督同知黃真等奏邊管缺官守備因舉平涼衛指揮使馬能指揮同知陶信西安前衛指揮僉事馬鑑塔委邊事乞加陞用 上從其舉第令督兵操守候有功然後陞之○辛未雲南孟建長官司遣人并四川馬湖府土僧妙容來朝貢馬及銀器等物賜宴及綵帶表裏有差○免直隸通州左衛被災屯糧三百餘石○復除監察御史楊剛於河南道方員於浙江道張魁於貴州道俱以親喪服闋故也○給開平等五驛馬九十四匹○陞雲南洱海衛指揮僉事司詔署都指揮僉事事提督也田○修理舊禮部為誠院計八十二間○壬申命朵顏衛故都指揮使完者帖木兒孫阿古蠻襲職○以山西應州充軍死絕戶官民地二百三十頃五十八畝有奇給安東

中屯衛軍餘耕種從知州秦貴奏請也○大理寺卿俞士悅言
我朝 列聖相承每決一囚必命三覆奏 皇上屢詔恤刑又
遣廷臣按行獄獄其與帝舜之欽恤成周之慎獄同一揆也臣
職專審鞠所據各處問擬死罪囚除合律者具奏處決其餘招
狀未明擬罪未當者駁回復問然其間有罪囚因見駁回遂多番
異其原問官弗能辦理死於政勘者有罪囚幸得駁問其原告
賄賂官吏不行辦理死於囹圄者又有原問官弗肯辦理但依
成案呈詳處決死於街巷者復有原問官欲與辦理或證佐原
告逃亡或人命身屍棄毀無從可辨死於非命者幸而不死身
繫於獄父母不得養妻子不能顧冬暖而愁寒年豐而忌饑情
弊苦楚弗能殫述臣以為所犯深重如謀殺親夫等項宜伺回
報奏請其鬪毆殺人之類久不問報今具原招之狀原駁之由

凡百有餘人以闇伏惟 皇上量加寬宥 上命巡按御史會
審刑官審勘明白真情實犯者依律監候處決情可矜疑者具
實以聞其餘委人未元闕毆傷人致死者情罪稍輕俱宥死杖
一百發戍邊衛○癸酉賜瓦剌正副使字端等買賣回回阿里
鎮魯璋等綵幣表裏鈔絹有差○甲戌朵顏衛遣指揮能列苦
忽魯愛等衛野人女直指揮撒只哈兀者前等衛野人女直指
揮木答納等來朝貢馬及方物賜宴及綵幣表裏鈔絹有差○
巡按廣東監察御史艾茂奏按察司副使徐賢等督同指揮王
傑等哨守雷州府遂溪縣等地方因循怠惰致賊劫殺軍民請
究其罪 上命巡按御史杖傑等七八一百戴罪復職仍舊哨
守賢等停俸捕賊不獲不宥因諭法司臣曰廣東邇來兵備廢
弛致賊輕視放肆宜命巡按御史會三司官酌量事情計議方

畧推選有智畧都指揮一員往來提督操練官軍相機調度擒
賊務底事安民安弗許坐視貽患○乙亥 萬壽聖節 長陵
獻陵 景陵 上詣 奉先殿 皇太后宮行禮畢出御奉天
殿受朝賀大宴文武群臣及四夷朝使○內使吳忠進其養子
欽為勇士已而欽教人詞訟錦衣衛鞫得狀 上命俱斬之勅
內官內使進勇士者住觀焉○丙子淮王瞻墀薨王 仁宗昭
皇帝第七子母賢妃李氏永樂七年生二十二年受封至是薨
年三十七訃聞 上輟視朝三日遣官賜祭謚曰靖命有司營
葬○晉恭王妃梅氏薨遣中官賜祭命有司營葬○丁丑初貴
州民奏免食鹽鈔至是各衛站鋪旗甲軍餘又詣和例免徵從
之○復命南京工部修 祖陵殿宇○己卯設塔山左衛勅諭
塔山衛都指揮僉事弗剌出曰爾弗剌出世居邊境忠事朝廷

自我先朝洊膺官賞比者爾累奏所管人民頗多或有聲息
馳報未便請設衛給印以圖補報詎罕河衛節督同知你答答
又奏保爾效力多年善撫人民遷東總兵等官亦審實以聞今
特准爾所請設塔山左衛給與印信命爾掌印管事爾宜深體
朕恩堅守臣節遵守禮法撫綏部屬或有遠夷姦詐之徒盡誘
爾部屬為惡者即便擒治爾其欽哉○勅諭吉河衛指揮運魯
董哈男吐赤納等曰近得爾等奏言聞迤北鞑韃來搶各衛爾
野人女直欲收拾人馬隄備具見爾等保守境土忠敬朝廷之
意勅至爾即約束部屬但有遠夷姦人到來盡誘爾眾為非者
即拒絕捕治或來侵爾境即并力勦殺斯為爾福近觀兀良哈
三衛皆因其顛目與遠夷交通致彼數數往來察其動靜今被
劫掠人畜實所自取爾等宜深以為監庶不貽爾禍爾等近慮

邊方世遵朝命特以誠心諭之其體朕至懷○命故肥河衛指揮僉事撒籠哥子魯兀哥亦馬忽山衛指揮僉事木答兀子額黑里毛憐衛指揮僉事阿蘭子者住哥俱陞襲為指揮同知陞肥河衛都督僉事別里格囉罕河衛都督僉事你哈答俱為都督同知益賓衛都指揮同知木當哈為都指揮使塔山左衛都指揮僉事弗剌出為都指揮同知朵林山衛指揮使拑養哈肥河衛指揮使咬失俱為都指揮僉事兀者右衛指揮僉事奴克為指揮同知建州衛正千戶失剌木答忽伯達俱為指揮僉事以能遵朝命還所掠朝鮮人口及遠來朝貢故也○命錦衣衛帶俸指揮僉事李效良子榮代職效良初以銀匠供役御用監累陞是官至是年老乞以榮代故有是命○夜月生暈邑蒼白參畢五車諸宿俱在暈中○庚辰勅雲南都司署都指揮僉事

司韶曰先因雲南地方膏腴之田多為權豪占據耕種及將
富軍餘隱占私役命都指揮僉事張麟等取勘頗有成效今麟
已故特陞爾職同按察司提督屯種徵納子粒麟處置已停當
者不許紛更有廢弛不便於軍民者須與總兵等官計議處置
或有占據田地私役軍餘沮壞屯種者依法究問事重者奏聞
區處爾須待康秉公愛恤軍士務使倉庫克實斯稱任使如爾
不稱治罪不宥爾其欵承之○順天府直隸廬州府淮安府徐
州沂州宿州中都留守司直隸大同衛俱奏夏秋亢旱秋糧子粒無徵上
慶府瀘州廣安州瀘州衛俱奏夏秋亢旱秋糧子粒無徵上
命勘實獨之○戶部奏陝西寧夏甘肅延安開平獨石等處軍
馬屯聚糧料缺乏查得浙淮長蘆運司存積鹽共三十二萬九
千五百一十二引宜令勒酌分派召商於諸處納糧備用從之

○辛巳爪哇國遣使臣八智麻抹來朝貢方物賜宴及綵帶表
裏等物有差○陞戶部雲南司主事胡紀為吏部文選司員外
郎以職滿九載故也○命故右軍左都督蕭授子鳳襲為指揮
同知○先是河南三司修伊王庶子府至是三司以時值饑饉
請勅王如周王例自備物料工匠庶不傷民力從之○壬午賞
雲南總兵官黔國公沐斌等及守備聽調京官連官旗舍人等
一萬五千九百八十二人鈔錠有差以修築騰衝城也○陞刑
部郎中張遠為山東都轉運鹽使司運使監察御史何永芳為
河東陝西運使嚴敬為河間長蘆運使給事中鄭愆為山西行
太僕寺少卿俱以吏部推舉也○以廣西署都指揮同知范信
為寶授都指揮同知署都指揮使事以嘗有斬首賊功也○命
故薛列河衛指揮同知哈塔子炒哈阿言河衛指揮僉事苦失

不花子馬古山俱襲職陞塔麻速衛指揮同知阿木納為指揮使○癸未福餘衛達子把都等九人為也先所逼挈家來歸上命皆為頭目於廣寧居住○甲申遣永康侯徐壽為正使給事中程敬等為副使各持節冊封西鄉王範抑為韓王妃劉氏為韓王妃鎮國將軍子璽為汝陽王天人董氏為汝陽王妃蜀王弟二子友塔為內江王弟三子友斌為德陽王荊州衛指揮僉事李玉女為襄世子祁鑄妃東城兵馬副指揮李富女為寧鄉王祁鑄妃○安定王亦班丹男領占幹些兒遣使臣國師捨剌藏卜烏思藏等處番僧剌麻三旦令占失里木等衛野人女直舍人色赤等來朝貢馬及方物賜宴及綵幣表裏鈔絹有差○給賜无剌也先大師馳鈕金印初太宗皇帝封也先祖馬哈木為无剌順寧王以馳鈕金印賜之至是也先奏因與把秃

李羅仇殺失去 上仍給之○設河南開封府扶溝縣僧會司
置僧會一員從本縣官奏請也○以廣西思恩府為思恩軍民
府從土官知府岑瑛奏請也○命改幹蘭河衛指揮僉事土木
得子哈撒哈劄童衛指揮僉事咬約子卜郎乞俱襲職陞忽石
門衛指揮僉事教化為指揮同知○停徵廣西安隆長官司土
官岑聰原管壠光等一十八寨通員秋糧先是聰祖父以軍功
給賞各寨遞年供辦糧差至是聰奏各寨被普安州土地官隆本
占據自正統五年至今每年秋糧三百七十石無從營辦故命
停徵○乙酉雲南木邦宣慰司宣慰罕蓋法大候州知州奉外
法鎮康州知州刀門光灣甸州舍人景隆法等各遣人貢銀器
象馬等物賜幣衣服等物有差○寧夏總兵官都督同知黃真
奏寧夏地臨陞邊通賊路多官軍聚之則有餘分之則不足况

今傳報賊情殆無虛日豈可不預為之備議得慶府韓府護衛
官軍及草場馬匹尚多乞共選三千騎益臣協助守備左叅將
丁信亦以益兵為請章下兵部尚書鄭瑩等謂止宜於二獲衛
選官軍二千人分益真等而以河州所徵茶馬給之 上曰寧
夏官軍不為不多自足調用而真等妄請益兵兵部其論真等
訓練官軍預為方畧但怠弛誤事者不宥王府官軍不必調河
州茶馬待奏來時議之○命故哥吉河衛都指揮僉事莫希納
子劄魯哈玄城衛指揮同知替非納子朱希察木魯罕山衛指
揮僉事火失剌子黑合兀魯罕河衛指揮僉事木答達子忽乞
俱襲職陞木答里山衛指揮同知把卜沙為指揮使○府軍前
衛指揮僉事胡信卒信恭聖夫人李氏夫也○戊子鎮守延安
等處都督僉事王積奏榆林莊城垣原以沙土修築天雨頽塌

請俟明年春和發軍餘擇土堅築從之○己丑冬至節遣官祭
長陵 獻陵 景陵○上詣 奉先殿 皇太后宮行禮畢出
御奉天殿受朝賀大宴文武羣臣及四夷朝使 皇太后皇后
免命婦朝賀○庚寅文武百官朝覲王^於奉天門東廊○命安
定衛故都指揮僉事阿剌乞巴于切令加指揮僉事是都加弟
塔里綽思伯子古牙剌帖木子卜木失加襲職陞指揮使土墨
禿為都指揮僉事指揮僉事遜台為指揮同知○壬辰勅諭朝
鮮國王李禔曰前得遼東都司奏王^國移文稱今年四月有野
人突入王境殺虜人口頭畜而去及聞李滿住等所管之人屢
對王曰之人言欲報復此必滿住等含忿所為等因已勅遼東
總兵鎮守官差官往女直野人地面投追近者都督別格等將
所搶王^國男婦十人送至遼東給與衣糧優養其別里格等來

京儀奏比先女直者兒兀歹等在建州居住宣德八年被王國軍馬搶殺甚衆內搶男婦十口見在王國所遺幼小今已長成委是報復前讐今謹遵朝命送還朝鮮人口請朝廷一體差人往王國挨取見在人口給還免致彼此讐怨等情朕已撫慰別里格等回衛俟候茲將彼挨還人口付王國使臣李堅期領回給親完住王宜於境內挨查女直者兒兀歹等家男婦十口送遼東總兵等官處給還其親非特遂彼骨肉之情王之邊境亦得永寧王素重德義為賢藩屏宜敦崇和睦保境邛鄰用造下人之福副朕一視同仁心○夜月犯心宿○癸巳命都察院右副都御史周銓理南京都察院事仍督理糧儲陞翰林院侍讀周叙為南京翰林院侍講學士監察御史齊韶為南京刑部右侍郎大理寺左寺丞廖莊為南京大理寺左少卿先是南京吏部奏

南京各衙門缺堂上官 上命吏部從公推舉學行才識優長者以名聞至是吏部舉敘等故有是命惟銓出於特命云○命阿倫衛指揮僉事阿弄哥子打隆加兀者右衛指揮僉事弗剌答子都兒禿幹蘭河衛指揮僉事禿同哥子苦奴俱襲職愛河衛指揮僉事朵兒只子薛令哥可因帖子你籠哈俱代職○右軍右都督吳亮卒亮滁州來安縣人初為青州護衛副千戶永樂元年陞旗手衛指揮僉事屢從軍征討宣德五年陞署湖廣都指揮僉事尋實授充副總兵總督漕運兼鎮守淮安正統初陞都指揮同知以平江西新淦賊功陞都督僉事充副總兵佩征南副將軍印鎮守貴州累陞右都督尋調鎮守雲南七年召還命視石府事十一年上疏乞致政 上從其請至是卒於武昌遣官祭葬亮體貌魁梧銳智畧屢統軍征討常以不殺為意

所至蠻夷懷附性寬簡喜文學至老手不釋卷人以其重之

明英宗睿皇帝實錄卷之一百四十七

明英宗睿皇帝實錄卷之一百四十八

正統十一年十二月甲午朔 上省郊祀牲○鎮守薊州永平
山海等處總兵等官應斌伯孫傑等奏近命臣等給散操守官
軍銀外有民舍六十六名熟知口外路徑充夜不收日夜哨瞭
走報軍情宜一體賞 上從之宣府總兵等官武定侯郭玘等
又以所充新選屯田官軍舍餘人等為請 上俱命如例給賞
○乙未周府災焚殿宇殆盡○丁酉幹蘭并忽石門等四十餘
衛都指揮弗羊古等遣人貢馬及方物賜宴并襲衣綵帶等物
有差○命改亦東河衛指揮使哈剌苦出子哈剌亦馬剌衛指
揮僉事伯羊加子咬納納木河衛指揮僉事白卜舍子納郎哈
兀者衛指揮僉事速的子額的捏失里木衛指揮僉事阿孛蘭
子撒剌失俱襲職失里木衛指揮同知哈的哈子答里速代職

陞建州衛指揮僉事朶列禿為指揮同知○遼東總兵官都督同知曹儀奏都指揮使梁瑄先生罪詔擒賊自效今委以督軍操儀弗從及遇 萬壽聖節亦不習儀 上命錦衣衛執瑄至京鞠之○浙江石叅政高峻奏綠海巡檢司五十餘處皆僱倭要地然城多土築卑小而民兵皆衣紙甲乞勅有司覓覘城造鐵甲庶為久利從之○戊戌命故失兒兀赤衛指揮僉事亦能歌子哈的加卜羅衛指揮同知王哈奴子你籠哈兀者左衛指揮同知禿失帖木子亦領哈俱襲職朶兒必河衛指揮僉事阿里哥子額昇哈代職○乙亥陝西總兵官寧遠伯任禮等奏接察司副使陳寔巡管行都司十四衛所水利擅易管屯指揮不旬日輒更變又向人云吾嘗斬一文三尺青蛇夢問吾討命傍人云寔是炳靈公太子後身賞善罰惡因爾修行犯戒故殺之

復疑歸白之母母云吾夢金甲神人爾即生疑凡經歷處皆道
其事致使小人謠傳又疑有親故曾浩係山丹衛軍丁往來各
也昇命體察事務生事擾人 上命疑自陳狀曾浩令法司執
訊如律○庚子擢進士涂謙馬圯陳叔紹為監察御史○辛丑
臘節賜文武百官宴○給代府靈丘王遜炷菜戶○叅贊雲南
軍務刑部右侍郎揚寧奏訪得雲南諸衛所因修造軍器及供
給住復夷人軍餘不勝煩擾各衛所俱有餘地請照事煩簡量
畝數撥大理衛五百六十畝瀾滄衛二百畝洱海衛三百畝楚
雄衛四百畝金齒軍民指揮司七百畝騰衝衛指揮司并守禦
千戶所三百畝摘撥守城鋪土軍餘丁耕種收獲子粒官為收
貯支銷應用庶軍餘得免科擾從之○戶部言大寧都司保定
左後二衛官地每畝輸鈔三十貫不便請依民田輕稅則例每

敵納糧五升三合五勺草一束從之○壬寅陞燕山右衛帶俸都指揮使董興大寧都司都指揮僉事田禮錦衣衛帶俸都指揮僉事范雄張軌俱署都督僉事先是兵部以各軍都督缺員請會官推舉至是以興等聞故皆命署其事○京城大雨雷電翼日乃止○癸卯忽里吉山等五十六衛指揮兀扎哈等遣人貢馬及方物賜宴并綵幣等物有差○命故忽石門衛指揮使兀籠哈子苦女五屯河衛指揮僉事察哈子額黑里可令河衛指揮僉事叟登哥子塞失卜魯兀衛指揮僉事哈塔乃子牙速兀者也河千戶所指揮同知不里哈子牙出克默而河衛指揮僉事答蘭子只兒忽亦馬剌衛指揮僉事失列門子溫察俱襲陞兀魯罕東衛指揮使哈答孫為都指揮僉事○設廣西巡檢司三十六所梧州府蒼梧縣羅粒寨藤縣福州周村驛面義

昌容縣招賢水源岑溪縣覽山懷集縣蘭峒鬱林州辛倉陸雲
橫嶺鳴水容山撫康博白縣春臺安定平山北當寨北流縣都
龍清灣中山陸川縣臨崩安寧橫山興業縣平安長寧凡二十
七所潯州府桂平縣羅秀里貴縣郭東東博渡瓦塘渡橋頭壩
平南縣叁堆峒心大峽平嶺凡九所徒容縣大洞巡檢司於黃
冲口懷集縣武誠鄉巡檢司於白沙北流縣雙威寨巡檢司於
扶來桂平縣靖寧鄉巡檢司於嶺頭村思隆鄉巡檢司於平田
村木盤浦巡檢司於上翬村貴縣辛安寨巡檢司於橫報江五
州寨巡檢司於白竹嶺平南縣秦川鄉巡檢司於大零村授土
人蒙才等五十六人為土官副巡檢從廣西都布按三司等官
議也○命故少師揚士奇男林克國子監生○甲辰遣右通政
王錫祭西嶽華山西鎮吳山之神太常寺丞李宗周祭甘肅境

內山川之神以甘州等處疾疫故也○朝鮮國王李禔遣陪臣安止捧表來朝貢方物賀明年正旦節賜宴并綵幣等物有差○雲南武定軍民府把事李英楚雄府沙矣舊巡檢司兵牌頭目李文廣貴州金筑安撫司及木華等長官司安撫金鑄等遣人來朝貢馬賜綵幣等物有差○置銅鼓衛儒學銓官降印從本衛奏請也○命故亦馬剌衛故指揮僉事完者帖木子莽加兀者衛指揮僉事吉當哈子你魯哈木也吉衛指揮僉事剌里哈子兀魯奴客赤子咬納古賁河千戶所指揮僉事木刀哈子速必納阿剌山衛指揮僉事牙羊哈子徐吉徐俱襲職亦馬剌衛指揮僉事咬塔子安塔阿真河衛指揮僉事索龍哥子伯哈俱代職○乙巳代王挂菟王 太祖高皇帝第十二子母惠妃郭氏洪武七年生十一年封豫王二十四年改封代王二十五

年之國山西大同府宣德五年世孫代理國事至是薨享年七十有二訃聞 上哀悼輟視朝三日遣官賜祭謚曰簡命有司治喪葬○擢進士李庸為刑部主事王忠工部主事童守宏許麓林長清丁璿俱行人司行人○增設南京戶部主事四員先是南京各倉收放糧儲必會推各部官監督三年更代至是南京吏部署部事郎中趙雍言其不便請設專官 上從之遂擢監生朱珪為山西司主事陳旺雲南司主事金昂廣西司主事蔡吉江西司主事○吏科給事中張固言四事一吏部得人而後百司可望得人民生可望不失其所通者右侍郎趙新郎中張琛互相讐告致被御史給事中糾劾 上命多官會問二人對衆互訐賦私論其情犯死有餘辜俱蒙恩宥得各復職正當革心改過悔恭圖報方且懽終不悛各懷私恨乞於二人調用

一員仍勅大臣推舉素有清譽者補之以表正銓曹肅清賢路
一吏部尚書王直等將考滿中書舍人龍文奏陞驗封司員外
郎後被素亨訐奏 上命法司會問曾幾何時大理寺卿俞士
悅等又將評事馬豫擅自定擬寺副職事奏陞士悅等始則執
法以正他人之罪終則犯法以遂自己之私是非顛倒豈曾以
朝廷法度介意乞勅大臣究其孰是孰非條示諸司永為遵守
一優老致仕國家之典也曩者浙江按察使柯暹起復到部告
病致仕暹者又膺巡按御史劉甄評舉赴部且暹始則縱偷安
之計而求退修焉肆貪饜之心而求進進退自由豈曾以 聖
上恩命介意乞勅大臣將暹甄鞠問情由重加貶斥一薦賢為
國大臣之職也通者方面府正缺員吏部奏令三品以上廷臣
各舉所知何期右都御史陳鑑舉經歷熊尚初通政使李錫舉

舉經歷王曼侍郎丁鉉舉郎中曾信俱吏員出身且各處府縣
嘗奏保縣丞主簿堪任知縣吏部每每恭係吏員難居縣正况
郡正手今鑑等所舉如此豈曾以 皇上求賢圖治之心介意
乞勅大臣究其濫舉之弊明正其罪 上覽畢命大臣集議戶
部尚書王佐等言新等所犯已經 聖斷其所陞投薦舉俱有
舊例 上曰卿等所言固是朝廷設官侍郎郎中各有體統張
璪何敢挾私抗拒趙新不能正身率下既嘗宥其罪又不洗心
改過論法本難容姑容不調再敢故違法度不依體統不和睦
理事都生以死陳益等薦舉不公致人糾舉何以律人論法亦
難恕但別無情弊姑識其罪若仍不能整肅風紀徇情依阿保
官不當必罪不宥○丙午築山東登州府河岸○丁未友帖等
五十二衛指揮中稱哥等遼東安樂州住坐違官千戶牙郎哥

等四川長河西目牙地方土官舍人納蒙伯烏恩藏綽余只賞
竹余監蒺黑班藏卜遣刺麻桑你加剌失思等來朝貢馬駝方
物賜宴及綵幣等物有差○戊申安國國王黎濟遣陪臣阮宗
爪哇國遣陪臣陳麻勿等貢方物賜宴并綵幣衣服等物有差
○四川行都司建昌衛土官把事劉華嚴奴奏署都指揮僉事
施祥設立土豪通事起滅詞訟剝害夷民毆人致死等事法司
請下巡按御史會四川按察司并行都司堂上官廉其實以聞
從之○夜月犯五諸侯第二星有流星大如杯色青白尾跡有
光出房宿東南行至近濁後有二小星隨之○己酉封董氏為
韓府鎮國將軍範場夫人即氏為韓府將軍範場夫人之氏為韓府將軍範場夫人賜諡命冠服○給松滋王豪聖歲祿
一千石少鈔中羊兼支初豪聖父王堯日即以歲祿為請 上
命給五百石至是襲封始全給之○雲南左叅將右都督冉保

奉 上輟視朝一日遣官致祭命有司治喪葬○巡按廣東監察御史艾茂奏廣東都指揮使何貴署都指揮僉事張玉千戶高昇等督官軍詣遂溪縣捕賊失機左布政使吳揚左叅政龔麋僉事揚輔等不能協同撫捕輒先回任請治其罪 上命貴玉降一級揚等貢死罪狀停俸二年昇等杖一百發充軍俱仍令擒賊再犯處死○辛亥封岷府鎮南王女為淑浦縣主配夏隆命隆為宗人府儀賓俱賜誥命冠服等物○命故招遠伯馬亮子驎襲為指揮使金吾左衛指揮同知王原子山濟陽衛指揮僉事抗打蘭子撒哈羽林前衛指揮僉事奚斗奴子鎮兒俱襲職濟州衛指揮同知左帖住子勝代職○復除給事中李素於戶科以親喪服闋故也○夜月犯軒轅南第五星○壬子免順天府屬縣并在京金吾等衛直隸鎮朔大寧都司營州後也

等衛被災糧一千九百一十九石草二十一萬八千十四束○
癸丑命故先刺使臣都指揮同知達擅子哈力鎖魯擅襲為指
揮使亦速里河衛指揮僉事虎失忽子阿的哈襲職○甲寅忠
勇伯蔣信有疾命醫療之○夜月犯木星復犯大微垣左執法
星○乙卯給賜代世孫仕壘國朝禮制集要從其奏請也○陞
真隸真定府元氏縣主簿尚俊為本府通判專管柴炭先是俊
管本縣柴炭于易州九年當還邑民保留陞俸復任至是本府
管柴炭通判缺所屬州縣官民養保俊陞補故特從之○命南
京掌中軍都督府事豐城侯李賢兼掌右軍都督府事○楚府
景陵王孟昭薨王楚昭王第八子洪武二十六年生永樂二年
冊封至是薨年五十三訃聞 上輟視朝一日遣官致祭謚曰
順靖命有司治喪葬○雲南左叅議周得林以老疾乞致仕從

之○丙辰命浙江按察司僉事沈敬復任陞正四品俸敬九年
滿吏民相率告保復任巡按監察御史及都布按三司官會覈
無異以聞吏部亦言考稱當陞故有是命○勅鎮守松潘等指
揮僉事王杲高廣提督兵備右僉都御史寇深等曰得爾等奏
董敏赦後不悛前非請為擒治悉從所言但此賊性素狡詐多
布耳目若謀之不密必致泄漏捕之不勇或致逃遁爾等其多
方密謀擒敏及同惡之人鞫問明白解京區處仍明以敏罪諭
彼人民令安生業毋致疑懼○丁巳遣中官祭司竈之神○命
故夫里木衛指揮同知木哈連子木當哈連塔兒河衛指揮同
知哈塔子凡察哈指揮僉事阿路禿子帖格列愛河衛指揮僉
事不答納子散哈把河衛指揮僉事卜魯哈谷子納哈出也河
衛指揮僉事忽失塔木子也里哥友帖衛指揮僉事必郎哈子

沙麓哈阿倫衛指揮僉事也力哈子答魯哈嘔罕河衛指揮僉事阿不哈子卓花奴兀者衛指揮僉事宇羅脫子答必納兀察河地面指揮僉事鎖令哈子遠答俱襲職○戶部言錦衣等衛倉歲收秫米年久慮恐陳腐請每石准糙粳米一石五斗給與京衛官軍從之○戊午建州等衛都督李滿住都督同知凡察朵兒必河等六十餘衛指揮阿出朵顏泰寧福餘三衛都指揮隔干帖木兒烏思藏峇隆地面剌麻泥麻剌失想初領占等各遣人貢馬駝方物賜宴及綵幣等物有差○命改把河衛指揮僉事的可子薛克列哈剌子答剌巴俱襲職陞指揮僉事歹因哥為指揮同知○命陝西延安西安慶陽臨洮等府通負戶口食鹽鈔折納米麥豆布絹從鎮守右都御史王文言也○大同總兵官武進伯朱冕奏天城陽和二處築城功用浩大請暫借

天城鎮虜陽和高山四衛屯軍併力免其明年子粒從之○己未命故也河衛指揮同知哈答子哈三哈阿兒溫河衛指揮僉事莫里馬子忽失八麥蘭河衛指揮僉事剌佟哈子哈撒哈塔麻運衛指揮僉事哈兒答子安成哈俱襲職○南京行人司左司副劉武考滿因齋公文馳驛沿途支康赴京法司鞠武冒吏原坐徒為民武陳寃上命贖還職○庚申周府汝陽王子學以受冊封欲來朝謝恩復書止之○復除山西右叅議尹澍於貴州布政司以親喪服闋故也○日生重半暈及背氣左右瑁暈背色皆青赤瑁色赤黃俱鮮明○辛酉提督松潘兵備右僉都御史寇深言松潘疊谿二衛所地臨極邊軍士艱窘難以責其效力請不分人口多寡月糧俱給一石事下戶部言松潘原定撥十口以上者給一石八九口者支八斗七口以下自七斗

遞減之量竊軍士俱給八斗中間差撥哨守者又支口糧若再添支誠恐供運益艱請已支一石并八斗者如舊七斗以下俱添至八斗從之○壬戌命四川都指揮僉事徐貴郭禮孫敬提督官軍分守松潘等處地方貴自西寧關至平夷堡禮自金瓶崖至靖夷堡敬自永鎮堡至新堡俱聽鎮守都指揮僉事王果等調遣從提督兵備右僉都御史寇深奏請也○戶部郎中楊諾奏比因福建復設銀場閩浙流民盜礦劫掠命臣同御史等官設法撫捕受命以來夙夜靡寧躬冒矢石已招撫附籍復業流民三千五百三十九戶男婦共八千三百九口生擒賊徒偽馬大王等八名○癸亥歲暮享 太廟○以明日正旦遣官祭長陵 獻陵 景陵○遣太常寺祭五祀之神○遣旗手衛官祭旗纛之神○陞瓦剌使臣都指揮使把伯為都督僉事指揮

使字端哈只阿力二人俱為都指揮僉事指揮同知捨黑咱答
等三人為指揮使指揮僉事捨黑馬黑麻等二人為指揮同知
正千戶獲失蘭火者納門約者把哥六人為指揮僉事副千戶
陝西丁等三人為正千戶授阿不都等七人為正千戶亦馬剌
丹等二十六人為副千戶俱給冠帶○是歲天下戶口戶九百
五十二萬八千四百四十三口五千三百七十四萬三百二十
一田地四百二十四萬五千六百九十九頃三十九畝田賦米
麥二千七百一萬四千七百七十九石五斗絹一十九萬二千
八百一十三匹綠六萬四千一百九十九斤綿一十八萬五千四百
六斤布一十五萬八千一百七十九匹綿花二十萬六千一百
八十二斤折色鈔二十萬二千三百九十二錠有奇雜課鈔九
百四十四萬五千六百六十七錠有奇米麥七萬八千四百一

十二石鐵七萬四千五百八十三斤有奇布一千七十四匹鹽
採鹽二百八十九萬九千五百四十五引折色鈔一千九百二
十二萬九千六百六十二錠有奇米四十九萬二千六百九十
三石布七百八十六匹茶課茶五十五萬三千七百五十一斤
折色鈔一十八萬九千四百七十四貫也田子粒二百七十七
萬六千四百三十九石有奇採納銀五萬二千三百三十兩水
銀九百四十四斤硃砂一百六十二斤石綠二百五十五斤雜
黃三十斤有奇漕運北京價運過糧四百三十萬石各處運納
糧九十六萬六千一百一十二石減免天下官田等項稅糧計米麥
五十八萬七千二百九十八石有奇

明英宗睿皇帝實錄卷之一百四十八終

明英宗睿皇帝實錄卷之一百四十九

正統十二年春正月甲子朔 上詣 奉先殿 皇太后宮行
禮畢出御奉天殿受朝賀大宴文武羣臣及四夷朝使 皇太
后 皇后先命婦朝賀○乙丑文武羣臣朝覲王於奉天門東
廊夜有流星大如杯色青白有光燭地出玄戈旁東行至天市
垣外尾跡炸散○丙寅 宣宗皇帝忘辰遣官祭 景陵○己
巳孟春享 太廟○遣中官祭司戶之神○庚午以大祀 元
地 上御奉天殿誓戒文武羣臣致齋三日○辛未陞建州衛
指揮使牙因哈為都指揮僉事指揮同知官八奴為指揮使正
千戶你哈并恩魯受衛副千戶忽失八俱為指揮僉事四川日
牙地面都指揮僉事思東哈兒蒙老疾命其子原忙撲刺代之
○癸酉大祀 天地于南郊 上還謁 皇太后畢出御奉天

殿文武羣臣行慶成禮○總督獨石等處守備左都督楊洪有疾命醫往療之○原顏銜都指揮例斤董指揮郁蘭恭寧銜都指揮納哈出董指揮口勤毛憐銜指揮色仲哥延州等銜指揮召乃納等俱來朝貢馬及貂鼠皮等物賜宴并絳帶繫衣等物有差○甲戌立春囑天府官進春 上御奉天殿受之文武百官行慶賀禮○以大祀禮成 上御奉天殿大宴文武羣臣及四夷朝使○乙亥魏國公徐顯宗卒顯宗鳳陽府鳳陽縣人中山武寧王連四世孫洪熙元年襲父致爵至是卒訃聞命官賜祭有司營葬事○命南京工部改造操江戰快船五百餘艘從中備豐城侯李賢言舊船獨敞也○代府長史司左長史李洪奏代王桂蕤遊本國山川社稷等神春祭在邇欲令代世孫仕壇主祭從之○驍騎右等衛帶俸副千戶馬青等奉使尾刺回

還賞秋款絲幣表裏有差○丙子鄭世子祁黈奏遷到民人巫
詒女為新平王祁統妃迎取入府習禮既而長史司啓本女乃
軍匠均兒妻萬氏所生固歲母歿為詒妻任氏收養難冊為妃
乞另遷從之○戶部奏四川瀘州并江安合江二縣正統九年
奏旱已經三司覆視其稅糧六萬二千二百七十石有奇例當
蠲免其納漢縣當時未奏旱今有司亦欲免其租稅當論以法
上曰凶年蠲稅朝廷仁民之意也惟在事蒙而無偽爾已奏聞
覆視者免之未奏聞者令巡按御史覆視以聞有司姑置勿問
○雲南鶴慶軍民府知府林道節奏所轄諸州乡土官其見任
者家僮莊戶動計數百不供租賦放逸為非請依品級量免數
丁其餘悉入編氓俾供徃後下可以紓百姓之力上可消不虞
之患奉下三司議四品以上宜免十六丁五品六品免十二丁

七品以下逸職二丁其餘悉入編氓 上曰所議良是然虛置
須安詳務俾夷民得所不致驚疑敢有托事侵擾者罪之○爪
哇國辦事八智李斌奏蒙本國王差來朝貢被已故使臣陳廉
勿將智斌及通事茶竊等銅錢錫礮拘占及欲自備船回國
上命移文廣東三司拘陳廉勿家屬驗實追還其回國船聽自
備○丁丑四川雜谷安撫司加撒等寨向化番僧加藏等來朝
貢馬及明鐵甲賜宴并綠幣僧衣等物○戊寅上元節宴文武
百官賜假十日○巡按四川監察御史嚴順奏鎮守松潘等處
指揮僉事王杲擅役軍造私室占種人田園又與都指揮僉事
高廣坐視番人殺虜官軍弗即率兵勦捕請置諸法 上曰杲
等法本難恕事有事之秋姑識之再犯重罪不宥願又奏疊溪
千戶李榮招撫黑水等處番人妄報擒賊有功得陞指揮僉事

罪應贖絞復職 上曰榮茲許至此處之常律何以警衆杖一
百發戍松潘邊衛立功再犯處死○上御奉天門謂工部臣曰
官民服飾皆有定制今聞有借用織繡蟒龍飛魚斗牛及違禁
花樣者爾工部其通諭之此後敢有仍蹈前非者工匠處斬家
口發充邊軍服用之人亦重罪不宥○提督松潘兵備石金都
御史寇深言四川抵松潘路皆臨河倚山山高水急乞勅四川
有司委官督夫積木修橋鑿石廣路務在堅緻平坦為長久計
庶軍馬得以並進糧夫永無踈虞從之○已卯烏思藏答隆地
面刺麻窩初聖劉巴藏卜等遣耆僧奏稱宣德年間遣來使臣
團師哈力麻指揮必力工等三百餘人分住於丹的寺等處被
違賊阻殺至今未回乞遣軍馬開通道路葺送 上從之仍諭
禮部宣德年間烏思藏來朝使臣亦有在河州居住年久家業

已成不願回者今若一羣逼迫出境恐致失所其頭領守西寧都指揮僉事汪清同該衛官體勘見在人數并各人實情其願回者量撥人馬護送出境聽其自回仍嚴戒飭護送人在途不許生事擾害有失遠人之心○賜迤北瓦剌等處脫脫不花王朝貢使臣孛瑞也先使臣把伯回回阿三額魯禮等男婦一百六十五人宴于禮部○庚辰陞兀良哈台使臣指揮僉事阿撒為指揮同知命遼東自在州故指揮同知咬哈姪王獨指揮僉事伯顏卜花孫猶住哈答子卜阿兀卜花姪脫火奴哈留塔子達合賽因塔弟京兒奴哈當哈子馬玉塞伯姪伯家者得溫子王勝發及子富常奴尸出哥子添保阿卜哥子者英哥別里哥子官保俱襲職女樂州指揮僉事若失帖木子管子代職○設山東兗州府曹州稅謀局○兵部尚書鄭瑄等奏尼剌膚

酋也先自其父脫散時吞併阿魯台部落蓋以強大而西北一帶殘寇被其驅脅無不服從惟兀良哈三衛不服也先又親率人馬分道掩殺自此北漠東西萬里無敵與之抗者前年也先嘗欲俟我邊將送彼使臣出境東間搶殺及分遣人馬於甘肅寧夏等處約期入寇仰祈 皇上深囑其蓋豫勅沿邊嚴備又命定西侯務貴等統率精兵巡邊備之其計不行今也先率其醜類遠離巢穴未遑窺探煙火不絕乞勅在京各營揀選精壯軍馬各數萬令智勇驍勇分投管領整點軍裝器械於虜使起程之日命將統領陞宣府大同兩處駐操壯我邊軍勇敢之氣消皮膚賊覬覦之心又京師官軍為因修城搗撥二萬人工作已一盡之上宜令休息養觀遇警調用 上曰已勅大同總兵鎮守官整兵護送使臣又命沿邊操兵預備在京軍馬且俱不

勅只令大頭目用心提督務要馬匹騰壯器械齊整果邊陲有
警相機調遣修城軍該管頭目加意撫恤不許私役俟城完即
令休息卒已鎮守延終等處都督僉事王禎奏協同守備署都
督僉事王斌不應將已歸併寧塞等營舍人盡調安邊營又占
留應歸併榆林莊等寨舍人跟隨不放回操備 上命兵部務
文備質軍務右僉都御史馬恭履實以聞恭言禎所奏雖當緣
禎與斌各挾私忿俱宜問罪 上曰朝廷深慮虜寇累勅邊將
整兵隄備禎等全不為意却因微事忿爭許奏論罪本難容但
守邊緊要姑置不問今後再不改過及遇警不相策應誤虛死
不宥○江西布政司奏所轄贛州等七府十六縣去春漲雨江
漲田禾滄沒其應輸南京稅糧乞折銀運赴京庫從之○夜月
犯木星○壬午厄剋也先訪麻亦哈等處地面頭目阿剌答尾

米兒咱遣使臣齎亦打力等來朝貢玉石五百四十斤有司驗
俱不堪却之齎亦打力乞憐 上命收之減半價給膏○工部
尚書王登以羊至七十乞致仕 上察其精力未衰仍留蒞事
○光祿寺少卿高寅丁父憂掌光祿寺事戶部左侍郎李亨等
奏乞奪情視事從之○癸未陞建州衛都 事李滿住為都
督同知毛憐衛指揮同知劇刺答為指揮使指揮僉事塞住哥
弟羊俱為指揮同知命故指揮同知牙失哈子卜兒哈指揮僉
事阿蘭孫散必根帖木子幹朵果俱襲職○巡按雲南監察御
史段信奏湖廣貴州雲南等處哨堡官旗率不用心以致軍士
在逃器械不備倘有不測何以救應宜勅各處總兵叅將等官
嚴加約束仍令都察院轉行各處巡按御史及按察司分巡等
官照視提督如有仍蹈前非執問如律從之○甲申設雲南臨

安府寧州醫學置典科一員○封魏國公徐顯宗妻沐氏為夫人給賜誥命○提督遼東軍務左副都御史王翱奏近者備邊官軍蒙賞銀兩而遼東安樂自在二州寄住邊官人等不與乞如例給賜從之○免直隸順德府并永定守禦千戶所被災糧一千二百餘石草一萬五千七百餘束○四川重慶府奏去歲夏旱田禾枯槁租稅無徵 上命戶部覆視以聞○乙酉鎮守陝西右都御史王文奎臣奉勅與右都御史陳鑑以待吏代鎮守今臣已經一載鑑當來代 上命諭二載以聞○大同總兵官武進伯朱冕奏去冬奉勅揀選屯軍教習征戰今東作將興不能屯種請蠲其屯糧事務戰守事下戶部以為且耕且守古今通制宜令春屯冬守邊 上曰既督其力當寬_其稅宜從冕請屯田別授有力之家俾足邊餉時都督楊洪亦以為請從之

○丙戌命都督俞寧方瑛充叅將協同黔國公沐斌整飭雲南
兵備○宥鎮守山西太監郭敬罪初敬部下軍王興欲以盛甲
易外夷馬被軍趙真白其事敬銜真欲執之為真所奏巡按監
察御史周紀劾敬弗嚴聞防以致部屬違法反銜白之者宜訊
其故 上特宥敬但命法司錄狀示之○南京兵部右侍郎李
郁卒郁字文暉河南洛陽縣人由洪武丙子鄉薦授四川印縣
學訓導教滿超遷工科給事中舉正敏違無所顧忌坐事謫戍
五載朝廷方有營建將取材於巴蜀廷臣以郁薦起掄採有方
應期而集洪熙改元轉禮科給事中尋遷光祿寺丞復出為長
沙知府賜璽書便宜行事宣德八年召還陛行在兵部右侍郎
又二年奉命鎮守山東無幾持節使交趾封王暹理部事正統
丁巳丁內艱服闋調南京兵部右侍郎至是以疾卒遣官諭祭

命有司營葬事。郁有才智，臨事明決，多歷世故，鄉之後進自謂不及云。○戊子，給靖江王府鎮國中尉相安歲祿四百石，米數中半支給。○迤北瓦剌使臣字瑞把伯等還，陞辭。上賜以勅書，仍遣正使馬雲馬青副使周洪齎餘段等物賜其可汗并太師也先等。○吏部言：巡按福建監察御史等官陳未等考察臬州府推官費謹，老疾不能任事，而謹自訴精力未衰，問理刑獄亦無淹滯，當永按臨之時，偶染瘴毒成疾，已醫治痊，復本部移文會勘，如謹所訴，宜令復職，從之。○己丑，襄陵王冲棟奏以子女成婚，兼賜歲祿，欲借諸子來謝。上以道途跋涉，復書止之。○廣寅陞太僕寺少卿崔奎為本寺卿。奎九年考滿，吏部言其年八十三歲，精力衰邁，當致仕。奎自陳。太宗靖難之時，守城有功，故陞之，仍留視事。○增置寧夏中衛黃河南岸及銀定泉

麥梁山墩臺三座命有力餘丁代屯軍守哨從左叅將都指揮使丁信奏請也。○辛卯命致仕按察使柯暹為雲南按察使。○直隸保定府慶都縣奏去春民饑發廩賑濟例應秋成抵斗償官然歲入不豐民多逋負請俟今秋責償從之。○命湖廣九溪衛孫植委撫司委撫向思富孫永政襲職。○壬辰禮部左侍郎兼翰林院侍講學士王英九年任滿上命復職。

明英宗曆皇帝實錄卷之一百五十

正統十二年二月癸巳朔設陝西布政司廣武倉○減京城并通州店房稅數先是以欵法不通凡店房計間月稅數五百貫後減至一百貫五十文至是民言欵費遂減至四十貫○戶部奏直隸淮安府水陸通便商賈日增而其課數之入仍舊請遣官來傳赴彼督同府縣并稅課司官收受一歲視其所增定為常稅從之○太僕寺卿吳敏以疾乞還鄉醫治從之○甲午設湖廣綱紋衛儒學置教授一員訓導二員○免四川重慶衛被災七田子粒一萬三千二百餘石○遼東總兵官都督同知曹義奏京衛調未振備官軍指揮王貴等四十六人輪班回衛取討軍裝一向在家延住乞勅兵部行查違限一次者止解正身二次者連家小起解到日總兵等官杖之一百將二次者註調

開原賊顧經邊衛分守那哨瞭底警將來從之○乙未 皇太后聖節 上率親王上壽免命婦朝賀賜文武百官宴○湖廣都布按三司等衙門先是皆燬于火至是 上命建之仍以湖廣頻歲旱澇命所司量其緩急務從節約毋為民擾○禮部奏各處土官衙門歲進馬存留給軍今貴州等布政司土官每歲故將矮小老弱馬呈送給軍以致瘦損倒死令軍冒補宜通行禁約今後務要揀選進貢待續有二十餘匹鎮守總兵官會同三司辦驗毛齒等第具奏給軍從之○巡撫大同宣府右副都御史羅亨信等奏邊賊也先自去年秋搶擄兀良哈得志回還累采窺探不絕料必剽駐不遠決有伺隙為患之意臣等深慮大同左右叅將分守東西二路所統軍馬數少乞將山西河南揀備下班官軍暫留隄備過警分遣二路併力救賊俟二月終

無聲息放回 上曰所言甚善其已回還去遠者勿追○增置大同猪兒窰七堡從總兵官武進伯朱冕等委請也○丙申陞烏思藏頭目劉失聖到藏卜為都指揮僉事選州衛指揮僉事阿失塔納速都列俱為指揮同知命故指揮同知兀兒帖木子亦額哈咬納子張八指揮僉事選卜第忒失伯速子阿卜黃罕塔子答出俱襲職○初諭福餘衛都指揮同知安出忒寧衛都指揮同知隔于帖木兒原額衛都指揮同知朵羅干等曰比閒爾等為危刺所侵掠朕甚憫之蓋爾部屬或有私與往來交通者屢勅爾等禁約率不經心今被其害實所自取自今宜戒飭部屬毋聽其誘惑致禍或有緊急聲息呈報奏報今賜爾等及大小頭目織金襲衣絲帶表裏分命來使脫不兒等齎與至可領也○丁酉釋奠先師孔子遣戶部右侍郎兼翰林院學士陳

禮行禮○勅諭雲南隴川宣撫司宣撫恭頌并男長官忝立曰
比者總兵等官奏爾與百夫長刀木互互相殺人民懷怨謀
欲害爾父子朕特命總兵官遷爾於雲南俾不失所及遣官往
隴川起取爾家屬完粟待其寧靖加恩處置為惡之人必治以
法爾父子宜體朕憫恤之意毋懷疑懼○戊戌祭 大社 大
稷○遣順天府官祭先農之神○韓王冕邛奏已受冊封欲借
子徽卦來謝 上以遠道跋涉復書止之○陞翰林院侍讀陳
詢為本院侍講學士以九載秩滿也○復除翰林院編修黃諫
以丁憂服闋也○命山東萊州府掖縣戶口食鹽未折收綿布
從民請也○監察御史蔡愈濟韓頤奏釋奠先師孔子臣等監
禮見生堂監生不下四千餘人比至行禮不過三百餘人而西
廡以獻官却與尚書都御史並列皆由祭酒李時勉老病不出

司業趙琬學規不嚴所致監丞滿洪并六堂教官俱合究問○
上曰禮莫大於祭今祭祀不敬俱當懲治但念師道所繫姑宥
之如再化必罪不宥○迺西回回送力必失隨尾刺使臣入貢
既還至榆河驛逃歸薊在京居住 上命為頭目給致布襲衣
柴米房屋○己亥直隸大名府知府李輅九載任滿屬民赴巡
按監察御史^正告留輅尋丁憂屬民又赴京奏留從之○命日牙地
面部指揮僉事思東哈兒蒙子朶忙撲刺襲職○雲南金齒軍
民指揮使司未平縣土官縣丞馬震奏本縣地居邊境諸種夷
民刀耕火種先被本司官舍旗軍倚勢騷擾逼民逃竄近又被
附近永平十戶所官舍旗軍放備取利往折子女田產又經過
官軍需索賫物稍有不從輒遭荼毒羸民愈當當為大患乞將
本縣徑隸布政司管轄 上命都察院出榜通行雲南土官衙

門禁約及行巡按御史并按察司廉其擾害者擒治如律其欲以縣徑隸布政司不允○命陝西莊浪衛故土官指揮同知魯失加子繼襲父職管屬土達官軍操備○庚子以素鑣為中書舍人鑣掌光祿寺事戶部左侍郎亨之子亨為鑣營來寓語三季獲例出身故有是命○命直隸大名府大名縣縣丞王璘復任先是璘職專撫民有惠政後以冗員取回至是本縣缺管馬縣丞民詣闕奏保之故有是命○載省湖廣沔陽州官港湖等八河泊所其課鈔并入附近直步湖等河泊所管辦從石布政使蹇尚奏請也○恭贄甘肅軍務右副都御史曹翼奏甘肅地臨極邊舊制外夷使臣朝貢就彼筵宴用度不敷靠損軍民禮部議今後使臣宜量具筵宴寡則宴於甘肅多則宴於陝西布政司從之○辛丑四川松潘衛白馬路長官司頭目吉艾等貢

馬賜以綠帶○壬寅勅諭府軍前衛指揮孫繼宗及其弟總宗
顯宗續宗統宗曰爾等皆朕外親爰自先朝以來游膺顯爵
正當修身慎行表勵宗族用保終譽過者爾族人孫奉祖父子
屢恃恩玩法恣肆兇暴毆人致死法司鞫問明白請處以重法
朕念聖母皇太后在上特推恩屈法寬貸姑令從戍邊衛俾
其追悔自新用蓋前罪朕嘗觀前代外戚族屬子弟憑藉聲勢
肆為暴橫卒致禍敗屢歷可鑒况我祖宗法度嚴明善者必
優惡者必罰尤非前代可比爾等自今宜洗心改慮務守禮分
誠納族屬毋仍縱肆虛費未保爵祿副朕親親之意○命河南
故都指揮同知毛禮子縉襲為指揮同知○改壽州新添清平
興隆咸清平壤安莊烏撒赤水八衛倉俱隸布政使司從選按
監察御史虞禎奏請也○癸卯陝西岷州衛石崖寺剽廢桑副

雲南順寧府故土官正千戶阿都思男阿日等貢馬及佛像舍
利子賜執幣有差○遼東總兵官都督同知曹義等奏虜寇也
先離遼東不遠恐東謀為患臣以廣寧係總兵官鎮守緊急去
遼軍馬數少宜於各衛餘丁屯軍內精揀二十人於廣寧操備
給與馬匹從之○甲辰琉球國中山王尚忠遣使臣程安奉表
來朝貢馬及方物賜宴并賜絳幣襲衣等物有差○陞福建汀
州府經歷王得仁為本府推官得仁廉能勤恕先以九牛考滿
所屬軍民千餘人保留復任陞正七品俸至是又千餘人皆乞
陞秩故有是命○改廣西慶遠府荔波廳隸本府南丹州從巡
按監察御史萬節奏請也○錦衣衛致仕通事都指揮同知李
誠哈只卒遣官致祭命有司營葬○先是四川馬湖府泥溪長
官司長官王嵩奏強賊行劫為民人王樹捕獲乞於悔泥溪設

巡檢司以弼為巡檢從之至是本府通事何良等奏悔泥漢非
圍隘之虞弼乃嵩之弟嵩膝朮奏請曷受官職下巡按御史等
官會勘如良等所奏命革去巡檢司執嵩等治之○乙巳鎮守
陝西興安侯徐亨等奏比者戶部議欲依永樂間例增各處市
廩高價課致其稅課司局衙門已革罷者又復增設臣等切惟
陝西屢歲用兵饑饉相仍荷朝廷蠲租稅停科徵發倉庫濟饑
困民始蘇息今欲增稅則視昔為加四倍民何能堪且司局復
設徒為擾民事下戶部尚書王佐等固執前議亨言遂寢○丙
午通政使司右叅議張陸乞致仕從之隆浙江西安縣人由監
生授工部主事歷陞右通政總督永平山海等處糧草坐事左
遷石叅議為人魚介吏民畏憚然用刑太重嘗杖小吏致死朝
廷逮治之隆徒步就繫囊橐蕭然至是年七十一致仕○丁未

遣順天府官祭宋丞相文天祥○陞戶科右給事中李素為本科都給事中素九年考滿自陳母老乞留本科辦事以便侍養吏部以言故有是命○命故後軍都督同知李通子信襲為羽林前衛指揮使○陞直隸淮安府清河縣主簿王良為本府桃源縣知縣先是良以本府知府楊理奏保才優而勤堪任知縣吏部移文巡撫侍御薛希璉巡按御史周濟廉之果實故有是命○設廣西思恩軍民府儒學置教授一員訓道四員從本府奏請也○給龍門衛馬六百匹直隸密雲中等衛馬六百五十七匹○琉球國中山王世子尚思遠以其父忠薨遺長史梁球奉表請襲爵貢馬及方物賜宴并絲幣襲衣等物有差○刑道道藏經軍命頒天下道觀○戊申置廣西慶遠府河池縣都郵鎮柳州府洛容縣韋駱鎮柳城縣廖峒鎮古清鎮羅城縣中峒

鎮融縣西峒鎮大約鎮保江鎮理源鎮來賓縣遊巖鎮上林縣
思龍鎮象州火山鎮十二巡檢司華慶遠府東蘭州文州隘口
日州隘口宜山縣遷院鎮忻城縣來蘇鎮五巡檢司移慶遠府
河池縣土堡鎮巡檢司於大山均峒口柳州府馬平縣辛興鎮
巡檢司於穿山舊驛歸化鎮巡檢司於奉村都博鎮巡檢司於
火甲堡洛容縣平樂鎮巡檢司於大河村柳城縣古些鎮巡檢
司於東寨洛好鎮巡檢司於馬跑泉羅城縣莫銀鎮巡檢司於
東江莫埠安湘鎮巡檢司於鄭城隘樂善鎮巡檢司於頃口通
道鎮巡檢司於高懸里來賓縣昇碑鎮巡檢司於中望村遷江
縣羅司鎮巡檢司於藍徑武宣縣廓鎮巡檢司於甜壩村周冲
鎮巡檢司於長塘村安永鎮巡檢司於冷水鎮俱從總兵官安
遠侯柳濟奏請也○工部右侍郎王佑言刊造大截佛經頒賜

天下寺院臣原籍山陰縣柯橋禪寺乃臣家供奉香火者伏乞
賜經俾寺僧朝夕奉誦以祝 聖壽從之○真代設雲南雲南
府宜良縣醫學置訓科一員○給獨石等處官軍馬五百三十
匹○彌陀寺僧奏本寺原種宛平縣土城外地十八頃有奇近
蒙戶部委官踏勘令臣輸稅然臣空寂之徒乞賜蠲免 上曰
僧既不能輸稅其地令沒官○命山西行都司部指揮余等吳
浩總顧大同東路軍馬○湖廣衡州衛奏歲歉人多缺食請發
有司官康賑濟俟秋成償官從之○壬子命戶部右侍郎張唐
專巡視京師倉場先是巡視倉場者兼理部事至是戶部郎中
何文言倉場事繁宜專委官理之故有是命○增設戶部主事
二員於臨清淮安監收船料欵課先是二處欵課令收糧主事
兼理至是巡按監察御史周鑑言其不便故有是命○部指揮

會事王整總督守備山海關因公事毆死十戶劉成事覺命具
罪狀整詭詞拒對法司請下巡按御史執問 上命釋之戒勿
再犯○封故安定王亦班丹子顧占幹此兒為安定王賜之勅
曰爾能恪修職貢遣國師捨刺囊卜等以馬來貢朕甚嘉之未
幾爾漸都指揮那南奔等復奏爾父亦班丹亡歿朕甚惜之今
特遣官諭祭用表爾父忠勤之愈復念爾為長子仍遣官齎誥
勅織金衣服絲幣表裏封爾襲安定王管治人民并回賜爾父
遺馬絲幣表裏至可收爾遂勅那南奔及大小頭目人等各守
名分聽受幹此兒約束○遼東總兵官都督同知曹義奏京衛
調來廣寧操備官軍二千一百一十人且分作二班輪流回衛
取討軍裝若有畏避遠限者官住俸立功軍守哨哨瞭俱一年
滿日支俸如舊操備從之○癸丑勅諭雲南木邦軍民宣慰使

司宣慰使罕蓋法曰曩因麓賊思任發悖逆朕命將征勦滿起
集彘兵協助官軍及思任發逃往緬甸漸復捐地方取賊首級
解京脫深嘉悅已遣勅褒諭厚加賞賚并遣官諭祭爾母以表
其賢今漸遣使齎金銀器皿方物來謝蓋見忠敬之誠特賜爾
并真絲幣爾奏請免散辦銀八錠特免三年以後仍舊辦納爾
又奏討麓川地方朝廷先設隴川宣撫司除官管治已定仍念
爾功令總兵等官查蓋止地方果無違礙聽發爾管食爾又奏
請蓋撤蓋勦蓋蒙地方然彼處見差人來京謝恩俱奏前項地
方係其祖父世食之地朕復命總兵等官覆勘從公處置庶復
此相安不致乖違切不可因貪小利致有紛爭爾其欽承朕命
毋怠并勅罕蓋法男孟定府守管地方罕郭法大候望官知州
奉敬法刀奉送蓋璉長官司故土官刀派罕男刀派察孟楊地

方頭目陶孟景標鎮康州土官知州刀孟廣判官刀控唐壽旬
州土官知州景隆法判官刀匾球等及頒賜各官并其妻妹幣
等物俱命來使齎與之○命故陝西都指揮同知朱原子英襲
為甘州左衛指揮僉事都指揮僉事謝信子昇襲為金吾右衛
指揮使羽林前衛指揮使趙信弟敬指揮僉事梅晟子繼府軍
前衛指揮使顧旺子英指揮同知蔣善子貴金吾左衛指揮同
知秦能姓勇彰城衛指揮同知趙山住媼海金吾左衛指揮同
知華打蘭打不花子伯住指揮僉事包友子禮濟陽衛指揮僉
事潘榮子泰俱襲職貴州都指揮僉事蘇保老疾令其孫濟代
為指揮同知○甲寅 上御奉天門早朝退諭禮部尚書胡濙
等曰朝廷人材須要作養方獲實用今命翰林院侍講等官杜
寧策綸劉儼高格江淵陳文楊為呂原劉俊王玉每日俱在東

闈進學作文仍令學士曹鼐陳指馬愉嚴督考試務期成效凡
會講時輪流經筵侍班治事○賜慶王扶燈庶子名曰違壘○
乙卯命嵩番僧賞初聖剎巴藏卜鉢幣八表裏以其貢馬及玉
石數多也○都察院右都御史陳鑑言其任儼倚勢違法侵害
鄉里有訴之官者臣失教訓亦合有罪 上置之不問○丙辰
雲南臨安府增城縣土官知縣祿萬鍾貢馬賜以欵錢絲幣○
丁巳陞大理寺寺丞張驥為本寺右火卿山東道監察御史李
奎為左寺丞刑部浙江司郎中蕭維禎為右寺丞先是卿俞士
悅奏政事繁劇缺官協理 上命吏部推舉尚書王直等疏驥
等諳練刑名俱堪擢用故陞之○命山西汾州知州李善復任
州事善先任黎城知縣巡按御史并布按二司會舉陞知汾州
以黎城民告保復理縣事至是汾州民一千五百餘人又奏本

州政務冗劇得善理之庶彙民安故有是命○勅總督獨石等慶左都督楊洪協同守撫都指揮金事趙玘曰今得守備馬營署都指揮余事楊俊奏職入度見崩天墻內不曾追捕此固俊之失亦爾等平日調度不嚴或有牽制彼不敢自專所制蓋特命俊總督馬營守備官軍操練今後但有寇賊來近邊壤聽俊出兵勤捕如戰勢洶湧等合兵併力不許徇私執拘自必彼此以致失機誤事罪有所歸○戊午御用監太監喜寧奏乞河間府青縣地四百一十五頃有奇上命戶部遣官覆視內多民地遂以荒閒者七十九頃八十畝賜之○陝西總德衛為事指揮劉讓奏鎮守石金都御史馬恭受贓娶妻等事刑科給事中鮑輝等奉旨會同陝西都布按三司廉得恭令外甥劉祥往定州娶氏奈與女送至榆林莊與恭為妻未幾遣回上曰恭

居風憲何以納妾於鎮守處法本難容第即違回亦無職私重情姑宥之再犯不宥○己未命召高於遼東廣寧廣寧前屯寧遠職屬三萬邊海六衛倉中納鹽糧准鹽每引米豆一石四斗浙鹽一石二斗長蘆鹽六斗俱不_以給○湖廣寧遠衛奏去歲夏秋不雨未稼括犒子粒無徵上命戶部覆視以聞○南京兵部石侍郎徐琦奏本部郎中宋勉逃風不謹以致火燬廳房宜宥治之臣不嚴督亦合有罪上宥琦命南京刑部逮勉罪之○浙江都司運糧都指揮僉事蕭華奏本司運糧署都指揮僉事劉禹索取紹興衛軍士賂命巡按御史逮問之○禮科給事中余忭言銓選之典經也保舉之例權也守經而酌以權則治功成專於行權而失經則政柄移矣欽惟太祖太宗之時選官俱由吏部奏請或循資銓注或不決超擢仕版得忠良之

華豪門無存競之徒由是百官屬翼庶職修明此登選之典所以經久而益善也逮至宣宗之時世道亨嘉猶謂未至賢才效用尚慮有遺乃命大臣旁求俊乂凡布按二司官及知府有缺悉令三品以上京官保舉此固朝廷勵精圖治之盛心然立法之初未嘗不善特行之既久不能無弊故其所舉或鄉里親舊或僚屬門下素相私比者較之古人舉讎不避與夫舉無書問者大不侔矣彼蠅營狗苟之流既附依權貴以竊美官何嘗有忠國愛民之心但肆意誅求以利己耳舊例但有犯職罪并罰舉者蓋以防其姦弊使知所做毋妄舉也近者福建布政使方正以挾妓飲酒罷為民按察使謝莊以姦淫欺罔論戾邊地如按察使曹習古副使李立食事李在修陳善恭議鮑時知府葉恩李性表海表旭知州張需或貪贓或酷刑或閹門不潔皆

已按舉其罪未聞連坐舉保之人所以互相倣倣畧不知懼於凡屬薦揚者遇有過惡極力為之揜護所為如此豈可謂之公乎若其有為有守之士耻於取媚以效忝何忍銜玉而求售有任御史九年不得陞用者有任知府九年復除原職者皆由無官保舉遂至賢否混淆尚何以激勸人心也哉此保舉之例惟權時宜不可以久行也臣惟昔之銓衡或未精是以先帝因時宜而改為保舉之例今之保舉既未公伏望皇上亦因時宜而復遵祖宗之舊典乞勅吏部遇有方面府正員缺即具奏取旨上裁或令於見任堪陞官內薦拔或令於聽選相應官內推舉嚴加審察務合至公若吏部所擬有私詐六科十三道糾劾如此則恩出於上獎濟於下臣僚各思修職而治功為易成矣章下廷臣議吏部尚書王直并太師英國公張輔等

覆奏作所言保官有舉鄉里僚屬門下者若非平日知識何以
諳其才行故舉子舉姓自古無禁孔子亦曰舉爾所知今方面
府正多係舉薦陞用其間稱職者亦多其言凡屬薦揚極力掄
護別無指實方正既按其罪未聞連生舉者宜從法司究治又
言選擇官員專委吏部緣皇上屢有勅旨方面郡守有缺仍遵
宣宗皇帝時舉保之例未敢擅於更易 上曰保舉官既稱職
者多且依舊行其間徇私濫舉者朝廷自有裁處今後果有蠅
營狗苟者許御史給事中指劾吏部仍究方正等原犯有無職
罪以聞○辛酉禮部辦事官鄭瑛常獻太平十二策一曰興學
以頌泰平之運二曰安民以立泰平之本三曰崇儒以尊泰平
之教四曰正俗以致泰平之治五曰用賢以宣泰平之化六曰
養士以固泰平之基七曰選兵以申泰平之制八曰牧馬以謹

泰平之備九曰行款以阜泰平之財十曰積糧以足泰平之儲
十一曰考官以修泰平之政十二曰擇吏以理泰平之事上
命有司議行因諭吏部各處社學悉令提督學校風憲官嚴督
勸課不許廢弛其弟子不拘常額挨次選補儒學增廣生員

明英宗睿皇帝實錄卷之一百五十一

正統十二年三月癸亥朔 上以躬謁 陵寢告 奉先殿遣

官祭皇城門之神是日 車駕發京城命西寧侯宋瑛寧陽侯

陳懋石副都御史曹翼刑部侍郎楊寧居守駐蹕沙河○甲子

駐蹕 陵下遣禮部尚書胡濙祭告 天壽山之神○復督遣

東軍務左副都御史王翱奏臣會同軍馬出境進哨總兵官都

督曹義出廣寧兀良哈賊衆匿林中義卒兵圍之賊突出死戰

我軍奮勇擊之賊大敗左叅將都指揮胡源等出關原遼陽都

督焦禮出寧遠侯遇賊各戰敗之全師而還凡斬首三十二級

生擒七十餘人獲馬牛羊四千六百有奇 上賜勅賜等仍

命遣良馬同俘送京餘給備邊官軍牛羊賞有功者○乙丑

上祭 長陵 獻陵 景陵扈從文武羣臣陪祀○己巳 幸

駕還駐蹕沙河○景陵衝倉火○庚午文武百官軍民耆老人等四夷朝貢使臣迎 駕於都門外科呼萬歲 上還大內謁奉先殿及 皇太后出御奉天門羣臣朝見○山東昌邑濰縣俱奏先因水旱田畝薄收人民缺食已發預備倉糧賑恤不敷見有存留糧四萬餘石歲給官吏俸不過三四百石積久陳腐請拱陳賢之民間食用杖成備官 上命戶部議行之○壬申致書襄陵王冲林曰孝弟人之至行治道所當先者我 祖宗以是為治用厚彝倫而美風俗叔祖宗室懿親勤學好禮孝弟出於天性生母常遭危疾到股和湯以進猶顧天原減己年以益母壽穉主再三母獲痊安嫡母有疾亦然凡韓恭王寢疾晨夕侍側衣不解帶日不交睫湯藥必親嘗而後進及薨哀感踰禮徒走送葬具見孝弟兼至是宜神親昭達屢有明徵於戲

天倫之道人鮮能全叔祖之德誠可嘉尚孔子言孝弟之至通於神明叔祖有為顯此奉書用致褒嘉之意○南京監察御史范霖等劾南京左副都御史周銓擅置紀功過二簿以示威福各倉設立軍斗等項以作姦弊令義勇擅入內府頒折俸布而擇其美者擅杖御史以報私讎占官地水塘以圖利已及芻蕘人妻南京給事中劉煒等言霖等公堂與銓相詈於是六科十三道亦劾銓且言南京右僉都御史張純緘默不言霖等舉行遲緩俱宜究問上命錦文衛執銓來京鞫治○癸酉直隸鳳陽府知府楊璿言我朝天間景運文教半興內建太學以儲天下之英賢外設府州縣儒學以育民間之俊秀府學額設廩增生員八十名州學六十名縣學四十名此外聰明之士不得與者入學寄名以俟補增廣之缺寄名者既衆過開科之際欲報

增廣則增廣名數已足欲報儒士則有司多方沮抑以此無路
出身未免滄海遺珠之嘆乞勅該部通行天下學校今後增廣
生員不拘額數但係本土人民子弟自願入學請書聽府州縣
正官與學官同考選俊秀者即作收增廣生員凡遇開科考
其學問優長者許令應試事下禮部議請令如有此等子弟壯
其入學待缺補充增廣從之○直隸泰興縣奏本縣官民地七
十六頃地臨大江潮水衝激坍塌入水不堪耕種應徵糧一千
六百餘石草九百七十餘包遞年里甲陪納乞除其額以甦民
困 上命戶部勘審除之○叅贊雲南軍務兵部左侍郎侯璉
奏雲南去京師一萬餘里其武職應比試者多孤弱貧窘路費
不給乞如守備官例託彼會官比試為便從之○甲戌蜀王悅
聖奏世子婚禮已畢又冊封內江等王欲令詣京謝恩復書止

之○禮部尚書胡濙等奏廣西結安州頭目黃玄都結州頭目
曹召鎮走州頭目趙寬各齎捧慶賀 聖節冬王正旦表箋通
期方至應送法司論罪 上俱宥之○設雲南和曲州小回巡
檢司南回縣乾海子巡檢司各置巡檢一員華金蓋司蒲縹鎮
夷關官市關石龍碑關山連關未平禦南關及楚雅衛西關○
乙亥清明節遣官祭 長陵 獻陵 景陵○叅贊雲南事務
兵部左侍郎侯璉奏新設騰衝指揮使司缺官掌事其金蓋司
指揮僉事劉濟張善王勝馮唐尸歐俱騰衝土人熟知夷情請
改任之 上命璉回總兵鎮守官於金蓋司推選漢官指揮能
幹者一員掌騰衝司印劉唐等協同視事○甘肅總兵官寧遠
伯任禮奏邊官千戶苟骨束所鎮撫保柝木兒等四十八戶皆
新降附無以養贍家屬陝西行都司所轄地方南山一帶俱有

空地請戶給五十畝令其耕種從之○丙子都察院右副都御史
曹翼先在甘肅參贊軍務以墜馬傷足命右副都御史馮昂代
回簡治至是自陳病稍痊復乞理事許之○命直隸蘇州府吳
江縣主簿雷銘復任陞正八品俸銘九載任滿吏部考稱當陞
巡撫侍郎周忱為民奏留巡按御史勘實故有是命○免浙江
湖州嘉興杭州三府并湖州守禦千戶所去歲被災扶擇子粒
五十一萬五千五百一十二石革二十八萬四千一百七十六
石○南京刑部右侍郎鄭泰坐劾囚罪輕者輒械至京下南京
都察院獄論泰應杖贖罪還職從之○設直隸定遠縣僧會司
置僧會一員從本縣耆民王昇言也○丁丑封楚府永安王嫡
第二子均錫為鎮國將軍鎮國將軍李宣嫡長子均錫第二子
均錫李宣嫡長子均錫俱為輔國將軍宜川王庶長子公鏡庶

四子公該庶五子公耀庶六子公肆俱為縣國將軍賜誥命冠服等物○戊寅命刑科給事中劉學掌本科事○旌表孝子禮郁節婦姚氏等十人郁直隸桐城人母歿廬墓三年郭安山西興縣儒學生父歿廬墓三年母歿復廬墓三年俱旌表其門曰孝行姚氏湖廣石首縣民張原妻路氏河南汜水縣民趙三妻彭氏應天府江寧縣民陳歪頭妻李氏直隸平鄉縣民魏擴妻劉氏河南宜陽縣民馮瓊妻程氏江西德興縣民祝佛忠妻延氏直隸易州民梁才妻鮑氏直隸歙縣民王銘妻俱夫死守節始終嚴謹旌表其門曰貞節○巡按直隸監察御史周訛奏總督糧備戶部右侍郎劉建占種官田減納稅糧又於所部娶妾上曰姑貸之再犯不宥○守備偏頭關都指揮使馬貴言戎狄之患自昔有之衛守備何如耳昔李牧在鴈門而單于不

敢近邊趙克圖屯浩靈而先塞不敢入塞以有備也今危剽也
先遠結諸部潛起邊警不可不為之備臣愚以為備邊方畧
要有六一曰操士卒兵不操習猶無兵也操之不熟猶不操也
必以時練習粉在稍熟使耳熟金鼓日熟旗幟步熟陣勢揮左
而左揮右而右以之禦敵庶無不勝二曰使器械人各有長而
力不同等長於騎射者或短於鎗牌善於火銃者或拙於弓矢
必隨其所長而用之使人專一技則練習易闕而用無不效三
曰選馬隊將士之所恃者馬而馬之良否不可不擇馴而善走
者用之出戰勁疾者用之探敵罵賊者用之負載庶用當其材
可以決勝四曰謹烽堠烽堠所以報賊聲息必置之高阜之所
遠近連屬不絕遞相瞻望遇警則舉砲火庶彼此相應五曰識
地利孫子曰不知山林險阻之形者不能行軍故為將者必涉

歷有素而知之明何慮宜戰何慮宜守何慮宜設伏或遊蕩於山林或追擊於原野或斷其首尾或截其歸路識衆寡之用知進退之機庶可以克敵成功六曰修城塹城塹所以固守備而障居民也臣於偏頭關東設水泉營堡北置滑石澗堡沿邊挑壕塹立柵木以防賊之奔突黃河東岸居民稠密又設樓子營等堡七處為禦冬之計河凍則益兵守之臣才識庸鄙惟盡犬馬之勞謹陳愚見及將見操官軍總數以聞章下兵部議以貴言俱切邊務命悉行之○太僕寺奏金吾等衛及順天府山東濟南等府正統十一年孳生馬騾駒三萬四千五百四匹○四川茂州草坡寨首加悟與蘇村寨民仇殺竄雜谷者數年先是嘗貢馬至是又遣其弟以鐵甲六副納官乞貸死右倉都察御史寇深以聞上命姑宥之若再為惡仍調兵捕之無赦○已

乃書復方山王美垣曰得奏慮府中被提人李從誣陷內使教
授典仗人等叔欲親詣京分訴然朝廷法度至公至明凡無辜
者必不至於冤抑况遠道跋涉非易叔宜止之已命法司訊從
依法處置其教授李春先令巡按御史究問姑亦記罪還職罰
俸三月微示警飭專此以復○陞韓府紀善所紀善郝祥為本
府長史司左長史從韓王範抑奏請也○汝州衛都督僉事喃
哥等淨部屬二百餘戶一千二百三十一人來歸 上命官舍
頭目於山東平山東昌二衛管束帶俸城內居住賜都督米二
十五石地二百五十畝都指揮米二十石地二百畝指揮米十
五石地一百五十畝千戶衛鎮撫米十石地一百二十畝百戶
所鎮撫米五石地一百二十畝舍人頭目米三石地一百畝分
其部落於青平博平二縣為三屯居住各賜米三石地八十畝

仍賜緞線幣表裏紵絲製衣綿布房屋林檎器四牛羊等物支
與俸糧月糧○庚辰襄陵王冲林奏子女七人俱已成婚出居
之人使令 上道中官送內使十四人往分賜之○減萬全都
司開平龍門二衛七軍餘糧先是每軍田五十畝納餘糧六石
至是各軍以地土決墾種納不敷為言都督楊洪為上其事遂
命開平衛每軍減免四石龍門衛每軍減免二石○調錦衣衛
指揮俞寧陳端於大同威遠衛操備端違禁縱孫索債為給事
中御史所劾故有是命○命赤斤蒙古衛故都指揮俞寧鑄合
者子切答兒襲為指揮同知○辛巳給周府扶溝縣主同儀賓
張鑑定城縣主同儀賓李璽莘邑縣主同儀賓黃阜確山縣主
同儀賓劉彬新息縣主同儀賓嚴昶歲祿各六百石內二百石
折鈔○疏山東平度州大營口等度河道○壬午安南國王黎

濟遣陪臣阮宗朝鮮國王李稠遣陪臣李穰等奉表貢金銀器
四沉香象牙諸方物賜宴并綵幣表裏金織襲衣等物有差○
裁省雲南武定軍民府通判知事檢校各一員扣曲祿勸二州
同知各一員○癸未賜鎮平王第三弟名子峰汝陽王第五弟
名子熹第六弟名子熿第七弟名子燦○國子監祭酒李時勉
致仕時勉在國子監餘六年諸生服其教而成者甚多先是累
求去不遂及是以中貴用事不能諂事求去益切既得命即就
道朝臣及國子生出襖都門外者幾三千人○陞翰林院侍讀
蕭鑑為國子祭酒○調太常寺丞黃玄惟於南京太常寺○雲
南昆明縣民奏岷王徙武崗州遺下果樹地召軍民佃納課米
二百餘石年遠樹槁乞如魚課例折欵從之○裁省山東萊州
府管糧同知一員從本府知府崔恭等奏請也○乙酉南京山

東道監察御史聞人讞奏 宣宗時因欽法不通命停場商貨之家舟車捆載之物皆徵其欽今聞中外數不以鞭撻但有字可驗者一際行使欽法可謂通矣停徵之命未下且如大船大商萬取其一固為無傷而需蔬載薪小車小舡謀利幾何復徵其欽請暫停止 上命戶部議行○直隸保定府安州奏本州張營等口曹河等河柱歲為兩衝決未及修築恐今夏復然欲趁時用工而夫役物料皆不足乞命鄰邑協助從之○兩浙都轉運鹽使司奏本司廳治永樂間燬于火至今未建請如舊建置從之○丁亥給周府鎮國將軍子峰子熿子熿子燦歲祿各一千石米欽中半兼支西華縣主同儀賓張斌鹿邑縣主同儀賓趙寔靈寶縣主同儀賓周慶歲祿各六百石內二百石折欽○福建左布政使李文定自陳有疾不能任事乞致仕從之○

巡按山西監察御史白圭奏朔州歲辦稅課銀一萬三千二十
六貫羊皮三十二張近戶部移文數增三分之二皮增四分之
三民實不堪事下戶部言洪武中定稅額隨物價輕重每三十
分而取其一請行朔州隨其物價仍行三十稅一之制從之○
大同總兵官武進伯朱冕等奏大同等處見操旗軍原分二撥
頭撥勝兵月給糧一石次撥應兵月給八斗今於次撥應兵內
選得身力強壯閑熟弓馬者二千七百八十六名以補勝兵之
數乞如例添給一石為便從之○調除雲南所屬雲南等府州
縣五河泊所無徵課米麥二千七百五十七石八斗以各處湖
泊淤塞人戶死亡故也○陝西岷州衛副將康泰結副雲南姚安
軍民府故土官知府高賢子高廣西若盈州土官舍人李玄等
來朝貢方物賜以鈔幣○四川布政司言四川歲辦課銀數火

文武官吏旗軍捧糧數有經四五十年不得聞吏者今本司廣濟庫職罰綾錦布帛毳褐衣被雜物年久恐致朽壞請依時值折作俸糧致從之○遣給事中陳博行人萬祥往琉球國諭祭故中山王尚忠并持節冊封王世子思遠賜勅諭之曰爾比遣長史梁球等奏爾父王尚忠亡歿良深悼念特封爾為琉球國中山王繼承爾父主理國事爾宜篤紹先志益聖事上之誠敬守臣節恪修職貢隨任賢良善撫國人和睦鄰境以保國土庶幾永享太平之福孰或仍以皮弁冠服常服及織錦紵絲羅段等物賜之復詔諭其國大小頭目人等盡心輔翼悽行善道各循禮分毋或僭踰伴凡國人同樂雍熙副朕一視同仁之意○夜五鼓南方有星如蓬大青白色尾跡有光起自南宿西南行至太微西垣內後有二小星隨之○戊子給祭府保嬰王公疎鎮

國將軍公鑣歲祿各一千石米欵中半兼支○復除浙江按察司僉事董敬於湖廣按察司以丁母憂服闋也○河南鄆州流民馬貴等言臣等三百五十餘戶原居山東山西因地狹民衆徭役繁重逃移至此近承恩例命於所在附籍均田耕種踴躍已及郡縣不即舉行乞早加恩恤使得寧居上命有司並行之○己丑五倫言成命工部刻板

明英宗睿皇帝實錄卷之一百五十一

明英宗睿皇帝實錄卷之一百五十二

正統十二年夏四月壬辰朔享 太廟○遣中官祭司憲之神
○陞錦衣衛指揮僉事王琦為指揮同知○福建銀場進去年
課銀一萬三千四百兩先是福建銀課二萬一千一百二十餘
兩後遣戶部侍郎焦宏踏勘回奏云約可辦二萬八千二百五
十兩至是 上以所進之數不及宏約之半仍命各場補辦○
癸巳廣東肇慶府新興縣故土官典史廖謙男繼祖雲南北勝
州土官舍人韋達能等來朝貢馬賜綠段表裏等物有差○甲
午復除戶科給事中張敏於工科南京山東道監察御史葛崇
於南京浙江道俱以丁憂服闋也○設四川成都府簡縣龍泉
鎮巡檢司置巡檢一員從恭議楊淵奏請也○乙未賜代世孫
士堽子名成鍊○陞提督遼東軍務左副都御史王翺為石都

御史認兵官都督同知曹義為右都督恭將都指揮同知胡源
劉端俱為都指揮使石僉都御史李紘為右副都御史都督僉
事焦禮施聚俱為都督同知仍賜綢義白金各五十兩綵幣四
表裏源等白金三十兩綵幣二表裏以剿殺兀良哈寇賊功也
○勅提督松滿兵備石僉都御史寇深等曰得奏爾等設法擒
獲巡檢董敏及其親屬械送四川都司鞫問曉諭人民復業審
放平民子女及請免運敏疎遠親屬具見爾等克遵勅旨區畫
允當悉從所議曩者敏與王永繼殺報復抗拒官府搶劫糧夫
阻絕道路朕已曲宥其罪今還職業宜意敏不知感激仍與永
構兵今既就擒其所轄諸民善加撫卹未復業者恐懷歎逃竄
爾等更宣布朝廷恩意悉宥其罪俾各安生業庶無後患○勅
保定伯梁瑄左都督梁成者都指揮僉事申忠提督各營官軍

牧放騎探馬匹○設直隸鳳陽府定遠縣僧會司置僧會一員
從本府奏請也○江西左叅議夏時以均徭法編布按二司隸
卒於臨江府諸縣多增數十人掌臨江府事右叅政朱得執不
遣時躬至臨江索之亦不得會巡按監察御史李璽及二司官
以得老病奏黜之得赴京發其事詞連右布政使張斐按察使
李彞副使周安謂斐嘗以私書求所增者彞安風憲亦濫受之
事下後巡按者覆得其互相姦利請俱加罪 上命罰時俸一
年斐等三月得致仕○陝西富平縣奏本縣北大河有永興橋
歲久傾圮不便輸運邊儲請備工於農隙時修理從之○丙甲
免廣東惠州府歸善長樂二縣潮州府海陽揭陽二縣被災抗
糧米麥一萬四千三百四十餘石○戊戌總督獨石等虔守備
左叅將左都督楊洪奏臣於附近獨石虎山墩諸處舊壕外增

築墩臺瞭望舊壕內地可耕者令官軍耕種蕎麥糜黍貼祠戰
馬甚為便利內厰歸正掃定碑礮不容耕種即令農事方興設
或過時又難効力乞如舊令其耕種為便 上令戶部議運行
之○己亥賜文武百官宴○陞郎中張琛為福建左布政使奇
副陳安為陝西右叅議府同知趙紳為山西右叅議專管柴炭
御史張文昌為江西按察使俞本為山東副使郎中蕭暉為雲
南副使御史張文為山東僉事羅經為浙江僉事給事中高旭
為江西僉事提調學校俱以在廷大臣薦舉也○雲南總兵官
黔國公沐斌奏准遣千戶明庸招諭賊子思機發思機發以其
所遣弟招賽及男哀準不回心懷疑懼終不肯出近緬甸卜刺
浪為思機發掠其牛馬金銀欲進兵攻取臣等議遣人分諭本
邦緬甸諸官慰司令集夷兵剋期過江分道並進臣等率官軍

萬人駐騰衝以助其勢使賊四面受敵賊擒必矣 上遣勅允之○庚子發內庫白金綵段給賞遼東征討有功總兵等官太監亦失哈揚宣復威給米三十六石○辛丑命戶部輸銀一萬兩於密雲遵化二處糴糧上倉以備軍餉○山東官臺場鹽課司言本處煎鹽甚艱况久雨沒灌鹽課日虧請折納綿布從之○命故遼東都指揮使裴俊子顯襲為三萬衛指揮同知金吾右衛帶俸都指揮僉事馬諒子呈襲為指揮使濟陽衛指揮僉事韓勇弟傑武驥右衛指揮僉事夏義子能通州右衛指揮僉事范興子增余靖子祥俱襲職○戶部奏御馬監并孳上馬於武清縣諸廄草場收放其管馬內使等官并養馬官軍三千五百九十四人請如例給口糧從之○雲南總兵官黔國公沐斌言思機發遣虎首番銀一百五十兩孳臣與太監并恭養侍即

等官固拒之恐生疑懼已封識於公府 上命易糧以備官軍
支用○啓邗晉府寧化王濟煥慶成王美靖各奏乞賜物料工
匠為子女建府第 上以山西百姓艱於征役命有司給地與
王令自為之○大同總兵官武進伯朱冕言大同軍民疲於役
稅已極今復為代王造墳如腹裏親王之制誠不能堪臣見代
王生前所居宮殿地不過二頃餘惟以黑尾今已薨逝墳地互
廣而尾用琉璃使王有知亦不忍困軍民以自奉也乞勅該部
將原定墳塋地畝房屋減半飾用黑尾庶工易完而人不困巡
撫火卿于謙亦以為言且及代世孫妃墳亦請減省 上皆從
之○免直隸保定河間府大同中屯衛大寧都司保定等衛被
災秋糧子粒一萬七十二十五石草五萬四千八百餘束○南
京雲南道監察御史譚善言直隸淮安屬縣民因去年春早秋

潦粟麥無收饑饉不能聊生甚至鬻質子女况道路流民所至成聚必是各處荒歉故皆轉徙就食請令各處巡按御史督同司府州縣官但是人民缺食即將官庫穀粟驗口給散如有不敷或發鄰近倉糧或於廢資之家勸貸賑卹上命戶部行之

○禮部奏武驤右衛軍崔廣兒妻李氏一產三男命給賞如例

○南京太平門稅課司舊額辦課銀一十九萬九千八百三貫後因欵法不通加添二萬二千三百五十一貫至是有司言商稅稀少陪納艱命仍舊額

○廣東備倭署都指揮僉事杜信言缺軍守城恐倭寇登岸難於防制請以海南衛南山守禦千戶所七軍取回守城以七田中具撥民承種事下戶部言倭寇出沒防備有時七田法廢使民經涉海洋以給軍餉恐非經久至計本處如果缺軍防守止宜摘撥正軍守城操備仍令餘丁

如舊屯種務俾不失原定分數如故違不遵從提督屯田風憲
官逮治從之○武功中衛指揮使華嵩坐宿娼當杖特命髡其
首漆之枷示教坊司門既而諭充大同軍嵩與太監王振姪林
多奴故也○撒馬兒罕回回哈肥子來歸奏願居京自初命為
頭目隸錦衣衛給賜布致房屋器皿○甲辰總督馬營守備署
都指揮余事楊俊奏比因邊務緊急簡選精壯舍人一百一十名
編成隊伍給與馬匹自備軍裝常川哨備今管糧侍郎劄建將
行糧往支請仍給為使事下戶部言方今夏炎邊寇遠道可以
農種之時往支行糧必有所為宜問壁應否支給 上曰既常
哨備如舊給之○戶部照唐張瑾言八事一乞勅各處總兵鎮
守等官選兵馬精銳者為頭班另編隊伍常具留糧與次班官
軍俱操習有警遣頭班先行次班隨後接應一乞勅總兵鎮守

等官量摘旗軍將沿邊營堡隘口併工麓以礮石一邊軍月糧
乞全支本色免折胡椒蘇木仍禁衛所官旗侵剋之害一邊官
俸米支給本色外其餘折俸宜如在京免以銀絹一沿邊墩臺
守瞭軍士乞人賜皮襖一以禦凍寒一迎送尾刺等處使臣乞
預於諸邊官旗有耕牛者量借駕車以免軍士推輓之勞一乞
以直隸陞慶所轄榆林土木二驛俱隸附近萬全都司督轄一
乞各總兵官度俱增設陰陽衙門置官以審天時地利事下禮
部議尚書胡濙等以為事多見行其言改隸土木榆林二驛及
增立陰陽衙門於舊例有度難如所言其言侵剋軍糧宜禁約
軍士皮襖宜闕給 上是其議因諭濙等曰今後羣臣言事有
切於政治者爾等月一集議行之毋或延誤○乙巳直隸保定
府安州民楊暉祭土得銀一百五十兩來進命賞以欵○丙午

巡按陝西監察御史馮靖奏徵收西寧軍東安定阿端曲先五
衛番民馬二千九百四十六匹給茶一十二萬五千四百三十
斤○命故汝州衛指揮使乃剌卜花子昆藏思加指揮同知撒
米徹子結果堅正千戶哈麻思子葛渴副千戶奔思加子那南
等九人俱襲職○戊申兵部及五軍都督府奏直隸壽州衛指
揮同知李素錦衣衛指揮僉事牛循通州衛指揮僉事張俊大
寧保定中衛五千戶張英俱應薦舉試以弓馬智識頗優上
命俱陞署職一級隸成國公朱勇處操練○巡按山東監察御
史史濡等奏山東青州府地瘠民貧差役繁重類羊荒歉諸城
一縣逃移者一萬三百餘戶民食不給至掃草子削樹皮為食
續又逃亡二千五百餘家地畝稅糧動以萬計請暫停徵從之
○己酉廬溝河東有鑿山伐石之禁太師英國公張輔縱家奴

即其地闢煤窯都察院請罪補 上特宥之○浙江湖州府饑
免其輪班人匠赴工○庚戌免直隸大名廣平真定三府所屬
州縣去年被災糧一萬八千五百四十餘石革三十二萬八千
五百餘束○戶部奏廣東廣州府永豐倉糧收貯年久蛀折虧
耗一十五百九十餘石請如例免追從之○辛亥巡按湖廣監
察御史閻寬奏岳州襄陽荊州等府郴州麻城等州縣連年荒
旱民採苦楮掘野菜食以度日其預備倉糧賑給不周即令農
務方殷又缺種子布種已會官發公廩及於附近有糧之處借
支賑卹請俟秋成抵斗備官從之○守備足綏諸處署都督金
事王斌為所部指揮發其恃黨官革巡按監察御史覆得實請
治斌罪 上特宥之○監察御史柳華奏浙江處州山多田少
民無以為生往往於福建江西諸銀廠公場盜採 皇上屢諭

復業不聽始移師討之而巡坑石恭議竺潤吳昇等事擒殺以致各就懼不敢歸日如溢蔓臣今多方立法漸消弭之沿途積朝廷恩意歷陳禍福開其自新之路嚴窩藏給餉之禁每村置鐘鼓登竿懸擊相應其諸虛坑塢俱埋以說竹片布以織蕪蒸毀其私置之具塞其私採之穴塞其私往來之徑申明私用兵器之律由是猖獗之勢消良善之生安其已降服賊黨嚴開三等二千五百餘人如詔令復業人給以花欄牌面為驗其政和縣官田場賊徒亦俱向化願 皇上勅府縣善存郵之勸其徭役一二年不得懷其舊惡仍肆酷害及縱豪強責其逋負如此則賊徒感恩遇相勉為善庶無虞矣 上從之○壬子晉府臨泉王美塔有疾 上命太醫院擇醫齋藥往療之○江西布政司言臨江府官倉積糧數多欲量存三年支用外餘每五石

體銀一兩解京備用從之○癸丑慶王秩隆奏比因府中缺使
令者買民間白宮人李長有等五人乞免留用上曰擅留自
宮人律有明禁然王既自陳其志令留之不問但長史王之補
導既不能諫止又不先奏聞於法難容都察院其速治之○趙
王瞻鳩妃王氏薨妃與儀副約之女宣德五年冊為安陽王妃
八年進封趙王妃至是薨訃聞遣中官賜祭命有司營喪葬○
甲寅寧羌衛旗軍初調寧夏備禦人給綿布三匹綿花一斤八
兩至是自陳室家在原衛所相離千百餘里無以養贍戶部奏
擬備邊之處給綿布二匹綿花如舊原衛室家歲給綿布二匹
綿花一斤八兩從之○遼東東寧衛土軍先不支月糧至是都
御史王翱言請如彼處見操官軍例給與從之○乙卯巡撫河
南山西大理寺左少卿于謙奏方山王等府內使有非致賜者

乞查寃之章上寧化王濟渙亦奏先是諸子長成各乏使令之人員到淨身者王山等六人公用一向夫於奏聞具各府教授張珠等亦各自陳罪狀上曰王既自陳珠等又皆首罪姑置勿問山等聽王留用今後不許○吏部言尚寶司丞楊壽故少保禮部尚書兼武英殿大學士濟之孫今以謝恩奉京例應承重守制上念濟有舊勞特留壽命於翰林院讀書○丙辰修孝陵懿文陵訖工命駙馬都尉趙輝祭告太祖高皇帝孝慈高皇后豐城侯李賢告謝后土之神○增置廣東布政司右叅政一員陞山東按察司副使鍾祿為之賜之物曰廣東綠海地方自洪武間設巡兵以捕盜賊置武衛以防倭寇三司官巡歷以時提督有方人知奉法邊境無虞近聞該司官推託判害率不經心備倭官苟且因循措置無法遂致邊備日就廢弛又

緣海衛所中有兇禍之徒挾制官府偷盜倉糧所司不能殫求
良善被其擾害今特命爾巡視海道整理邊務禁革姦孽撫卹
軍民爾當廉潔公正以身率人夙夜盡心勉稱任使或依阿雷
同容情慢事致有疎虞即爾不任若徇私受賄蠱惑惡人妨廢
軍政貽患邊方爾罪非輕其敬慎之○陞廣西梧州府薛林州
判官吳琛為本州同知環歷任九年部民言其撫字有方乞陞
其職總兵官安遠侯柳溥等勸賞以聞故有是命○命故左軍
都督僉事王瑜子塌襲為錦衣衛指揮同知南京中軍右都督
陳啟子瀟襲為指揮使金吾左衛指揮僉事朱肅子英襲職○
戶部尚書王佐等奏減文武官吏俸錢先是俸一石折錢十五
貫後加至二十五貫至是佐等以費數頗多奏仍減為十五貫
佐等又奏官民食鹽鈔各隨地方有徵米者有徵鈔者近奉詔

書藏半徵納其陝西山西四川雲南貴州廣西皆供給邊儲請
俱存本處浙江江西福建廣東湖廣以其半存本處餘解赴南
京河南山東南直隸并直隸大名廣平順德三府亦以其半存
本處餘解赴京師順天河間真定保定永平五府陞慶保安二
州俱有軍衛即今缺糧宜准舊例鄉民納米存本處官吏市民
徵欵以其半解京師從之○丁巳命直隸肥鄉縣知縣許顯復
任陞從六品俸顯九年任滿民保留巡按御史陳浩等會勘顯
有治劇之才故有是命○免直隸常州蘇州松江蕪江四府蘇
州鎮海二衛被災秋糧子粒八十八萬四千七百七十餘石草
二十一萬六百三十餘包○山西蔚州知州耿信等奏代府春
秋祭祀社稷山川壇塲合用牲幣諸物長史司先期移文大同
府汝所屬州縣買辦緣本處土寒民貧牲幣俱非所產往往倍

用價買輸小民不勝疲困况又供億往來朝貢使臣浩繁乞准
晉府例令其齎即日辦從之○戊午陞翰林院編修徐理為本
院侍講檢討王振為修撰俱以九年任滿也○擢進士王鎮為
刑科給事中葉盛劉斌俱兵科給事中李叔玉戶部主事張紳
衛儀尹恕俱行人司行人○陞廣西叅將都指揮同知田真為
都指揮使以撫捕蠻寇功也○調戶科給事中章綸為山西鹿
州判官先是綸以進士差徃浙江督光祿寺廚料杖殺上虞縣
解戶二人至是事覺為巡按御史等官劾奏下法司論斷故命
調之○南京刑科奏驗封司郎中俞宗大主事俞佃受內江縣
吏朱源銀隱其過名頂補掾又請治其罪左侍郎魏驥等亦當
連坐 上特宥驥時驥亦自以年老昏耄乞恩云○己未紀山
西軍民樵採禁初以山西接邊境恐樵採通道路以滋邊患故

禁之至是按察司言不便軍民故犯之○庚申命故府軍前衛
指揮僉事胡信子真襲職初信妻李氏以保衛 聖躬封恭聖
夫人信以故累陞至指揮僉事至是卒李奏乞以真襲兵部言
無例 上特命世襲○巡按直隸監察御史呂因言七事一各
處災傷宜令所司覈實申報量賜寬免已徵在官者亦照數給
還一天下獄囚乞於法司內選公明仁厚官員會同按察司官
并巡按御史悉心平反務使真情暴白冤抑得伸一各處添設
撫民管糧管馬等官除邊境緊要去處不動外其餘司府州縣
非舊額者宜悉取回別用一各處非祀典所載諸淫祠宜悉革
廢即以其地召民承佃一民間婚喪之禮合用儀物宜互為定
式不許奢僭一山林之士有修身慎行熟於古文者乞令所司
亦得薦舉不必屑屑拘泥時文一足臣三載考攝乞如舊例給

賜詔勅 上命禮部集議以聞○陝西鞏昌府安定縣崇福寺
刺麻也失端竹岷州衛廣福寺刺麻吐什孺竹等來朝貢馬及
方物賜絲幣表裏等物有差○辛酉免廬州府并廬州衛被災
秋糧子粒一萬四千五百餘石草一萬七千二百六十餘包○
廣東瓊山縣典史姚仲葵以事如崖州猝遇黎賊殺死其從人
崖州十戶陳政洪瑜謂此必抱盆匿材二村賊發軍圍之比夜
反為賊遮截殺官軍七十餘政死瑜從間道逃按察使郭智署
都指揮杜信繼往招撫賊詣軍降智業瑜虜掠已降附黎人利
其所有坐斬僉事李鑑謂瑜因賊殺人於職當捕不幸多沒官
軍坐以重罪可憫此乃智欲希招撫功故加瑜罪乞全瑜生令
於本處立功以贖從之

明英宗睿皇帝實錄卷之一百五十三

正統十二年閏四月壬戌朔，大理寺言誣告十八人以上軍編造，衛民編口外准監生土員吏八材知印承差僧道總小旗無例。上曰：第如律。○修高梁橋閘。○甲子，遣太保成國公朱勇工部侍郎王佑祭京都城隍，洎司工之神，以修都城北垣畢工也。○免山西太原府所屬文水等縣及汾州水災田地秋糧一萬三千八百八十餘石，草二萬七千七百六十餘束。○乙丑，陞中書舍人程思溫為禮部員外郎，以秩滿九載也。○丁卯，代世孫世璽奏：臣祖代王薨，喪儀齋糧無從營辦。上命戶部給官廩一千石助之。○賜都察院右都御史陳鑑詰命，并封贈其祖父。母、父母妻，從鑑奏請也。○擢進士許仕達為江西道監察御史。王福為陝西道監察御史，劉孜為山東道監察御史，訓導王鼎

為廣西道監察御史任達等先以吏部選送都察院理刑至是
考中欽權之○直隸淮安府保定有山東濟南府各奏所屬州
縣蝗 上命戶部遣官督軍民官司捕滅之○己巳命修南京

太廟并

社稷壇祭器從南京太常寺言其歲久損敝也○

脫忽麻等處馬黑麻王遣使臣克敦充馬黑麻朵顏衛指揮乃
兒不花遣指揮哈剌兀答兒并烏藏高僧縛你麻等來朝貢駝
馬玉石諸物賜宴及紵絲襲衣絲幣表裏絹布等物有差○廣
平太監喜寧侵太師英國公張輔田宅輔不從寧弗勝及其自
淨家奴毀輔佃戶居室毆輔家人妻墮孕死輔訴之寧得宥法
司鞠勝及其家奴俱當杖 上命勝贖罪謫自淨者成廣西南
丹衛勝言輔亦擅收自淨人為奴 上宥輔罪亦謫自淨者於
南丹○夜一更月犯木星○平未較禮部曰擅留闕者朝廷具

有著令日者太監喜寧乃敢私收使縱令生事擾人乞敕法
司擒問如律爾禮部其移文申諭內外一切官員人等有私收
者許即連人首送俱宥不問匿而不舉及自後侵悞者或因事
暴露或為人所覺俱重罪不宥○命陝西三原縣知縣楊聰後
任聽九載任滿首民保留下巡按監察御史張文昌等數實政
有是命○免應天府溧陽等縣水災田地糧三萬六千七百三
千餘石草一萬九千五十餘包○巡按福建監察御史柴文顯
奏漳州府龍溪縣強賊池四海等數百人四出抄掠 上命文
顯督三司官必擒之母致滋蔓○壬申陞金吾右衛指揮使管
亮羽林前衛指揮使丘廣通州衛指揮使楊海遼東廣寧右衛
指揮使焦貴三萬衛指揮使宋政俱為都指揮僉事以提督遼
東軍務右都御史王翔奏其出境剿寇有功也○癸酉賜安丘

王泰圻庶長子名陽鑿嫡次子名陽鑿樂陵王泰壘嫡次子名陽鎔○太保成國公朱勇等各首其所私留闖者共一百十一人 上命俱發南海子供後○甲戌尚寶司司丞蹇英丁憂服闋復除前職○雲南曲靖軍民有羅雄州土官沙陀等奏本州土民累因儲運糧儲及被災傷各携老幼逃往廣西等府潛住遺下稅糧累及見在人戶乞下雲南布按二司設法招撫拖欠稅糧亦乞停免從之○丙子竇容雲中衛軍劉履兒等二十六十銀布有差以葦子峪斬獲虜寇首級功也○丁丑遼有庶人賁煊男豪打奏乞荊州有沒官房屋居住從之○賜廣西叅將都指揮田真鈔二千貫綵段四表裏叅政謝澤僉事鄭觀各鈔八百貫綵段二表裏以督兵剿捕龍山等處賊廖公返傳白等縣賊劉滿朝等功也○戊寅賜大理寺卿俞士悅原任河南

右布政使誥命并封贈其祖父母父母妻從仕悅奏請也○
欽提督遼東軍務右都御史王翱總兵官石都督曹義等曰近朵
顏衛指揮乃兒不花等遣指揮哈剌兀答兒等言也先誘彼往
取所虜人畜比至一無所還反遣人取其所虜人家屬恣其後
來搶劫欲率眾移居白山又言本衛達子達可台娶兀者衛都
督刺塔妹為妻也先令可台來迫刺塔饋送糧食且言違命即
肆搶掠因來侵擾廣寧間原蓋也先令者猶在境外夏深草茂
秋高馬肥之時必侵夫脇兀良哈同來犯邊爾等宜嚴切隄備
精選能幹頭目往刺塔處體察事情諭以嚴禁部屬不許輕聽
誘煽如也先犯邊竭力征剿務在討出萬金其乃兒不花欲移
居白山宜從其請若彼探知虜情來報爾即呈馳奏聞○免兒
山東馬孝倉火戶部尚書王佐等劾奏主守官不謹罪 上命

刑部究治之○己卯停徵山東青州府昌樂縣逃戶田地糧五千四十餘石絲綿折大絹四十餘疋馬草五千八百六十餘束○十三道監察御史陳瓚等奏山東湖廣布政司直隸淮安等府州縣連被水旱人民艱難或採食野菜樹皮苟度朝昏或鬻賣妻妾子女不顧廉耻或流移他鄉趁食傭工骨肉離散甚至相聚為盜乞命各處鎮守巡撫等官巡按監察御史督同布按二司府州縣官加意賑恤其買辦物料悉與蠲免拖欠糧草馬匹俱與停止候豐收之年補償賣過人口官為贖還流移者招撫復業不願復業者聽令就彼附籍為盜者限三月內自首免罪一體賑恤所司官員果有貪酷不才坐視民患者亦各究治庶窮民獲安仁恩廣被 上命有司議行之○戶科給事中李侃以妄奏府軍右衛官不諳科署印曆下錦衣衛獄○監察御

史柳華奏戶部郎中楊湛通姦巡檢妻縱其下肆害鄉村宜治以罪從之○修南京中軍都督府○刑部尚書金濂言民以玉觀音像施智化寺僧求贖事僧不肯乃追取所施甚迫論罪當杖但其情重難以常律處上是之特命發民充職嶺衛軍智化寺大監王振所建者也○有軍民互訐其私南京右通政畢昌送其一刑部送其一河南道刑部案送河南道者與理監察御史陳雍執不遣法司請治昌雍罪上宥昌命逮雍治之○陞工部營繕所副蒯祥陸祥俱為工部主事以蒯善攻木陸善攻石管匠修城有勞也實授金岳石衛帶俸著都指揮僉事陳良為都指揮僉事陞濟陽等衛指揮同知陳貴陳善為指揮使指揮僉事謝信趙鑑既斌為指揮同知以管軍修城有勞也順天府帶俸經歷孫忠亦自以修城有勞乞陞官上怒曰陞

賞出自朝廷豈臣下可干邪命下獄鞠之法司奏當贖杖還職
上曰忠愍身石匠其罪官仍就原役○錦衣衛通事指揮同
知丁全卒命賜祭○辛巳雲南永寧府故土官知府卜撒男安
住雲南縣赤石崖土官巡檢李周奴四川鹽井衛故土官千戶
刺馬非舍人刺馬白湖廣施州衛木冊長官司副長官譚溫遣
舍人文俊陝西寧夏衛僧官司彌陀寺刺麻勻思吉領占等來
朝貢馬及方物賜絲幣并鈔有差○命故雲南都指揮僉事陳
惟姪端襲為指揮使○設福建泉州府南安縣澳頭巡檢司置
巡檢一員從南安縣知縣俞宗玉奏請也○壬午朵顏衛指揮
哈刺兀答兒陞辭命齋教并綵段表裏歸賜其指揮乃兒不花
嘉其奏報凡刺事情也命故南京江淮衛指揮使戴文子宣金
吾左衛指揮同知楊順子義府軍衛指揮僉事陳斌姪忻府軍

後銜指揮僉事却通弟達俱襲職○癸未賜安化王秩終庶子
名遠授鎮國將軍給誥命冠服等物○命改隆平侯張淳男
福襲封隆平侯○肅王瞻焰為其子洵陽王祿禔擇婚得甘州
中護衛指揮樊俊女已奏封矣俊所親趙瑛言俊有惡疾永春
輩受賂擇其女事下禮部以為俊有惡疾可廢無疾之女乎此
不足聽宜遂其婚 上是之○改翰林院檢討全達為禮科給
事中達改兵部尚書忠之子先是以蔭授檢討回原籍儒學依
親讀書至是又自陳年已長成乞在京銜門辦事改改用之○
擢進士原傑朱海李駿周璠徐彬朱縉陳詠監生李鑑胡灝趙
雲李弼蔡鑑黃復生馮進俱為南京監察御史傑蔡鑑俱浙江
道海詠俱山西道駿江西道璠鑑俱福建道彬灝俱河南道縉
弼俱山東道雲廣東道福生陝西道進貴州道進士張讓莊敏

監生洪本昌韋浩李春英倫俱為南京給事中讓史科敏戶科
本昌禮科浩兵科春刑科倫工科時南京十三道六科御史給
事中范霖等俱以奏事失實繫獄吏部奏缺官視事故有是命
○雲南臨安府掌府事右叅政賴瑛自陳有疾不能視事吏部
覆實以聞 上命致仕○甲申陝西權州儒學署學止事舉人
康拯言科舉之設誠選賢圖治之盛事也今各處考官止將中
試文卷批付各生騰照其不中式者不發中間亦有文卷無疵
考官忽略而不取者其應試生員亦有不成文并曳白者乞敕
今後科場不中文卷并不成文曳白文卷俱付提調學校僉事
等官詳校如文卷無疵考官忽略不取其奏違問其不成文并
曳白者按臨各學給與本生曉諭其夫量加責罰如此則為考
官者不敢忽略而不中生員知所改正不成文并曳白者不敢

萌倖進之心矣 上命禮部集議以聞○丙戌陞南京太常寺
贊禮郎馮必政為本寺寺丞先是仙女焦奉真者永樂中召至
京因用其母舅馮仲彝為太常寺寺丞仲彝卒奉真又乞以孫
必政為真武廟官陞贊禮郎至是奉真又為干請故有是命
○福建福州府閩縣知縣陳敏政言四事一鹽糧出於戶口戶
口有多寡則鹽糧有增減固無一定之額也今各處鹽糧之徵
悉從舊額如本縣舊額戶口比之新冊多糧九百一十餘石逐
年分派里甲陪輸於民甚有所損乞敕戶部今後鹽糧止依新
冊徵收一輪班諸匠正班雖止三月照路程寫遠者往還動經
三四餘月則是每應一班須六七月方得寧家其三年一班者
常得二年休息二年一班者亦得一年休息惟一年一班者奔
走道路盤費罄竭乞令改作二年或三年一班如有修造將二

年一班者上工四箇半月一季一班者上工六箇月庶各匠皆得休息一大明律娶同母異父姊妹者以姦論並離異近見世俗之人有以後妻所携前夫之女為子婦者有以後妻所携前夫之男為女婿者不惟兄妹男女之別不明亦且父母舅姑之名不正乞今後若此依娶同母異父姊妹律減等科斷庶有以別男女而厚風俗一禮制榜文庶民房舍不得過三間五架今福州街市民居有七架九架其架或過於五而一間二間其間不至於三雖家健訟指為口實官府丈量俱論違式紛紜折改不得安居乞今後房舍架多而間少者不罪庶刁頑息告訐之風良善遂安居之樂事下禮部會議以為戶口鹽糧宜從勘報輪班人匠舊例難改餘悉宜允所言從之○丁亥命工部右侍郎王佑修東嶽廟城隍廟○有冒稱孫皇親家人徵所負於畿

縣者法當徒。上曰：此犯於法雖輕，論情則重。發戍威遠衛。○
戊子，提督松潘兵備右僉都御史寇深奏：字茂州事。四川右叅
議陳敏往來撫恤，番民贊理軍務州事，難於兼理。乞別除知州。
事下吏部。復奏：敏又在茂州熟於夷情，若別除知州，代之恐夷
民卒不信服。但增置同知一員為便從之。○駙馬都尉王誼縱
其家奴於河間，有占耕軍民田肆逞暴橫。為知州廖謨所奏。
六科十三道交章劾誼請治其罪。上令誼自陳狀尋宥之。○
己丑，福建都布按三司都指揮僉事趙綱等奏：強賊池四海等
愈肆猖獗，乞遣武職重臣前來調發。都行二司官軍討捕。上
謂兵部臣曰：朝廷設三司，其職不為不重。今有賊，又欲遣重臣
討捕，不知綱等所司何事。嗣兵部速移文巡按御史，督同都行
布按司官設法擒捕。務安平靖。若仍推姦縱惡，致令滋蔓，皆治

以重罪不宥○庚寅免應天太平寧國池州安慶四府并南京
錦衣等十六衛水災田地糧九萬二千二百一十餘石草一十
七萬八千六百六十餘包

明英宗睿皇帝實錄卷之一百五十三

明英宗睿皇帝實錄卷之一百五十四

正統十二年五月辛卯朔琉球國中山王世子尚思達遣通事
蔡讓等來朝貢馬及方物賜宴并綵幣表裏等物有差○壬辰
命翰林院侍講祁寬後任寬先以刺員家居至是陳言民情數
事 上命吏部召至故有是命○永興王志傑奏臣父永興王
嫡母高氏生母馬氏先後薨逝俱蒙遣官賜祭造墳安葬但平
日行實未嘗傳述恐日久淪沒子孫無聞乞敕翰林院撰文以
誌得存沒有光 上以親親之義特存其請○命故山西行都
司都指揮同知孫習子玘襲為指揮使○減雲南楚雄府昭嘉
縣歲辦銀六十兩從本縣知縣卓瑞奏請也 湖廣都指揮僉
事常敬坐贓贖罪調廣西○甲午命行人許堯進士金隄於南
京支鈔十九萬一千六百貫絹六百五十匹綿布五百七十八

匪徒廣西給賄殺賊有功官軍○刑科給事中宋儒公差歸自
陝西上言三事一東村堡三面受敵非經火計宜易置他處一
自北直隸以西諸驛宜設於城外庶遇夜無不時關閉之虞而
飛報邊情者不稽延誤事延綏慶陽三衛戍邊軍士歷歲不得
代父子夫婦阻絕宜於河凍釋時分二班輪歸至冬俱留操備
上命所司議行之○乙未端午節賜文武百官扇及宴○戶
部奏往歲雲南諸有夷民逃徙奏免歲徵銀兩近聞復業者多
請自明年仍如舊額追徵從之○丙申江西吉安府奏所屬今
夏驟雨連綿江水泛溢淹沒田苗上命戶部覆視以聞○爪
哇國使臣陳麻勿卒遣官賜祭○丁酉彭城伯張瑾疾命醫視
之○封楚府通城王長孫均錡次孫均錡通山靖恭王長孫均
錡俱為輔國將軍錡之誥命○周府河陰王子煜薨周簡王第

五子母李氏宣德二年生正統六年兩封至是薨年二十一妃
鞏氏兵馬副指揮郁之女王薨妃亦自盡訃聞上輟視朝一
日謚王曰懷僖妃曰貞肅遣官賜祭命有司營奠○命署都指
揮僉事陳惠往廣東廉雷高峯四府提督官軍守備撫治夷人
教曰廣東地連嶺海蠻夷雜處近年都司官恃邊防久晏兵備
縱弛以致夷人輕侮出沒為非夫機官旗雖冥于法而受害者
何贖爾至須整率士馬振揚威武革積年因襲之弊懲累歲退
避之奸事所當革當建者爾同巡按御史又三司官會議以聞
爾兀須持廉秉公以身率人夙夜籌畫用副委任之意○初大
同叅將都指揮使馬義都指揮僉事田忠遣夜不收覘虜境外
倖遇虜被殺義忠就連論當斬鎮守太監郭敬乞釋義忠以圖
後效上不允至是左叅將都督僉事石亨言也先數犯邊及

秋尤可慮請赦義忠為己輔乃降義忠為為事官隨亨殺賊立功○定國公徐顯忠嫡母夫人張氏卒遣官賜祭命有司營葬○己亥敕大理寺左少卿張驥曰山東濟寧以南至直隸淮安揚州府係兩京往來通路頻歲不登人民缺食特命爾往同府州縣官發官倉糧賑濟缺糧者於附近處出給或勸富民賑恤其他欠稅糧鹽鈔及雜泛徭役悉與蠲免虧欠倒死馬匹俱待豐年買補流移者設法招撫復業量加優恤所司官吏敢有貪酷生事害民者依法究問罪重者具奏處治爾須體朕心博訪民情從長區畫量宜處置爾其欵承之○調羽林前衛帶俸指揮同知潘確於武驥右衛管事○庚子中都留守司都指揮張斌以孫備赴京為下人告其伐木於皇陵及貪污諸罪下獄鞠之○辛丑駙馬都尉王誼卒誼江西饒州人濟寧衛指揮僉

事佐之子也宣德二年選尚真定大長公主至是卒子瑛嗣為
獻陵衛指揮僉事○正一副教真人張元吉奏祖母玄君董氏
有塔徐翰欺臣幼穉欲擅府中貨產入嘗於祖喪次逼奸婢妾
董氏亦具狀翰罪翰至京誣奏董氏與家奴通上命錦衣衛
收翰斬之沒其家貲○壬寅仁宗皇帝忌辰遣官祭獻陵
○敕總督獨石等處守備左叅將左都督楊洪協同守備都指
揮僉事趙玟曰北聞爾等同韓政楊俊等領兵出境累次追擊
達賊遠遁所獲馬匹牛羊等畜而還具見用心敕至爾等即以
所獲馬匹給缺馬官軍騎操牛羊等畜就賞出境官軍蓋官軍
遠出勤勞宜加賞養爾等必須公平庶使人心悅服爭先效力
爾等其欽承之○實授府軍衛帶俸署都指揮僉事指揮使陳
信馬都指揮僉事○命雲南金齒司輸銀一萬五千兩及銀監

鈔羅網布諸物於騰衝備有切官軍賞賚從恭贊軍務兵部左
侍郎侯璉奏請也○癸卯以徐願為中書舍人順江陰富民子
結中官得寫誥尋進文華殿供事至是授職○初廣東按察使
郭智為都指揮姚麟左叅議楊信民所評下法司鞠智屢稱枉
至是六部諸大臣奉命會審智有贓麟信民等奏亦多誣上
宥麟信民黜智為民○增置陝西都司斷事司斷事一員住延
安綏德等處專理刑名從鎮守都督僉事王禎等奏請也○陝
西沙州衛都指揮桑哥失力湖廣施州衛散毛宣撫司舍人黃
添得廣東陽江等縣徭民執保等四川雜谷宣撫司番僧南哥
藏陝西寧夏衛番僧綱司彌陀寺判麻勺思吉領占雲南楚雄
府南安州土官舍人李晟等俱來朝貢馬及方物賜鈔綵幣表
裏等物有差○賞遼東番都指揮僉事周英等一萬一千八十

八人銀兩絲幣絹布等物有差以執獲連賊功也○直隸常熟縣民魏宏結朝官通謁遺情以爲奸仇家奪其謁遺未數百斛并私書數十紙首官上命案所謁者罰之兵部右侍郎李黃翰林院修撰張益順天府丞夏銜監察御史龔嗣中書舍人金純皆宏鄉人各罰俸三月右副都御史丁塔禮科都給事中章瑾監察御史何永芳曹偉皆宏托交者各罰俸半年○甲辰南京刑部奏南直隸及附近都司布政司有訴寃者請究理之事下刑部謂舊例南京法司第令收問在京并應天所屬囚犯餘俱程遞如京上命從舊例○陝西都指揮辦事黃玉索取所部財物事覺法司請逮王究治上特宥之○山西平陽府奏旱河南閩粵河南彰德三府各奏旱蝗上命戶部遣官覆視○丙午修南京奉先殿教宇備豐城侯李賢等督工○權行

人賈恪為陝西道監察御史成始終河南道監察御史知縣陳
价山西道監察御史博士張哲四川道監察御史恪等先以史
部選送都察院理刑至是考中故擢之○吏部聽選官陳倫秦
洪武時夏秋二稅但輸正耗後因免軍運至京師乃量地近遠
每石耗米增二三斗今增至六七斗之上其收納也官吏糧里
又索費用米多者至三四斗且俱淋夫收之計納正稅一石通
用二石二三斗其遊年所積附餘米皆假公事花銷之為弊百
端夫朝廷取於民也廉而下人之刻剝也甚宜令所部定議免
運則例都察院_院給榜曉示巡按御史潛行察糾庶奸弊革民困
懸章下戶部以為近例免運糧湖廣江西浙江每石增耗六斗
五升兩直隸五斗五升徐州四斗山東河南三斗浙江蘇松諸
府運至瓜洲免軍者三斗七升至淮安免軍者三斗正糧尖斛

耗僅平斛此已定議但官府欲為姦未嘗通諭於民故其弊如
倫言今請榜示使小民周知徵收之際不得一舉大斛如積有
所餘即作次年兌運之耗或當年夏稅農桑絲絹馬草支費亦
以准焉更有餘又存待次年上不從但令如故○丁未外供
用庫草場大提督侍郎張睿勅管草內使不謹罪上命有司
究治之○戊申遣工部右侍郎王佑祭司工之神以修東廡廟
興工也○己酉楚王季淑以封永安王子均錫為鎮國將軍給
賜誥命冠服祿米奏欲詣京謝浸書止之○命南京工部修歷
代帝王本朝功臣真武普濟祠山五顯嘉祐及漢壽亭侯晉十
忠貞公南唐劉忠肅王宋曹武惠王元衛國忠肅公都城隍十
三廟俱於內庫支給物料○庚戌當陝西山丹等衛守備官軍
都指揮等官楊玉等一千八百九十三人銀各一兩先是遣給

事中贖銀給當守備官軍時玉等名籍未入官故不與至是比
例自陳故給之○令戶部每歲運銀十萬兩於遼東廣寧庫收
貯糴買糧料直隸永平府永平盧龍等衛罪囚各於山海會運
米赴遼東寧遠等會贖罪從巡撫遼東右副都御史李純奏請
也○辛亥故後軍都督李謙次于舟自陳被薦驗試得中蒙給
冠帶願自備鞍馬率家人等隨參將石亨遇警當先擊賊從之
○壬子巡撫河南山西大理寺左少卿于謙奏近聞山東山西
并直隸淮安等府百姓累因旱傷逃來河南地方赴食城恐因
而展轉流移已委參議徐弼善加撫恤臣惟民性猶水治之者
尤當防其壅決之患今各處百姓連年逃來河南者將及二十
萬尚有行動未盡之數且河南田地有限而逃民之來者日益
衆公私儲積有數而逃民之食者日益多食不足以給地不足

以容事之方未有難處者臣請令被災之處今年稅糧量與分
減遞年拖欠稅糧馬匹各項買辦及選補幼軍未解者各王府
起債軍民蓋造房屋者工部行取輪班人匠及新替之數以補
戶絕者俱暫停免候豐年整治各處鹽糧鈔應解京庫者暫存
本處米麥折鈔每石五十貫者改作三十貫以紓民力庶恩澤
周流 上命所司亟議行之○癸丑命直隸常熟縣致仕知縣
郭南復任南勤敏有治劇才先是邑民當役者苦於科擾南與
之約曰爾輩若出米四石准役一年爾否皆曰往者一年之役
需銀五六兩今若此止一兩銀耳無有不願者於是為倉貯之
一半支用纔三之二同官有幹於鄉而為之約期以食物隨行
過期即繼之得勿干於民後以年老致仕邑耆庶及富於朝者
各乞南復任故有是命○巡按直隸監察御史李奎奏孔子之聖

歷代皆有褒贈國朝自洪武以來 聖駕屢幸於辟雍祀典通行於天下何獨孔子褒贈未有增加乞敕翰林院參考古制定以萬世莫加之美謚 上曰孔子萬世帝王所尊功德難名雖累百言何足為重不必增益○甲寅書後魯王肇輝曰承諭曩因府中缺人買到自宮男子張貴等十人應用茲念親親仍聽存留然 祖宗有禁令後不可私買庶不為令德之累襄陵王冲烱樂平王冲綬慶成王美靖亦以先買自宮人在府給侍自陳俱如前書復之○改四川建昌鹽井寧番越蕩會川五衛倉并冕山橋千戶所倉俱隸四川布政司○乙卯甘肅總兵官寧遠伯任禮等奏叱者奉命遣人往罕東衛取鎖喃奔來與其兄喃哥先住本衛都指揮阿黑已等不肯發 上命兵部再遣人齎敕諭阿黑已等速將鎖喃奔同眷屬送來若仍前黨蔽或

縱令出境外國而勾引為非者罰之不貸○命思機發帑招賽
為頭目給月糧房產隸錦永衛其從人俱令馴象所供從初思
機發遣招賽詣湖謝罪 上命居於雲南至是其黨涓孟車等
侵聚夷人作亂被官軍殺敗思機發亦逃竄莫知所之故取招
賽來京冀以招徠思機發也○丙辰代世孫仕堧奏叔襄垣王
送父代簡王喪於東城外奠畢願廬墓百日 上曰王能如此
足見孝誠宜從其願○韓府蒙河郡主儀賓王榮平遣官賜祭
○監察御史陳潛致事歸家立亭以祀觀音有訓導性訪之潛
具言觀音佑己之功訓導以語譏潛潛忿執訓導杖之事覺法
司論潛當杖 上怒潛削其官○直隸碭山縣學教諭丘純筭
斗級斗級父密誘之逃去乃於黃河取流石去其耳鼻誣純杖
死其子棄之獄具純嘗斬既而識斗級者猝遇之他鄉因擒送

官法司以聞遂宥純調用之○丁巳遣中官祭中霄之神○陞翰林院檢討王玉為本院修撰南京國子監助教孫士用為翰林院檢討仍理助教事以九載任滿也復除光祿寺丞呂泰於南京光祿寺福建按察司僉事吳名黃潤玉於湖廣按察司以親喪服闋也○學○四川成都府威州保子關巡檢司○戊午四川雜谷安撫司木西兒等寨番僧判麻三伽其沙州衛都指揮桑哥失力朵顏衛達子帖木兒等來朝貢馬及方物賜宴并綵幣表裏等物有差○命戶部加運銀五萬兩於宣府官庫收貯糴糧以前所運十萬兩不足支用故也○命脫忽麻王子遣來朝貢正使火只馬黑麻克敏克馬副千戶副使答兀馬百戶者馬魯丁等俱為所鎮撫○朵顏衛指揮乃兒不花弟阿魯花遣使來言瓦剌也先弟賽罕王領八馬侵軼部落殺死乃兒不

花劫掠頭畜即今在邊未回 上謂兵部臣曰乃兒不花既被
害即命阿魯花為指揮僉事代領其衆瓦剌覘伺為非爾兵部
即馳文與遼東大同沿邊總兵等官各令戒飭士馬甲嚴號令
如有侵擾出奇掩捕○脫忽麻等處馬黑麻王使臣充斂充馬
黑麻等陞辭命齋軟及綵幣表裏歸賜其王○雲南左布政使
王豫卒豫直隸鎮江府丹徒縣人由監生授順德府推官擢監
察御史歷浙江按察副使嘗總預備之政得便宜行事威懾列
郡進拜布政使政尚嚴明而寡學術仁惠之聲無聞焉至是卒

明英宗睿皇帝實錄卷之一百五十四

明英宗睿皇帝實錄卷之一百五十五

正統十二年六月辛酉朔寧府莊惠世子盤斌妃俞士卒遣中
官賜祭命有司營葬○壬戌四川馬湖府沐川等長官司舍人
安樂泥溪長官司土官弟王瑞平夷長官司把事楊俊雲南海
海衛中左千戶所土官舍人楊茂春等來朝貢馬賜宴并綵幣
等物有差○漕運右叅將都指揮同知湯節言河決張秋等口
臣躬詣看視修築柵河南三司及各府州縣以臣未奉敕不即
赴工乞如例賜臣敕自南京抵通州沿河官司及管河官員悉
聽臣提督節制則職有所歸官無怠事事下工部言文武官奉
敕者皆出特命未有因請而與者况節與都督武興同事興既
有敕節宜宜重給 上以爲然不從其請○癸亥迤北阿魯台
部下原虜去男婦孔丑兒等七八來歸命克御馬監勇士（序

班祁全招撫番僧於思叢兒之境坐索賂諸罪掌茂州事參議陳敏受全餽而酬以金都察院請并敏執問從之○甲子封陝西咸寧縣民宇文琛女為樂平王庶第三子鎮國將軍範煥夫人賜之誥命○設廣西桂林府陽朔縣都樂墟南寧府橫州運表陸谷宣化縣渠樂寨馱演寨武緣縣橫山寨博溫寨平樂府賀縣白花洞口八巡檢司置土官副巡檢各一員增置桂林府臨桂縣兩江口等三十巡檢司土官副巡檢各一員○增設靖邊營利益倉從鎮守延安綏德等處都督僉事王禎奏請也○敕諭安定王額占幹些兒安定衛都指揮那南奔板麻阿延拜子刺朵兒只巴指揮土墨克卜魯等曰得鎮守西寧都指揮汪清奏去歲令官軍往爾衛徵收茶馬至花海子等處為爾所管番民搶殺朕准爾安定王及各頭目世守地方朝廷眷待甚厚

今其部屬敢爾論法本當發兵擒捕今姑遣敕曉諭爾等即會大小頭目追要所搶馬匹等物給還原主將為首射死軍人連賊解京處治其餘隨從者聽爾等懲治如徇情執迷不行追究必調官軍剿殺此時雖悔亦將無及爾等其深省之○南京大風雷雨山川壇災殿廡俱燬○唐王瓊坦奏世子芝煊年已長成婚期在邇應用聘禮紵絲紗羅等物地方偏僻少有販賣欲令人往江南出產去處用價兩平收買回府應用從之○先是南京監察御史給事中劾奏南京左副都御史周銓罪逮銓下錦衣衛獄銓以瘦死錦衣衛言御史范霖楊永胡鑑銜銓嚴求改誘諸御史昭利諸給事中劾之其所劾皆誣奏送刑部論罪尚書金濂等論為首者霖永罪絞斷貨產之半贍銓家鑑贖絞復職為從者御史辛浩潘英左輔聞八諜張斌張禮楊觀工紹

宗儀溥張承翰尚褫給事中劉焯劉華甫干璫盧祥劉昭張雲
翰贖徒後職 上以所擬諸給事中為當而諸御史宜重其罰
簡繼浩英成鐵嶺衛降調輔等為邊遠驛丞初諸御史之就逮
也後發銓審姦其兄嫂表姊及戶部郎中郭亮妻取指揮義子
婦為妾以珍死不及窮治云○山西都指揮僉事苗貴索取操
軍財物事覺法司論贖徒還職從之○巡按江西監察御史陳
克昌奏贛州臨江吉安三府自今春以來天雨連綿山水泛漲
田苗浸沒居民房屋悉被衝塌人口畜產漂流損傷甚多事下
戶部行有司分投賑濟○丁卯禮部右侍郎錢晉禮復乞致仕
從之時中貴用事達官多拜謁其門晉禮耻為之屈故以老疾
辭歸物議高之○巡按山東監察御史史濡等奏兗州府沂州
累歲旱澇民飢逃移者五千五百餘戶遺下稅糧等項請蠲免

上命戶部移文布政司逃移者設法招撫飢饉者驗口賑濟
○己巳戶部奏順天府及大興宛平二縣都稅司等衙門官吏
俸糧俱於本府倉闕支今本府稅糧各起運開平等處交納存
留者不敷支用欲照五府六部例於備運糙粳米內請撥收支
從之○庚午湖廣施州衛忠健宣撫司土官副使譚道并廣東
廣州清遠縣儒首黃慶名澹州昌化縣黎人峒首趙克勇雲南
楚雄府南安州土官判官李保等奉朝貢馬及方物賜鈔綵幣
表裏有差○鎮守陝西右副都御史馬昂劾著都指揮僉事張
通貪虐等狀執問具伏 上命革其管軍於甘肅總兵官處隨
操兵部詳廉潔者任代之○浙江會稽縣人趙伯泰自稱家苗
裔秦宋孝宗理宗殞宮在會稽安定郡王墳在諸壺福王及大
人墳在山陰谷被豪民侵馬田宅縱然牧其處甚至毀其臺基

題擴事下監察御史王琳左叅議李源僉事高瑢以伯恭馬誣且謂福王降元北去紹興安得有墓伯恭不平復訴之命巡按御史歐陽澄按察使軒輓覈馬澄輓言伯恭所奏皆實福王墮蓋衣冠之藏上怒罰琳等俸兩月豪民俱發戍遼東邊衛○壬申直隸河間府青縣奏英國公張輔看莊闢者別有莊田百餘頃及侵占民田二十頃於法有違事下戶部勘實覆奏請治輔罪給田還民上命宥輔餘從所擬○調金吾左衛帶俸都指揮僉事陳良於陝西都司○占城國使臣左來從朋至廣東尚雄府渡江驛以疾卒命有司致祭○甲戌襄垣王遜輝以牛馬祀其父代簡王其教授張斌諫以非禮不聽且忿詈之斌發其事都察院請罪為王市牛馬者王具疏服罪置之○山西大同府通判霍瑄九載任滿當詣吏部考績鎮守總兵官武遵伯

朱冕等保陞為本府知府從之○總督邊儲戶部右侍郎劉建
泰廣昌守禦千戶所將軍邊辛選調宣府等處操備乞依例給
與布疋鈔貫為禦冬之具從之○兀良哈地面被虜男婦高七
十等十一人未歸贖鈔布命隸騰驥右衛○乙亥 上諭吏部
尚書王直曰御史所以糾正郡工肅清百度責任匪輕近聞有
以夷人任是職者甚非遴選風紀之意自今無得濫授有乖治
體○給賚宜川王志焯庶子鎮國將軍公銳公鏐公躍公拜每
歲祥米各一千石米鈔中半兼支○設陝西延安府利益倉置
大使副使各一員○監察御史楊剛出巡廣東道經潯縣巡檢
郭宗舜不出迎剛答其弓兵宗舜出與剛相詈剛見其不遜遂
去宗舜疑剛為詐令弓兵追驗其文憑剛奏宗舜抗詈宗舜亦
奏剛凌虐已且言不治剛罪恐同惡朋結妨賢害能塞言者各

非朝廷福章下都察院請廷臣會議咸謂宗舜不安分失上下體且其奏詞盡飾繁文 上命收宗舜下獄法剛回理之○中軍都督府都督同知錢貴卒遣官賜祭命有司營葬○夜昏刻金星犯太微垣上將星○丙子廣寧前屯衛餘丁李廣真等男婦二十六人自虜中來歸給賞令還家完聚○監察御史柳革奏浙江處溫二府鹽水平陽等縣原開銀坑四十八處近蒙戶部右侍郎焦宏踏勘仍要開場開辦緣各坑礦脉微細用工艱難得銀數少累民陪納慮恐財竭民貧難以存活 上命戶部議行○設山東濟南府濱州道正司置道正一員○丁丑封慶成王羨靖庶長子鍾鑑庶次子鍾鋼皆為鎮國將軍賜諡命冠服○給遼東軍士馬二十三十六匹從總兵官曹義等奏請也○戊寅夜四更西方有星如碗流文餘燄光如斗大色青白光

明燭地起自天津東而行至羽林軍尾跡炸散後有十餘小星
隨之有聲如雷○己卯旌表孝子張本節婦熊氏等四人本直
隸柏鄉縣學士父喪跣足負土成墳廬墓三年朝夕哭泣旌其
門曰孝行熊氏江西樂安縣民立洛疇妻夫歿自經死旌其門
曰貞烈盧氏浙江歸安縣民應道和妻薛氏直隸徐州民王五
妻俱夫亡守志不渝撫養幼子至於成立表其門曰貞節○達
子奴兒罕妻子六人馬七匹未歸稱其自幼被虜不記籍貫願
於廣寧居住以圖報效 上嘉其忠誠授以總旗令隸廣寧左
衛給賜如例○廣長兒浙江寧波府象山縣疫死人戶秋糧一
百八十四石有奇○太保成國公朱勇奏五軍三千等營把總
管孫都指揮等官俱係推舉試驗得中者比來兵部用補在外
都司員缺乞仍留在營管事其各都司有缺於別項帶俸都指

揮選周庶兩得人從之○四川松潘衛官軍盜關布政司官鈔一百萬一千餘貫按察司僉事朱良勅都指揮使李崇同知周貴僉事張信左布政使邢旭不嚴防範之罪 上俱宥之○車已襄陵王冲林奏臣自幼隨兄之國平涼有父憲王葬於南京向山之原羊久缺於展省臣分居支子不敢致祭今欲令人齋香帛前去祭告以盡追遠之情 上嘉其孝特允所請○給贖麓川思機務弟招賽同陶孟刁木立等每月米二石柴一百斤○遼東守備都指揮僉事李弼為衛卒殺其屋占操軍杖死千戶事 上命巡按山東御史收鞠之○壬午陞錦衣衛指揮使劉慶為中都留守司署副留守○建州左衛指揮僉事莽古朱歸賂綵幣衣裏等物命於遼東自在州居住○癸未擢進士明琛為南京四川道監察御史張春為廣東道監察御史監生程

亨為陝西道監察御史郭璉為廣西道監察御史真鍾為雲南
道監察御史蘇庸祿為山東道監察御史先是吏部選深等送
都察院理刑至是考其明習法律故擢之○甲申山西平陽府
絳州垣曲縣奏春夏不雨二麥無收即令回土乾燥難以耕種
民多飢饉逃竄稅糧無從徵納上命戶部覆實除之○乙酉
命陝西都指揮僉事周或子冕為遼東廣寧衛指揮使初或以
叔周四逆謀連坐降為事官遼東立功或冕繼至是邊臣奏
冕屢立軍功故有是命○代府鎮國將軍任珩卒遣官賜祭有
有司營葬○兀良哈地面達子革列哥等男婦六人來歸賜絲
幣絮衣等物命於遼東自在州居住○丙戌永慶王志植弟鎮
國將軍志埜卒遣官時祭命有司營葬○福建建陽縣主簿錢
琬欲民錢餽其有官御史問以不入已當贖徒送獄上曰琬

刺下以媚上其穢職不用○丁亥南京虎賁石衛舍八余鼎解軍如廣西途中拘其行囊盡取所有軍妻頗有色屢逼姦不從鎖其夫促其首與足為一處名曰扳骨錄不令便旋如是者數夕軍不勝毒哀懇其妻勉從之既至廣西發其事御史問實以聞上命誅之○戊子命故陝西都指揮僉事岳廣子鎖襲馬指揮使○雲南總兵官黔國公沐斌等奏臣奉命體察得隴川宣撫司宣撫恭項暴殺無辜剝虐夷人同知刁奎孟為夷民信服乞將恭項等安置別衛而以刁奎孟代理其任上謂兵部臣曰恭項論法當處以死但念來歸之初頗有微勞特屈法宥之同妻孥發遣曲靖府衛安置保全其生若再生事必罪必宥刁奎孟既得夷情即陞為宣撫俾掌印管事保守地方仍令總兵官遣官齎敕往諭之○漕運總兵官都督同知武興以中都

留守司缺運糧官移文取都指揮僉事張玉言官論興擅取方
面官玉輒聽從俱當究問 上曰爾等所言甚當但興等一時
之失姑宥之○己丑 皇后千秋節免命婦朝賀○占城國使
臣通沙怕占持烏思藏里歪甘露等寺僧刺麻沙加思那四
川雜谷安撫司上官日思吉及保布等秩長完卜賞初等董卜
韓胡宣慰司刺麻羅孤納思等采朝貢馬及鐵甲等物賜宴并
綵幣表裏有差○修南海子北門大紅橋

明英宗睿皇帝實錄卷之一百五十六

正統十二年秋七月辛卯朔享 太廟○遣中官祭司門之神
○直隸永平鳳陽并河南開封等六府旱蝗 上命戶部移文
所司速為賑濟撲滅勿遺民患○修築萬全都司沿邊墩臺關
隘垣墻壕塹○壬辰雲南按察司僉事李權奏雲南初立木邦
等宣慰司孟良等府惟以竊集遠人而已近改瓦甸等長官司
隸布政司又聞設騰衝州濫保土官催辦差發金銀騷動夷人
致便言怒報讎遂成西南之患臣以為金銀有名無實俱聽羊
畜臣橫欲入已朝廷不得其用乞將原認金銀一槩罷免惟令
依期貢獻方物以彰朝廷柔遠之恩庶可杜絕邊釁奏下戶部
言金銀係洪武舊制難為除免惟行雲南布政司審其番臣橫
欲者具奏處置從之○癸巳貴州普安州營犯夷老者納等來

朝貢馬駒鈔幣等物○巡撫河南山西大理寺少卿于謙聞父
喪 上命謙往奔喪即起復視事○甲午 仁孝文皇后忌辰
遣官祭 長陵○命雲南都指揮僉事張麟子勛襲為指揮僉
事○給大同等處官軍馬三千四百七十八匹○禮部奏錦衣
衛達官指揮僉事夏忠山西行都司都指揮同知孫智山東都
司都指揮僉事趙本前後卒例應賻祭從之○山東信陽場鹽
課司奏本場竈戶逃去八百一十餘戶遺下鹽課俱令見在人
戶包納乞賻分給 上曰竈丁既辨已課後為逃戶補納其何
以堪患停之○命左軍都督同知焦禮守備遼東寧遠地方○
乙未陝西按察司僉事李華任滿當詣京會副使缺員軍民數
千人保阜勤能廉直理獄無冤堪補其職鎮守右都御史王文
等以聞 上命陞之○宥刑部尚書金濂右侍郎丁鉉薛希璉

稽寧罪時舞陽縣水白剛有賊罪刑部主事洪繩論無賊止坐
徒尋改鞫于主事顧孟喬又論當杖漁等皆宥元大理寺奏其
比匿改鞫于錦衣衛言繩受剛賕六科十三道劾漁等不能禁
姦上命皆宥之○丙申代世孫仕燧奏臣祖父代王薨逝支
過祿米該還官祿米已費用無從辦納上命免之○停兗山
西代忻二州并山東郟城費二縣逃戶稅糧布絹鹽鈔○革福
建福州府連江縣蛤沙巡檢司以其與縣治相近也○丁酉巡
按直隸監察御史奏真定大名二府蝗上命戶部移文嚴督
撲滅○戊戌分府軍左衛指揮僉事吳春子吳南京金吾左衛
指揮僉事劉成子琮代職○己亥命應天府浦江縣主簿蕭增
復任陞正八品俸增專理馬政任滿縣民保其家收有方巡按
監察御史履實以聞故有是命○湖廣按察司劾都指揮僉事

吉世英貧求無厭具有左驗 上命巡按御史會按察司遠治之○故占城國王占巴的賴姪摩訶貴未遣使臣通沙伯占持等奏臣先王抱疾之初以臣為世子欲令嗣位時臣年尚幼未能治事遜位舅氏摩訶貴該後摩訶貴該屢興兵伐安南國安南國王遣將統兵抵占城萬州占壘等處殺虜百姓殆盡摩訶貴該被擒國中臣民以臣先王之姓在昔已有遺命請臣代位以掌國事臣辭之再四不得已乃於府前治事其王位未敢自專伏乞特降賜明詔以慰遠人之望 上從其請遣給事中陳宜為正使行人薛幹為副使持節冊封摩訶貴未為占城國王賜敕諭以謹守臣節恪修職貢善撫國人睦隣保境庶幾永享福澤同樂太平并賜摩訶貴未及其妃以粧花織金絨錦紵練紗羅等物又詔諭其國大小頭目人等得輔翼之○命翰林院

待講王一寧檢討錢溥為應天府鄉試考官○山西太原衛卒仇庸等與寧河王妃父劉瑛及寧化王所選與婚張瑛張瑨郝瑛有隙欲傾之賂降名御史胡文林以庸名具奏瑛等皆規求與王婚其實娼優隸卒之家非可與婚者事下巡按御史劾得庸文林等姦誣狀俱械至京 上命杖之一百發充邊衛軍○雲南左等衛昆明等縣軍民耆老言太溥黔國公沐晟鎮撫雲南餘四十年夷夏悅服邊陲寧謐往征交趾以功進爵比征麓川卒於途次已蒙恩加封定遠王賚謚忠教諭其勲勞宜有廟祀以慰民望下禮部議晉將軍下壺以封賊戰死立廟祀之其二子於時亦以戰死附食壺廟今晟先父黔寧王英宜如壺父子例附晟於其父廟以祀從之○辛丑置雲南橋衝軍民指揮使司經歷知事各一員○設陝西行都司甘州左衛遺紀司置

都紀副都紀各一員○戶部右侍郎沈固奏臣觀天文所載則帝座傍有宦者之星遠稽經典則周官設常侍之職自古以來代不乏人方今天武之臣固各宜力於外然而保護 聖躬贊翊皇化尚未尚冠視膳視寢朝夕趨將左右供侍加以奉命出境和好蕃邦統兵却敵保障邊徼內臣効力其功尤著請如外臣例給賜誥敕以爲冢榮庶盡勸獎之道時固在大同贊理軍務政譽無聞以中貴熾焰方熾故假是福悅之 上以非祖宗舊制不從○鎮守容雲署都指揮僉事王通等奏夜不收軍人破賊虜去仍獲杖回言達賊也先駐劄不遠請遣將率軍追捕 上敕責之曰爾等訓練無法致夜不收馬賊所獲然此時兀良哈賊故後遣回若馬瓦剌所獲豈不漏泄事情爲患非小爾等既無謀畧又欲妄奏掩罪論法本難容恕姑記罪不問縱

自今晝夜防慎如再疎失必以軍法從事○命直隸永平等有
山東濟南等府取馬二萬匹赴京備用○癸卯監察御史梁輯
以守制家居與寺僧有隙輒持其陰事案治之僧赴訴于京法
司論輯違制當贖杖還制 上命調為知縣○舊例偽造金銀
等貨誑騙財物者軍餘決杖戍邊匠拘役民發充軍伴儀從並
是多逃避罰役屢惡不悛刑部請俱發邊衛充軍從之○直隸
天津衛舍人張信母孟氏為其父副千戶晟疎棄與衛卒姦信
又蕩家產於娼婦晟杖之信與母及姦卒謀夜入晟卧內手刃
之誣言為盜所殺事露法司覈其實命磔信于市斬孟氏等梟
首示衆 甲辰工部言各布政司并直隸府州縣歲解紵絲經
絹皆紕薄不堪用今後令各編號署提調及經織造官吏匠作
姓名有不堪用者照號問罪責其陪償從之○大同叅將都督

僉事石亨奏邊賊也先併吞諸部其勢日盛必來犯邊宜令各邊將分別隊伍孰可為正孰可為奇大小頭目孰可以守孰可以戰俾各分領操習燕使兵知將意將識士情不致臨陣無統倉卒誤事兵部言宜用其計上從之較各處總兵鎮守等官盡將所有官軍操練選拔驍勇以備出境敢有徇徇已私沮壞軍法致纖毫疎失者重罪不恕或有長策同議奏來免直隸淮安等府山東濟寧等州縣去年存留草以其地災傷故也○乙巳中元節遣官祭長陵獻陵景陵○岷王榘奏患風疾乞賜所乏藥品上命太醫院如數給之○陝西鞏昌府安定縣知縣杜讓任滿當代縣民告保讓勤於撫民乞留後任巡巡監察御史并布按二司覆實以聞陞從六品俸○山東石叅議王聰巡視河道盜決河堤聰不能禁漕運叅將湯節劾其不

職事下巡按監察御史鞠問當聽贖徒還職從之○丙午哈密
忠順王倒瓦答失里遣千戶馬黑麻的同亦力把里地面使臣
阿力朵顏衛指揮完者朵等來朝貢馬駝方物賜宴并綵幣衣
服等物有差○武定侯郭珪辛亥鳳陽府臨淮縣人武定侯英
之長子也永樂甲辰八月除左軍都督府同知是年十一月命
襲英爵宣德二年著字宗人府事尋字右軍都督府事正統九
年奉敕鎮守宣府佩鎮朔將軍印至是辛子聽嗣○丁未四川
永寧宣撫司九姓長官司長官任壽馬湖府泥溪長官司土官
舍人王連等湖廣桑植安撫司記事諱地來朝貢馬賜鈔綵幣
表裏有差○戊申 太宗文皇帝忌辰遣官祭 長陵○甘肅
總兵官寧遠伯任禮等奏留臣獲番賊寇莊浪等處請治守備
巡哨官罪并調兵捕賊 上曰守備巡哨官且記罪禮等即委

叅將督同記罪都指揮汪清等率領人馬去諸獲捕賊牢固監
禁星馳奏未處治○大同左叅將都督僉事石亨私蓄淨身者
刑部請逮亨治罪 上特宥之○庚戌遼東總兵官都督曹義
等奏泰寧等衛達子在小凌河等處聚衆爲也先所害逃散乏
食願以土物來易米糧宜令暫於廣寧魏家嶺關外收入交易
即令回還庶使不得窺探虛實且和朝廷極恤之意 上敕義
等曰此輩艱難時來投託稍得勢便爲賊盜恐往來熟知道路
後爲北虜嚮導難使入關果歸順者給賞安置侵恤不納歸順
者聽於境外遠地居牧敢有近邊調軍擒剿○敕諭海西野人
女直衛分都督判塔勒勒格寧哈答都指揮末朵幹長安保及
建州三衛都督李滿住凡察董山并各衛都指揮等官大小頭
目曰今兀良哈來朝者言尼判後欲侵劫兀良哈部屬且尼判

吾遠北之地兀良哈居遠而之地本不相侵犯近年兀刺謀取
兀良哈以結親為由與其都督拙亦等交結去歲為彼劫掠拙
亦等先死其餘敗亡往事可鑒今北虜又欲謀爾野人女直爾
宜戒飭所屬頭目人民但有虜寇未盡誘者即便擒拏送鎮守
官具奏處治侵犯者即併力剿殺無失建立功名忠報朝廷之
意○廣西總兵官安遠侯柳溥等奏廣西泗城州利州先因互
相警殺遞年拖欠秋糧一千九百三十餘石後雖分撥稍寧然
所負糧終不認納望由加寬貸俾徵所負仍教該部移文廣西
布政司令二州各總原撥換地方額糧依數辦納如後不從執
問如律從之○壬子晉府交城王美浣有疾乞賜所乏藥品
上命太醫院如數給之○山西石谷政林厚言沿邊俱有學校
而教者非以學者怠弛請令提調學校官考選文武之精戍邊

者如洪武初制令冠儒巾署訓導不支俸廩俟教有成效可量
官之又言沿邊士卒勞苦過甚疾病尤多請於各衛設醫學選
軍士能醫者為醫官醫士庶疾病者有所預理科勅厚變亂舊
章且恐有所私刑部請罪之 上曰所言不必行亦不必罪○
戶部奏河南彰德府磁州田地六百九十餘頃被山水衝塌人
少融荆棘不堪耕種已行覈實具該做糧草宜與除豁從之○
築肅州西北鉢河寺關城從甘肅總兵官任禮奏請也○癸丑
南京太僕寺御仲昌以年老乞致仕 上命優職○陞雲南布
政司左叅政賈銓為左布政使時布政使員缺軍民耆老保給
民夷信服堪稱其任巡撫左侍郎侯璉等亦疏以請 上以衆
議所舉必合於公從之○夜金星犯亢宿南第一星○甲寅給
靖江王府憲樂卿君儀賓程誠信行鄉君儀賓白俊撫康卿君

侯賓王督興德鄉君儀賓陳詢俊城鄉君儀賓文純祿米如例
○陞太僕寺寺丞王斌為陝西苑馬寺少卿以九載考滿也○
以浙江海寧臨山二衛運糧軍守城備倭從署都指揮僉事脫
綱奏請也○丙辰慶府安化王秩終以賜子名爵欲奉朝謝恩
援書止之○秋湖廣三司通開荆府建國斬州地土窄狹難於
經久且慮所請田地湖池之類或有侵損軍民皆非良便爾三
司各遣官將長沙舊幕府殿宇房屋修理完美奉聞處置○丁
巳浙江杭州府同知侯昌守職勤能九載任滿屬民千餘人乞
留不果巡按監察御史歐陽澄等言處州民盜礦為業實難撫
治請陞昌為知府往任其事從之○戊午爪哇國遣使貢紅綠
白三色鸚鵡購宴弄線幣等物有差○恍惚火星犯土星○己
未戶部言運糧軍告其指揮等官罪者宜俟運糧畢送問如係

中途逃避未訟者宜如舊例送漕運總兵官分理從之○工部
奏先因甘肅等處缺糧許陝西輸班匠運米准工今西安等府
州縣民甚艱其匠有失班者宜免運米從之○書倭慶王秩蟄
曰承喻見選堪中騎馬三百匹助守邊軍士騎操足見叔祖體
國安邊之心克盡藩屏之道茲諭寧夏總兵官都督同知黃真
等知悉書至叔祖宜遣人以馬付之專此奉復叔祖其亮之○
四川成都府民喻本忠出穀一千石有奇賑濟賸數旌勞使其
家○命奉寧侯陳瀛同右少監姜山姜及工部委官提督修蓋
一應倉廩

明英宗睿宗皇帝實錄卷之一百五十七

正統十二年八月庚申朔日食○遣駙馬都尉井源等為正使
吏部員外郎紀振等為副使持節封藩王嫡子幼壻為世子趙
氏為世子妃第三子幼壻為清源王王氏為王妃第四子幼壻
為遼山王奈氏為王妃平遙倍靖王長子幼壻襲平遙王黎城
昭信王第二子幼壻襲黎城王李氏為王妃稷山倬靖王長子
幼壻襲稷山王徐氏為王妃沁水博懷王長子幼壻襲沁水王
李氏為王妃楚南通山靖恭王庶長子鎮國將軍李洋襲通山
王夫人周氏為王妃○封濟府陵川王長女為偷次縣主配張
璫第二女為臨晉縣主配王璫黎城昭信王長女為正平縣主
配何綺第二女為上黨縣主配宋安第四女為霍邑縣主配胡
倫命璫等為宗人若漢賞賜罔諳儀仗冠服如例○總督獨石

等備守備左都督楊洪奏獨石永寧等處墩臺每因歲終積雪
春暖融入土故易壞間有隔越甚遠者哨瞭不相及請增置墩
臺自龍門亂泉寺起至龍門衛迤西共一百四十六座分軍列
守從之○四川掌茂州事右叅議陳敏奏四川按察使曹泰往
松潘道出茂州旣并騎夫至死杖指揮等官失風憲體乞執問
從之○壬辰修南京奉先殿工畢命南京守備太監劉寧請
六廟太皇太后神位安奉備香帛牲醴祭告○哈密等處使
臣新鎮撫哈判別來朝貢馬願居京自敘命隸南京錦衣衛并
賜綵幣表裏金織襲衣房屋牀榻器皿等物○兵部奏湖廣浙
江江西直隸九江等衛守城官軍內宜選二萬人添運糧儲山
東都司中都留守司南北直隸各衛運糧官軍內宜選二萬人
操練聽調 上曰運糧官軍且不選只令巡按御史同都司官

查湖廣原退下運糧官軍并浙江江西直隸九江等衛守城精壯官軍就本衛所操練○應天安慶廣德等府州建陽新安等衛山東兗州等府濟寧等衛所州縣各奏旱蝗相仍軍民飢窘鬻子女易食掘野菜充飢殍死甚衆上覽奏惻然謂戶部臣曰天災未有若今年之甚者朕夙夜惶懼因知攸措卿等其思所以弭災恤民之道速為行之○命總督獨石等處守備左都督楊洪佩鎮朔將軍印克總兵官鎮守宣府都指揮僉事趙致署都指揮僉事楊俊總督獨石永寧等處守備○癸亥命修闕左門裏貼黃序屋○山東文登縣奏本縣先年旱澇員欠秋糧擬保今歲補輸今災傷尤甚乞將補輸糧折收布鈔雜豆奏下戶部官宜從其請每米一石或納布一疋或納鈔五十貫納雜豆者抵斗俱送彼處倉庫收貯以備沿海官軍支用從之○定

軍官赴京操備得罪者例其赴操不如期者停俸發遣衛立功
當贖徒者加杖百贖死者亦杖百發遣衛賺哨俱一年還職仍
令操備○爪哇國使臣亞烈馬用良等朝貢至京奏所駕海舟
被風蕩石破乞行廣東都布二司量給物料令撥大匠造船領
駕回國從之○甲子哈密忠順王倒瓦答失里遣千戶馬黑麻
的朵顏衛指揮僉事阿魯花頭目扯扯充遣頭目完者充等貢
馬駒宴并綵帶表裏等物有差○命山東都司都指揮僉事李
琮子昂代為指揮僉事○命修徐王墳內外牆垣角門又東西
下馬牌樓○設浙江海寧衛沙西土寨撥本衛梁莊寨官軍輪
番兼瞭○提督遼東軍務右都御史王翱奏泰寧福餘朵顏三
衛達子官馬也先所逼挈家來廣寧等處地方駐劄也先又遣
郵屬數百人到邊以尋殺三衛達子為名 上敕朔興總兵官

不分也先及三衛諭以朝廷軍法凡近邊者即行剽殺兵部仍
移文各處總兵官嚴整武備以待○免山東濟寧并直隸沂州
等五衛災傷也報九千六百九十石○彭城衛指揮使馬麟奏
臣父招遠伯亮病故支過南京祿米四百六十餘石例該還官
指辦艱難 上曰亮嘗效勞於國身適歿而遽追其已費之祿
豈待功臣之體其免之○丁卯釋奠先師孔子遣國子監祭酒
蕭璉行禮○命翰林院侍讀習嘉言侍講邢寬為順天有鄉試
考官賜宴于本府○戊辰祭 太社 太稷○遣順天府官祭
宋丞相文天祥○設直隸保定府定興縣道會司置道會一員
○己巳擢進士周宣羅紳劉會徐昌監生吳玉揚仲俱為戶部
主事○後除湖廣右叅政柳芳於山西布政司以父喪服闋也
陞浙江道監察御史周銓為四川道布政司右叅議專理鹽儲

以九載任滿考稱也。兵部奏寧夏總兵官黃真等奏乞添軍操備宜將河南及直隸潼關等衛原選操官軍三千半往寧夏半往延安備冬候春凍開放回原衛歲以爲常。上曰真等不棄時區畫只要增軍縱增之不善區畫與不增何異宜令真等預議調度策應方略河南并直隸潼關等衛官軍果有邊警時調去策應。○禮科給事中蘇文為人發其與寧波衛軍陳私妻沈氏通已而匿母喪娶之乃發喪以歸都察院請逮文究治從之。○庚午永和王美鳩奏臣弟美璋已封鎮國將軍其歲用祿未之贖支給以贍食用。上命戶部如例給之。○命永康侯徐安安卿伯張安往南北直隸山東等處印烙藥土馬四萬五千七百八十四匹。○辛未命故京衛帶俸都指揮僉事辛玉弟庸署都指揮僉事孫凱弟勝襲爲指揮使。○遼王賁煥奏欲於明年

新正詣京朝覲 上優書止之○暹羅國王思利波羅麻那惹
智刺遣使臣坤普論直等奉表貢方物賜宴并綵幣表裏全織
襲衣等物仍命坤普論直齋軟并綵幣表裏歸賜其王及妃○
董卜韓胡宣慰使司都指揮同知克羅俄監築遣溫卜刺麻羅
孤納思等貢馬及方物賜宴并全織綵幣表裏等物復軟克羅
俄監築曰爾奏保于闐巡檢董敏械繫至京乞為矜憐并千戶
唐泰海受雜谷財物通事徐受冒引番人朝貢皆乞憐之事具
悉然朝廷賞功罰罪務從公道爾叔父也夫監築等皆修職奉
貢故我 祖宗厚加賞賜至爾又免效力捕賊朕特重加官賞
此朝廷賞功之典也今敏先與王永警殺遣官招撫百詐拒命
齋軟性諭仍肆姦謀朝廷捕治監候償命此誅惡之意也爾等
不以好惡公正為心輒與之曲辭辯釋量必為敏黨所誑故耳

爾自今宜深體爾父叔忠救之意撫率部屬各安生業其恭受
山事已令風憲官從公訪察俟其至日處置併諭爾知之○癸
酉書後秦王志潔曰承諭世子及臨潼等王延川等郡主并第
四女俱乏人使令今發內使院寬龐通等十六人往供事其各
善遇之○甲戌祭山川城隍等神○遣旗手衛官祭旗幟之神
○御馬監監丞李保位先奏武清等縣草場地被人侵占 上
命御史等官覆勘有先撥與軍民耕種納糧者又有原係工部
柴場非草場地者其餘官舍軍民人等侵種草場地一百四十
五頃有奇 上曰舊種地納糧者仍舊種納種柴場地者亦聽
起科其餘侵占草場地悉退還官後有犯者決罪不恕○調京
衛帶俸都指揮同知丘真於雲南都司提督臨安衛守備○夜
月犯外屏西第三星○乙亥致書襄垣王進煒曰比者山西行

都司等官秦叔祖長子仕履乘馬挾婦女一人至都司自稱因
平幼不能讀書理家懼叔祖重責出府回避次日長史徐瑞頌
取曰有等因蓋為父者慈以教子為子者孝以事父然後恩義
兼盡家道肅睦今長子擅自出府失禮之甚亦或叔祖平昔待
下之過於嚴歟臺疆宜令其從師讀書修身慎行以益前愆○
四川右叅議徐璟專理邊儲以父喪去任巡按監察御史并布
按二司奏保璟處事公平軍民畏服乞起復任事 上從之令
馳驛之任○命造房四十餘間於內府以貯五倫等書板從工
部奏請也○丙子湖廣桑植安撫司遣把事諱鹿等四川馬湖
府泥溪長官司上官舍人王遵等貢馬駝方物賜鈔絲幣表裏
有差○大理守右少卿張驥奏直隸淮安邳州地方飛蝗蔽野
蓋因南州縣衛所官先遇蝗蟲遺種之時不行尋掘燒燬及後

復生又不嚴督撲滅以遺民患宜治其罪 上命姑從寬宥再犯不恕○丁丑命故嘉河衛指揮僉事兀刺牙子得隆哥襲職送遼東自在州居住○四川按察司奏都指揮僉事郭禮守備威州赴軍士月糧 上命巡按御史逮治之○敕雲南卑里軍民宣慰使司宣慰使刀霸羨八百大甸軍民宣慰使司宣慰使招孟祿老過軍民宣慰使司宣慰使刀板養等曰爾等世居南徼忠收朝廷進貢方物已有定例今却奏乞朝廷遣內臣齎敕往爾處催督爾等受顯職管治一方通為辦理何必推託其欽承朕命毋怠○西剗生左珥赤黃色鮮明良久漸散○己卯命修 長陵 獻陵 景陵所用硃紅三牲茶匣金龍壺等器皿共二千餘件從祠祭署奏請也○賜秦府鎮國將軍公錡夫人何氏公鈐夫人施氏公鎰夫人徐氏及監屋郡君俱賓范麟

誥命冠服○革河南開封府封丘縣中灤巡檢司以其地僻故也○後軍都督府都督僉事李珪卒遣官賜祭命有司營葬事○月犯五諸侯南第二星○壬午給寧夏等處官軍馬二千九百十九匹○已故連安伯陳瑛妻朱氏訴進蒙賜男項襲其父爵應得祿米一千石被族屬爭分其半用度不敷乞賜分豁事下廷臣議以爲頒賜祿米朝廷酬功之恩分贍親屬皆有睦族之義今後公侯伯有自顧分與親族者不拘多寡隨意與之其不顧分與者親屬不許爭訟分奪 上是之命者爲令○兀者衛都督判塔奏迤北鞋襪遣人來其衛追尋兀魯歹等 上命兵部移文提督軍務等官王翔等委詣曉夷情者曉諭判塔成節部屬毋劾三衛達子輕與虜和自取災禍敢有違者聽判塔等依法懲治重則送總兵等官處發落有不服者奏來調兵剿

捕○癸未嘗定王夫八徐氏卒遣中官賜祭命有司營葬○命故羽林前衛指揮使錢弘子聚全吾左衛指揮同知劉興子敦襲職羽林前衛指揮僉事高亮子震代職○巡按山東監察御史史濡奏平山東昌二衛安置違官都督喃哥等部屬恐後生養蕃庶泛濫為非難以制服宜分遣往各部司衛所安置○上不允○甲申重建京城東嶽廟成御製碑文曰朕惟天生萬物必資五行四時之佑而後能成生長收藏之功君主萬民必嚴五嶽四瀆之祀而後能成惠養奠安之政是故聖王之制祭祀能禦大菑則祀之能捍大患則祀之觀於舜帝位與夫巡守四方必望秩于山川武王大正于商必告所過名山大川之類是也而况君為百神之主國之大事祀又為之首乎於乎君必祀神以禮則神為君於民所欲與聚所惡勿施不獨禦大菑得

大惠而已神必庇民以惠則君為民於神辨方秩祀築宮肖像不獨望而祭之過而告之而已此東嶽廟所以建於都城也歟天下之嶽有五而泰山居其東民之所以莫大於生而東則生之所從始故書稱泰山曰岱宗以其以生萬物為德為五嶽之尊也廟而祀其神於都城之東示欲厚民生也國家祀典於凡山川之神春祈秋報既享祀於郊矣然惟天子得以親之而非民庶所得瀆也士女車徒未尸禾宗得以盡其禳禱之私於歲時者獨非有所望於廟乎乃詔有司治故地於朝陽門外規以為廟中作二殿前名岱嶽以奉東嶽泰山之神後名育德俾作神寢其前為門環以廊廡分置如官司者八十有一各有職字其間東西左右特起如殿者四以居其輔神之貴者皆肖像如其生又前為門者二傍各有祠以享其翊廟之神有館以舍其

春神之廟之廣深凡若干畝為屋總若干楹壯偉宏麗蓋始於正統十二年五月十八日而落成於八月十五日材出公之素備工用後之常賦而民無有知者歲時致以香幣冀神運生之機於無窮亦順民所欲之一也乃勅祝神之辭於石曰自昔帝王建國分方封嶽為五以奠厥疆神各受職入陰出陽運機膚寸贊化被蒼有若岱宗峻臨陽谷出雲敷雨不疾而速何枯不春何焦不沃弘帝之仁錫民之福其在五嶽專職發生蒼龍青嶺八極游行或長或養資其孽萌凡百有就實肇茲靈秩視三公嶽孰為首曰惟泰山獨鍾神秀徂徠新甫峙其左右咸効乃長以相以佑神照其澤雖曰自東民之沐之四海攸同望祭有典亘邊既豐神之享之惟鑒予恭鄙人小大皆感神惠巖巖莫瞻衷情曷慰予允念茲乃詔工氏為神築工城之震位上

以祠神下以順民民為神式神與民親佑其孝弟弭其蓄屯副
其禱禳昭神之仁有堂翼然有像儼若神之臨之如在岱嶽匪
徒庇民衛我郊郭疢癘弗興兵殺不作人理其陽神司其陰陰
陽表裏同此一心生土之道惟神是託以為神職神可不任宜
賙而賙宜雨而雨神之在山則應下土惟惡是奪惟善是予神
之在廟則翊予度○賙河東王鍾總太谷王鍾鎔鍍金銀印各
一○命修南京大理寺○工部奏修東嶽城隍二廟完請撥廟
戶以供灑掃從之○乙酉革湖廣靖州河泊所以所辦課鈔少
故也○禮部奏暹羅國使臣坤普論直等言所貢碗石一千三
百八十斤非本國所產皆往西洋易來其獲亦難乞循正統二
年例每斤價鈔二百五十貫續稽得正統九年本國使臣坤沙
群等貢碗石八千斤至京本部以其非貴重之物奏每斤給價

鈔五十貫每鈔二百貫折支絹一匹通計絹二千匹 上減半
給之今坤普論直乞欲循正統二年例未敢輕定 上曰碗石
中國素有非奇物也每斤給鈔五十貫自後其免貢之○丙戌
南京刑部石侍郎鄭泰乞還鄉療疾 上不允命仍後職○泰
寧衛達子牙歹來歸 上命為所鎮撫隸南京錦衣衛購冠帶
鈔綵幣表裏紵絲絨衣并房屋牀榻器皿牛羊等物○丁亥浙
江黃岩縣民吳閩弟妻胡氏一產三男給米鈔優養如例○己
丑靖遠伯王驥上奏藜國其制用馬革一片長四尺濶二尺上
拖鐵釘一百八十芒高一寸四分每一角用一扇若用四百扇
可布一里四十扇可布十里步隊可備十扇馬隊亦如之滕見
賊徒即布於地急退回二三十步虜若突來必馬蹶仆安營
處周布於外可遏虜之奔衝事下兵部及武職大臣議以為利

於守而不利於戰宜會遣將斟酌 上命移文各處總兵鎮守
官可用即用不可用則已之○兵部右侍郎李黃卒黃蘇州府
長洲縣人由進士授兵部主事陞郎中尋陞太僕寺少御正統
六年從兵部尚書王驥往麓川以功陞工部左侍郎兵部尚書
鄭瑩薦黃請練兵政調兵部右侍郎以疾卒于官遣官祭葬

明英宗睿皇帝實錄卷之一百五十七終

大明英宗睿皇帝實錄卷之一百五十八

正統十二年九月庚寅朔命各處儒學四十歲以上生員自正統十年十月十二日爲始二年以裏到部者收考二年之外到部者發回原學肄業依例科貢○南京刑部奏洪武永樂間在外六品以下官有罪刑部輒違繫其後 太宗文皇帝北幸

仁宗爲皇太子監國令四品以上官奏聞五品以下官咨聞區處因此凡違職官皆須上請今南京都察院及在外按察司巡按監察御史皆得違六品以下官乞如其制庶無滯獄 上不允○山東布政司左叅議尹聰先奉勅往開平獨石右叅將楊洪處質理軍機大書至是洪移鎮宣府聰請回京聽用從之○四川松潘苗寇屢肆劫掠都察院請罪鎮守松潘都指揮僉事王景高廣等 上命姑記其罪再犯不宥○江西永新千戶所

副千戶故散馬部卒訴其貪酷奢僭與京官明結刑部請下地
按監察御史逮治 上命錦衣衛官緝散并籍其家來京鞠治
○禮部奏暹羅國正使坤普論直冠帽并鍍花金帶并遠來曹
製換及副使通事幹事火長總管人等未蒙冠帶乞照例換給
從之○兵部奏舊例迤西迤北來歸人口帶到馬匹給軍騎操
中等賞鈔三千貫下等賞鈔二千五百貫各綿布五疋綿花三
斤無馬者賞緞衣一襲或鈔二百貫綿布四疋折准緞衣今遠
東總兵等官右都督曹義等奏稱鈔貫不敷欲將帶到馬匹中
等賞鈔二千貫下等賞鈔一千五百貫宜從所言從之○夜二
鼓東方有星如盞大青白色光明照地起自天廩東南行至天
苑○癸巳書諭靖江王佐敬曰得奏欲率祀於春秋佐堯山祭
掃先登用展孝思特從所請然奉先當存孝敬王在遠宜加謹

慎禮卑即還尤宜戒飭隨從官故之人毋擾害官員軍民人等庶不為令德之累王其亮之○命監察御史成始終等八人往四川等處清理軍政俱賜初遣之○勅巡按山東監察御史史濡巡按北直隸監察御史童存德各於所巡地方選軍聽用○命濟州衛帶俸都指揮使楊猛哥子也先字羅襲為指揮使○山東右叅政韓璽以先疾乞致仕從之○黜四川都指揮金亨趙雄為馬亭官往甘肅聽調雄生掎剋軍士致罪當贖還職上特命黜之○勅都指揮金亨曹廣於東山平山二衛投督安插未降頭目夷人耕種生業○鎮守西寧都指揮汪清等奏奉旨取番僧賞初堅封已歲卜已死及原留河州居住國師刺蘇使臣人等二百五十七人今止餘一百六十二人欲便發回緣各僧生拘驚疑不肯行見在西寧等地自在遊方化緣宜聽其

便從之。○甲午四川草塘安撫司安撫宋忠誠以疾乞致使命
其子景春代之。○夜東南方天鳴有聲。○乙未減徵船戶課銀
時以致法流通各處往來船戶所納課銀尚仍舊額浙江杭州
府知府高安以爲言下戶部議令每船一百料納銀二十貫較
舊例十去其八從之。○禮部右侍郎兼翰林院侍講學士馬愉
卒愉字性和山東臨朐縣人宣德丁未進士第一擢翰林修撰
上嗣位初愉侍經筵尋陞侍讀 宣宗實錄成陞侍讀學士
正統五年奉詔入閣預典機務十年陞禮部右侍郎兼侍講學
士晨起趨朝得疾仆不能語 上命醫往視越四日卒年五十
三 上深嗟悼勅棺擲賻錢萬婚命有司歸喪營葬贈禮部尚
書兼翰林學士舊例無贈兩官者贈兩官自愉始愉端重簡默
不設城府兩考會試盡心擇才爲文章不務雕斲論事不苟爲

異同自虞潛如門無私隔人稱爲厚長者云○丙中禮部奏山西布政司正統十二年鄉試小錄所出詩經題內維周之損共損字犯楚昭王諱不曾迴避考試官學錄郭明郁教諭吳驥同考試官知縣黃子嘉提調官左布政使石璞左叅政朱繼監試官按察使林文秩會事黃文政俱應問罪 上宥之但令迴按監察御史取各官罪狀考試及同考官俱罰俸一月提調監試官紀錄是職仍移文中諭戒毋再犯○丁酉停徵山東濟南曹萊登州四府所屬二十州縣逃戶田地二萬一千九百八十項所出租稅從山東布政司覈實奏請也○先是錦衣衛籍撫州府民徐翰家有逃匿者 上命拷鞠見違者言籍翰之命初下刑科給事中王理以昔爲事按察副使王裕裕與翰有姻潛以告其家故致逃匿遂下理等于錦衣衛獄俱論斬 上命因某

之於是禮部左侍郎兼翰林院侍講學士王英自陳臣子祿有
罪實臣駕死棄軀於教訓所致謹待罪刑部請遣英 上命
宥之○夜二鼓月犯壘壁障西第四星○戊戌重陽節賜文武
羣臣宴○山陰王遜堪奏父代簡王墳園缺人奉祀欲令本府
內使二人看守從之○禁約兩京并陝西河南湖廣甘肅大同
遼東沿途驛遞鎮店軍民客商人等不許私將白地香花瓷器
血膏與外夷使臣○山西解州鹽池周圍一百二十里舊設長
樂巡檢司於池北鹽池至惠二巡檢司於池門外惟東南山路
險阻是邇不及人得從間道竊鹽至是都轉運使司奏請罷池
北司移置池南者庶警備嚴密從之○守備南京太監劉寧奏
六月間南京大風雷雨山川壇火殿廡樂器祭器皆焚毀乞集
材修造從之○己亥直隸揚州蘇州太平安慶湖廣襄陽荊州

諸府衛各奏夏早苗枯山東萊州青州府各奏雨澇蝗生禾稼無收人民饑窘應徵糧草辦納艱難上命戶部遣官覆視以聞○庚子代世孫佐堽奏祖代簡王存日府中財物俱被庶祖母徐氏私與親子宣寧等王罄盡無存今喪葬費用稱貸民間欲乞大同府稅課司商稅以助不給上曰世孫所言誠可憫不有以助之豈稅親之道有司其悉如所請給之○山東濟南府奏比戶部移文令以存留草五十五萬七千八百餘束折米緣所屬收貯倉穀數多支用不盡乞如起運草例折銀每束二貫送本府官庫收貯從之○辛丑夜月犯外屏西第一星○壬寅命大同把總操備都指揮僉事吳浩充右叅將○禮部奏暹羅國使臣坤普論直等告本國正統九年進貢通事崇喬買國王財本不肯回國將家屬附爪哇國使臣馬用良船逃去今又

跟隨爪哇使來在於廣東。上命廣東三司拘馬用良并素需
審實以素需付坤普論直領回。○山西吉州鄉寧縣奏本縣逃
移死絕人戶拋遺不堪耕種地五百餘頃連年包納糧草事下
戶部議以一半折收布鈔一半停徵從之。○癸卯大同總兵官
武進伯朱冕奏山西行都司屬衛官員舊折俸鈔近易以布匹
令赴山西布政司官庫支領路費之外所餘無幾况今用人防
秋恐誤邊備乙下有司令漙運所運至該衛所分散從之。○巡
按福建監察御史李俊奏福州建寧二府銀場採煎年遠礦脉
斷絕去年煎銀課一萬三千餘兩比原額少一萬四千餘兩若
欲補足額數未免分派於民恐逼流移貽患天重乞量為減
免。上命戶部計議以聞。○先是以違贓也先漸近邊境勅沿
邊總兵等官陳禦敵長策至是大同總兵官武進伯朱冕侍郎

沈固等上六議其一議守每歲欲深多遣間諜出境緝探稍有
聲息卽令軍民亟收田禾搬運害蕪盡驅男婦老弱入避城寨
量存少杜牧稅生蓄如賊勢漸近然後拘收并將所遺草束及
野草燒燬如此則賊來無所爾掠矣其二議戰大同三路分守
賊若小至則一路自出抵敵大至則三路互相應援若彼此交
敵有所牽制又在相機應變知己之力足以敵彼則接營結陣
以扼其衝出奇兵以制之料彼之勢不可抗拒則堅壁清野以
老其師俟其懈而擊之其三議劫胡虜晝則縱橫馳逐夜則隨
處屯宿宜選勇敢官軍伺便抵隙夜劫其營若能獲首級馬匹
者乞命所司定為賞格重賞之下必有死夫其四議追胡虜出
境得利則負重行遲不得利則人罷馬困我或據險設伏以扼
其歸或分兵追擊以躡其後亦乞定其功次賞格其五議選兵

大同見操官軍強弱不等材力各殊已將先定首撥次撥官軍
重加簡閱遇敵先發首撥而次撥繼之臣等身先帥領之因機
制變以圖戎績其六議車戰用車古法也行則載衣糧止則結
營陣臣等通計所有步陣合用車八百五十輛先已造完小火
車三百八十六輛呈樣至京試驗訖其未造者尚多乞令山西
河南歇班官軍就彼採取木料每隊造火車三輛以備戰陣
上善其議命所司悉從之○甲辰禮科給事中劉綱九年秋滿
乞復任從之○寧夏左叅將都指揮使丁信言寧羗平涼等衛
軍旗在邊暇輒演習率用柳桿作箭不能射遠平涼寧羗漢中
產五節骨竹并栗木給桿軍士休苗迴衛各自採辦但米將已
負行李不能兼載宜令有司出車傳送從之○宥浙江運糧都
指揮僉事蕭華罪初台州衛指揮同知劉鼎以幼男女各一人

及琴畫餽華受之久之鼎陞署都指揮僉事亦督運糧華劾
奏鼎措魁鼎乃斬華嘗受其餽道至是華自陳其實都察院請
逮華治罪 上以華既自輸情特宥之○乙巳山東莒州沂水
縣奏夏稅疏豆早傷無收乞折納黑豆下戶部議每黑豆一石
二斗折疏豆一石從之○湖廣荊州府請既公安門外河道以
便公安石首等縣輸納從之○金吾右衛千戶李福壽備禦遷
東其母陳氏初寡適其叔土一子其叔死又改適而福壽係資
悉焉所授福壽妻馬氏詣倉給俸陳氏輒令所生子往毆而奪
之馬氏訴其姑刑部論馬氏當杖贖徒 上曰馬氏夫在邊
始又義當飽而被其辱害豈可加以罪命即釋之○夜五鼓北
方有星如盃大青白色尾跡有光起自閩道旁北行至游龍○
丙午賜永壽王嫡子名公鑣○擢進士擢澤為刑部主事○命

府軍前衛副千戶孫純宗子孫世襲純宗會昌伯忠第五子也
○松滋王豪璽奏臣裁祿米食用不敷乞准折色五百石俱給
本色 上以湖廣方旱災命姑仍舊○晉府臨泉王美塔薨王
晉定王第六子母孫氏永樂十八年生宣德元年封鎮國將軍
正統二年冊封臨泉王至是薨年二十八訃聞 上輟視朝一
日遣官致祭謚曰莊簡命有司營葬賜塋誌○掌光祿寺事戶
部左侍郎素亨自陳臣由吏員守城有功累至今扶夙夜兢兢
不敢廢事今年七十有一正宜報効例應致仕未敢輒去伏乞
矜憐時左右有贊留之者遂令復職視事○鎮守大同太監郭
欽總兵官武進伯朱冕奏百戶張政有勇畧嘗出境遇寇寇不
敢近今以歐死軍人論斬乞宥死使立邊功鎮守遼東太監亦
火哈總兵官右都督曹義亦奏把總指揮食事獨住馬備邊年

久熟知邊務今以歐死指揮溫諒論成乞宥死仗立邊功 上
皆許之今充軍立功贖罪○守備蘭縣都指揮僉事李進奏本
處地隔邊境而城垣銷合皆壞其北門亦無甕城欲以蘭州等
衛軍夫修造從之○戊申陞江西南昌府知府胡本憲為陝西
布政司右叅政以九年考最故也○命浙江文武官俸米減支
如舊先是杭州等府倉糧數多恐致腐爛因命增給官員俸米
至是浙江布政司奏各府糧少加以早傷慮邊儲缺乏無所措
置請仍舊撐節二品至五品月支米三石六品至九品月二石
雜職一石從之○後軍都督府都督同知王武卒或永平府廣
龍縣人由彭城衛軍調燕山左護衛 太宗起義屢從征討累
功陞府軍左衛指揮同知永樂八年從征迤北陞指揮使二十
二年陞都指揮僉事鎮守定邊宣德元年陞都指揮同知隨

駕平武定州三年北征至會川還明年陞中軍都督僉事五年
克恭將率兵征迤西曲先番賊散即思等八年調後府理事十
年上即位陞都督同知尋克總兵官鎮守薊州永平山海等
處正統九年召還仍理府事至是以疾卒卅閏命禮官賜祭有
司治葬○已百勃提督遼東軍務右都御史王翱等曰元利朝
貢使臣言也先兵侵兀良哈其恭寧朵顏二衛已為所脅惟福
餘人馬奔惱溫江彼又欲恃冰凍時連之因往海西收捕女直
爾宜速振軍擊伐虜聞風不敢近塞斯為全策謹亦堪勸將平
毋貪微利以啟釁端○庚戌遣駙馬都尉石璟等為正使刑科
給事中祝顥等為副使持節冊封西域兵馬指揮超慶女為刺
世子祁孛紀湖廣羅田縣縣丞沈俊女為都昌王祁鑑妃東城
兵馬指揮韓俊女為鄭世子祁瑛妃○降陝西按察司副使陳

段為廣東揭陽縣挑山馬驛縣丞生妄言惑衆也○辛亥遣羅國使臣坤普倫直等陞辭賜勅諭其國王思利波羅麻那惹智判曰王敬天事大撫輯一方修職未貢久而益虔茲遣使齎金葉表文以方物來貢并以原降印章進繳誠意可嘉今使回持賜王及妃絲幣絨錦以答至意王宜益堅守臣節保境恤民用圖寧久副朕眷待之意○禮部奏會同館牧養朝鮮國飄海軍洪承龍等十三人昔天寒無衣命給與胖襖袴鞋各一○壬子陝西延安府保安縣奏洪武間以縣臨邊境說保安縣合旗軍百餘人護守縣治并官軍家其儒學陰陽學師儒編民皆剝履舊土城內今舊城壞久民無依蔽特為建甃所畧乞修築合為一寨令軍民俱安從之○癸丑命前軍都督府右都督舟保垣輔襲為指揮仗○夜月犯大微垣上將星○乙卯以修京都都

城隍廟畢遣禮部尚書胡濙祭告都城隍之神工部右侍郎王
祐祭司土之神○漕運總兵并各處巡撫官工部左侍郎周忱
都察院右副都御史羅亨信李純俊軍都督同知武興都指揮
同知湯節等至京會六部都察院堂上官具條事宜以聞一乘
平山海等處總督收放糧草通政使司左叅議張隆老病致仕
戶部郎中郭來學宜任前職乞加陞用一南京各衛收糧經歷
倉官有作弊者許提督侍郎巡倉御史就便拏問懲治庶知警
懼一先有言各處巡撫官輪番更易以新人耳目者今議難行
一大宥倉收積糧米四十餘萬石年久恐致泛爛一大同山西
數處產有石炭軍民小戶自取燒用亦被巡攔抽分納課深為
不便一野人女直每歲朝貢遼東館驛狹小多寄宿軍餘之家
被其搔擾宜蓋屋一所俾其往來住宿一遼東都司所屬二十

五衛是在倉庫所貯金帛貨物不下九百餘萬俱是各衛鎮撫等官收掌恣肆侵欺已添除山東按察司副使一員提督出納又各衛往來客商衆多雖有歲辦課鈔收納才無二三又各衛總五城宜亦設稅課司五所于各城以理其稅切見四川按察司僉事劉敬秩滿在吏部可任副使宜以授之俾往提督庶幾姦弊可革 上曰鄒未學劉敬秩奉陞用巡撫官如舊惟山西河南事簡不必去大有倉米多今沈因羅亨信設法收放毋致陳腐軍民自取石炭免納課鈔蓋臺以若野人女直令王翺同鎮守等官更議其便以聞餘悉如所言○戶部奏魏國公徐顯宗卒其閣過祿請計月追還官 上命免追○義勇後衛帶俸署都指揮僉事肇貴自陳老疾命其子端代為指揮僉事○戍國公朱勇奏山東都指揮僉事苗貴為事運磚贖罪其所領

右哨馬步隊官軍二千二百餘人詣臣告保乞免註調從之○
宣府總兵官左都督楊洪奏舊差官軍於順聖川牧馬今川之
南北傍山多有空地乞給與官軍耕種以給芻豆從之○丙辰
陝西西寧等衛弘通等寺判取鎖南兒扣烏思截剝麻着實加
等貢馬勝宴并鈔幣有差○丁巳命駙馬都尉沐昕掌南京後
軍都督府事○直隸蘇州府長洲縣縣丞鄧玠九年考滿當遷
巡撫侍郎周忱奏保其本法集事乞陞補崑山知縣從之○觀
騎右等衛副千戶馬青奉使瓦剌以脫脫不花王及太師也先
使臣皮兒馬黑麻等二千一百四十九人來貢命宴于大同先
是也先虜去大同軍四人 上命青及府軍等衛正千戶馬雲
等齎綵段表裏布帛共一萬三千三百四十五匹率官軍一百
七十一員名往瓦剌給賞索犯邊寇反所虜者至則大同軍已

遇害者閔也先嘗虜遼東軍四人并索之也先不與誠音指衆使人布帛收贖音從之也先遂以所虜遼東軍四人并犯邊寇二人付音領回時也先既誘扶買賣回回願魯檀等與其使俱至又誘令哈密使臣脫脫卜花同撒馬兒罕使臣馬黑麻的等男婦三百三十九人自陝西入貢陝西如例宴之公私騷擾邊患益深○直隸松江府浙江紹興府所屬各奏夏秋亢旱田畝無收人民饑窘 上命戶部遣官覆視以聞○宣府總兵官左都督楊洪言邊備五事一宣府操備哨守等項馬步官軍止一萬三千五百餘人城堡關隘一十四處內西陽河洗馬林張家口新開口堡野狐嶺關最為要害其餘白羊口等六堡實非要地乞歸併以便戍守一柴溝堡地近萬全却調宣府等衛官軍守備其宣府城所領官軍却又調自萬全等衛彼此兩不便已

依地方對換一柴溝堡調來備禦官軍其勢擾仍於本衛支給
往來道途動經旬月已於柴溝立倉就令山西民運糧輸納或
給銀收糴或召商中鹽庶免軍士奔走負戴之勞而亦不妨戍
守一守邊軍器惟火箭最要朝廷恐其傳習者多不許邊方自
造然京庫闕領者多有不堪而臣前在獨石亦蒙朝廷許以自
造已如前例自造應用一宣府沿邊臣躬行相度其間墩臺濶
遠者擇地添設古路窄狹者用石砌塞地勢平坦者置門闕鎖
無事則巡邏出入有警則發兵策應 上悉從之○戊午河南
道監察御史萬節等奏國家以祭祀為重祭祀以誠敬為先
皇上比年以來每遇清明躬謁 陵寢中元冬至等節特遣勳
戚行禮各官陪祭各衙門官固體 皇上之心不以祀神為
重有無改而不分官陪祭者有託故而令他官代之者有互假

報名而後出山口宿歇者有在彼宿歇而高臥齋房不起者有
邀集同行伴侶在齋房酣飲者有不用本等衣冠而在班列嬉
笑者今冬至在道乞勅禮部移文各衙門嚴加戒飭如有仍前
怠忽者聽監察御史及禮部鴻臚寺官指實劾奏拏問治罪從
之

明英宗睿皇帝實錄卷之一百五十八

大明英宗睿皇帝實錄卷之一百五十九

正統十二年冬十月己未朔享 太廟○遣中官恭司井之神
○以下元節遣官祭 長陵 獻陵 景陵○禮部尚書胡濙
等奏應天府鄉試錄進 皇太后者應用黃綾裝潢今用紅綾
請治本府官吏之罪 上命宥之○庚申命駙馬都尉井源掌
宗人府印○兵部奏沙州衛內附都督喃哥見在山東平山衛
若住營奏乞給脚力每遇大朝賀赴闕行禮乞允所請今平山
衛言喃哥等性習未純況並河德州等處俱有降胡若住若許
其住來不無交通或生他變乞行停止從之○辛酉滿王倍得
奏蒙遣使冊封世子及諸弟之子慶王秩陸亦奏蒙宥長史周
弘之罪皆欲躬詣京謝恩 上念天氣向寒道途遠俱優書
止之○命修南京左軍都督府從掌府事駙馬都尉趙禪奏請

也。○改魏國公徐顯宗祖母李氏奏年已八十不幸顯宗奉世無人侍養顯宗有遺腹子梓童保乙得襲爵庶有祿可仰以終餘年。上曰其先嘗有功於國而今孤寡誠可恤但幼未可襲爵其令該部月給米十石優贍未幾梓童保卒乃泣文。○直隸蘇州府奏本府所屬七縣并各衛所文武官軍俸糧費用米二十餘萬石近戶部擬定存留不及七萬石支用不敷乞將原定解京折色糧內改存備用事下戶部議存十萬石從之。○楚府景陵順靖王益昭無嗣所遺宮眷二十八人無祿養贍。上命所司月給米十石存恤之。○命南京太僕寺少卿鄧浩理本寺事先是浩從巡撫侍郎周忱督運江南白糧至是忱以減省例奏乞召回故有是命。○勅提督遼東軍務右都御史王期等曰无判也先以追捕仇人為名吞噬諸部住者既自北而西又自

西而東今又東極海濱以役女直女直自開國以來役屬中國
一旦夫之是撤我遼海藩籬唇亡齒寒不可不慮已勅女直衛
分俾知隄備卿等亦宜嚴兵為備毋恃其不來恃吾有以待之
毋恃其不攻恃吾有所不可攻不來不攻尚須有恃况其必來
必攻者乎卿等其慎之○壬戌河南道監察御史萬節言國家
給授巨子誥勅以勸忠孝具有明例近制內外官九年考稱給
授然在外者俱得滿九年在京有才行者未滿九年輒見保陞
則其父母終不蒙恩於盛世矣乞令在京官兩考稱職無賦私
者許給誥勅事下吏部議尚書王直等言兩考保陞者許請給
前任誥勅上曰例不宜屢更第如舊行之○甲子賜臨泉王
美塔庶長子名鍾鏗庶次子名鍾鏗○桑顏銜指揮大來烏思
義苗僧着夫加四川石柱宣撫司土官合人劉子忠馬湖府平

夷長官司土僧源澄等貢馬賜鈔絲幣未衷有差。○丙寅侵除
監察御史夏誠侯爵於江西等道俱以親喪服闋故也。○南京
國子監祭酒陳敬宗言壯而仕老而休比 聖朝之盛制進以
禮退以義亦臣職之當然風化所關庶耻攸繫況太學為京師
首善之地祭酒乃表率師徒之官必資碩儒方稱茲選臣學本
疏繆才亦凡庸叨沐陞遷實慙冒忝願茲委任之重奚勝負荷
之艱况侵老病侵尋耳目昏曠精神疲憊筋力衰微學識頓減
於前時訓迪敢期於成效譬猶驚馬志在道遠馳足策之而弗
前葵藿誓專傾陽衷心振之而益困實有詎於後學全無補於
明時是以深淵薄水恒日切於兢惕勞心焦思每徒迫於憂勤
既懷貪名徇祿不知止足之羞又重尸位素餐罔知補報之罪
乞骸已晚解組維時雖優老之典弗延於菲才而同仁之慈冀

及於朽質伏望 皇上弘天地之大德霽雨露之深恩俯賜矜
從改歸田里俾得溼沫太平之樂優游垂盡之年 上曰敬宗
學行先成正需師表使學豈可釋去仍令視事不允所請○初
南京戶部右侍郎張鳳兼管提督南京各處倉水收糧并各場
夫收粟馬草束禁約下人毋生事擾人○戊辰四川道監察御
史劉既言詐者孟冬 上享 太廟文官五品以上武官四品
以上例應陪祀率多不與又不聞開報事故情由顯是各官懈
怠偷安罔思人臣報本之意罪莫大焉 上命禮部察究以聞
於是察得駙馬都尉西寧侯宋瑛等一百九十八人雖稱有故
未嘗報知義勇右等衛指揮等官劉能等十人並無事故却乃
恣情慢禮不行陪祭請俱罪之 上曰各官本當問罪始宥之
俾自改悔○己巳陞都察院右僉都御史盧容為右副都御史

仍舊叅贊寧夏軍務○陞戶部郎中鄒未學為通政司右叅議
督理永平山海等處糧草時來學守制服闋吏部會官舉之也
○廣西總兵官安遠侯柳濤言臣父升早代祖職靖難有功累
陞世襲侯爵又加大子太傅恩幸優隆懼無報補每訓臣云為
臣死忠所以往特統兵征勦黎賊奮不顧身先鋒鼓勇與賊決
戰致命於陣論法固當有罪而察情實有可矜蓋止亡一身未
覆全軍視彼畏縮亦自有間况臣既蒙襲爵是恩宥及臣父矣
此臣所以惓惓有望於追封也伏乞 聖恩貸臣父倉卒輕忽
之罪殊臣父效死戰陣之忠憐臣風木感傷之情察臣移孝為
忠之志特賜追封定謚臣生當盡瘁死當結草 上謂吏部臣
曰升既失機本難封謚但念升前有靖難之功濤今有守邊之
勞特與封謚○魏粗者哈來歸 上命若之南京隸錦衣衛月

夫米一石賜鈔布疋絲襲衣房屋牀榻器皿等物。○庚午晉府
西河王美瑋言母徐氏卒詣賜銘旌明器營葬於考父王登園
內。上命禮部稽例禮部言永樂間郡王母卒有但賜祭者有
葬祭俱不賜者。上曰既無例令王自葬。○辛未命改運大同
糧糧銀五萬兩赴宣府萬德庫收供邊儲從戶部奏請也。○直
隸蘆州府奏巢縣饑民一千二百九十餘戶所司已發官廩五
千餘石驗口賑濟從之。○壬申命故羽林前衛指揮僉事趙昇
子信襲職。○直隸徽州府廣德州滁州山東濟南府湖廣黃州
府襄陽府荊州府岳州府常德府沔陽州四川順慶府各奏今
歲春夏不雨田禾無收。上命所司覈視存恤之。○癸酉監察
御史林廷舉言直隸衛所軍官指健壯勇者俱調各營操備其
存留者多幼弱不勝任虛糜俸祿甚至經旬累月不詣教場乞

勅兵部通行天下都司將原議留軍政官員長在衛所管理軍務操練兵馬無訓習有素武備修舉從之○初宣德中建大功德寺占田六頃有奇稅糧未除累民包納至是十八年矣復累者數奏覈勅既實上命除之○山西朔州衛卒有鬪毆殺人者按察司論校卒詐枉移斷事司為理得釋已而刑部移都指揮僉事張蓄勸之蓄報如斷事司刑部使移按察司卒仍坐校因勅蓄勸不實上命巡按御史逮鞠之○乙亥先是巡按貴州監察御史虞預奏貴州蠻賊出沒撫之不從捕之不得若非設策控制切恐重為邊患臣觀賊所居清水江等處皆是峭壁懸崖僅通一徑出入彼得恃險以為惡我亦得乘險以禦之若將江外山口盡行閉塞江內山口并津渡俱設關堡就調土兵守把則在山者無從而出在外者無從而入雖欲糾結為非不

可得夫又於要路立哨堡調委官軍守把遇賊出劫隨即體充
經何閩堡將守把之人問罪仍乞推訪蠻寨頭目素有才幹者
保為辦事官俾其提督土兵勸諭蠻夷蓋彼道其言語和其情
偽而夷性各從其類不生驚疑倘有他策亦可集事事下兵部
覆奏從之○卯刻日生左珥赤黃色鮮明未久散○丙子誠
孝昭皇后忌辰遣官祭獻陵○南京戶部查理各處黃冊具
其埋沒戶口田糧之弊以聞請罪有司上曰詔赦已前者俱
宥不問敢使者見在府州縣官吏皆罰俸三月令即改正侵有
欺慢必罪不宥○丁丑舍人張思震牛璉等以故官子曉習兵
法弓馬被選令冠帶隨太保成國公朱勇操練聽用奏乞月糧
養贍戶部請如小旗例給之上從其請○河南鄆縣民奏本
縣舊有窰窯三十基址見存乞復其舊事下工部覈視言地土

粗惡不堪造瓷器止可令燒磚瓦依例輸課從之○戊寅陞安
定衛指揮同知鞏思恭已為都指揮僉事鞏思恭已著安定王
領占幹少兒之叔父也安定王年幼鞏思恭已佐其管束部屬
其中資級相等者多不相下安定王遣鞏思恭已采朝貢因附
奏請陞之故有是命○命安定衛都指揮僉事阿廷子察罕卜
花襲指揮使○鎮守陝西興安侯徐亨右都御史王文同三司
奏西安鳳翔二府秋田全收漢中臨洮鞏昌平涼慶陽五府旱
種者俱收晚種者遇霜薄收惟延安府并延安二衛旱傷軍民
糧草除運給邊堡軍儲外凡有負欠乞暫停徵以節民力從之
○襄城伯李隆母夫人金氏卒遣官賜祭命有司營葬○己卯
順天府大興縣民張禮掘地獲銅錢七萬三千進獻上命禮
部給鈔償之○庚辰撒馬兒罕回回哈只等來歸上命隸南

京錦衣衛月支米二石賜致布紵絲絮衣并房屋床榻器皿等物○巡按直隸監察御史林廷舉言設官分職各有攸司越職侵官古人所戒欽惟朝廷設立吏部所以進退百官考課銓選具有定制近年各處三司等官及軍民人等驟將方面有司官員具奏保留甚至擬陞某為某官擬改某於某處且改任者以其人為才固不必改也若不才則彼縣之民獨非民歟保留者以為不賢固不必留也若果賢則專惠一方苟若分惠多方歐別其所舉多以逢迎諛悅為卓曾以催科括姓為龔黃其撫字心勞者則目為迂懦剛介不阿者則斥為戇愚以致不才官員互相做習扇惑愚民朦朧保留及至委任之後惟圖報上下之私恩何嘗念朝廷之公法奈選法而使職守莫此為甚乞勅該部嚴加禁戢庶使選法明而黜陟惟公事體一而奔競自

杜疏下吏部議保留之弊藏蓄如廷舉所言者第賢否不可驟論真偽難於遽度其中果有政績得民已滿去任者可從所司爲民保留其未及九年滿去者不許一驟保奏請移廷舉所言通行警諭從之○辛巳四川壘溪等寨苗首戈八折陝西洮州衛苗僧領占札西寧衛剌麻鎖南兒加等貢馬及方物賜綵幣表裏等物○改遼東都司遼陽稅課司隸山東布政司設廣寧等五衛稅課司置大使各一員設定遼左等二十五衛庫置大使副使各一員俱隸山東布政司從巡撫右副都御史李純奏請也○夜五鼓月犯大微垣右執法星○癸未命平鄉伯陳懷暫掌中軍都督府事以襄城伯李隆有疾故也○襄城伯李隆卒隆直隸和州人永樂四年襄父潘爵累老從迤北征進二十二年充總兵官鎮守山海永平尋奉勅守備南京燕寧中使二

軍都督府事及督操江船提督也。回正統六年召還掌行在中
軍都督府事兼督操圍子手官軍尋充總兵官管三千營軍馬
十年來勅率兵往大同等處巡邊至是卒訃聞賜祭命有司營
葬隆爲人器量弘偉讀書知大義臨事侃侃不苟爲異同制軍
有紀律人莫敢犯譙已下人務循大體尤敬禮縉紳於少保黃
福於酒陳敬宗以師禮事之始終不怠祿賜之外未嘗妄有所
取在南京十八年威行惠施遠近悅服聲譽赫然其召還也泣
相送者屬於路至今人猶思之。○乙酉初唐王造府中使室十
餘間爲鎮平縣知縣所奏左右長史俱坐罪至是王授 皇明
祖訓王子王孫繁盛小院宮室任從起蓋之言請自後修造不
多費者許臣自造庶免煩瀆詔許之。○雲南總兵官黔國公沐
斌等率官軍往騰衝催督夷兵追捕思機發思機發聞之遣其

徒來朝貢 上勅斌等曰蜂蠆有毒古人善喻此賊設計綏師
卿等即遣人諭以禍福許以不死趣其入朝再有延緩亟撲滅
之母貽患將來○四川按察司僉事王琦以老疾乞致仕從之
○復建山東曹州州治壇場倉庫城隍廟儒學以州復置故也
○丙戌哈密忠順王倒瓦答失里遣千戶馬黑麻的等亦力把
力地面頭目革來卜撒亦等遣千戶阿力等貢馬賜綵幣表裏
仍命馬黑麻的等齎勅并綵幣歸賜忠順王及革來卜撒亦等
○大同總兵官武進伯朱冕等奏山西太原等十一衛所操備
官軍告保本都司署都指揮僉事江洪署職十有三年廉謹不
苛善撫士卒欲得實授職事 上曰官職以待有功非功不可
濫授○大寧都司都指揮同知王昇言連官指揮廬耳里鬼等
欲以所領連官連軍操練然彼非我族類雖已內屬野性終存

恐其假以操練為名設置兵器有意外之變實為不便 上從
昇言○寧夏右叅將都指揮同知王榮奏臣守花馬池與武清
水等營三面受敵並無屏蔽寇來侵犯惟馬力是賴而原領官
軍騎少多乞將客商中鹽馬匹與各營安兵領去騎操每營
增騎兵三百庶幾急得用從之○丁亥湖廣左布政使蕭寬回
巡按御史張文副使邢端考辰州府黔陽縣主簿古初老疾送
部縣民相率伏闕言初到任期年清謹有為化服洞瑤委非老
疾乞令還任事下巡按御史等官覆覈果如民言遂復初職寬
等俱罰俸半年○戊子襲封衍聖公孔彥賡貢馬賀 萬壽聖
節賜宴并賜鈔幣等物○命修武伯沈榮管三千營左右十隊
并府軍前衛軍馬操練以平江伯陳豫代榮管神機營右哨○
先是大同操備署後軍都督僉事卜馬麟坐罪當斬宥死復職

罰俸一年麟不以罰俸狀移復府而監察御史何永芳等亦夫
查究麟仍歷俸至是始為該吏舉呈都察院謂麟永芳俱難寔
罪時麟仍操備大同永芳已陞河東陝西鹽運使請俱命巡按
御史逮治之上從其言既而宥麟不問

大明英宗睿皇帝實錄卷之一百六十

正統十二年十一月己丑朔欽天監進正統十三年大統曆

上御奉天殿受之給賜親王文武百官頒行天下○命故中軍
帶俸都督同知錢貴子欽為錦衣衛帶俸指揮使○巡按江西
監察御史芮劉奏贛州瑞金縣六月淫雨縣市水深丈餘倉庫
錢糧俱被漂爛若民溺死者二百餘人并南昌吉安臨江廣信
九江饒州撫州七府屬縣亦被水災人民乏食 上命戶部遣
官覆實賑濟之○庚寅 今上皇帝生 上之長子也○朝鮮
國王李禔遣陪臣成勝等奉表及方物賀 萬壽聖節賜宴并
金織紵絲襲衣靴襪有差○陞大理寺左少卿于謙為兵部右
侍郎先是謙巡撫山西河南以父憂奔喪及是起復至京適革
山西河南巡撫官乃有是命○靈丘王廷烜令教授米祿遂隸

主儀賓祿與校尉劉通范信受張會謝森金幣以其名啟王乞之既而祿忿通信受賄多以狀呈都察院逮治有驗當祿通信贖徒祿除名通信還役會森贖狀上持有會森釋之○監察御史胡拱辰下獄時盜竊山西道贓罰庫金幣拱辰字道事生提督不嚴故也○辛卯賜吏部左侍郎兼翰林院學士曹鼐戶部右侍郎兼學士陳循兵部右侍郎兼侍讀學士苗衷工部右侍郎兼侍講學士高穀等誥命并封贈其祖父毋父毋吳鼐等進秩未久上念其輔導有勞故命賜誥既而鼐獨陳情乞贈前母從之○壬辰重建城隍廟成御製碑文曰朕惟自古國家建立宗廟社稷朝市之位必營城池以爲之固周公相成王作洛築王城于澗瀍之間爲周匪休之地亦所以安輯萬民臨制四方而聳朝會之觀於天下以是知雖文武盛德大功而其久

安長治之圖不能外乎此也我國家自祖宗肇建兩京皆置城池以永萬億年之定命于天蓋與成周之意若出於一朕承天統夙夜惓惓惟以繼述為心邇以京師城垣猶有未盡治者乃命撤其故而新之甃以堅甃於是四周表裏確然完固庶幾天造地設之所成矣夫成之雖由於人而主之必資於神神以主是為其職人必因是崇其號故其神曰城隍蓋古今所同也舊有城隍廟在都城西南隅圍墮甚矣朕念弗稱其所主也城完之日令更造焉中作正堂後為神寢堂之前為正門自堂左右至門翼以周廊如官司之職掌以素名者十二廊東西中持起如堂者二名左右司正堂以祠城隍之神而旁以香其輔相者各以序置門之外為重門東西置鐘鼓樓其後各有舍以張其守護之人蓋總為屋以間計者一百九十其地以丈計者

深七十一廣四十一有奇材出於官之素具工役於力之常供
一無所預於民成不浹旬而功倍於累月孟子所謂不日成之
或庶幾焉又謂以佚道使民雖勞不怨况無所事於使而民得
其完固之安則樂可知而不怨又不足言矣中庸曰致中和天
地位焉萬物育焉萬物之育固本於吾心之中和非有所倚於
外至於善惡是非隱於民有非人所能知蓄害疾疫生於下有
非人所能禦於是始有倚於神之刀焉神能公其善惡是非之
隱而不責恤其蓄害疾疫之主而不倦則焉得其職矣神得其
職則人之利之也雖侈其宮而位列如官府宰治衆庶夫豈為
過也哉自國都以至於天下郡邑莫不各有其祠秩視其土之
吏而春秋則就享祀之示幽明一致也京師城隍又豈非其神
之統歟其秩視亦可以推矣廟既落成乃碑而系之以銘曰大

明立國修垣墉臨制四海古所同保國社稷表無外壯觀山河
那有窮兩京弘建直南北萬年洪業肇祖宗湯池鑿地臨海險
金壁列雉造天雄自此而內為朝市曾司郵笈棲臣工自此而
外為鄣郭閭閻田里居民農誰其主此辨方位爰有神奠坤維
中典常職任既顓壹守護防衡惟嚴恭羣情真偽隱莫究鑿察
是否須明聽人心好惡紛難徇予季淑慝仗正志陰陽表裏實
關係彼此感應宜靈通資神弼我所未逮故茲相方為築宮阜
安民物本朕志宣達麗澤由神躬神之可倚信不奕神之可託
心至公凡民疾疫有待禱期副虔懇瘳痾捍禦蓄惠民康豫
調順兩榜臻稔豐誘彼愚昧趨德善係我家國躋盛隆五兵偃
戢塵弗起四境平治績愈崇惟茲建祠我非過時乃昭神享當
功崇壙巖巖神所附安如磐石永如嵩○迺北元利使臣至宣

府致脫脫不花王及也先之言於揚洪并遣之馬洪以聞 上
勅洪曰人臣無私交但夷虜以禮相敬不可固拒宜量以禮帶
答之虜情雖多虛少實料其意亦不過以歲時人使往還煩爾
館待故耳凡接見之際雖以禮貌相接猶必內加關防動以朝
廷恩威為言務有以陰折其心使無所窺測則善矣時洪在邊
頗為虜所憚故往來輒有託遺意其可啗云○先是罕東衛千
戶阿來盜哈密馬哈密頭目脫火赤率眾報之道過赤斤衛指
揮顯火者殺之盡掠其人畜而還後以顯火者家屬還其子總
失加而質其人畜今索還罕東所盜以贖至是交奏其侵害之
狀 上以勅諭之令各還所掠依舊俗償其死傷且切責哈密
忠順王數其不能載下之罪○大同總兵官武進伯朱冕等奏
脫脫不花王并也先差來朝貢使臣皮兒馬黑麻等各帶馬駝

請如例支給草料從之。○癸巳太保成國公朱勇奏署都指揮同知李貴督操圍于于營年久老練公勦乞實授其職。上命始仍舊俟有功然後授之。○巡撫大同宣府右副都御史羅亨信劾奏總督邊備山西右叅議張維延位原任擅委屬官代理以致邊備戡竟未完軍餉有失適維以進未至京。上命錦衣衛執送都察院鞠之。○山東按察司僉事陳仲華都指揮僉事張英坐勘濟寧左衛屯種地不實都察院請下廷按御史完治從之。○夜四鼓東方有星如盞大青白色尾跡有光起自鬼宿東北行至迦濁。○冬至節遣官祭。長陵。獻陵。景陵。上詣奉光殿。皇太后宮行禮畢出御奉天殿受朝賀大宴文武羣臣及四夷朝使。皇太后。皇后免命婦朝賀。○甲午文武百官朝覲王於奉天門東廊。○乙未安定王碩占幹些兒兀

者等衛野人指揮堯升哥堯河衛女直指揮牙都納剌吉河衛
指揮阿卜可令河衛指揮馬失哈兀者等衛女直頭目亦里荅
肥河衛女直堯八來等來朝貢馬及方物賜綵幣等物有差○
丁酉先是貴州叅將都指揮同知郭瑛以不即奏報賊情為兵
部所劾至是上章伏罪 上宥之○戊戌汝州衛遺衆矮爾丁
把剌亦等來歸先是汝州之衆有散在哈密諸處者及喃哥來
附畫驅其家屬入塞至是隨哈密使臣入朝遂願留自効命還
其妻子分隸東昌平山二衛○己亥 萬壽聖節遣官祭 長
陵 獻陵 景陵 上詣 奉先殿 皇太后宮行禮畢出御
奉天殿受朝賀大宴文武羣臣及四夷朝使○夜月犯昴宿○
庚子山西解州秦氏張拾妻侯氏一產三男境內秋粟一莖二
穗至五穗者民以來獻 上命給賚產子家米鈔賜獻粟者鈔

五號○監察御史蔣誠下獄特旨官賀 萬壽聖節誠於奉天
殿糾儀以趨不及班止于殿外為監察御史韓雍等所劾命刑
部逮治之○辛丑晉府臨泉王美塔母孫氏奏王薨後山西布
政司將歲祿截日住夫又欲追收過祿米鈔貫緣喪事已費用
還官艱難 上命免追○命故木蘭河衛指揮同知察罕帖木
子失答納阿古河衛指揮僉事木良古子亦籠哥葛林衛指揮
僉事著不潭子撒春卜魯兀衛指揮僉事哈蒼子苦女俱襲職
○免山東濟南等四府所屬被災秋糧一萬六千餘石馬草一
萬二千餘束并負欠賑濟倉糧四十一萬有餘鹽鈔五十八萬
有餘○壬寅設益實左衛命益實衛都指揮使木當哈掌衛事
○癸卯命益實衛故指揮同知鎖羅哥克子脫失襲職陞嘔罕
河衛指揮僉事阿里哈為指揮同知○都人王官孫自言其女

有奇相請獻入掖庭 上却之○山東布政司奏登州府所屬
棲霞等縣每食鹽一引納錢二百貫折收大端布八天緣本處
綿花積年少收每遇徵布變易艱難乞但徵錢從之○併雲南
劍川州橋後鹽井鹽課於彌沙鹽井鹽課司管辦從布政使何
楚英奏請也○甲辰瓦剌使臣皮兒馬黑麻等二千四百七十
二人來朝貢馬四千一百七十二招鼠張鼠青鼠皮一萬二千
三百○陞福建布政司右叅政宋彰為左布政使先是布政使
缺員所屬官吏軍民奏彰久佐方面乞陞補之不允至是彰同
都指揮僉事鄧安進表至京私於權貴又託安具疏奏保為吏
科所劾 上特允安請陞之○乙巳勅提督遼東軍務右都御
史王翱總兵官右都督曹義等曰得奏瓦剌平章領人馬於北
山駐劄此必也先所遣欲脅野人女直使之歸已又窺山川道

路險易及我邊境兵備虛實爾宜勅務望謹巡邏練士馬利器
械重揚旗幟夜來烽火仗勇知我有備或彼侵擾邊境女直宜
酌量事情遣烏聲授若來犯邊境則嚴督官軍運謀奮勇殄滅
之○命都指揮使杜忠守備山西偏頭關時都指揮使馬賁卒
兵部會官舉忠代之也○侵險給事中林聰于利科以親喪服
闋也○命童寬山衛故指揮僉事阿卜蘭子阿哈里襲職陞兀
者衛都督同知剌塔烏右都督嘉河衛指揮使捏列克烏都指
揮僉事塔魯木衛指揮同知捏列哥烏指揮使一忽克河衛指
揮僉事把真哥雙城衛指揮僉事三角兀俱烏指揮同知○設
陝西慶陽府寧州驛馬關巡檢司置巡檢一員以其地多盜故
也○丙午禮部奏燕山右衛都指揮僉事崔祥等十人相繼卒
請如例賜祭從之○丁未命故肥河衛指揮僉事亦失蠻子苦

赤哈亦罕河衛指揮僉事荅卜納子塔山哥兀者右衛指揮僉
事土八哈子忽荅俱襲職○迤北韃靼阿兒脫台來歸自言若
也先帳下與平章克來昔出有銜恐見害故來歸因言也先謀
南侵強其主脫脫不花王玉止之曰吾儕服用多資大明彼何
負於汝而忍為此天道不可逆逆之必受其殃也先不聽言王
不為我將自為縱不得其大城池使其田不得耕民不得息多
所剽掠亦足以逞又也先嘗放其所獲夜不收二人歸京師非
美意實欲窺朝廷所為何如 上命阿兒脫台為南京錦衣衛
帶俸所鎮撫給冠帶房舍○庚戌南京府軍等十四衛各奏所
種屯田因亢旱無收該徵子粒三萬六千餘石辦納艱難 上
命戶部覆實除之○辛亥直隸天津右衛所千百戶弟男歲貢
地畝鈔貫詔准納米每畝視民田起科徵米五升三合五勺草

一求亦折五升於本衛上倉○通渭王範暨妃鍾氏卒妃安馬副指揮錫之女正統十年冊封至是卒訃聞上遣中官致祭命有司治喪葬○鎮守延安等處都督僉事王禎奏官軍缺馬兵部請選順天府民間所養馬一千八百餘匹給與從之○壬子陝西按察司奏行太僕少卿鄭崑子堯佐坐事當送官崑占怯不發請究其狀從之○癸丑哈密忠順王倒瓦谷失里遣脫脫卜花及撒馬兒罕使臣捨黑馬黑麻等貢馬六十三駝二十七速來蠻松都魯思玉石二萬斤青鼠皮三萬張賜宴及襲衣執轡○命故羽林前衛指揮使田祥子玉金吾左衛指揮使王輔第佐指揮僉事朵十子者看永清右衛指揮同知蔣誠子忠濟州衛指揮僉事脫歡子保保通州衛指揮僉事高山姪原南京羽林右衛指揮同知徐愷子英羽林左衛指揮僉事盧榮第

華俱襲職全吾後衛指揮同知董進子清代職○戶部奏明年各處戶口食鹽價直宜如減例徵收順天應天府徵米陞慶保安州徵鈔陝西山西四川雲南貴州廣西米鈔並徵俱存留支用北直隸大名等府徵鈔解京南直隸蘇松等府河南山東浙江江西福建廣東湖廣俱徵鈔存留起解相半從之○考即兀衛都指揮哥哈遣指揮撒赤哈奏黑龍江諸部野人欲入朝貢乞以勅付撒赤哈令詣其地招之上曰黑龍江取遼東路甚遠朕不能勞人以事遠夷其自願來朝者固不拒也爾等以朕意告之○甲寅欽天監監正彭德清言欽蒙造鑄銅儀委夏官正劉信考較測驗得北京北極出地度數太陽出時刻與南京不同南京北極出地三十六度北京出地四十度強南京冬至日出辰初初刻入申正四刻夜刻五十九夏至日出寅正四刻

入戌初刻晝刻五十九北京冬至日出辰初一刻入申正二刻夜刻六十二夏至日出寅正二刻入戌初一刻晝刻六十二各有長短差異今宮禁及官府漏箭皆南京舊式不可用上令內官監改造○乙卯命故兀里吳山衛指揮僉事孟的卜子諸路出卜魯兀衛指揮僉事朶羅禿子失伯千俱襲職○嚴私鹽之禁時戶部奏在京各衙門遣官吏人等於長蘆運司關支倉鹽有持批文不投運司照買私鹽裝載各處販賣一二次者又有夾帶私鹽沿途發賣者及中鹽客商支鹽不循舊例每包添私鹽至三四百斤者請令沿途巡檢司批驗所等處務要拘驗鹽批及鹽引數目嚴加盤詰秤掣若有批文違限夾帶私鹽者依律入官官吏人等如例送問仍行巡鹽御史通行嚴禁從之○丙辰陞工部主事李昉為都水司郎中○宴瓦剌使臣皮

兒馬黑麻等二千餘人。○命修南京戶部軍儲倉六十餘間。○湖廣運糧都指揮僉事陳震稱總兵官都督同知武興去已嘗放糧舟於臨清閉時有例禁軍職不得管閉工部主事張溥執例與爭至相毆嘗巡河御史牛宣上其狀都察院請下御史鞠狀事有渙輿以聞從之。○有卒竊一雉於南海子門外命追獲一百卒以貧訴已當別罪不允。○丁巳湖廣岳州府民吳江廣東高要縣民嚴亞福福建邵武縣民王貴各出穀千石有奇賑濟賜勅獎勞復其家。○都督僉事响哥卒响哥因即來子也累官至都指揮同知正統八年父卒襲陞都督僉事率衆內附且是卒弟克羅俄領占嗣後賜姓名羅東忠。○致仕吏部尚書郭連卒直隸新安縣人永樂初任戶部主事能勤職務為卿位倚任。太宗亦知其名未幾陞福建右叅議時年二十四人呼小

方面歷陞工部右侍郎時修武當山宮觀命建董其工事竣轉
吏部左侍郎尚書蹇義鞫部事 宣宗欲建馬尚書大學士楊
士奇以爲吏部尚書非才學俱優者不足以當之乃不果用未
幾建九年秋滿卒陞尚書典選有方正統中言官劾其有私遂
令致仕至是卒年七十七計閭達官諭祭命有司營葬建雖少
廉名然爲人朴實有量行事安靜未嘗有急遽色時稱其忠厚
長者云

明英宗睿皇帝實錄卷之一百六十

大明英宗睿皇帝實錄卷之一百六十一

正統十二年十二月戊午朔命魯府文登郡主儀賓孔希恭明年祿米本色五百石仍撥兗州廣益倉另收新細粟米支用○給賜唐府儀賓張鉉張鳳郭農歲祿本色粟米四百石粳米一百石俱於鄆州南陽等州縣徵納○命羽林前衛故帶俸都指揮金亨何敬子增襲爲大興左衛帶俸指揮同知○工部奏請起補老疾病故匠上命從公廡視若其戶有三丁以上者取壯丁一人補三丁以下者釋之敢有隱蔽客民治罪不宥○廣東儋州河泊所奏本所番民原額船網等業二千二百餘戶後因克軍逃故遺下無徵魚課米八百八十餘石積年負累望甲陪納乞如詔書例開豁庶不貽民患上命戶部議行○己未潞城王請爲其子故鎮國將軍仕所建享堂工部覆奏鎮國將

軍薨止造墳并周圍墻垣靈星門無造享堂例 上從之不允
王請○先是大理寺卿俞士悅等上天下死囚狀 上命巡按
審刑分巡官勘其情罪未明者奏處情輕可疑者杖充邊衛軍
時四川巡按監察御史劉懷接察司副使歐陽沐餘事吾慎以
情罪未明者一人為情輕可疑杖充騰衝衛軍杖發時沐通公
出 上命懷慎罰俸一年沐罰俸半年○大理寺寺丞李奎為
監察御史時巡按蘇州有訟松陵驛丞趙讓者奎問發讓為民
訟者當杖乃坐以笞為讓所訐 上命都察院逮奎鞠問論當
贖杖侵職從之○幹蘭河衛指揮牙失答亦達里河等衛野人
白勒革烏思藏刺麻草犯等貢馬及方物賜宴并誅幣有差○
辛酉夜四鼓東方有星如盞大赤色光明照地起自貫索東北
行亘天市東垣內○壬戌免山西吉州鄉寧等州縣被災杖糧

三萬八千二百餘石草七萬六千餘束。○印綬監言文官闕給
諸勅用軸數多文用不敷詔透減之一品給五軸二品三軸三
品二軸四品五品一軸六品以下勅一軸三考而使與。○今欲
古里罕河地面指揮僉事亦滕哥子劄只哈忽石門衛指揮同
知教化子鎖里哈俱襲職陞幹蘭河衛指揮僉事牙失答忽石
門衛指揮僉事鎖奴俱為指揮同知。○甲子直隸高郵州奏饑
民九千五百餘口給借官糧賑濟候秋成加耗償官內孤寡老
疾九十七口免償從之。○襲封衍聖公孔彥階言近者族人孔
禧犯在憲司罪至大辟臣之不能象賢先人夫正宗族無所逃
罪且禧父希誼素辛養方同惡相濟欲使其父子生不入廟死
不入林者為定例以警後未又三氏學所教子弟多縱肆自如
怠於學業至於族屬數多行輩不一中有不循禮法者欲加懲

治往往相抗無所嚴憚禮部覆奏孔禱父子事待論報別議行
遣三氏學宜令授調學校僉事巡視提督其族人有不律者初
犯令於廟庭免冠悔過會衆以聲其罪再犯不悛者聽以家法
治之 上從其議○乙丑臘日賜文武群臣宴○四川長寧安
撫司土官安撫刺麻兒遣其子游竹來朝貢蠻口鎧甲及馬先
是官軍捕董敬長寧諸寨驚疑攻圍城堡指揮僉事龐璵與戰
敗之至是始未謝罪 上命賜宴并綵幣○元剌使臣皮兒馬
黑麻績獻馬二百匹駝七隻賜宴并綵幣○命故中都留守司
正留守蕭讓孫珍為散騎舍人讓錦衣衛指揮僉事故之子初
為散騎舍人累陞正留守卒至是珍告乞承襲兵部以聞故有
是命○丙寅陞通政司右通政呂美正為左通政仍舊滑黃以
九年任滿故也○陞哈審衛都督僉事脫脫不花為都督同知

都指揮使陝西丁爲都督僉事指揮僉事夫黑麻哈麻爲指揮
同知故指揮使革來子亦不利金指揮同知阿都剌火只子馬
贊納隣河衛故指揮僉事薛隆哥子阿哈答俱襲職○丁卯毛
憐衛指揮色仲哥屯河衛女直指揮打隆加益實衛野人罕失
建州衛女直指揮文殊奴等來朝貢方物賙綵帶等物○命故
木里吉衛指揮僉事阿黑令子歹速察剌克山衛指揮僉事撒
桑哈子老李兀里河衛指揮僉事紀住哈子夫失哈亦罕河衛
指揮僉事忒忽里子亦令哈俱襲職○巡按山東監察御史文
濡奏山東濟寧等州縣水旱相繼田畝無收起運京倉糧乞爲
寬貸 上命戶部議其便○戊辰山西汾州秦州治改爲慶成
王府暫就稅課局理事然局房止六間諸遺徒左右居民展其
地爲州治又言歲收糧十餘萬皆借貯廟宇中請以儒學射圃

傍隙地爲倉俱從之。○戶部奏總督宣府等處糧儲戶部右侍郎劉璉移文言召商納淮浙鹽糧浙鹽絕無納者緣浙鹽與淮鹽納米則例同而發賣價直不同請將浙鹽減輕二斗每引米豆相兼納八斗從之。○守備松浦北定等關堡都指揮僉事徐貴嘗盜官鈔一百六萬餘貫事覺法司論在赦前當贖杖調緣邊都司。上曰貴見守邊城不必調。○夜二鼓月犯五車東南星。○己巳陞翰林院編修江淵爲本院侍讀以九年考最也。○陝西右布政使王暹丁母憂去任驥守陝西與妾侯徐亨乞運練達老成補缺吏部因詰起復還駝驛赴任從之。○安定王領占幹兒奏舊有勝額兒葛八處田土白額兒等處七戶家人爲達民侵占又言部屬不遵約束四出爲非乞爲處治。上命總兵官任禮等遣人齎劄詣安定索所侵占還之且責其頭目

勤心佐理如所部有桀驁不馴者會送總兵官庭治○庚午遷
東都指揮僉事李弼坐因公杖死所部千戶雷贖徒調錄達都
司 上曰弼見守邊堡勿調○辛未命通政司左通政呂爰正
理本司事以清黃事竣故也○壬申免直隸池州府貴池等縣
去年被災杖糧米豆一萬一千餘石馬草一萬六千五百餘包
○命董卜韓胡頭目遠舟藏卜為別思寨安撫司安撫仍隸四
川都司先是安撫統峪以罪廢遠舟藏卜署司事至是僉都御
史寇深等奏其為苗人信服宜任安撫故有是命○癸酉大同
左叅將石亨奏請修理大同城以原調山西河南官軍及各衛
軍餘助工屯軍及時下屯耕種辦納子粒從之○甲戌命故雙
城衛指揮同知嘔克子荅古你者帖列山衛指揮僉事奴塔子
散里真荅并加于阿兀山俱襲職陞右城衛指揮同知沙隆加

塔山衛指揮同知永的俱為指揮使。○禁江西饒州府私造黃紫紅綠青藍白地青花等瓷器命都察院榜諭其處有敢仍冒前禁者首犯凌遲處死籍其家貨丁男充軍違衛知而不以告者連坐。○修青龍橋減水閘。○乙亥命故燕山左衛指揮使司通子賁燕山前衛指揮使邵能子瑛通州衛指揮僉事陳旺子忠金吾右衛指揮僉事李端子能金吾左衛指揮僉事張瑞兒全俱襲職。○命故兀者衛指揮同知乃剌忽子狄剌哈可帖木兒子剌卜答朵兒必河衛指揮同知完者不花子教化俱襲職。○兀者衛指揮同知脫因帖木兒為指揮使。○初戶部奏官員軍民俱得輸米求平運化山海倉中鹽通政使李錫令家人輸米一千二百餘石當與鹽二千五百引已而刑部奏官四品以上子弟家人不得中鹽。○詔小民利錫囑戶部尚書王佐等促

移夫文佐等奏鑄違例欲沒其鹽於官鑄家人以戶部聽輸狀
訴法司勅佐等妄奏及鑄例使不白官 上命俱宥之仍聽鑄
夫鹽○修築陝西臨洮衛城池○丙子朶顏衛達子塔挨馬為
也先所逼挈其妻子七人來歸命為錦衣衛帶俸百戶給冠帶
考厘等物○設雲南臨安府通海縣陰陽學置訓衛一員○丁
丑命嚴四川陝西私茶之禁有指補納官茶為名而夾帶私茶
者執送所在法司究治仍問經過關津官吏之罪○戊寅朝鮮
國王李裊遣陪臣金眺來表貢馬及方物賀明年正旦賜宴并
紵絲絮衣綵幣○命故陝西都指揮僉事徐源子謹襲為指揮
使○己卯有雲南按察司僉事李瓊等罪瓊近以進表辭回未
抵任復以朝覲至京禮科給事中章瑾劾瓊欺罔及其同官偷
妄之罪請究之事下都察院右都御史陳益等具言本司官少

之故遂宥之○庚辰立春順天府官進春 上御奉天殿受之
文武百官行慶賀禮賜宴○命故武定侯郭瑄子聰為指揮僉
事錦衣衛帶俸先是瑄伯母永嘉大長公主欲令其孫珍奪襲
瑄侯爵與聰互奏下英國公張輔等覆奏言聰珍皆前武定侯
英曾孫聰祖銘嫡次珍祖振庶長聰於例當襲爵 上不從止
授聰指揮僉事○陞瓦剌正使都指揮同知皮兒馬黑麻為都
指揮使都指揮僉事哈只阿力馬都指揮同知副使指揮僉事
完者帖木兒為指揮同知殺猛可為指揮僉事俱賜冠帶襲衣
○復置貴州鎮遠府統課司共裁辦課鈔以本府帶管增其額
至一萬一千餘貫○辛巳遣中官祭司竈之神○擢進士黃錫
項璉朱英嚴振張翰胡端曹得監生錢清張凱為監察御史俱
以理刑半年本院考其明習法律故也○陞瓦剌使臣指揮僉

事哈失帖木兒等三人為指揮同知正千戶沙班等三人為指揮
僉事副千戶答因台等四人為正千戶授不達兒蠻為正千
戶幹脫赤等十五人為副千戶給冠帶以及兒馬黑麻等為其
求陞授官職故也○添除山西蔚州同知一員專理柴溝堡倉
糧料○免山東信陽場鹽課司虧折鹽課三萬七千餘引○吏
部聽選官王信奏紹興府有東小江南通諸暨縣七十二湖西
通杭州府錢塘江近為錢塘江湖湧塞江與田平舟不能行久
雨水溢鄰田輒受其害乞登蕭山山陰二縣丁夫於農隙時疏
濬從之○壬午命故建州衛指揮僉事木長哈子沙魯哈哥吉
河衛指揮僉事法莽加子果兒戈俱襲職陸指揮僉事木哈為
指揮同知正千戶統帖為指揮僉事○山東新鎮等場鹽課司
各奏本司竄戶逃故數多遺下鹽課二萬二千餘引事下戶部

覆奏鹽課暫且停徵逃戶行山東撫民官設法招撫存恤從之
○湖廣按察司奏都指揮僉事胡海以百戶凌瑛巡捕貪利歐
之致死妄奏瑛自縊 上命鞠其罪當贖徙還職從之○除豁
廣西思恩軍民府民人韋旺瑞等牛租四十餘石以其所領沒
官牛倒死故也○四夷館教譯書達官都指揮兀剌歹卒賜祭
命有司給棺○癸未夜五鼓西方有星如盞大赤黃色光明照
地起自中台南行至太微西垣內尾跡炸散後有三小星隨之
○甲申免四川瀘州重慶等衛所旗軍去年旱災屯種子粒九
萬三千餘石○甘肅總兵官寧遠伯任禮等奏比得哈審使臣
報兀剌也先所部把把來王率衆二千屯伯塔山猛哥不花子
與頭目滿剌平章乘其出率衆襲之悉俘其人畜 上曰也先
既失志必欲報復其令甘寧延綏總兵鎮守官嚴飭兵備○撤

馬兒罕使臣脫脫不花等以正旦節獻玉石金黃頸帶紅撒哈
刺鎖刀等物○貴州署都指揮同知常智生因公索賂使罪贖
還職調綠邊都司○乙酉哈密忠順王遣指揮阿卜都剌并雲
南孟養頭目刀庫孟等貢金銀器皿土錦象馬方物賄宴并珠
幣有差○陝西按察司副使張楷在邊督理糧餉鎮守中官薦
其博通儒書無晚武畧乞量陞大任以盡其才 上命召試之
○命指揮馬政賀玉王喜吳良馬正副使使瓦剌 上以馬雲
等連歲遣使改改命玉等其一行人從嘗使瓦剌者盡易置之
○丁亥歲暮享 太廟○以明日正旦遣官祭 長陵 獻陵
景陵○遣太常寺官祭五祀之神○遣旗手衛官祭旗纛之
神○是歲天下戶口戶九百四十九萬六千二百六十五口五
千三百九十四萬九千七百八十七口田地四百二十四萬八千

七百五頃三十七畝田賦米麥二千六百一十九萬七千二百三十八石絲六萬四千五百二十斤綿一十八萬五千三十五斤絹一十八萬八千八百一十三萬八百一十四匹綿花一十七萬三千二百五十二斤折色鈔二十萬二千三百七十九錠有奇雜課鈔九百九十七萬七千五百六十九錠有奇米麥八萬一千一百九石鐵七萬四千五百八十三斤布一千八十七匹鹽課鹽一百九十五萬五百一十一引折色鈔一千九百三十六萬一千三百四十四錠有奇米五十一萬七百三十七石布七百八十六匹茶課茶五十五萬三千七百五十一斤折色鈔一十八萬九千四百七十四貫屯田子粒二百七十六萬五千三百三十六石有奇採納銀四萬五千二百一十二兩水銀二百四十七斤硃砂一百七斤十一兩漕運京師米豆四百

三十萬石各處運納糧九十五萬八百九十石減免天下官田
等項稅糧計米麥二十二萬九千九百九十石有奇

大明英宗睿皇帝實錄卷之一百六十一終